

კვირის პალიტრა

# ფსა

N6(35) . 8/II. - 14/II.2001 .  
ფასი 60 თ.

## კუბინი როგორ მამა მგავს, ამაში მამაჩემის „ხელი“ ურევია...

კახპელი ვანო შერმაღინი

1168  
2001


მთავარი თემა:

# მელაქობა



**ახლა რომელიმე ოპოზიციური  
პარტიის წარმომადგენელს  
რომ გავიგო,  
შეიძლება, ორი-სამი დღე  
ვერ ვიყო გუნებაზე...**

**33.4**



**მინიატურები**

„ძალა აღმართს ხნავსო...“ 3

**პროსონა**

„ლეიბორისტული გაგაფსული“  
რამდენიმე თვე გრძელდებოდა 4

**საზოგადოება**

პროკურატურა იჭერს, სასამართლო  
შეშვებს... ანუ საოლქო სასამართლო  
განარკურატურას „აბითურებს“? 7

**სასარგებლო აზრები**

აფორიზმების ენციკლოპედია 8

**პრობლემა**

საქართველოს დამხარებელი  
განვითარების შანსი ეძლევა 9

**შთაბარი თემა**

- რა არის ძალაობა? 11
- ვინ და რით გვაშინებს ქუჩაში 12
- ქმარი ჩემი - მტერი ჩემი?! 14
- ჩვენი გავშვობის გლავრები და  
ღვებანდელი სინამდვილე 17
- გავშვები და სექსუალური აზრსია 19

**შეჩვენებული ნაბი**

„...ჩემ გვერდით პოეზიის  
გვირგვინი - ბალატიონი გის!“ 20

**პირველი სიყვარული**

„სიყვარულზე საუბარს პარტიის  
ყრილობაზე საუბარი მირჩვენია!“ 21

**აფაშიანი**

პუტინის ქართველი ორეული  
თუ ძმა? 22

**ტესტი**

ერთგული მკითხველი 23

**კრიტიკალი**

77 წლის კანკა თავის ძმას  
შვილი მოუკლა 24

**ანტიდაკრისანტი**

ინფორმაციულ-შემეცნებითი  
კოლაჟი გოჩა ღვალის  
უბის წიგნაკიდან 26

**ნაფიქციო ანბანი**

„გოგო მიღის მოხვეულები...“ 26

**გაგები და შვილები**

„ჩემს შვილებს მებრძობად  
უწმინკლო გაგაუა ჰყავთ...“ 28

**შეამონათ თქვენი სოფლა**

ტესტი ერუდისიაზე 29


**კავთულები**

მისოს მონოლოგი-5 30

**ფსიქოლოგიური თემა**

როგორ იმასსოვრებით რისხვებს? 31

**საქართველოს დამხარებელი  
განვითარების შანსი ეძლევა**



თუ „ზოგი ჭირი მარგებელიას“  
პრინციპით ვიხელმძღვანელებთ,  
საქართველოს საუცხოო შანსი  
ეძლევა და მხოლოდ მონდომება  
და ხელისუფლების ნებაა საჭირო,  
რომ ეს შანსი ჯეროვნად გამოვი-  
ყენოთ.

9

**ნიუ-იორკში ვარ - აგაზა  
შორს სდღა უნდა წაბიდე?!**

მე უნდა ამომეყო თავი და  
დამეძახა: - „თქვენთვის აღარ“!  
სამჯერ მქონდა ეს რეპლიკა,  
მესამედ რომ ამოვყავი თავი,  
პარტერიდან ვიღაცამ დამიძახა...



42

**სიყვარულზე საუბარს პარტიის  
ყრილობაზე საუბარი მირჩვენია!**



მეგობართან ერთად მივსვირ-  
ნობდი ქუჩაში. ამ დროს, ქუჩის  
ბოლოდან ჩვენკენ მომავალი გოგ-  
ონა დავინახე და სუნთქვა შეშეკრა.  
რადაცით ძალიან გახარებული  
იყო. გამოვვლამარაკე: გოგონა, რა  
ვიხარიათ-მეთქი? მიპასუხა -  
დღეს საბჭოთა პასპორტი ავიღე!..

21

**ვინ და რით გვაშინებს ქუჩაში**

ამ უბანში ყველას ვიცნობ და  
ყველა მცნობს. სირცხვილი არ არის,  
სიგარეტზე ვერ გავხედო წასვლა-  
მეთქი?! ჯიხურში სიგარეტი ვიყიდე  
და შინისკენ წამოვედი. ბნელოდა.  
ერთ ადგილას ახალგაზრდა კაცი  
გადამიდგა - ბიძაჩემო, სიგარეტი  
მომაწვენიეო.



12

საქართველოს  
ქრონიკული  
გიგლიტიკა

<b>სამყარო</b>	
დროზე გაბარჯვების სიბოლო	32
<b>წმინდანები</b>	
ალავსო გღვა და ხმელეთი ქველის საქმეან ღვთისმამან	34
<b>ისტორიის გაკვეთილი</b>	
1920 წლის რუსეთ-საქართველოს ომი	36
<b>ზღაპარი</b>	
ბროლის ჯაღონური პლანეტა	39
<b>მსახიობი</b>	
„ნიუ-იორკში ვარ – ამაზე შორს სადღა უნდა წავიდე?“	42
<b>ბედი კახისა</b>	
„რა უღარღელად იმღერიან ჩემი ტოლები...“	44
<b>ჩრევები</b>	
ბრძენკაცის ღარიბებები	45
<b>გიჟნაღი</b>	
ჭიანჭურის მარბანენი, ავერელ კარიმანი და ნიუ-იორკში მოგებული ღვა	46
<b>ესკიზები</b>	
ერთი „გაღაუგვარებელი ქართველი“	48
<b>ნოქლა</b>	
ღაჩი ბრეკლიშვილი. ანბარიშწორება	50
<b>ავტო</b>	52
<b>ვარსკვლავი</b>	
ბოლდი ჰოუნი: „საუკეთესო შურისძიება ის არის, ბედნიერებას რომ მოიპოვებ...“	54
<b>გომონდი</b>	56
<b>აღაშიანი-ღებუნდა</b>	
ქალი, რომელმაც მონსტრი შვა	57
<b>სივილიზაცია</b>	
არისტოტელე იყო მართალი თუ პლატონი	60
<b>სქანოვანი</b>	61
<b>პროსკოვი</b>	
კვირის (12-18 თებერვლის) ასტროლოგიური პროგნოზი	62
<b>ტანტი</b>	
როგორი უსიქლოვნი ხართ?	63
<b>კალაიდოსკოპი</b>	
ჭრელ-ჭრელი ამბები	64


საზოგადოებრივ-პოლიტიკური ჟურნალი „გზა“ გადამოსტრავიშვილი შურისძიებას ბაზმით კვირის პალიტრის“ დაგატება

ჟურნალი ხელმძღვანელობს თავისუფალი პრესის პრინციპებით. რედაქციის აზრი შესაძლოა არ ემთხვეოდეს მასალის ავტორის აზრს.

მთავარი რედაქტორი: ზურაბ აბაშიძე  
რედაქტორი: გონა ტყეშელაშვილი

მისამართი: თბილისი, აკურის ქ. №8 ტელ: 33-50-32  
ჟურნალი იბეჭდება გამომცემლობა „კოლორში“

## 8 თებერვლი წმინდა ღვთისმამის (სტავოპოლის) ხსენების დღე



წმინდა ღვთისმამა აღმაშენებელმა საკუთარ საქვალედ გელათის მონასტერი იხება. ანდერძისავე მიხედვით, ღვთისმამის უსურვებია, ყოველ მოკვდავს უფრო დაეხიზებინა მის საულაგზე... საულაგის ქვაზე ამოკვეთილია მეფის უკანასკნელი სურვილი.

34

## საუკეთესო შურისძიება ბედნიერების მოპოვება

გოლდის რიგრიგობით უჩვენებდნენ ბარათებს, რომელზეც გარკვეული ფრაზები იყო დაწერილი, მათ შორის „უხერხულიც“. ამ დროს მას იმდენად რადიკალურად ეცვლებოდა სხის გამომეტყველება, რომ სიცილს ვერავინ იკავებდა.



54

## 77 წლის განგა თავის ქმარზე უფრო მოუკლა



მთმინებიდან გამოსულმა ავთანდილ მაისურაძემ ფანჯრის მინების მგვრევა დაიწყო. სწორედ ამ დროს ბიძამისმა სახლში შენახული იარაღი აიღო.

24

## ახვარშიშსწორებს

– რას მომხერებისარ დასაკლავთ ხბოსავით?... ერთხელ სომ გითხარი, თავი დამანებე-მეთქი. დამპირდი კიდევ... მომხიბლავი და შავთვალემა, შილიფად ჩაცმული ქალი დამდურებით შესქეროდა კართან ატუმულ ახალგამრდა კაცს.



50

# „ძალა აღმართის ხნავსო...“



ჩვენი ჟურნალის დღევანდელი ნომრის მთავარი თემა ძალა-ლობა და მეც ამის შესახებ მინდა ვესაუბრო მკითხველს (ვისაც ეს თემა არ აინტერესებს, თავს ძალა დაატანოს და ძალით წაიკითხოს!).

ერთი რამ დასაწყისშივე უნდა გითხრათ – სულაც არ ვეთანხმები ჩვენი ჟურნალის პათოსს და ცუდს ვერაფერს ვხედავ ძალადობაში! პირიქით – დაძალებით ბევრი კარგი საქმე გაკეთებულა და კვლავაც გაკეთდება: რამდენი ოჯახი შექმნილა (ივანე კოტორაშვილის კლასიკად ქცეული ამბავი გავისწინოთ), რამდენი კარგი სადღეგრძელო დალეულა (კისერში ჩასხმის მუქარით), რამდენ ბავშვს რამდენი გაკვეთილი უსწავლია, რამდენი პრეზიდენტი და პარლამენტის რამდენი წევრი „არჩეულა“... მოკლედ, კაცი ვერ დათვლის, კაცობრიობის ისტორიის მანძილზე რამდენი სიკეთე დათესა ძალადობის სხვადასხვა ფორმამ.

ცხადია, ისევე, როგორც ბევრ სხვა სიკეთეს, ძალადობასაც უძალიანდებიან ზოლმე ადამიანები, რადგან არ ესმით, რომ „მოძალადე“ მისთვის სიკეთე უნდა, მაგრამ ეს ყოველთვის ასეა – წამალი მწარეა, მაგრამ სასარგებლო! – გავისწინოთ ქართული ხალხური ზღაპრის მოტივებზე შექმნილი მულტიპლიკაციური ფილმი – „კომბლე“: კომბლე რომ ბატონს „მკურნალობს“ და თან დასძახის: „გარეო, ბატონო, წამალმა?!“

ახლა არ დამიწყონ „ძალად დემოკრატიებმა“ და „ძალად პატრიოტიებმა“: რას ამბობ და როგორ გეკადრებაო...

რას ვამბობ და – რასაც ვფიქრობ. კი არავინ მაძალებს!

დღევანდელ საქართველოში ძალიან მოღაშია ყველაფერი დასავლურის, „პროგრესულის“ ბრძაღად მოღვაწეობა – ახლახან „ოჯახური ძალადობის წინააღმდეგ მებრძოლი ასოციაცია“ თუ რაღაც ამგვარი შექმნეს ვიღაც მატრაკეცებმა, ამერიკელთა მიზაძებით! ერთი მითხარით, თუ ვინმემ იცით: რას ნიშნავს ოჯახური ძალადობა?! როგორც გავიგე, საქმე ასე ყოფილა: ვთქვათ, მივედი შინ მივრალი, რადგან მეგობრებმა ღვინო დამამალეს. თურმე ჩემს ცოლს უფლება აქვს, სასამართლოში მიჩვილოს მისთვის მყუდროების დარღვევისათვის. ანდა, შეილება თუ გაუწუწვერი და „რბილ ადგილას“ შემოვუტყაპუნე ჭკუის სასწავლებლად – შეიძლება ციხეში ჩამსვან. სიღვდრის გინებისთვის ხომ – ალბათ დახვრეტას ან ელექტროსკამზე დასმას მოითხოვენ „ოჯახური ძალადობის მოწინააღმდეგეები...“

ასეთ წამოწყებებს სხვა სამშრომლებაც ახლავს თან: ცნობილია, რომ მაგალითი გადამდება, განსაკუთრებით – ცუდი მაგალითი. ჰოდა, ამ „ოჯახური ტირანებისაგან“ დამცველთა მიზაძებით სხვებმა რომ „სხვა რამეებისგან“ დამცველი საზოგადოებები თუ ასოციაციები დააარსონ, მერე რას ვაპირებთ?!

ძალიან ცდებით, თუ გგონიათ, რომ ეს სერიოზული პრობლემა არ არის. მეტსაც გეტყვით – ვისთვისაც მართლა ძვირფასია ადამიანის უფლებები და პირადი თავისუფლება, მან სასწრაფოდ უნდა აღიმადლოს ხმა და ძირშივე აღკვეთოს ეს მეტიჩრული „წამოწყება“, თორემ მალე გაჩნდება ჩვენს სინამდვილეში: „სამსახურში ძალადობის წინააღმდეგ მებრძოლთა ასოციაცია“, „მეზობლების

ძალადობის წინააღმდეგ მებრძოლთა კავშირი“, „საზოგადოებრივ ტრანსპორტში ძალადობის წინააღმდეგ მებრძოლთა გაერთიანება“, „სავაჭრო დაწესებულებებში ძალადობის წინააღმდეგ მებრძოლთა საზოგადოება“ და ა.შ. შედეგი ასეთი იქნება: დილას ადგები, ისაუბრებ (შენ თვითონ, ცოლს არ შეაწუხებ, თორემ გირივლებს) და სამსახურში წახვალ. თუ ავტობუსით, მეტროთი ან „მარშრუტით“ გიხდება მგზავრობა, ტრანსპორტში ჩუმად უნდა „აიძურწო“, თუ ვინმემ ფეხი დაგადა – მაღლობა უნდა მოუხადო, ჩამოსვლისას ყველა მგზავრს ხელი უნდა ჩამოართვა, მძღოლს კი შუბლზე უნდა აკოცო – თუ ასე არ მოიქცევი, „ტრანსპორტში მოძალადის“ სახელი დაგერქმევა და შესაბამისი „ანტიმოძალადეები“ გირივლებენ!..

სამსახურში მისულმა, ყველას უნდა უცინო – უფროსსაც და უმცროსსაც. თუ ხელქვეითი ვერ შეასრულებს მიცემულ დავალებას, უნდა უბრძანო, რომ არ ინერვიულოს, თუ უფროსი უსამართლოდ გისაყვედურებს – მაღლობა უნდა უთხრა.

შინ დაბრუნებული (ტრანსპორტში უკანა გზაზეც ისევე უნდა მოიქცე, როგორც იქითობისას), ფეხის წვერებზე უნდა შეიპარო სახლში, ცოლშვილს მაგიდა გაუშალო, შემდეგ, დილით ჩამბალი სარეცხი უნდა გარეცხო და ბავშვების გაკვეთილებს ჩაუჯდევ, სანამ ისინი ტელევიზორს უყურებენ. როდესაც ბავშვები დაიძინებენ, აბაზანაში შესულ სიღვდრს ზურგი უნდა გაუხეხო და ხელში აყვანილი მიიყვანო „გრელკით“ წინასწარ გამთბარ ლოგინში...  
თუ ზემოთ მოყვანილ „რეკომენდაციებს“ არ გავითვალისწინებთ ყველანი, თავი მოგვეჭრება საერთაშორისო მასშტაბით და ისეთივე „აზიატები“, „ველურები“ და „მოძალადეები“ დავრჩებით, როგორებიც აქამდე ვიყავით.

P.S. ხუმრობა იქით იყოს და, ერთი ორგანიზაციის ჩამოყალიბებას მეც ვაპირებ: „ძალადობის წინააღმდეგ მებრძოლთა წინააღმდეგ მებრძოლი გაერთიანება“! ყველას მოვიწოდებთ ამ გაერთიანების წევრობისაკენ – საწევრო გადასახადი არ იქნება, მხოლოდ რამდენიმე პირობას უნდა აკმაყოფილებდეთ: ყოველდღე უნდა სცემდეთ ცოლს; თქვენი მისვლისთანავე შეშინებული ბავშვები საწოლის ქვეშ უნდა იმალებოდნენ; სამსახურიდან მინიმუმ სამჯერ უნდა იყით გამოვლებული: უხეშობისთვის, უზრდველობისა და თანამდებობისთვის შეუფერებლობისათვის; მეზობლები ვერ უნდა გიტანდნენ; ტრანსპორტში სივარეტს უნდა ეწყოდეთ და შენიშვნის მიცემისას მგზავრებსა და მძღოლს ავინებდეთ; სიღვდრი თქვენი ხელით უნდა გყავდეთ ჩამხრჩვალი აბაზანაში და ა.შ.

თუ ამ პირობებს აკმაყოფილებთ, ჩვენი გაერთიანების წევრობაც გარანტირებული გაქვთ. მხოლოდ ასე მოვახერხებთ ჩვენი თვითმყოფადობის შენარჩუნებას!

**პროპოკატორი**



**ლეიბორისტული (შრომის) პარტიის ლიდერთან, ბატონ შალვა ნათელაშვილთან სახლში დაფრევამ, მაგრამ მითხრეს, აქ აღარ ცხოვრობსო. ახალი მისამართი კი ვერ დამიზუსტეს და ვერც ტელეფონის ნომერი მომიცეს. მისი პარტიის ოფისთან შემთხვევით მოვხვდი. ვიფიქრე — შევირბენ, იმას მაინც შევიტყობ, ბიზნესს ხომ არ მოჰკიდა ხელი და ახალი სახლი ხომ არ შეიძინა-მეთქი...**

**ბატონი შალვა ადგილზე დამხვდა. მხნედ გამოიყურებოდა. ჩემთვის საინტერესო კითხვის პირდაპირ დასმას მოვერიდე და ინტერვიუ ვთხოვე. უმაღლეს დამთანხმდა, თუმცა წინასწარ გავაფრთხილე — პირადად თქვენ და თქვენი ორგანიზაციის დღევანდელი მდგომარეობა უფრო მაინტერესებს, ამიტომაც იქნებ, შეძლებისდაგვარად, პარტიულ ლოზუნგებს თავი ავარიდოთ-მეთქი...**



# „ლეიბორისტული გაზაფხული“ რამდენიმე თვე გრძელდებოდა

— ბატონო შალვა, რა მდგომარეობაა დღეს ლეიბორისტულ პარტიაში?

— ლეიბორისტული (შრომის) პარტიის რეიტინგი, მისი პარლამენტში „არშემვების“ შემდეგ, კიდევ უფრო გაიზარდა. ასეთი რამ მსოფლიოში არც ერთ პარტიას არ შემთხვევია. ჩვენდამი ხალხის ნდობა უფრო ამაღლდა, პარტიული სტრუქტურა უფრო დაიხვეწა, იდეოლოგია კი უფრო დამუშავდა.

— რეიტინგის გაზრდას და ნდობის ამაღლებას როგორ იგებთ?

— ჩვენი პარტიის სოციოლოგიური ჯგუფის საშუალებით, ყოველდღიურად ვაწარმოებთ გამოკითხვებს, რომლებსაც კვირის ბოლოს ვაჯამებთ. ეს სატელეფონო და ანკეტური გამოკითხვებია, თუმცა სატელეფონო გამოკითხვებს უფრო ხშირად ვატარებთ, რომლის დროსაც მოსახლეობას ვუკავშირდებით და ვკითხვებით — თუ რომელ პარტიას ანიჭებენ უპირატესობას და რომელი პოლიტიკოსი იმსახურებს მათში მეტ ნდობას.

— ყოველდღიურად რამდენ ოჯახთან გაქვთ ასეთი კავშირი?

— კვირაში 150 რესპონდენტი გვყავს. ეს საკითხი კონტროლზე ავიყვანეთ, რადგან ეს არის ჩვენი საქმიანობის საზომი: თუ რაღაც ვერ არის რეიტინგის მიხედვით კარგად, ე.ი. სტრატეგიაშიც ვერ გვაქვს საქმე წარმატებულად — რაღაც გვეშლება ან ცოტა გავპასიურდით... ამ გამოკითხვებს შემთხვევითი შერჩევის წესით, ძირითადად თბილისში ვაწარმოებთ, რადგან, დღესდღეობით მთელი საქართველო, შეიძლება ითქვას, დელაქალაქშია თავმოყრილი.

— რესპონდენტები ხალხით მოდიან კონტაქტზე?

— საშუალოდ, გამოკითხულთა 40% აცხადებს — ეშმაკმა წაიღოს ყველა პარტია, არანაირ არჩევნებში მონაწილეობას არ მივიღებთო, მაგრამ დანარჩენი 60% აქტიურია.

— თქვენი პარტიის სახელწოდებაში სიტყვა „შრომის“ ფიგურირებს: სამუშაო ადგილების რაოდენობა არ მატულობს და თქვენი რეიტინგი როგორ იზრდება?

— მივიხვდით, რისი თქმაც ვინდათ. მოსახლეობამ იცის, რომ თუ ლეიბორისტული პარტია ხელისუფლების სათავეში იქნება, სამუშაო ადგილებიც გაჩნდება და

გადაუღებელი სამედიცინო დახმარებაც. საშუალო განათლებაც ბიუჯეტიდან დაფინანსდება და საბავშვო ბაღებიც. აუცილებლად აშუშავდება ეკონომიკა და ენერგეტიკაც აღარ იქნება ამდენი წურბელის ხელში. ამიტომაც მიღის ზევით ჩვენი რეიტინგი.

— ოროდღე დღის წინ ძველი გაზეთები, კერძოდ 1998 წლის დეკემბრის პრესის ფურცლები ჩამივიარდა ხელში. ერთ-ერთ პუბლიკაციაში თქვენ აცხადებდით: ადგილობრივ არჩევნებში გაფიშარჯვით და ახლა სასწრაფო დახმარებაც უფასო გექნებათ და ბიუჯეტიც — საფსო... რა მოხდა, რატომ ვერ შეასრულეთ დანაპირები?

— მე გეტყვით, რომ ადგილობრივი არჩევნების შემდეგ „ლეიბორისტული გაზაფხული“ რამდენიმე თვე გრძელდებოდა. ამ გაზაფხულს, თუ გნებავთ, „სამართლიანობის გაზაფხული“ ღაარქვით. იმ პერიოდში შემოვიღეთ უფასო სასწრაფო დახმარება და უფასო საშუალო განათლება, რაზეც ბიუჯეტში თანხები ჩაიღო. საბავშვო ბაღების ათასობით პედაგოგი აღვადგინეთ სამსახურში, თბილისის საკრებულოს გადაწყვეტილებით და მრავალშვილიან დედებს ფულადი წახალისებები დაუწინაშეთ. ამ ყველაფრით გაბოროტებულმა და დაბრმავებულმა „პოზიციამ“ და ეგრეთ წოდებულმა ოპოზიციამ ალიანსი შეკრეს და არ შეგვიშვეს პარლამენტში, რის გამოც, აქტიური საქმიანობის საშუალება შეგვეზღუდა.

— თქვენი საქმიანობის შეზღუდვას თავადვე ხომ არ შეუნწყვეთ ხელი? ვგულისხმობ ლეიბორისტული ფრაქციების დაშლას თბილისსა და სხვა ქალაქების საკრებულოებში?

— მოვესწინებთ, თბილისის საკრებულოში ოპოზიციური პარტიების ხმათა ერთობლიობა სჭარბობდა მოქალაქეთა კავშირის ხმათა რაოდენობას. ჩვენ, ლეიბორისტებს გვქონდა 12 ხმა — 55-იდან, მოქალაქეთა კავშირს — 20, უნდა მომხდარიყო ოპოზიციონერთა კონსოლიდაცია, მაგრამ ჩვენმა ხელისუფლებამ მშვენივრად აითვისა ნგრევის ხელოვნება. ოპოზიცია, ფაქტობრივად, დაანგრია. მინდა გავახსენოთ 1998 წლის 16 თებერვალი. მაშინ ბატონი ელუარდ შევარდნაძე იაპონიაში მიემგზავრებოდა და პარლამენტში გვესტუმრა. თუ გახსოვთ, მე ვუთხარი — ნუ გაუზიარებთ ქვეყნის ნგრევის თქვენულ გამოცდილებას იმ მშვენიერ ქვეყანას და

ნუ დაღუპავთ-მეთქი... სწორედ მაშინ იყო, რომ მიპასუხა: შალვა, გილოცავ წარმატებას, მაგრამ იცოდე, წარმატებას წარმატებლობა მოჰყვებაო... ამას კი მოჰყვა რჩეულიშვილის ღობე-ღობე სიარული და იმის ლაპარაკი — ნათელაშვილმა ოპოზიციას უღალატაო... ამუშავდა მთელი მექანიზმი. „აჭარის ლომის“ შემოხმინება იქიდან და მათი ალიანსის შეკვრა, ლეიბორისტების წინააღმდეგ, რაც იმით დამთავრდა, რომ პარლამენტში აღარ შეგვიშვეს, მაგრამ „ლეიბორისტული გაზაფხული“ ვერ კიდევ წინ არის.

**— მაგ „გაზაფხულს“ ლადო კახაძემ აღარ დაუცადა. დღეს რა დამოკიდებულება გაქვთ?**

— რა დამოკიდებულება უნდა მქონდეს? არანაირი. როგორ შეიძლება ნორმალური დამოკიდებულება მქონდეს კაცთან, რომელიც საკრებულოს თავმჯდომარედ გაიყვანეთ და შევარდნადის ბანაკში გადავიდა?!

**— მასთან ბოლო შეხვედრას ხომ არ გაიხსენებდით?**

— არავითარი სურვილი არა მაქვს...

**— ბატონო შალვა, თქვენი სურვილის მიუხედავად, იქნებ გაიხსენოთ, რატომ წავიდა ლადო კახაძე თქვენგან? იქნებ მისი მოთხოვნები სამართლიანი იყო?**

— ჩვენი ბოლო შეხვედრისას ის მოითხოვდა ფრაქციიდან ფრაქციის თავმჯდომარის — ვიქტორ მოსიძის გარიცხვას და საამისოდ ათასი ფორმალური მიზეზი მოჰყავდა. ბუნებრივია, მან წინასწარ იცოდა, რომ ჩვენ ამას არ გავაკეთებდით. ეს უფრო საბაბი იყო, ვიდრე მიზეზი. რეალური მიზეზი კი ის გახლდათ, რომ თანამდებობის შენარჩუნებისთვის საჭირო იყო ლეიბორისტებისგან განდგომა და მან ეს გააკეთა. ამაზე, ძალიან აქტიურად, ზოდელავა-ჟგანასთან ერთად მუშაობდა, შევარდნადის ხელმძღვანელობით. მითითება იყო ერთი: თბილისის საკრებულოს თავზე აღმართული „ლეიბორისტული დროშა“ უნდა დაშვებულიყო. კახაძის ადგილას სხვა რომ ყოფილიყო, მას აუცილებლად გადააყენებდნენ თავმჯდომარეობიდან, მაგრამ მერე რა? ამით ხომ მისი რეიტინგი მოსახლეობაში უფრო მაღლა აიწევდა! ქართულ პოლიტიკაში ხომ მხოლოდ დღევანდელი დღით მსჯელობენ და არ ფიქრობენ ხვალინდელ დღეზე — ეს არის მთელი ქართული პოლიტიკის საერთო სენი. იმიტომ არის, რომ დღესვე უნდათ, დაიტაცონ ყველაფერი... სამწუხარო კიდევ ის არის, რომ ოპოზიციური სული არ არის გამოკვეთილი და არც ოპოზიციური სოლიდარობაა დამკვიდრებული. ჩვენთან ოპოზიციაშიც ერთმანეთის აუტანლო-

ბა და კონკურენციაა. ახლა რომელიმე ოპოზიციური პარტიის წარმატება რომ გავიგო, შეიძლება, ორი-სამი დღე ვერ ვიყო გუნებაზე...

**— თქვენ საკმაოდ პირდაპირ ავლენთ საკუთარ ხასიათს, მაგრამ მოდიოთ, დავაკონკრეტოთ — რომელ პარტიას გულისხმობდით?**

— პარლამენტში ვინც არის, არც ერთი არ არის ოპოზიციური. ისინი „პრივატიზებული“ ჰყავთ. რეალურად, ჩვენი ძალის მქონე ოპოზიციური პარტია არ არსებობს. ეს ისე არ გამოვით, თითქოს მათი არარსებობა მიხარია. არის პარტიები, რომლებშიც ძალიან იდეური და გულანთებული ხალხია, მაგრამ სუსტი შინაგანი პოტენციალი აქვთ.

**— ამჟამად ვისთან თანამშრომლობთ?**

— ჩვენ გვაქვს ურთიერთობა ეროვნული მოძრაობისგან დარჩენილ პარტიებთან, „ზვიადისტების“ მიმდინარეობებთან. ჭავჭავაძის საზოგადოებაც კარგი სათანამშრომლო ძალაა. ბატონ ნოდარ ნათაძესთან ხშირად ვმართავთ კონსულტაციებს. მაგრამ არავისთან არ შეგქმნით კოალიციასა და ბლოკს. პრაქტიკამ გვიჩვენა, რომ ბლოკების შეკვრა — ეს არის საქართველოს დაღუპვის გზა და ამას მხოლოდ იმიტომ აკეთებენ, რომ შევიდნენ პარლამენტში და ნადავლი გაინაწილონ. ჩვენ გვინდა, შეგქმნათ პარტია, რომელიც არ იქნება არც ნათელაშვილის და არც სხვა რომელიმე პიროვნებისა. გვინდა, რომ ეს იყოს პარტია, კლასიკური გაგებით.

**— ბატონო შალვა, თქვენ გამოსვლების განსაკუთრებული მანერებით გამოირჩევით. მიმდევრები თუ გყავთ პარტიაში ვისაც თქვენს „სტილს“ ასწავლით, ასე ვთქვათ, ავარჯიშებთ?**

— აქეთ მავარჯიშებენ, ისეთები არიან! ბუნებრივია, გვყავს ასეთი ორატორები. ახლა რომ საპარლამენტო მიკროფონი გვქონდეს ანუ ჩვენი აღებული 18%-იანი ხმებიდან 7% მანც რომ დაეწერათ, მოსახლეობას უკვე გაცნობილი ეყოლებოდა ისინი. 170 ათასიან პარტიაში, რა თქმა უნდა, ასეთი ხალხი იქნება.

**— ბატონო შალვა, გავიგე, ბინა გამოგიცვლიათ...**

— ბინა, რომელიც ნუცუბიდის პლატოზე მქონდა, გავყიდე და ახლა, ოჯახთან ერთად,

დიდუბის რაიონში ვივირავე. ქალაქის ცენტრთან უფრო ახლოს ვართ, ბავშვების სკოლაში ტარების პრობლემა მომეხსნა და მეც მიაღვივლება მოძრაობა. გირაუნობის გარიგებაც თავისთავად, საკმაოდ მომგებიანია: შეგიძლია ერთი წელი იცხოვრო, ფული დაიბრუნო და მერე სხვაგან ივირაო. ასე მოგზაურობ და შეიძლება თბილისის ყველა უბანსაც კი გაეცნო... მშვენიერი ფორმაა.

**— როგორც პარტიის თავმჯდომარეს, ხელფასი თუ გაქვთ დანიშნული?**

— პარტია მიხდის მანქანის მომსახურების თანხას, მობილური ტელეფონის გადასახადს და 200 ლარამდე მაქვს კიდევ პარტიიდან შემოსავალი. ჩემი მუშაობა არ მუშაობს. ბავშვები I და II კლასებში სწავლობენ, დიდი მოთხოვნილებებით არ გამოირჩევიან. ასე რომ, ეს თანხა გვყოფნის.

**— ბატონო შალვა, მოდიოთ, სტრასბურგის სასამართლოში თქვენი სარჩელის საქმეს დავუბრუნდეთ. რა მდგომარეობაა ამჟამად?**

— ადამიანის უფლებების ევროპის სასამართლოს აქამდე არასოდეს უღიარებია მხარედ რომელიმე პარტია და არ მიუღია მისი აპელაცია. ამჟამად ჩვენ მიერ შეტანილ სარჩელს გავლილი აქვს წინასწარი აპელაციები და დღე-ღამეზე ველოდებით საქმის არსებითად განხილვის დაწყებას. ეს ალბათ ამ წლის პირველ ნახევარში მოხდება.

**— რეალურად, რა შედეგი შეიძლება მოჰყვეს ამ სასამართლოს?**

— ჩვენ აპელაციით არ მოვითხოვთ, აუცილებლად პარლამენტში „წამოსკუპებას“. იქ ჩვენ კონკრეტულად გვაქვს ჩამოყალიბებული, რა გვინდა. პირველი: აღიარებულ იქნას, რომ ლეიბორისტულმა პარტიამ 7%-იანი ბარიერი გადალახა და ეს დადასტურდეს, რაზეც ჩვენ წარდგენილი



გვაქვს შესაბამისი საბუთები. მილოშევიჩი დაამხეს 50.000 ხმის გაყალბებისთვის. მეტი კი ვერ გააყალბა იმ საწყალმა. ამერიკაში პრეზიდენტის ბედი 236 ხმამ გადაწყვიტა. ჩვენ კი 100.000 ხმის გაყალბების დოკუმენტები გვაქვს ჩატანილი; მეორე: აღიარებულ იქნას, რომ ჩვენი საარჩევნო კანონმდებლობა ეწინააღმდეგება ევროპის კონვენციებს ადამიანის ძირითად უფლებათა დაცვის თვალსაზრისით; მესამე: მიეცეს რეკომენდაცია საქართველოს ხელისუფლებას, ჩაატაროს ვადამდელი საპარლამენტო არჩევნები, რადგან ეს პარლამენტი ჩვენს ქვეყანას საბოლოოდ განადგურებს; მეოთხე: ფულადი კომპენსაცია დაეკისროს საქართველოს ხელისუფლებას, ჩადენილი დარღვევისათვის, ლეიბორისტული პარტიის სასარგებლოდ – 10 მლნ დოლარის ოდენობით. სხვათა შორის, ამ ცოტა ხნის წინ სტრასბურგის სასამართლომ საფრანგეთის მთავრობა 30 მლნ ფრანკით დააჯარიმა... იმ 10 მლნ დოლარს ჩვენ გადავრიცხავთ რეანიმაციების ქსელში და გარკვეული პერიოდის განმავლობაში ეს დაწესებულებები უზრუნველყოფილი იქნებიან.

**— ბატონო შალვა, თქვენ ვერ 10 მლნ მოსაგები გაქვთ. და საერთოდ, როგორ ვარაუდობთ — ყველა თქვენს მოთხოვნას დააკმაყოფილებს სტრასბურგის სასამართლო?**

— ყველაზე უფრო რეალური და სასურველია, შესრულდეს ჩვენი მოთხოვნის მეორე პუნქტი, რაც საარჩევნო კანონის ცვლილებას შეეხება. ეს ცვლილება, ევროპის მეთვალყურეობით, ნამდვილად დემოკრატიული საარჩევნო კანონის მიღების საშუალებას მოგვცემს, რომლის შემდეგაც ხელისუფლებაში ჭეშმარიტად ხალხის არჩეული პიროვნებები მოვლენ. მოკლედ რომ ვთხროთ, ჩამოთვლილი მოთხოვნებიდან ერთ-ერთიც რომ აღიარონ, ეს იქნება ამ ხელისუფლების იურიდიული აღსასრულის დასაწყისი.

**— და თქვენ აბსოლუტურად არ გეშინიათ, რომ თუ სტრასბურგის სასამართლომ არც ერთი თქვენი მოთხოვნა არ დააკმაყოფილა, ეს შეიძლება „ზამთრის“ დადგომას მოასწავებდეს?**

— ჩვენი მოთხოვნებიდან არც ერთი რომ არ აღიარონ, ეს გამორიცხულია. მარტო ის ფირი რად ღირს, რომელზეც აღბეჭდილია, როგორ სძინავს უზენაესი სასამართლოს მოსამართლეს ჩვენი სარჩელის განხილვისას! ეს ფირი რომ ბანგლადეშში ჩაიტანო, იქაური მოსამართლე

გავგამართლებს, არათუ სტრასბურგის.

იქ არის მეორე საფრთხე, რომელზეც პირველად თქვენთან ვიტყვი: არ ჩათვალონ ეს საკითხი პრობლემად, რომელიც სტრასბურგის სასამართლოს არ ექვემდებარება, ანუ არ თქვან, რომ საარჩევნო დავა არ არის სამოქალაქო სამართალდარღვევის საკითხი. ასეთი პრეცედენტი აქადე არ ყოფილა, მაგრამ იმ სასამართლოში ახალ-ახალი პრეცედენტები ყოველდღე ხდება და ვფიქრობ, ჩვენს შემთხვევაშიც ასე იქნება.

**— სტრასბურგის სასამართლოში თქვენი განცხადება, თუ არ ვცდები, ფრიდონ ინჯიამ წაიღო. დღეს თუ გაქვთ მასთან ურთიერთობა?**

— მართალია — ჩვენი პირველადი განცხადება სტრასბურგში ფრიდონ ინჯიამ წაიღო. ის ალბათ ერთადერთი კაცია მთელ დედამიწაზე, რომელმაც საპარლამენტო არჩევნებში მიიღო მონაწილეობა, მოიგო, მოგების დამადასტურებელი დოკუმენტები დაწვა, მერე საზღვარგარეთ გაიქცა, იქიდანაც მიიღო მონაწილეობა არჩევნებში და კიდევ ერთხელ მოიგო. ის დღესაც ლეიბორისტული პარტიის წევრია.

**— ესაუბრებით თუ არა მას ხშირად და თუ იცით, ნამდვილად აპირებს თუ არა საქართველოში დაბრუნებას?**

— ორიოდე კვირის წინ ვესაუბრე ბუნებრივია, თვითონ მირეკავს ხოლმე და ყველაფერზე გვიწვეს საუბარი. ჩემი ბოლო ინფორმაციით, საქართველოში დაბრუნებას აპირებს.

**— ბატონო შალვა, თქვენ დასავლეთის დემოკრატიული**

**ინსტიტუტებისა და ქვეყნების თანადგომის იმედი გაქვთ, მიგაჩნიათ, რომ ძალიან ბევრი რამ მათგან გვაქვს სასწავლი და გადმოსაღები. ასეთი მიზანმიმართულად, ცოტა ხნის წინ, თბილისში სექს-მალაზია (ე.წ. სექს-შოპი) გაიხსნა. ნამყოფი თუ ხართ იქ?**

— არა, სხვათა შორის, არა (სიცილი აუვარდა — ავტ.). იქიდან გამოსული რომ დამინახოს ვინმემ, მაშინვე იტყვიან — რაღაც უჭირსო... ზუსტად არ მახსოვს, რომელი წელი იყო — 1993 თუ 1994 — რუსთაველზე მსგავსი მალაზია გაიხსნა, რომელიც სულ მოკლე ხანში, სახელმწიფოს მაკონტროლებელმა ორგანომ დაარბია. ჩემთან ტელევიზიის მე-2 არხის ჟურნალისტი მოვიდა და ინტერვიუ მოხოვა. მე ვიცოდი, რომ ასეთი მალაზია გაიხსნა, მაგრამ მისი „დარბევის“ შესახებ არაფერი გამიგია. ჩემი მოსაზრების გამოთქმა მოხოვეს. მე ვთქვი, რომ ასეთი მალაზიები ევროპაშიც არსებობს და იქ, „შესაბამისი“ პრობლემებით შექმნილი ადამიანები დადიან. მოკლედ თავისუფალი აზრი გამოვხატე, მაგრამ მთავარი ის არის, რომ სადამოს ვუყურებ: აჩვენებენ მალაზიის „ექსპონატებს“ გადიდებული ხელით და იქვე, უცებ — ჩემს გაბადრულ-გაბრწყინებულ სახეს, თანაც დემოკრატიისა და თავისუფლების დამცველ სიტყვებს ვლაპარაკობ. კინალამ ოჯახიდან გამაგდეს... ეს მალაზია ბევრს არაფერს ნიშნავს, ეს არ არის ქვეყნის ნგრევა.

**— რა შემთხვევაში შეიძლება იმ მალაზიაში შევიდეს შალვა ნათელაშვილი?**

— სექს-შოპს შალვა ნათელაშვილი შეიძლება მხოლოდ ერთადერთ შემთხვევაში ეწვიოს — თუ ამას პარტიის აქტივი დაადგენს (იციინის — ავტ.).


**— ბატონო შალვა, როგორ წარმოგიდგენიათ საქართველოს მომავალი, როგორც ჩვეულებრივ მოქალაქეს?**

— ვფიქრობ, ათი წლის შემდეგ ჩვენ, დაახლოებით, დღევანდელი ბულგარეთის ღონეზე ვიქნებით, ანუ შეიქმნება საშუალო ფენა. მე ამწუთას ვსაუბრობ, როგორც ჩვეულებრივი, რიგითი მოქალაქე და მგონია, — ეს ხელისუფლება რომ წავა, ბოლოს და ბოლოს, მართლა ხალხზე მზრუნველი ადამიანები მოვლენ ქვეყნის სათავეში და ცხოვრებისათვის აუცილებელ ოთხ პირობას შექმნიან: საარსებო მინიმუმი, სამუშაო ადგილები, უფასო ჯანდაცვა და უფასო საშუალო განათლება.





# პროკურატურა იჭერს, სასამართლო უშვებს... ანუ საოლქო სასამართლო გენპროკურატურას «აბითურებს»?



დავით  
სულაქველიძე

არცთუ ისე დიდი ხნის წინ თუ პროკურატურის მხრიდან თავისუფლებალკვეთილი მოქალაქის სასჯელის მოხდამდე გათავისუფლება წარმოუდგენელი იყო, დღევანდელ ჩვენს საზოგადოებაში, უკვე კარგა ხანია მოქმედებს პრინციპი: „პროკურატურა იჭერს, სასამართლო ათავისუფლებს“.

ამის მიზეზად ექსპერტები პროკურატურის არაპროფესიონალიზმს, საქმისადმი ზერელე მიდგომას, კორუფციას და, თქვენ წარმოიდგინეთ, იმასაც კი ასახელებენ, რომ სწორად პროკურატურაში სუსტი მტკიცებულებების შეგროვება შეგნებულად ხდება, რათა სასამართლო იძულებული გახდეს, დაძაბავე შინ გაუშვას და „ღლაგებზე გასვლა“ არ მოხდეს.



საქართველოს  
პროკურატურა

## მარინა მამისაშვილი

მას შემდეგ, რაც ჩვენმა ხელისუფლებამ კორუფციის წინააღმდეგ ბრძოლა გამოაცხადა და კონტროლის პალატამ არაერთი მასალა გადაუგზავნა პროკურატურას, ეს პრობლემა უკვე აშკარად გამოიკვეთა. ბრალდებულთა უმრავლესობა სასამართლომ ან საერთოდ გაათავისუფლა, ან კიდევ პოლიციის ზედამხედველობის ქვეშ, შინ გაუშვა.

თავისთავად ჩნდება კითხვა: ვინ არის დაძაბავე – სასამართლო თუ პროკურატურა. პარლამენტის იურიდიული ქვეკომიტეტის თავმჯდომარის, ზურაბ ადგიშვილის განცხადებით, რჩება ისეთი შთაბეჭდილება, რომ პროკურატურა განზრახ არაკვალიფიციურად იძიებს საქმეებს, რაც, შესაძლოა, სასამართლოს დისკრედიტაციის მიზნით კეთდებოდეს.

ერთი რამ ცხადია, რომ დღეს უკვე სასამართლოს და პროკურატურის იმიჯი თანდათან ნულს უტოლდება და ჩვენი საზოგადოებისთვის ამ ორი სისტემის ობიექტურობა სულ უფრო ნაკლებად დამაჯერებელი ხდება. გენერალური პროკურატურის განსაკუთრებით მნიშვნელოვან საქმეთა განყოფილების უფროსის,

ზურაბ ცინცაძის თქმით, გამალებული ბრძოლა მიმდინარეობს პროკურატურის წინააღმდეგ, რათა ბაბილაშვილი არავითარ შემთხვევაში აღარ იყოს გენერალური პროკურორი.

თუმცა, როდესაც საოლქო სასამართლოს თავმჯდომარეს, დავით სულაქველიძეს ვესაუბრეთ, მან განსხვავებული პოზიცია დააფიქსირა და პროკურატურა არაპროფესიონალურ უწყებად წარმოადგინა:

იქნას, დაცული უნდა იყოს ფორმალური (დაკავების და მტკიცებულების მიღების) და ფაქტობრივი (მტკიცებულება უნდა იდოს საქმეში) მხარე. აუცილებელია ამ ორი პირობის ერთდროული არსებობა. თუ რომელიმე ეს პირობა დარღვეულია, სასამართლო იძულებულია, არათუ შეცვალოს აღმკვეთი ღონისძიება, არამედ გააუქმოს კიდეც. აკვირებული სურვილი, რომ დაძაბავე გარეთ

## დღეს უკვე სასამართლოს და პროკურატურის იმიჯი თანდათან ნულს უტოლდება და სულ უფრო ნაკლებად დამაჯერებელი ხდება.

— ბატონო დავით, რით ახსნით ბოლო პერიოდში ჩვენში დამკვიდრებულ ტენდენციას, რომ პროკურატურა იჭერს, სასამართლო ათავისუფლებს?

— თქვენ ალბათ მხედველობაში გაქვთ ბოლო პერიოდის განმარტებული ფაქტები, როდესაც პროკურატურამ დააკავა რამდენიმე პიროვნება და საოლქო სასამართლომ მათ არ შეუფარდა აღმკვეთი ღონისძიება. კანონის მიხედვით, იმისათვის, რომ აღმკვეთი ღონისძიება შენარჩუნებულ

გაუშვას, არავის აქვს.

— ბატონო დავით, განა პროკურატურამ არ იცის, რომ თუ ფორმალური ან ფაქტობრივი მხარე დარღვეულია, სასამართლო მას გაათავისუფლებს? როგორ ფიქრობთ, ეს პროკურატურის არაპროფესიონალიზმს უნდა მივაწეროთ თუ მიზანმიმართულ ქმედებას?

— როგორც საოლქო სასამართლოს თავმჯდომარე, კონკრეტულ პიროვნებას ან საქმეს ვერ დავასახელებ, მაგრამ ვაცხადებ, თუ

# რეაქციონარიზმი



ავსა კაცსა ავი სიტყვა ურჩევნია სულსა, გულსა.

### შოთა რუსთაველი

სულიერი სიკეთის შექმნა შეუძლიათ მხოლოდ იმ ადამიანებს, რომლებიც საარსებო წყაროებით უზრუნველყოფილნი არიან.

### დემოკრატე

ბოროტის ნაბოძებისგან სიკეთეს ნურას მოვლი.

### ვერიხიძე

არასოდეს მისცე რჩევა მას, ვინც მხოლოდ ფულს ითხოვს.

### კალდერონ დე ლა ბარკა

პირფერობით სულელებს იჭერენ.

### მარტინ ანდერსენ-ნეკსე

რწმენა ისე ღიდა იყოს, რომ კაცი უყოყმანოდ შეცურდეს ზღვაში, თუ ნავი არ გააჩნია.

### თომას მაინ რიდი

თუ არ ეყო ვინმეს ძალა, ისიც არის ქების ღირსი:

თუ მიზანი ღიადია, მისწრაფებაც არის ღიადი.

### პროპერციუსი

ღრო და მოქცევა არასოდეს არ გველოლებიან.

### ვალტერ სკოტი

აღზრდა ძნელი რამ არის. გგონია, მოვრჩიო და – ახლა იწყება!

### მიხაილ ლერმონტოვი

ხარსა და ლომს სანაქებო მეგობრობა ჰქონდათ მუდამ,

მაგრამ ერთურს გადაჰკიდა მაბეზღარმა, ხარბმა ტურამ.

### პანჩატანტრა

სხვა გახმაურებული საქმეებიც იმავე სახით შემოვა, როგორც დღემდე ბევრია შემოსული, არავის არ დავაპატიმრებთ.

პიროვნება შეიძლება იყოს დამნაშავე, მაგრამ თუ მტკიცებულება არ არის, მისი დაპატიმრების უფლება არ გვაქვს.

გენერალური პროკურატურის მნიშვნელოვან საქმეთა გამოძიებელი ზურაბ ცინცაძე განსხვავებულ პოზიციას აფიქსირებს და საოლქო სასამართლოს არაობიექტურობასა და პოლიტიზირებაში სდებს ბრალს: მოახლოებულია გენერალური პროკურორის საკონსტიტუციო ვადის გასვლის დღე. გენპროკურორის სკამი გარკვეული პოლიტიკური ძალების მიზნის მისაღწევი საშუალება გახდა და ამ თანამდებობაზე ძალიან დიდი ფსონია დადებული. გამალებული ბრძოლა მიმდინარეობს იმისთვის, რომ არავითარ შემთხვევაში არ დარჩეს ამ თანამდებობაზე ბაბილაშვილი.

— კონკრეტულად ხომ არ დააზუსტებდით, ვისი მხრიდან არის პოლიტიზებული სასამართლო?

— იმ ძალების მხრიდან, ვისთვისაც მიუღებელია პროკურატურის ასეთი ნაბიჯები, ეს ძალები კი ისინი არიან, ვისაც უბრალოდ სურს კორუფციაზე საუბარი, მაგრამ საქმის კეთება არ უნდა.

— არსებობს ასეთი მოსაზრება: პროკურატურა ღლავეზზე რომ არ გავიდეს, შეგნებულად სუსტ მტკიცებულებებს წარმოადგენს და სასამართლო იძულებული ხდება, ეს ხალხი დარბაზიდან გაუშვას, მიუხედავად იმისა, რომ თვით სასამართლომაც იცის, რომ ეს ხალხი დამნაშავეა...

— მაშინ ვილაპარაკოთ ფაქტებით. დაასახელონ ერთი კონკრეტული საქმე, რომელშიც არ იყო მტკიცებულებები. ჩვენ როდესაც დაპატიმრებას მოვითხოვთ, ყოველთვის წარმოდგენილია რამდენიმე ეპიზოდი იმ კონდიციამდე, რომ დაპატიმრება კი არა, ამ მტკიცებულებების საფუძველზე განაჩინის გამოტანაც კი შეუძლებელია. ყველა შემთხვევაშია წარმოდგენილი კონტროლის პალატის აქტი, სადაც დაფიქსირებულია სახელმწიფოსთვის მიყენებული ზარალი. არის სპეციალისტების დასკვნები და სასამართლო ყველაფერს უგულებელყოფს. რას ჰქვია, მტკიცებულებები არ არის! იმავე სოფლის მეურნეობის მინისტრის მოადგილის, დიღბარიძის შემთხვევაში ყველა ფურცელი მტკიცებულება იყო. სხვათა შორის, როდესაც დიღბარიძე და კაკაშვილი დავკითხეთ, მათაც ვერ უარყვეს ეს ყველაფერი. ვიღაცები ცდილობენ, დაამტკიცონ, რომ პროკურატურა ფორსირებული ტემპებით ცდილობს მხოლოდ იმის ილუზიის შექმნას, რომ კორუფციას ებრძვის.

— როდესაც პარლამენტში ჯავახიშვილისა და ინჯიას მიმართ დეპუტატის იმუნიტეტის მოხსნის საკითხი დადგინდა, პარლამენტმა არ დაგიჭირათ მხარი. პარლამენტში რატომ არ გაქვთ ავტორიტეტი?

— დღეს პარლამენტში სხვადასხვა ძალა წარმოდგენილი და მათ თავიანთი კერძო ინტერესები აქვთ. ჩვენ კიდეც რამდენიმე დეპუტატის – იმავე კოტე კემულარიას, გიორგი კოხრეიძის მიმართ დეპუტატის იმუნიტეტის მოხსნას მოვითხოვთ... ისინი ხედავენ, რომ თუ გენერალურ პროკურატურას სასწრაფოდ არ ამოსდეს ლაგამი, მათი დანაშაულებრივი ქმედება შეიძლება სააშკარაოზე იქნას გამოტანილი. ამიტომ ახდენენ პროკურატურის დისკრედიტაციას.

— გინდათ თქვათ, რომ პროკურატურა ყოველთვის მყარ მტკიცებულებებს წარმოადგენს?

— სხვაგვარი ქმედება ჩვენ თავად არ გვაძლევს ხელს. როცა მტკიცებულებები არ არის, რა აზრი აქვს სასამართლოში საქმის გაგზავნას?! გაბითურდები და ხმა არ გექნება ამოსაღები... ■



თენგიზ გვირიშვილი საერთაშორისო კონფერენციაზე

კლიმატის გლობალური ცვლილება დღეს, მეცნიერთან ერთად, ეკონომისტებსა და პოლიტოლოგებსაც უჩენს თავსატეხს. წიაღისეული გაზის, ნავთობისა და ქვანახშირის წვით გამოყოფილი გაზები სათბურის ეფექტს ქმნიან და ატმოსფეროში თანდათან ავიწროებენ ოზონის ფენას. ამის შედეგად მომატებული ულტრაიისფერი გამოსხივებით, დედამიწაზე უამრავი დაავადება განადგურდება. გლობალური დათბობა ტყის მასივების განადგურებას გამოიწვევს, ოკეანეებში წყლის დონე 50-100 სმ-ით აიწევს, რის გამოც, ხმელეთის დიდი ნაწილი წყლით დაიფარება უახლოესი 50 წლის განმავლობაში.

კლიმატის ცვლილებით გამოწვეულ პრობლემათა მოსაგვარებელი გზების ძიება, კარგა ხანია, მსოფლიოს უსაფრთხოების დაცვის ერთ-ერთ ძირითად მიმართულებად იქცა. რამ შეიძლება გადაარჩინოს დედამიწა მარსზე არსებული მდგომარეობის გამოვრებისაგან, სადაც დღისით ძალიან ცხელია, ღამით კი — 35 გრადუსი ყინვაა?

გვესაუბრება საქართველოში გაეროს კლიმატის გლობალური ცვლილების სააგენტოს ხელმძღვანელი თენგიზ გვირიშვილი.

# საქართველოს დაჩქარებული განვითარების უანსი ექლავა

## ეკა ლომიძე

— ეკოლოგიური ცვლილებები განგამის სრულ საფუძველს იძლევა, მაგრამ ქარხნები საწვავად გაზს, ქვანახშირსა და ნავთობს იყენებენ და შეუძლებელია მრეწველობის სრული შეჩერება, არადა, საჭიროა სათბური გაზების ემისიის შემცირება. 1997 წელს კიოტოში გამართული სპეციალური კონფერენციის მონაწილე ქვეყნებმა საბოლოოდ გადაწყვიტეს, რომ ენერგეტიკული სტრატეგიის განვითარება მსოფლიო კლიმატის დაცვის ქვაკუთხედად უნდა იქცეს. კერძოდ, შესაძლებელი უნდა გახდეს ენერგეტიკის დარგში ბუნებრივი წყაროების გამოყენება. ეს არის წყლის, მზის, ქარის, ზღვის ენერჯიები და გეოთერმული წყლე-

ბი. საერთაშორისო ორგანიზაციების გადაწყვეტილებით, ამ მიმართულებით გარემოსადმი „კეთილგანწყობილი“ ეკონომიკური პროექტებისათვის პირველ რიგში გასცემენ ინვესტიციებს.

**— ე.ი. შესაძლოა, ენერგეტიკული კრიზისისგან ახლო მომავალში საბოლოოდ დაგვადნით თავი? ჩვენთან ხომ განახლებადი ენერგორესურსების ნაკლებობა ნამდვილად არ იგრძნობა.**

— რა თქმა უნდა, საქართველოს ამ მხრივ, დიდი პოტენციალი აქვს. სხვათა შორის, კიოტოს კონფერენციაზე განვითარებად და სხვა ქვეყნებში მაგნე აირებით ატმოსფეროს დაბინძურების აღმოსაფხვრელად სპეციალური კვლევების შემოღების თაობაზეც იმსჯელებს. იცით, ჩვენ რა შეგვიძლია? ჩვენს კუთვნილ კვლევას გავყვით საერთაშორისო ბაზარზე, რომელიმე ფირმა ან ქვეყანა გადავიხდის უზარმაზარ თანხას, რომლითაც შევძლებთ ახალი ტექნოლოგიების შემოზიდვას, ავაშენებთ ახალ ჰიდროენერგეტიკულ, ქარის ან მზის ენერჯის სადგურებს და ერთბაშად ორ კურდღელს დავიჭერთ: ჩვენს წვლილსაც შევიტანთ სათ-

ბური გაზების ემისიის შემცირებაში და ქვეყნის ენერგეტიკულ პრობლემასაც მოვავკარებთ. საქართველოს ენერჯოსისტემებში შეჭმული უზარმაზარი თანხები რომ ამ საქმეს მოხმარებოდა, ახლა ჩვენი ქვეყნის შინაენერგობაზარსაც ღვაკამყოფილებდით და ექსპორტზეც ვიშუშავებდით. მიუხედავად ეკონომიკური კრიზისისა, ჯერ კიდევ გვაქვს შანსი, რომ საერთაშორისო ინვესტიციების და სხვადასხვა დახმარების შედეგად, შევძლოთ ეკონომიკური და გარემოს დაცვით პრობლემების მოგვარება. მსოფლიოს გლობალური გარემოს დაცვის საერთაშორისო ფონდის ხელშეწყობით უკვე ხდება ენერგორესურსების ათვისების ხელის შემშლელი ბარიერების დადგენა, რათა საქართველოში განახლებადი ენერგორესურსების აქტიური ათვისება მოხდეს. წინააღმდეგ შემთხვევაში, ქვეყანაში ფაქტობრივად შეჩერებული წარმოების მიუხედავად, საქართველო მსრჩოლავი კვამლით სავსე ლუმელს დაემსგავსება. უნდა შეწყდეს ჩვენთან არსებული დაბალი ხარისხის ქვანახშირის ამოღება. ჩვენმა ხელისუფლებამ უნდა გააცნობიეროს, რა უფრო საჭიროა — საერთაშორისო თანამეგობრობასთან ერთად კლიმატის გლობალური დაცვის საქმეში თანამშრომლობა, თუ მოძველებული ტექნოლოგიებით ჩვენი ისედაც განადგურებული ეკონომიკის სამუდამოდ დასამარება.

— როგორც ცნობილია, 2000





**წლის ნოემბერში პაატაში დაგეგმილ საგანგებო შესვენარზე, სადაც კვოტების საკითხი უნდა დარეგულირებულიყო, მონაწილე მხარეებს შორის შეთანხმება ვერ მოხდა. რატომ?**

— შეიძლება ითქვას, რომ ეს ამერიკელების გამო მოხდა. სწორედ მათი მიზნით ვერ მოხერხდა სახელმძღვანელო დოკუმენტების მიღება. 2010 წლისთვის დაახლოებით 5%-ით უნდა შემცირდეს ატმოსფეროში სათბური გაზების ემისია. ამერიკელებმა ვალდებულების შესრულების იაფი და იოლი გზა არჩიეს — მანე ნივთიერებების შთანთქმის რეზერვუარების — ტყეების გაშენება და კვოტებით ვაჭრობა. რაც, სულაც არ გამოირიცხავს ატმოსფეროს შემდგომ დაბინძურებას. ამერიკა უარს ამბობს არაგანახლებადი წიაღისეულის მოხმარების შეზღუდვაზე, ამ გამოსვლას ევროსაბჭოს წევრი ქვეყნები დაუპირისპირდნენ, რადგანაც ევროპაში, მიწის ნაკლებობის გამო, შეუძლებელია დიდი მასშტაბებით ტყეების განაშენიანება. კონფერენციაზე „შავი ოქროს“ გაყიდვის შესაძლო შეზღუდვამ, გვარიანად შეაშფოთა ნავთობმომპოვებელი სახელმწიფოებიც. ჩინეთმა და სხვა განვითარებადმა ქვეყნებმა კი საერთაშორისო დახმარებები მხოლოდ ახალი ტექნოლოგიების განვითარებისათვის მოითხოვეს.

— **როგორც ჩანს, ამ ურთულეს სიტუაციაში საქართველოს მართლაც სახარბიელო მდგომარეობა აქვს.**

— მართლ ენერგორესურსების იმედად ვერ ვიქნებით. სამიოდე წლის წინ, პაატა შევარდნამდე ასპინძაში მზის ენერჯის გამოყენების გენიალური პროექტი წარმოადგინა, მაგრამ სათბობ-ენერგეტიკის სამინისტროს ყოფილმა და ახლანდელმა ხელმძღვანელებმა ყური არ შეიბერტყეს. ჩვენთან, სამწუხაროდ, რაც გვაქვს, იმასაც კი არ ვუვლით, სათბური გაზების მშთანთქავ ბუნებრივ რეზერვუარს — ჩვენს სიმიდირეს — ტყეებსაც კი ვჩვენ. რასაც შედეგად, ნიადაგქვეშა წყლების დაშრობა,

ეროზია და გვალვა მოჰყვება.

— **... რომელმაც მნიშვნელოვნად დაგვაზარალა შარშან.**

— ... და, რაც უნდა განგვესახლერა შარშანწინ. წარმოიდგინეთ, 2001 წელი უფრო მძიმე იქნება: ასეთი მშრალი ზამთარი ამჯერადაც მომავალი გვალვის მანიშნებელია. თუმცა, ჩვენ რომ საირიგაციო-სარწყავი სისტემები მოწესრიგებული გვქონდეს, ვერც გვალვა დაგვაკლვდა რამეს. სამწუხაროდ, ეს სავალალო მდგომარეობაც იმის ბრალია, რომ საირიგაციო სისტემების აღდგენისათვის გამოყოფილი კრედიტით ჩვენმა ხელისუფლებამ ამერიკული სოიის ზეთი იყიდა, რომელიც არავის არ სჭირდებოდა, ახლაც არავინ არ ემზადება მოსალოდნელი პრობლემების თავიდან ასაცილებლად.

— **სულ ახლახან საინფორმაციო საშუალებებმა გააფრცენლეს ცნობა იმის შესახებ, რომ შავის გლობალური დათბობა მსოფლიოს ყოველწლიურად 300 მლრდ დოლარის ფასად დაუფუძვება, უახლოესი 50 წლის განმავლობაში, თუ სასწრაფოდ არ იქნება მიღებული ზომები ატმოსფეროში ისეთი გაზების ამოფრქვევის წინააღმდეგ, როგორც ნახშირორჟანგია. გაეროში გაკეთებული მოხსენებების თანახმად, შავის ტემპერატურა, საშუალოდ, 6 გრადუსით აიწევს, როგორ მიგაჩნიათ, დამაფიქრებელი იქნება ეს ჩვენი ხელისუფლებისთვის? ბოლოს და ბოლოს, ხომ შეიძლება საკუთარი პრობლემების გამო, არავინ არაფერი აღარ გეინილადოს! მაშინ ხომ მართლა შიმშილობად შემოგვიბრუნდება მოსალოდნელი გვალვა.**

— ჩვენი ქვეყნისათვის დახმარებების შეწყვეტა შეშფოთების საბაბს ნამდვილად იძლევა. გეოგრაფიული და ბუნებრივი მდებარეობის გამო, ბევრ ქვეყანას ჩვენზე

სავალალო მდგომარეობა აქვს, მაგრამ დროულად ახერხებენ პრობლემების ლოკალიზებას და საერთაშორისო ორგანიზაციების მეტ ყურადღებასაც იმსახურებენ. აქ კი, ჩვენს სააგენტოსაც უჭირს მუშაობა. ქვეყნის შესაბამის ორგანოებს ეკონომიკური განვითარების მწყობრი პროგრამა არ გააჩნიათ, რის გამოც, შეუძლებელი ხდება ქვეყნის მომზადება ინვესტირების ახალი პროექტების მისაღებად. კლიმატის ცვლილება მჭიდროდ არის დაკავშირებული მოსახლეობის მზარდი რიცხვის პროლექციით დაკმაყოფილების პრობლემასთან. შესაძლოა, ბუნებრივმა კატაკლიზმებმა სრული არეულობა გამოიწვიოს სასოფლო-სამეურნეო კულტურების წარმოებაში და წყლის რესურსების განაწილების საკითხში. ამ მხრივ, ჩვენ ნამდვილად სახარბიელო მდგომარეობა გვაქვს, მაშინ როცა მთელ მსოფლიოს სასმელი წყლის პრობლემა აწუხებს, ჩვენ უყარათოდ ვღვრით ამ სიმდიდრეს და მის დამცავ ტყეებს ვჩვენ. სამეურნეო ნიადაგების შემადგენლობა ახლა კი გვაძლევს ხარისხიან საკვებ პროდუქტებს, მაგრამ ხანგრძლივი გვალვების შემთხვევაში, ჩვენც მოგვიწევს გვალვაგამძლე ჯიშის სასოფლო-სამეურნეო მცენარეების გამოყვანაზე ზრუნვა, ჩვენთან კატასტროფული მდგომარეობაა ზღვის სანაპიროზე. რიონის დელტის რაიონში ხმელეთი თანდათან იძირება ზღვაში. 1900 წლიდან 27 სანტიმეტრით აიწია წყლის დონემ, ამჟამად ეს პროცესი უფრო აქტიურად მიმდინარეობს. ამ ტერიტორიებზე კი უამრავი მშენებლობაა და არავის აინტერესებს, რა მოხდება ზვალ. ეს უგულისყურობა ძვირად დაუჯდებათ მომავალში. მაგრამ თუ „ზოგი ჭირი მარგებელიას“ პრინციპით ვიხელმძღვანელებთ, კლიმატის გლობალური ცვლილების შედეგად, საქართველოს, დაჩქარებული ეკონომიკური განვითარების საუცხოო შანსი ეძლევა და მხოლოდ მონდომება და ხელისუფლების ნებაა საჭირო, რომ ეს შანსი ვეროვნად გამოვიყენოთ.

# რა არის ძალადობა?

– როდესაც ადამიანები ერთმანეთს სცემენ ან შეურაცხყოფენ?

– როდესაც ერთმანეთს უბრალოდ, რაიმეს აიძულებენ?

– ეგებ, ელემენტარული ოჯახური უთანხმოება ან, თუნდაც, ბავშვის დატუქსვაც უკვე ძალადობას ნიშნავს?


ამ შეკითხვებს ერთი უმარტივესი პასუხი აქვს: სამყაროს შექმნიდან დღემდე, ადამიანს ვერ (ან არ) გაურკვევია კონკრეტული ზღვარი ძალადობასა და წესრიგის დამყარებას შორის. ცდუნება კი, დამეთანხმებით, ძალიან დიდია: ძალის გამოყენებით და წესრიგის დამყარების მოტივით, საკმაოდ იოლია პოზიციების გამყარება ოჯახშიც, ქუჩასა და სახელმწიფოშიც. თანაც ისე, რომ სინამდვილეში, ძალადობის მოყვარული, წესრიგის მოყვარულად მონი-

ათლება – წესრიგის მოტივით, დიქტატურა ხშირად, ქვეყანაშიც მყარდება ხოლმე და ოჯახშიც, ქუჩაშიც, სკოლის კლასშიც, ინსტიტუტის აუდიტორიაშიც და, ბუნებრივია, უბანშიც... წესრიგის გარეშე დემოკრატია სრულ ანარქიას და განუკითხობას იწვევს – ამით ხშირად სარგებლობენ ძალმომრეობისკენ მიდრეკილი ადამიანები და გარშემომყოფთ – და-ძმას, თანაკლასელს, ცოლსა თუ, უბრალოდ, მეზობელს თავიანთ ნება-სურვილზე სიარულს აიძულებენ. ასე ერთიანდება (თუ იგივედება) წესრიგი და ძალა და... კვლავ უწყვეტ ჯაჭვში ვექცევით – ვუბრუნდებით შესაავალში დასმულ შეკითხვას: სად არის ზღვარი ძალადობასა და წესრიგს შორის?

ცხადია, ეს კითხვა უადგილოა ე.წ. „კლასიკური“ მოძალადის – მძარცვე-

ლის და ყაზბალის შემთხვევაში, როცა დანაშაული არანაირ ეჭვს არ იწვევს. სამწუხაროდ, არც ბოროტმოქმედთა სიმცირეს „ვუჩივით“ და არც სისასტიკის ნაკლებობას. და, თუმცა ხელისუფლება ხშირად იწონებს თავს იმით, რომ ჩვენში სტაბილურობა დამყარდა და ქუჩებში ათასი ჯურის ავტომატიანი კაცი აღარ დარბის, ყოველდღე და ყოველ ფეხის ნაბიჯზე გვესმის – გაძარცვეს, სცემეს, მოკლეს... სწორედ პრობლემის სიმწვავემ განაპირობა „გზის“ ამ ნომრის მთავარ თემად ძალადობის შერჩევა.

მკითხველს ხანგრძლივი მსჯელობით არ დავდლით – ჩვენ, უბრალოდ, სხვადასხვა სფეროში არსებულ, აღნიშნულ პრობლემებზე მოგითხრობთ – დასკვნა კი თქვენთვის მოგვინდვია... ■





სახელმწიფოს სოციალური თუ კულტურული დონე ყველაზე ნათლად მის ქუჩებში აისახება. ასე, მაგალითად, ბანგლადეშის ან სიერა-ლეონეს ქუჩებში სეირნობისას, იოლი შესაძლებელია, რელიგიური თუ პოლიტიკური გარჩევის მსხვერპლი გახდეთ. თანაც, ყველაზე საშინელი მეტოდეებით გაგისწორდებიან. ამასთან, ოპონენტს მხოლოდ დასტური არ აკმაყოფილებს — ამა თუ იმ რელიგიის ან პოლიტიკური ჯგუფის უზრატესობა, მისთვის სასურველი მსჯელობითაც უნდა დაამტკიცოთ, თუ არა და, უბრალოდ, თავს მოგჭრიან (ყოველგვარი დეზინფექცისა და ნარკოზის გარეშე).

# ვინ და რით გვაშინებს ქუჩაში

## ღარი ბრკელივებილი

ქაბულის ქუჩებში მოკლე გადარბენებით ან სოხვით უნდა „ისეირნოთ“ — და მაინც, დიდი საშიშროებაა, რომ რეაქტიული ჭურვის აფეთქებამ შეგიწიროთ. დასავლეთ ევროპაში ამ მხრივ, ბევრად უკეთესი ვითარებაა, მაგრამ ლონდონში ან მადრიდში მოხვედრილებს, მაინც სიფრთხილეს უურჩევთ: შესაძლოა, ირლანდიური არმიის, ან ბასკი სეპარატისტების ტერაქტმა გიმსხვერპლოთ. თუმცა, აღმოსავლეთის ქვეყნებისგან განსხვავებით, აქ დაზარალებულს აუცილებლად აღმოუჩენენ პირველ (და არა მარტო პირველ) სამედიცინო დახმარებას. ათენსა და პარიზში ტერაქტები იშვიათად ხდება, მაგრამ იქ მოხვედრილმა ტურისტმა აუცილებლად უნდა იქიანიოს ქვეყნის საფეხბურთო ჩემპიონატის კალენდარი, რათა კონკრეტული მატჩის დღეს, კონკრეტული გუნდის ფერის ტანსაცმელი არ ჩაიცვას, წინააღმდეგ შემთხვევაში, ერთი გუნდის ფერის რომ დაეშვას, მეორე გუნდის გულშემატკივრებს ვერ გადაურჩება და, რბილად რომ ვთქვათ, გაილანება...

რა ხდება ამ მხრივ თბილისის ქუჩებში?

... ზამთარია. ახალი შებინდებული. შინ მიმავალი მოქალაქეები, შეძლებისდაგვარად, სწრაფად მიაბიჯებენ. ქვეყანაში ენერჯეტიკული კრიზისისა და ქუჩის განათება აქ დიდი ხანია, პრაქტიკულად, არ არსებობს. ზოგს ფარანი აქვს მომარჯვებული, ზოგსაც, უბრალოდ, სანთელი ან ასანთი. დაგვიანებული მგზავრები დროდადრო უკან იყურებიან და ყოველ ჩქამზე ფრთხებიან — თითქოს დელაქალაქის ქუჩაში კი არა, „კუდიგორის“ ტყეში იმყოფებოდნენ და ყოველ წუთს არა



მხოლოდ კაკო ყაჩაღის, არამედ ათასი ჯურის მტაცებელი ცხოველისა თუ მანიაკის თავდასხმა იყოს მოსალოდნელი... თუმცა, რატომ, „თითქოს“? გაგაცნობთ დელაქალაქის ერთ-ერთი რაიონის რამდენიმე მცხოვრების მონათხრობს: „სალამოს ათ საათზე, მეტროსადგურთან სიგარეტის საყიდლად ჩასვლა დავაპირე. ჩემი სახლიდან იქამდე სულ 10-ოდე წუთის სავალია. ცოლი კი მიშლიდა — გვიანია უკვე, სადღა მიდიხარ... სამწუხაროდ, არ დავუვკერე, ახლა შესრულდა 10 საათი, ამ უბანში ყველას ვიცნობ და ყველა მცნობს. სირცხვილი არ არის, სიგარეტზე ვერ ვავებლო წასვლა-მეთქი?! ჯიხურში სიგარეტი ვიყიდე და შინისკენ წამოვედი. ბნელოდა. ერთ ადგილას ახალგაზრდა კაცი გადამიდგა — ბიძაჩემო, სიგარეტი მომწვეინეო. მერე, ყრუ დარტყმა ვიგრძენი თავის არეში და გონება დავკარგე. კვლავ ტკივილის გრძობამ გამომავიზოლა — ვილაცხები მძიმე „პათინკებით“ მცემდნენ — თავში, მუცელში, სახეში... ხელები ავიფარე და კვლავ გონება დავკარგე“.

... რესპონდენტი, ტკინის შერყევის მძიმე ფორმითა და ხერხემლის დაზიანებით, სა-

ვადმყოფოში მოხვდა. ექიმებმა ყბა-სახისა და კიდურების მრავალჯერადი მოტეხილობაც დაუდგინეს...

ანალოგიური თავდასხმის მსხვერპლი განდა მეორე მოქალაქე:

„სამსახურიდან მოვედი. ასე, საღამოს 7-სა და 8 საათს შორის იქნებოდა. საკმაოდ ბნელოდა. სადარბაზოში ასულს, მესამე თუ მეოთხე სართულზე უცნობის ხმა შემომესმა — ერთი, აქეთ მოიწიეო... უცებ თავში რაღაც ჩამარტყეს და გონებაც დავკარგე...“

რესპონდენტი ნეიროქირურგიულ სავადმყოფოში მიიყვანეს, თავის ტკინის დაზიანების უმძიმესი ფორმით. ექიმებმა მხოლოდ რამდენიმე საათიანი, ურთულესი ოპერაციის შემდეგ შეძლეს მისთვის სიცოცხლისა და აზროვნების უნარის შენარჩუნება. არადა, რისი გულისთვის — მძარცველებმა მას ჯიბიდან სულ რამდენიმე ლარი ამოაცალეს...

პირველი შემთხვევიდან თითქმის 1 წელი, მეორედან კი — 6-7 თვე იქნება გასული. საქმეები, რა თქმა უნდა, „ძიებაშია“. მსგავსი ფაქტების რაოდენობა დღითი დღე იზრდება

— ქალაქის თითქმის ყველა რაიონში...

როდესაც ბანგლადეშზე, სიერა-ლეონეზე ან ქაბულზეა ლაპარაკი, ჩვენც და იმ ქვეყნების მოქალაქეებმაც კარგად ვიცით, რომ სამოქალაქო ომისთვის მსგავსი შემთხვევები ბუნებრივი მოვლენაა და ასეთ ვითარებაში ჭკუათმყოფელმა კაცმა სეირნობისგან თავი უნდა შეიკავოს...

მაგრამ ჩვენთან ხომ თითქმის ყოველდღე ვუშვით ტელეეკრანებზე მოლიმარ კენერლებს — მინისტრი იქნება თუ პოლიციის დაბალჩინოსანი, რომლებიც გამუდმებით გვარწმუნებენ — კრიმინოგენული ვითარება უფრო და უფრო უმჯობესდება... დამეთანხმებით, მსგავსი განცხადების შემდეგ, დაყრდნობით და ნაცემი კაცისთვის, ძალადობა უფრო მტკივნეული აღსაქმელია, ვიდრე ბანგლადეშში ან სიერა-ლეონეში...

საქართველო იმით არის უნიკალური, რომ მრავალფეროვნებით გამოირჩევა ყველგან და ყველაფერში — ბუნებაში, სიმღერაში, ცეკვაში და, წარმოიდგინეთ, ძალადობაშიც. ამას წინათ, ახლობლის სანახავად ერთ-ერთი საავადმყოფოს სარეანიმაციო განყოფილებაში მომიწია მისვლა (სხვათა შორის, ისიც „ქუჩური ძალადობის“ მსხვერპლი გახდა).

ჩემს იქ ყოფნაში ახალგაზრდა ქალი მოიყვანეს, რომელიც ცუდად გამხდარიყო ქუჩაში, როგორც მისი თანმხლები გოგონასგან გავიეცე — მოწამელის გამო. ექიმებმა ქალს აუცილებელი პროცედურა ჩაუტარეს, მანამდე კი, ოქროულობა შესწესეს. როგორც თავად განმარტეს, „ვირაოდ“ — სანამ ქალბატონის ნათესავები მოვიდოდნენ და მკურნალობის საფასურს გადაიხდიდნენ. საინტერესოა, რას იზამდნენ, ქალს რომ სამკაულები არ ჰქონოდა? — ღმერთმა დაგვიფაროს ცუდის გაფიქრებისგან...

ძალადობის ერთ-ერთ სახეობას უბრალო მოქალაქეთა და სამართალდამცავთა ურთიერთობა წარმოადგენს. დამეთანხმებით, რომ სამართალდამცავთა მოვალეობა სწორედ მოქალაქეთა ძალადობისგან დაცვაა — ისინი ამაში იღებენ ხელფასს, მაგრამ საჭმე ის გახლავთ, რომ ეს ხელფასი ხშირად აგვიანებს, ან სულაც „იყინება“ ხოლმე... პოლიციელებს კი ოჯახები აქვთ შესანახი და უშუალოდ მოსახლეობისგან ცდილობენ ფულის „ამოღებას“...

ამას წინათ, ახლობელთან ერთად ემგზავრობდი მანქანით. ერთ-ერთ შუქნიშანთან საგზაო პოლიციელმა გაგვაჩერა და ნებისმიერი მძღოლისთვის კარგად ნაცნობი დიალოგი გაიმართა:

- დაარღვეე!
- არ დამირღვევია!
- დაარღვეე!
- არ დამირღვევია!
- მოიტა ხუთი ლარი და გიშვებ!

ოღონდ, ამჯერად ჩემს ახლობელს არც ხუთი ლარი ჰქონდა და რომც ჰქონოდა, არც მისი გადახდის სურვილი აღმოაჩნდა.

ასეთ შემთხვევებში მძღოლები ათასნაირ მოწმობას იშველიებენ ხოლმე. კამათი რომ გამწვავდა და გაწვე-გამოწვევაში გადაიზარდა, ჩემმა ახლობელმაც „დაადრო“ მოწმობა. ინსპექტორი არ შეეპუა — მაინც, ვინა ხარ, სად მუშაობ, ვერე რომ „მეჭიმებიო“. ჩემი ახლობელი დიდი იუმორის პატრონია:



— ვინა ვარ და, წყალქვეშა მეხანძრე ვარ! — უპასუხა თვალის დაუსამხამებლად.  
— მერე, მაგით მაშინებ?! რა „ზვანია“ გაქვს? — მთელი სერიოზულობით განაგრძო კამათი ინსპექტორმა...

ისე, სხვათა შორის, „კანონში პოლიციის შესახებ“ ცალკე პარაგრაფად არის გამოყოფილი ინსპექტორისა და მძღოლის ურთიერთობა. ცხადია, გამოძღვასა და ძალადობაზე იქ ლაპარაკიც ზედმეტია: ინსპექტორს ისიც კი ეკრძალება, მძღოლს მისი შვილების თანდასწრებით მოსთხოვოს პასუხი წესრიგის დარღვევის შემთხვევაშიც კი!..

ბევრს არ გავაგრძელებთ — ჩვენს წერ-ილს ისე დავასრულებთ, როგორც დავიწყეთ: სახელმწიფოს სოციალური თუ კულტურული დონე, ყველაზე ნათლად მის ქუჩებში აისახება...



მელა გობსაძე

გავრცელებული მოსაზრების თანახმად, ოჯახში ძალადობაზე ლაპარაკი მხოლოდ მაშინ შეიძლება, თუ საქმე უცენზურო გინებას, ცემა-ტყეპას, ჭურჭლის მტკრევასა და მძიმე საგნების ცოცხალ მიზანში სროლას შეეხება – ასეთია ამ მოვლენის მეშინურ-ყოფითი განსაზღვრება.

სინამდვილეში, ძალადობა ოჯახში – ეს არის მისი წევრის მიმართ ჩადენილი არა მარტო ფიზიკური ან სექსუალური, არამედ აგრეთვე ფსიქოლოგიური ძალმომრეობა, რომელიც თავისი გავლენით არაფრით ჩამოუვარდება (თუ არ აღემატება!) დანარჩენ ორს. ყველასათვის ნათელია, რამდენად დამანგრეველი შეიძლება იყოს ადამიანის ფსიქიკისათვის სისტემატური დაშინება, მუქარა და დაცინვა. ოჯახური ძალადობის მსხვერპლი შეიძლება იყოს ქალი, ბავშვი, ხნიერი ადამიანი, უფრო იშვიათად – მამაკაციც.

რა უსიამოვნოც უნდა იყოს ძლიერი სქესის წარმომადგენლებისათვის ეს ფაქტი – სტატისტიკური მონაცემებით, მოძალადეთა 97 პროცენტი მამაკაცია და მათ მსხვერპლს, უფრო ხშირად, სწორედ მისი თანამეცხედრე, ე.ი. ქალი წარმოადგენს.

დახურულ კარს მიღმა...

ოჯახში ძალადობის მიმართ წაყრუება-მიჩუმებების პოლიტიკას საზოგადოება იმ მოსაზრებით იჩენს, რომ ეს „სამინაო სამზარეულოა“ და მისი პერიპეტეიები მხოლოდ დრამის უშუალო მონაწილეებს ეხება. ოჯახური ძალადობის მსხვერპლნი, ფაქტობრივად, სოციალურად იზოლირებულნი არიან. კრიმინოლოგები და საზოგადოება 1970 წლამდე თითქმის იგნორირებას უკეთებდნენ ამ მოვლენას. საინტერესოა, რომ საბჭოთა კანონმდებლობით, ქმრის მიერ ცოლის ცემა საზოგადოებრივი თავშეყრის ადგილებში (ჭუჩა, ეზო, დაწესებულება და სხვ), კვალ-იფიცირდებოდა, როგორც ბოროტი ხულიგნობა, აქედან გამომდინარე ყველა შედეგით. მაგრამ იგივე დანაშაული, ჩადენილი ბინაში, რატომღაც ხულიგნობად აღარ ფასდებოდა, იმის მიუხედავად, რომ ორივე შემთხვევაში ერთი შედეგი გვაქვს – ნაცემი ადამიანი.

საგულისხმოა, რომ დღესაც ამ მხრივ მდგომარეობა დიდად არ შეცვლილა. ქმრის ცოლის ცემას არაფერ დაუშლის, მთავარია, „ეგზეკუცია“ საკუთარ სახლში და დაბალ ტონალობაში ჩაატაროს. უფრო



# ქმარი ჩევი?! - მტერი ჩევი?!

მეტეც – არაფერ მოუწონებს ქალს ჩივილის მცდელობას; თავად მსხვერპლიც ერიდება განმარტებას – არ სურს ქვეყანამ გაიგოს, როგორ ამცირებს ქმარი, რადგან უკეთეს შემთხვევაში, ზიზნარევი სიბრაულეს, ხოლო უარესში – გაკიცხვას მოიძიებს.

ისმის კითხვა: რატომ არ ეყრება ხულიგან ქმარს?

პასუხი ძალზედ ბანალურია: მარტობის შიში პლუს საზოგადოებრივი აზრი; სამწუხაროდ, ქალი ხშირად ფინანსურად დამოკიდებულია კაცზე ან, უბრალოდ, წასასვლელიც არსად აქვს. მეორე მხრივ, „განათხოვარი ქალის“ სტატუსი მრავალძნელად გადასაწყვეტ პრობლემას გაუჩენს. სწორედ ამიტომ არის, რომ უმრავლესობა ემორჩილება ბედს და დღევანდელი დღის საზრუნავით ცხოვრობს.

**ამბავი პირველი** ახალგაზრდა ცოლ-ქმარს ორი შვილი ჰყავს. ქმარი – უმუშევარია, ცოლი – დიასახლისი. ოჯახს წვრილმანი ვაჭრობით ნაშოვნი ფულით გააქვს თავი. კაცი საკმაოდ კარგად „გუუება“ სასმელს, სამაგიეროდ, საფუძვლიანად შეზარხოშებული, ნაკლებად გუუება ცოლს, რომელსაც ასეთ დროს ათას ნამდვილ და მოგონილ ცოდვას უხსენებს. ცემა ამ ოჯახში „საბრალებო მონოლოგის“ უკანასკნელ, ყველაზე „დამაჯერებელ“ არგუმენტად იქცა. ერთ-ერთი მორიგი „დის-

კუსიის“ დროს, ქმარმა ქალი ისე უმოწყალოდ სცემა, რომ ფეხიც კი მოსტეხა. მიუხედავად ამისა, ქალი გაყრაზე არც ფიქრობს. პრაქტიკულად, ყველამ მიატოვა.

ეს ამბავი სწორედ იმით არის საინტერესო, რომ მასში არაფერია ორიგინალური. ათასობით ოჯახი ცხოვრობს ასეთი ცხოვრებით და გარშემომყოფნი ამას უბედურებად სრულებითაც არ აღიქვამენ. იმის გასარკვევად, თუ რამდენად თვლის საზოგადოება ოჯახში ძალადობას სოციალურ პრობლემად, ორგანიზაციამ „ქალები დემოკრატიისათვის“ ჩაატარა გამოკვლევა თბილისში და იმერეთის რეგიონში. რესპონდენტებს დაუსვეს შეკითხვა: „თვლით თუ არა ოჯახში ძალადობას (ცემა, შეურაცხყოფა, გინება, მუქარა, საზოგადოებისაგან იზოლაცია, ფინანსური კონტროლი) სოციალურ პრობლემად?“ გამოკითხულთა 80-მა პროცენტმა აირჩია პასუხის ვარიანტი „არ ვიცი“, 17-მა – „დიახ“, 3-მა – „არა“. ამკარაა, რომ საზოგადოებას არ გააჩნია გამოკვეთილი პოზიცია ოჯახური ძალადობის, როგორც სოციალურად სახიფათო მოვლენის მიმართ, რაც მოძალადეში დაუსველობის რწმენას, ხოლო მსხვერპლში კი ფაქტალური უმწეობა-დაუცველობის შეგრძნებას აღვივებს.

ცნობისათვის: იმერეთის რეგიონში გამოკითხულთა აზრით, თუ ქმარი ცოლს



სცემს, ამაში თავად ქალია დამნაშავე (ე.ი. დაიმსახურა — კარგი ცხენი მათრახს არ დაიკრავს!).

ამით ხომ არ აიხსნება ის ფაქტი, რომ ოჯახში ძალადობამ ამ ბოლო დროს სოციალური სინდრომის სახე მიიღო? ამ ორიოდ თვის წინ ჩატარდა გენდერული (სექსუალურ ნიადაგზე) ძალადობის წინააღმდეგ მიმართული თექვსმეტდღიანი აქცია. დასკვნით კონფერენციაზე ითქვა, რომ თბილისში უკვე აღინიშნება ოჯახური კონფლიქტის დროს ცოლის მკვლელობის ფაქტები. რატომ მაინცდამაინც ცოლის? ეს ლოგიკურად არის: სოციალურმა კრიზისმა მამაკაცს წაართვა მისი პიროვნული ღირსების მთავარი საყრდენი — მარჩენალის ფუნქცია, რაც არასრულფასოვნების კომპლექსს აყალიბებს. ამის საფუძველზე აღმოცენებული აგრესიული იმპულსები ასოციალური ქმედებებისკენ უბიძგებს. ცოლი — ყველაზე მოსახერხებელი ობიექტია, ვინაიდან ქმრის ცნობიერებაში დამტანჯველ პასუხისმგებლობასა და შეუსრულებელ მოვალეობასთან ასოცირდება. ბუნებრივია, რომ აგრესიად გარდაქმნილ დანაშაულის განცდას მამაკაცი სწორედ მასზე გადმოანთხევს.

**ამბავი მეორე** ამ ამბის პირველწყარო თავად გმირის ხასიათში უნდა ვეძიოთ, თუმცა, უეჭველად, დიდი როლი ითამაშა აღზრდის ქართულმა მოდელებმა.

ქმარი — 27 წლის ტიპური ქართველი დარდიმანი და „კაი ტიპი“. ცოლი — 25 წლის ულამაზესი გოგონა, რომელსაც ამ ქორწინებამ ძალზე შთამბეჭდავი ცხოვრებისეული პერსპექტივა მოუხპო. გათხოვებამდე სწავლობდა მოსკოვის ერთ-ერთ სოლიდურ ინსტიტუტში, მისი იშვიათი გარეგნული მონაცემებით მოიხიბლა თავად მრავლისმნახველი რუსი კუტიურე ზაიცევი და თავის სტუდიაში მიიწვია. ვაჟმა სავსებით სწორად განჭვრიტა, რომ მანეკენობა, ისიც ასეთ სახელგანთქმულ მოდელების სახლში, გოგონას საურთიერთო წრეს სახიფათოდ გააფართოებდა. შესაძლოა მეტოქეებიც გასჩენოდა, ამიტომ პრობლემა ძალზე ოპერატიულად გადაწყვიტა და მოითაცა. გოგონას ოჯახი მოერიდა სკანდალს და ქორწინებაზე დასთანხმდა. შედეგი „შესაშური“ მიიღეს. ვაჟი ძალიან სწრაფად შეიჭრა „მეუღლისა და მბრძანებლის“ როლში — ცოლს, უბრალოდ, მუშაობაც კი აუკრძალა. ქალის სილამაზე გარკვეული ხნის შემდეგ ქმრისთვის დისკომფორტის წყაროდ იქცა — აღიზიანებდა ცოლის მისა-

მართით ნათქვამი ყოველი კომპლიმენტი, სხვა მამაკაცების ალტაცებული მზერა. მალე უბედური ქალის წრე ოჯახის წევრებითა და მეზობლებით შემოიფარგლა. მაგრამ კაცი ამითაც არ დაკმაყოფილდა, ცოლის გარეგნობის კრიტიკაც კი დაიწყო — რას გავხარ, შენი დაგრეხილი ფეხების პატრონი რა მოდელიობაზე ოცნებობდი, ყანჩასავით აწოწილი ხარო... თითქოს სამაგიეროს უხდიდა უწინდელი უყურადღებობა-უარყოფისთვის.

ყველაზე საინტერესო კი ის არის, რომ ქალი ძალიან უმწეო აღმოჩნდა ამ სასტიკი ტერორისა და ფსიქოლოგიური „დამუშავების“ წინააღმდეგ: ჩაქრა, ჩაიფერულა, დაიჯერა საკუთარი სიუშნოვე, ულამაზესი გოგონა ლანდალ გადაიქცა. სამწუხაროდ, დღესაც ერთად არიან, ქმარი კვლავ განაგრძობს თავის პოლიტიკას, ცოლი კი ისევ მსხვერპლის როლშია.

რა ასაზრდოებს ქმრის მიერ არჩეული ურთიერთობის მოდელს? პასუხი ერთია — საკუთარი არასრულფასოვნების განცდა და უარყოფის პერიოდში დაგროვილი აგრესია. მამაკაცმა ჩინებულად უწყის, რომ ცოლის ღირსი არ არის და ეს მისთვის მუდმივი ბოლმის წყაროა. რეალობაში ხშირია საწინააღმდეგო შემთხვევები, როდესაც თავისი სოციალურ-პიროვნული მონაცემებით ქმრებზე აშკარად უფრო დაბლა მდგომი ქალები, ჩინებულად ასერხებენ მეუღლეთა „ყურებით დაჭერას“, სწორედ იმის



წყალობით, რომ მათში არანაირ არასრულფასოვნების განცდას არ იწვევენ, თანაც, მოხერხებული დიპლომატიის მეშვეობით საკუთარ „ნაკლებობასაც“ ავიწყებენ (რა მოხდა, რომ შენ უკეთესი ხარ — სამაგიეროდ, მე გონიერი და ერთგული ვარ, მხარში ვიდგავარ, ჩემ გვერდით დამშვიდებულად შეგიძლია იგრძნო თავი და სხვა ამგვარი).

## „ქალის კულტის“ მეორე მხარე

საქართველოში გაბატონებულია თვალსაზრისი, რომ ტრადიციული ქალის კულტი პრაქტიკულად გამორიცხავს ოჯახში ძალადობას ან ქალის მიმართ უპატივცემულობას და ყველაფერი ცალკეული ფაქტებით ამოიწურება. ამ მოსაზრების მომხრენი არაკორექტულადაც კი მიიჩნევენ ოჯახში ძალადობის სოციალურ მოვლენად აღიარებას.

ისმის კითხვა: რამდენად წარმოადგენს „ქალის კულტი“ სოციალურ დონეზე პატივისცემის გარანტიას?

ამაზე პასუხის გასაცემად ჯერ გავარკვიოთ, თუ როგორი ქალის თავფანისცემას გულისხმობს ხსენებული ტრადიცია: ეს არის მორჩილი (სწორედ მორჩილი და არა დამჯერი!) ცოლი, მზრუნველი დედა, ჩინებული დიასახლისი, სამაგალითო რძალი, გულუხვი მასპინძელი და სათნო მეზობელი — ამ პარამეტრებით ამოიწურება ქალის ეროვნული ხატის სოციალურ-პიროვნული სივრცეები.

მაგრამ რა ვქნათ, თუ ქალს არ აკმაყოფილებს თვითრეალიზაციის ეს ფარგლები და მათ გაფართოებას შეეცდება? საკამათო არ არის, რომ განათლება და დიპლომი ჩვენში კარგი საპატარძლოს მზითვის აუცილებელ „ატრიბუტად“ მიიჩნევა, მაგრამ დიპლომი ერთია — პროფესიონალიზმი კი სულ სხვა. არავინ უშლის ქალს (კიდევ მოუწონებენ!) მოიპოვოს „ხარისხი“ ამ ფორმალური დოკუმენტის სახით, რომელიც „საპატარძლო ბაზარზე“ რეიტინგს ძალზე აუმაღლებს, მაგრამ არავის არაფერში ესაჭიროება (როგორც წესი!) მისი რეალური პროფესიული უნარ-ჩვევები.

აქ კიდევ ერთი მომენტია საგულისხმო: პროფესიული წინსვლა და ამ გზით თვითდამკვიდრება ქალს უმაღლებს თვითშეფასებას, რაც მამაკაცში, რომელიც ჩვენს კრიზისულ რეალობაში და, აგრეთვე, აღზრდის სისტემიდან გამოდინარე, არასრულფასოვნების კომპლექსით არის შეპყრობილი, კონკურენციის საფრთხის შეგ-



რძნებას წარმოშობს. გამოსავალი ორია: ან „დაეწიოს“ ცოლს, ან აუკრძალოს „მეტყინობა“. მამაკაცთა უმრავლესობა, როგორც წესი, მეორე გზას ირჩევს.

შემზარავი დეტალი: ამ რამდენიმე წლის წინ, ავტობიომანმა მამაკაცმა ტორინტოს უნივერსიტეტის აუდიტორიაში თექვსმეტი გოგონა დაცხრილა იმ მიზეზით, რომ „მამაკაცური“ პროფესიის დაუფლებას აპირებდნენ.

**ამბავი მესამე** ეს ამბავი ხსენებული სიტუაციის კლასიკური მაგალითია, მხოლოდ ერთი „აბეზარი“ დეტალით: ფინალი ფრიად არატიპური აღმოჩნდა – ცოლი არ შეეპუა ქმრის დიქტატს.

ისინი თანაკურსელები იყვნენ, ამდენად, სტარტი სავსებით თანაბარ პირობებში აიღეს. ძალიან მალე გამოიკვეთა გოგონას უპირატესობა, რომელიც გაუჭე გაცილებით ნიჭიერი აღმოჩნდა. ყოველი ჩაბარებული საგამოცდო სესია ამის თვალსაჩინოდ დადასტურება გახლდათ. სულიერ-ინტელექტუალურმა არათანხვედრამ მალე განაპირობა მსოფლმხედველობრივ-ღირებულებითი შეუთავსებლობა, რამაც ყოფითი თანაცხოვრება საერთოდ აუტანელი გახადა. ვაჟი აშკარად ცდილობდა ცოლის „გაკოჭვას“, მისთვის მოსაწონ ფარგლებში მოქცევას: ბოლოს, ქალმა ცივი გონებით გათვალა რეალური პერსპექტივა: ქმრის ნება-სურვილთან შეგუება, ანდა წერტილის დასმა. მან მეორე ირჩია.

მრავალ ტრადიციულად მოაზროვნესთვის ასეთი გადაწყვეტილება, რბილად რომ ვთქვათ, მიუღებელია, რამეთუ „ქალს დათმობა შეშენის“, „ბავშვს სჭირდება დედაც და მამაც“ და მისთანანი. საკითხავი ისლა რჩება, „შეშენის თუ არა დათმობა კაცს?“ და „სჭირდება თუ

არა ბავშვს, ოჯახში დაძაბული სიტუაცია?“

**ვარლამის ტყვია**

ოჯახში ძალადობა იმითაც არის საშიში, რომ მისი მდენე ზემოქმედება ამხინჯებს მოზარდი თაობის ფსიქიკას. პიროვნების ჩამოყალიბების კლასიკური თეორიით, ბავშვის ჰარმონიული განვითარებისათვის მართლაც აუცილებელია როგორც დედა, ისე მამა, მაგრამ, სამწუხაროდ, ეს მოდელი მხოლოდ ჰარმონიულ, ანუ ყოველგვარი ძალადობისგან თავისუფალ და ურთიერთპატივისცემის ნორმებზე დაფუძნებულ ოჯახში „მუშაობს“. დისჰარმონიული ოჯახების შემთხვევაში (დღეს კი უამრავი ოჯახია ასეთი), უფრო ადეკვატურია ჩარღზ ქუულის და ჰერბერტ მედის თეორია, რომლის მიხედვითაც ადამიანის სოციალური „მე“ სხვათა „მნიშვნელოვნების“ გავლენით ყალიბდება. ყველაზე ახლო მაგალითი სწორედ საკუთარი ოჯახია, ამდენად, ბავშვი პირველ გაკვეთილს უშუალოდ მშობლებიგან ღებულს. ადვილი წარმოსადგენია შედეგი, თუ ეს მაგალითი უარყოფითია. კიდევ ერთი გამოჩენილი ფსიქოლოგის – პეტერსონის მოდელითაც მძიმე ატმოსფერო ოჯახში ხელს უწყობს დაბალ თვითშეფასებას, თანატოლებისგან მოწყვეტას, ცუდად სწავლას, რასაც შეიძლება ფრიად შორს წასული სავალალო შედეგები მოჰყვეს.

ცოლ-ქმარს შორის ძალადობა, იზოლირებული პრობლემა არ გახლავთ და ბუნებრივად ბავშვებზე ძალადობაში გადადის ხოლმე.

როგორც ხედავთ, ოჯახში ძალადობა ფრიად რთული ფენომენია და წაყრუების პოლიტიკამ შეიძლება მხოლოდ დიდი ზიანი მოგვიტანოს. ამ ბოლო დროს, გენდერის პრობლემებით დაინტერესებასა და ადამიანის უფლებების სფეროს აქცენტირებასთან დაკავშირებით, ოჯახში ძალადობა საერთაშორისო ორგანიზაციების ყურადღების ფოკუსში მოექცა. რამდენიმე დღეა, რაც თბილისში დასრულდა ოჯახში ძალადობასთან ბრძოლის პროგრამის პირველი ეტაპი, რომელსაც ახორციელებს ამერიკული არასამთავრობო ორგანიზაცია „ჰარმონია“. რამდენიმე თვით ადრე „ადამიანის რესურსების განვითარების ფონდის“ თანამშრომლებმა წარმოადგინეს პროექტი – „საფარი“, რომელიც ანალოგიურ მიზნებს ისახავს.

დასასრულ, ვთავაზობთ ჩამონათვალს, რომელიც აღწერს, თუ რას შეიძლება ეწოდოს ძალადობა ოჯახში (პროექტი „საფარი“). ეს თავისებური ტესტია, რომელიც დაგეგმარებათ იმის გარკვევაში, ხართ თუ არა თქვენ, თქვენი ახლობელი ან ნაცნობი ძალადობის მსხვერპლი. ძალადობას ადვილი აქვს მაშინ, როცა თქვენი ოჯახის წევრი: 1. გაუძღმებით გაკრიტიკებთ; 2. იქცევა მეტისმეტად მზრუნველად, ცდილობს, გააკონტროლოს თქვენი ქცევა ან უკიდურესად ეჭვიანობს; 3. გემუქრებათ ზიანის მიყენებით თქვენ, თქვენს შვილებს, ოჯახის წევრებს ან საკუთარ თავს; 4. უეცრად რისხდება და წონასწორობას კარგავს; 5. გიშლით თქვენთვის მნიშვნელოვან ადამიანებთან ურთიერთობას; 6. აზიანებს ნივთებს; 7. ერთპიროვნულად აკონტროლებს ოჯახის ბიუჯეტს და თქვენს ხარჯებს; 8. ცდილობს თქვენით მანიპულირებას; 9. გაყენებთ ფიზიკურ შეურაცხყოფას; 10. მიმართავს ძალდატანებით სექსუალური კავშირის დამყარებას; 11. გამცირებთ სხვა ადამიანთა თანდასწრებით; 12. გემუქრებათ იარაღით; 13. გიშლით წამლის ან საჭმლის მიღებას; 14. გიშლით პროფესიულ საქმიანობას.

ამ ჩამონათვლის რამდენიმე პუნქტიც საკმარისია ძალადობის ფაქტის დაგნოსტირებისათვის. ალბათ, ისიც უკვე ცხადია, რომ ოჯახში ძალადობა კერძო საქმე ნამდვილად არ არის, რამეთუ ძალმომრეობის შხამიანი ატმოსფერო მომავალს წამლავს – ვარლამის ტყვიას უდანაშაულო თორნიკე ეწირება...

მარინა ბაბუნაშვილი

ჩვენი ბავშვობის ზღაპრები

„ყო და არა იყო რა...“ – ამ სიტყვებით იწყება ჩვენი ბავშვური სამყარო, სადაც დიდხანს გვეჯერა ფიზიკურად ძლიერი, მაგრამ ბრიყვი დევის, გამჭრიახი ხუთკუნჭულასი, მოხერხებული ნაცარქექიასი, ავი დედინაცვლის, მისანი ხარის, მზეთუნახავისა თუ უფლისწულის არსებობის.

გაირბენს წლები, გავხდებით დედები და მამები და ახლა ჩვენს პატარებს ვუყვებით ზღაპრებს. ჩვენს შვილებსაც სჯერათ, რომ არსებობენ კეთილი და ბოროტი სულები, გოლიათები და ქონდრისკაცები და ჩვენს ცხოვრებაში ზღაპრიდან შემოდის ძალმომრეობის „პატარა ნამცეცები“ და ყალიბდება „საზარელი მოძალადის“ სახე. კიდევ კარგი, ზღაპრების მთავარი დევიზია – „ბოროტსა სძლია კეთილმან“, თორემ ზოგიერთში ისეთი საზარელი ამბავია მოთხრობილი, რომ არათუ სიკეთით აგავსებს, შეგაძრწუნებს და უიმედობასაც ჩავისახავს...

თავი დავანებოთ „ცულ“ ზღაპრებს და გავიხსენოთ ყველასთვის ცნობილი, საყვარელი „ნაცარქექია“... არის თუ არა მასში ძალადობის ნიშნები? რა თქმა უნდა, არის! ზარმაც, მაგრამ გონებასახვილ ჩია კაცს ჭკუით რომ არ ეჯობნა, ხომ „ბრდღენად“ არ ეყოფოდა გოლიათ დევს! ძალმომრეობა მარტო ფიზიკურად ძლევას როდი ნიშნავს – ფსიქოლოგიური „ზეწოლაც“ ხომ ზოგჯერ ფიზიკურსაც სჯავსის. ჰოდა, თანამედროვე სიტყვებით რომ ვთქვათ, ნაცარქექიამ ფსიქოლოგიური ომი მოიგო. ცხოვრებაშიც ხშირად ხდება ასე: დიდი და ბრვე აღნაგობის კაცი, პატარა, გაჭილი და კვაკვი სუბიექტის „ძალმომრეობის“ მსხვერპლი შეიძლება გახდეს. ძალმომრეობა კი, ბავშვობიდან მოყოლებული, მთელი ცხოვრების მანძილზე გვხვდება სხვადასხვა სახითა და მასშტაბით.

... საბავშვო ბაღში, დათქმულ დროზე ადრე მივაკითხე ჩემს ბიჭს წამოსაყვანად. დავინახე, რომ მასწავლებელს ბავშვები გარს შემოესვა და დიდი გატაცებით უკითხავდა ქართულ ზღაპარს – „ჩიტი-ჩიორას“. ხელი აღარ შეეშალე და მოცდა გამჯობინე. დროაღრო ოდნავ შემოღებულ კარში ვიჭვრიტებოდი. მასწავლებელი ცდილობდა, რაც შეიძლება გამომსახველად გადმოეცა ბედკრული დედა-ჩიტისა და ცბიერი მელაკუდას ამბავი. როცა თხრობამ კულმინაციას მი-



და დღევანდელი სინამდვილე

აღწია და ჩიტმა მესამე ბარტყიც გადაუგლო მოძალადე მელას, დავინახე, სიბრალულისგან პატარა, თვალნათულა ქეთის, როგორ აუკანკალდა ტუჩები, მერე ნიკაბი, ბოლოს კი ყელში გაჩხერილ „ბურთს“ „გზა“ მისცა და ხმამაღლა ატირდა. ცოტა ხანში მას სხვებიც აჰყვნენ, მათ შორის ჩემი შვილიც. გულმა აღარ მომიტმინა და ოთახში შევედი. მასწავლებელი ოლიმპიურ სიმშვიდეს ინარჩუნებდა და ეფექტით უზომოდ კმაყოფილი... იღიმებოდა კიდევ... ქეთი კი ისევ მოთქვამდა: ცული დედაა ჩიორა, სამი ბარტყი გადაუგლო და შეაჭმევინა მელიას... არ მიყვარს მე ეს ჩიტი, არც ზღაპრები მიყვარს და აღარც ბაღი... დედიკო რომ მოვა, ყველაფერს ვეტყვი და აქ აღარ მომიყვანსო... ვცადე, ბავშვებისთვის ამეხსნა, რომ ის, რაც ზღაპარში მოისმინეს, ცხოვრებაში არ ხდება: ქართველი დედა, როგორც არ უნდა გაუჭირდეს, შვილს არასდროს გაწირავს-მეთქი... შევატყვე – ჩემმა სიტყვებმა ბავშვებზე იმოქმედა: მიმნდობი, სითბოს მოწყურებული ბავშვური სული სიკეთეს უფრო ადვილად იჯერებს, ვიდრე ბოროტებას...

გადის წლები, ბავშვს გამოცდილება ემატება და მწარე გაკვეთილებიც გარემოსა და გარემომოყოფებისადმი უფრო ფრთხილ, ზოგჯერ ეჭვიან დამოკიდებულებას ასწავლის, დაანახებს, რომ ზედმეტად მიაბიტი და მიმნდობი, ხშირად, წაგებული გამოდის...

ერთი „ბოხვერა“ ბიჭი თავისთვის

კუთხეში მიმჯდარიყო და კუბურებით „სახლებსა“ და „ავტომავისტრალებს“ აშენებდა. მის შორიანხლოს ბიჭების ჯგუფი მანქანებით ერთობოდა. ერთ-ერთმა მათგანმა, შეამჩნია თუ არა, რომ მისმა თანატოლმა საკმაოდ დიდი და „მაღალსართულიანი სახლი“ ააშენა, დაუმიზნა და... ზუსტი დარტყმით დაუნგრია. „ბოხვერა“ ჯერ თითქოს ტირილს იწყებდა, მერე კუბურა აიღო და „მოძალადეს“ პირდაპირ თავში ესროლა. ჩხუბის მოთავე ატირებული მოვიდა ჩვენთან და ისე მოხერხებულად დადანაშაულა მომხდარში „მშენებელ-კონსტრუქტორი“ – ჩვენი თვალთ რომ არ გვენახა ყველაფერი, ალბათ მას უფრო დაუჯერებდით, ვიდრე მოწინააღმდეგეს, მით უმეტეს, რომ შუბლზე დიდი კოპიც ჰქონდა...

იზრდებიან ბავშვები და, რომ იტყვიან, მათთან ერთად პრობლემებიც „იზრდება“.

ნინო, სამუალო სკოლის მასწავლებელი:

– თხუთმეტი წელია, რაც სკოლაში ვმუშაობ. ყველაზე რთული, გარდატეხის პერიოდი მე-8, მე-9 კლასიდან იწყება. ამ დროს ბიჭები განსაკუთრებით ყოყლოჩინობენ, საკუთარი „მე“-ს დამკვიდრებისათვის თავისებურად „იბრძვიან“. მათ არც გოგონები ჩამოუვარდებიან, ამიტომაც ყოველთვის ვცდილობ, რომ თუ წინა წლებში მკაცრად ვექცეოდი, მაღალ კლასებში უფრო მეგობრული ვიყო მათთან. ღრმად ვარ დარწმუნებული – მართლ სიმკაცრით მიზანს ვერ მივაღწევთ.



რაც შეეხება კლასის „ყოჩებს“, ამ „საპატიო წოდებისთვის“, გაეცვივებოდა და, პირველი კლასიდანვე იწყებდა ბრძოლა. ბევრი ცდილობს, „ყოჩის“ სახელი დაიმკვიდროს. ალბათ ეს არის ძალიან მრავალრიცხოვანი ერთ-ერთი პირველი გამოვლინება, რაც მერე და მერე გაუხეშებული, უფრო სასტიკი სახით გვხვდება ყოველდღიურ ცხოვრებაში. ძალიან რთულია მოზარდებთან მუშაობა. ერთმა ჩემმა მეგობარმა შენიშვნა მისცა მეცხრე კლასის მოსწავლე ბიჭს. დამსწრე თანაკლასელებს შორის ყოფილა ამ ბიჭის შეყვარებული გოგონა. ყმაწვილი „ყოჩობდა“ და იუკადრისა შენიშვნა, პროტესტის ნიშნად კი, გაკვეთილიდან გამოვლებულმა, დერეფანში შიშველი ხელებით მინები ჩაღეწა. შემთხვევა კინაღამ ტრაგიკულად დამთავრდა, რადგან შუშამ ვენა გადაუჭრა... ეს ამბავი არ აპატივად იმდენი ქნა, რომ მასწავლებელი იძულებული გახდა, სხვა სკოლაში გადასულიყო... მოსწავლე-მასწავლებლის კონფლიქტებს შორის კიდევ ერთი შემთხვევა მასხენდება: მოსწავლეს გართულებული ურთიერთობა ჰქონდა ხაზვის მასწავლებელთან. ერთ-ერთი ინციდენტის შემდეგ, შებინდებისას, შინ დაბრუნებულ კაცს ბიჭი სადარბაზოსთან ჩაუსაფრდა და სადღაც ნაშოვნი „ღუბინკით“ თავი გაუჩხეხა...

**ქეთევანი, მასწავლებელი:**

– მე-11 კლასის დამრიგებელი ვარ, მეხუთე კლასიდან მოვეყვები. მეშვიდეში იყვნენ, როცა ჩვენთან გადმოვიდა ძალიან კარგი ბიჭი, რომელიც მუსიკაზე დადიოდა – ვიოლინოზე დაკვრას სწავლობდა. გარეგნობითაც სასამოვნო ბავშვი იყო და სკოლაშიც სანამუშო მოსწავლედ ითვლებოდა. მისი წარმატება თვალში არ მოუვიდა კლასის რამდენიმე „ყოჩს“ და ერთხელაც, მუსიკის გაკვეთილიდან გამოსულს დახვდნენ და უმიზეზოდ სცემეს. ბიჭმა არაფრით არ

გასცა ახალი თანაკლასელები, თუმცა მისი მშობლები ძალიან შეწუხებულნი იყვნენ მომხდარის გამო. ეჭვად მქონდა, ვინც იქნებოდნენ „დამტერორებლები“, მაგრამ არ ჩავრეულვარ, ვფიქრობდი – მოზარდები თვითონ მორიდდებოდნენ. რამდენიმე ხნის შემდეგ კვლავ იგივე განმეორდა... ბიჭმა თავი დაანება მუსიკას და სკოლაშიც უკლო სწავლას: ვოკონებმა ჩუმად მომიტანეს ამბავი – რომ „ყოჩობდა“ „დაივინეს“, რომელი ბიჭიც გაკვეთილს კარგად უპასუხებს, მაგრამ მივებეგავთო. დავიშარტოხელე არა „მომალადები“, არამედ დაჩაგრული და დიდხანს ველაპარაკე ვაუკაცობაზე, პრინციპულობაზე, „მეობაზე“... ჩანს, ჩემმა სიტყვებმა იმოქმედა და ბიჭმა კვლავ დაიწყო მუსიკაზე სიარული, სწავლასაც მიუბრუნდა და ძიულშიც დაიწყო ვარჯიში. კვლავ აიქოჩრნენ „მაგარი ბიჭები“, მაგრამ „საქმის გარჩევა“ ამჯერად, მათთვის სავალალო შედეგით დასრულდა.

**დაჩი, მშობელი, 30-ოდე წლის კაცი:**

– სკოლაში ყველას გვისწავლია და ყველას გვასწავს „ძველი ბიჭები“, სკოლის ეზოში, საყვლოწამოწეულნი რომ „აბირჟავებდნენ“ ხოლმე. ადრეც და ახლაც თინეიჯერები (მოზარდები) საკუთარი პიროვნებისა და „მეობის“ გამოვლინებას მათზე ფიზიკურად უფრო სუსტი ბავშვების დაჩაგვრაში ხელავენ და სხვადასხვა დამამცირებელ დაჯალებსაც აძლევენ: ქუჩაში სივარტის ნამწვავების მოვროვება, სკოლის ტუალეტში „ატანდაზე“ დგომა (მასწავლებელმა მოწვევისას რომ არ წაასწროს), ბუფეტის ტალონების

„შეწერვა“ და სხვა ამგვარი. სისუსტეში ფიზიკურად სუსტი ბიჭები არ მიგულისხმია – აქ უფრო სულიერ გაუტეხელობაზეა საუბარი. მასწავლებელს, როგორ ჩავრავდნენ ხოლმე ბუთხუზა, ჩაპუტკუნებულ ბიჭებს („დედიკოს ბიჭებსაც“ კეძახდით) გაჩხიკინებული, „მოლეული“ „ყოჩები“. ცოცხალი გამხელილი სჯობს და არც მე გამიძლია ყოველთვის იმის ცდუნებისთვის, რომ, ვოჭავთ, „ბუღკი“ წამერთმია „ლაყე“ თანაკლასელებისთვის. გარეგნულად, სუსტი კი ვიყავი, მაგრამ ხმა მქონდა მჭახე... ხშირად მიფიქრია, „ახლა რომ ამან ხელი შემომიბრუნოს, ხომ გამსრესს ჭიანჭველასავით-მეთქი“... საბედნიეროდ, მსგავსი რამ არ მომხდარა – როგორც ვითხარით, ხმა მქონდა მჭახე... თუმცა არც „ძველი ბიჭობის“ პრეტენზია მქონია, – როგორც იტყვიან, „ჩემთვის ვიყავი“. მაგრამ ერთხელ, დასვენებაზე, როგორღაც ისე მოხდა, რომ ჩემი ავღებული, საკმაოდ მძიმე ჩანთა ერთ-ერთ „ძველ ბიჭს“ დაეცა თავზე და... „გათიშა“. ძლივს მოასულიერეს. მე, რა თქმა უნდა, გვარიანად შევშინდი და მალეც „მოუვსვი“ შინისკენ. მეორე დღეს სკოლაში მისულს რაღაც, სხვანაირი რილით შემხვდნენ: მერე გავიგე, ათასნაირი ჭორი აგორებულა – „ერთი დარტყმით გააგორაო“, „ნოკაუტში ჩააგლოო“... ლამის, კრივის ჩემპიონადაც კი გამოამცხადეს. „სკოლის ჩაბარების“ ინსტიტუტსაც იცნობთ ალბათ: სკოლა, ჩვეულებრივ ერთ-ერთ „ყოჩს“ „აბარია“ ხოლმე – ის არჩევს კონფლიქტებს, ხვდება სხვა სკოლიდან პრეტენზიებით მოსულ ბიჭებს და ა.შ. იმ ჩემი „გემირობის“ შემდეგ, ერთ-ერთი „ძველი“ მოვიდა და დიდის ამბით გამანდო: წინამორბედი „ყოჩი“ თურმე სკოლას მას „აბარებდა“ და – შენ რაიმე პრეტენზია ხომ არ გქნებაო?... ამ „ყოჩების“ შესახებ ჩვეულებრივი სკოლის მასწავლებლებიც სრულ ინფორმაციას ფლობენ, მაგრამ ზოგჯერ სათავისოდ იყენებენ და ცდილობენ, „ყოჩთან“ ყოველთვის კარგ ურთიერთობაში იყვნენ – მისი მეშვეობით ხომ კლასში წესრიგის დამყარებაც შეიძლება...

ერთი წერილით ამ ყოველისმომცველ თემას მთლიანად, ცხადია, ვერ მოვიცავთ. არც დავეისახავს მიზნად – უბრალოდ, გვინდოდა ყურადღება გაგვემახვილებინა მოზარდების ცხოვრების იმ მხარეებზე, რომლებიც ხშირად, ჩვენი – უფროსების ყურადღების მიღმა რჩება ხოლმე და სავალალო შედეგების საფუძველი ხდება.





ძალადობის ერთ-ერთი ყველაზე საშინელი და თავისი შედეგებით, უმძიმესი სახეობა, მოზარდების მიმართ ჩადენილი სექსუალური აგრესიაა. დამნაშავეობის ამ სახეობასთან საბრძოლველად, დასავლეთის ქვეყნებში ბევრი ორგანიზაციაა შექმნილი. ერთ-ერთი მათგანის — სექსუალურ ნიადაგზე დანაშაულის ჩადენის თავიდან აცილების პროფესიათაშორისი ასოციაციის — „აისპასის“ თანამშრომელი ჯულია მეზრაკი საქართველოს რძალია. ჰყავს სამი შვილი, ოჯახთან ერთად აშშ-ში ცხოვრობს. თბილისში მცირე ხნით ყოფნისას თავისი გამოცდილება გაგვიზიარა:

## ბავშვები და სექსუალური აგრესია

### ბალაქტიონ ტაბანაშვილი

– ბავშვები და სექსუალური აგრესიულობა განსაკუთრებით მსხვილი ქალაქებისთვის დამახასიათებელი ბოროტებაა.

საზოგადოების დემოკრატიზაციის ნეგატიურ მოვლენად იქცა დამნაშავეობის საყოველთაო ზრდა, მათ შორის, სექსუალურ ნიადაგზე. სანამ სტატისტიკური სამსახურის ორგანოები მკაცრ და დაუნდობელ ციფრებს გვიმჟღავნებენ, მართლწესრიგის დამცველნი კი ამ უბედურების საწინააღმდეგო გზებს და საშუალებებს ეძებენ, ფსიქოლოგები და პედაგოგები ვფიქრობთ, როგორ ვასწავლოთ ბავშვს პოტენციურ დამნაშავეთაგან თავის დასახსნა ისე, რომ არ დაგვაზიანოთ ბავშვის ფსიქიკა, ფაქიზი გონებრივი და სულიერი სამყარო. დასავლეთის ქვეყნების მონაცემებით, 18 წლამდე ასაკის ყოველი მერვე გოგონა და ყოველი მეათე ბიჭი, სექსუალური დამნაშავეის მსხვერპლი ხდება. და მინც, მშობელთა უმრავლესობა არ ფიქრობს იმაზე, როგორ გადაარჩინოს თავისი ნაშიერი ამ უბედურებას... ან სულაც, არაფერი იციან ამის შესახებ. ბავშვისათვის რჩევა-დარიებების მისაცემად სჯობს, როგორმე იმგვარად წარმართოთ საუბარი, რომ მან თვითონ დაგისვით კითხვა – რას ნიშნავს გაუპატიურება? როცა ბავშვს ქუჩაში უაზროდ ყიალსა თუ ეზოში თამაშს უშლით, ისიც უნდა გააგებინოთ, რომ მას ათასგვარი ხიფათი ელის. იპოვეთ საჭირო სიტყვები, რათა ყველაფრის მართივად ახსნა შეიძლებოდეს. მაგალითად, ასე: „ზომ იცი, უფროსები კეთილი, კარგი ადამიანები არიან, მაგრამ მათ შორის ზოგჯერ ისეთიც შეგვხვდება, ყოველგვარ უკეთურობაზე მზად რომ არის...“ იმის შიშით, შვილს სიმშვიდე არ დაერღვეს, ბევრი მშობელი ცდილობს, ააცილოს მოზარდი ხიფათზე, ძალადობაზე საუბარს და ამიტომაც, ხშირად ჩიხში ექცევა, როდესაც საქმე სექსს ეხება. გამოვტყდეთ – მართლაც რთული ასახ-

სნელია, სიტყვებს ვერ პოულობ...

იქნებ სჯობდეს, ის აუხსნათ, ბავშვს რისთვისაც აფრთხილებთ, რისიც გეშინიათ. ვთქვათ, ასე: „თუ ვინმე გაიტყულებს, მოუფერო, აკოცო ადამიანს, რომელიც არ გიყვარს, უცხოა, შენზე ბევრად უფროსია, – თავი აარიდე, შენ ხომ სულ პატარა ხარ და სულაც არ გჭირდება უცხო ადამიანის აღერისი. სიყვარული უმშვენიერესი გრძნობაა, მხოლოდ მაშინ, როცა ორ ადამიანს ერთმანეთი უყვარს – აი, როგორც შენს დედას და მამას. სხვა შემთხვევაში, ასეთი ურთიერთობა ძალადობაა და კანონით ისჯება“.

იმ წუთიდან, როდესაც ბავშვი დამოუკიდებლად იწყებს სკოლიდან შინ დაბრუნებას, ვალდებულნი ხართ, გააფრთხილოთ, ასწავლოთ, რომ სექსუალური ბოროტმოქმედნი გარეგნულად ჩვეულებრივ ადამიანებს ჰგვანან და ბავშვის მოხიბლვასა და მოტყუებას ადვილად ახერხებენ. ამიტომ მოზარდს თავდაცვის რეფლექსი უნდა გამოუმუშავდეს: „თუ ვინმე უცხო მთხოვს – ქუჩაზე გადაიყვანე, ძალღობის მოძებნაში დაძვინჯარე, სახლამდე მიმაცილეო, – მე უნდა გუპასუხო – „არა“! – მაშინაც კი, თუ ის ვიდაც ნაცნობია. ჩემმა მშობლებმა არ იციან, სად ვარ, მათ ამიკრძალებს უცხო ადამიანებთან გამოსაუბრება“ – აი, მარტივი ფორმულა, რომელიც ბავშვის გონებაში უნდა ჩაიბეჭდოს. ასწავლეთ თქვენს შვილს: თუ ქუჩაში ვინმე საეჭვოდ აეკიდა, თავი მაღაზიას შეაფაროს, გამყიდველს გამოელაპარაკოს. აჩვენეთ, სად არის მაღაზია, აფთიაქი, საპარაკმახერო. ყოველი შემთხვევისთვის დააზებირებინეთ მეზობლის ტელეფონი.

ყველაზე სახიფათო კი, მომხდარი ძალადობის დაფარვაა. ძალიან ხშირად



დაზარალებული ბავშვი შიშით და სირცხვილით ვერ ამხელს, რაც გადახდა. გაითვალისწინეთ, ჩვენმა გამოკვლევამ გვიჩვენა, რომ ბავშვი უმეტესად ნაცნობის ან მშობლების მეგობრის მსხვერპლი ხდება, რადგან ბავშვი იცნობს და ენდობა მას. ზოგჯერ საკუთარი სახლი ბევრად საშიშია, ვიდრე ქუჩაო, გვიმტკიცებენ ფსიქოლოგები... აუხსენით ბავშვს, რომ თუ იგი რაიმე ვითარებაში

თავს უხერხულად იგრძნობს, შიშით დაეუფლება – უნდა ენდოს თავის ინტუიციას და, რაც ყველაზე მთავარია, აუცილებლად გაგანდოთ სატიკვარი. ჩაუნერგეთ შვილს, რომ მას არ უნდა შერცხვეს მშობელთან არაფრის გამჟღავნებისა.

კიდევ ერთ რთულ პრობლემაზე მინდა, გაგიზიაროთ ჩემი აზრი – ყველა დანაშაულის დაბეჯითებით იდენტიფიცირება შეუძლებელია. როგორ გავაულოთ ზღვარი ნორმალური ადამიანური გრძნობის გამოვლენასა და ზნეცემულ, პათოლოგიურ ლტოლვას შორის? სპეციალისტები გვიჩვენებენ – უმჯობესია, ბავშვმა თავად მოახდინოს ბუნებრივი რეაქცია – „რატომ მიყურებ ასე?“ სავსებით შესაძლებელია, რომ სხვათა გასაგონად ნათქვამმა ამ უწყინარმა ფრაზამ „სექსუალური თავდამსხმელს“ მაღა წაუხდინოს და შემდგომი ქმედებისგან თავი შეაკავებინოს.

ჩვენს ორგანიზაციას გარკვეული წვლილი შეაქვს „სექსუალურ აგრესიათაგან“ მოზარდი თაობის დაცვის საქმეში. გვაქვს სპეციალური პროგრამა, გავრცელებით ვიდუკასეტებს, რომლის მეშვეობით ბავშვი ადვილად ითვისებს, როგორ აღუდგეს წინ ძალადობას, როგორ აღკვეთოს მოძალადის ბინძური მცდელობა.



# ...ჩემ გვერდით პოზიის გვირგვინი — გალაკტიონი ზის!

ბატონი იპოლიტე ვართაგავა სასულიერო სემინარიაში მუშაობდა პედაგოგად. მისი მოწაფეები სხვადასხვა დროს ყოფილან გალაკტიონ ტაბიძე, გიორგი ლეონიძე, კათოლიკოს-პატრიარქი ეფრემ II...

გალაკტიონი ძალიან მორცხვი სემინარიელი ყოფილა. სხვათა შორის, სიმორცხვე სიკვდილამდე თან სდევდა დიდ პოეტს. იმ დროს, როცა ყველა მოწაფე იზებიერებდა გაკვეთილებს, გალაკტიონი თურმე ჩვეულებრივი, სადა ენით ჰყვებოდა. ერთხელ დავალება მიუციათ სემინარიაში. უნდა დაეწერათ თემა „Сбор винограда в Грузии“. გალაკტიონის ნამუშევარი განსაკუთრებული არ ყოფილა, მაგრამ უცხად გაისმა — ტაბიძე ლექსებს წერსო. სემინარიის რექტორიც გასცნობია მის ლექსებს და გალაკტიონისადმი დამოკიდებულება იმ დღიდან შეიცვალა...

მოსკოვში უნდა გამოცემულიყო გალაკტიონ ტაბიძის ლექსების კრებული. თვითონ მისულა თავის ყოფილ მასწავლებელთან — იპოლიტე ვართაგავასთან და ბწკარედის გაკეთება უთხოვია. ეს თხოვნა დაუყოვნებლივ შეუსრულებია ბატონ იპოლიტეს.

... გალაკტიონის ბოლო კრებული გამოსვლასთან დაკავშირებით, მასწავლებელთა სახლის ლიტერატურული წრის ხელმძღვანელის — იური ჩიკვაიძის ინიციატივით, სახლის საჯარო დარბაზში მზადდებოდა პოეტის საღამო... გალაკტიონისათვის ფოტო უთხოვიათ დარბაზში დასაკიდებლად. პოეტს იღუმალი ღიმილით უთქვამს: „დიდი ხანია სურვილი მაქვს, სურათი გადავიღო ჩემს ყოფილ მასწავლებელ იპოლიტე ვართაგავასთან. წავიდეთ მასთან...“

ბატონი იპოლიტე იხსენებდა: „მამინდელი აკაკი წერეთლის ქუჩაზე, სა-

დაც ვცხოვრობდი, მოულოდნელად ზარის ხმა გაისმა. ოთახში გალაკტიონი და იური ჩიკვაიძე შემოვიდნენ და შიხმანის ფოტოატელიეში მოხოვეს წასვლა სურათის გადასაღებად. მე მათზე არანაკლებ მიხაროდა, სიამაყის გრძნობით ვივსებოდი, როცა ჩემი ყოფილი მოწაფის, იმ წუთში ოლიმპიელი ზევსის ხელკავით წერეთლის ქუჩას მიუყვებოდი“...

ბატონი იპოლიტესათვის დაუვიწყარი გამხდარა ის დღე. თვითონვე ამბობდა შვილიშვილებთან: „მაგიდის შუაში ვზივარ მე, ღრმად მოხუცი ადამიანი, გალაკტიონის ყოფილი მასწავლებელი და რიგითი კალმოსანი. ჩემ გვერდით სხედან XX საუკუნის ქართული პოეზიის გვირგვინი — გალაკტიონი და მისი მეგობარი — იური ჩიკვაიძე“.

ლელა ჯიყაშვილი

ნანა ქიბიშაური

გენერლობის გარდა, ბატონ პანტელეი- მონს, კიდევ ერთი ოცნება ჰქონია. ამ ოც- ნებას კი ვაღია რქმევია. ბატონი გენერლის პირველი სიყვარული ქორწინებით დამთავრე- ბულა. სხვანაირად არც შეიძლებოდა ყო- ფილიყო. გიორგაძეების ტერორისტული საქმიანობის რა მოგახსენოთ, მაგრამ რაც ჩემი თვალით ვნახე, იმას ვადმოგცემთ: — ბატონი პანტელეიმიონი და ქალბატონი ვალ- ია ადამ და ევასავით უხდებიან ერთმანეთს.

— ბ-ნო პანტელეიმიონ, ჟურნა- ლისტებმა შეიძლება თავიც კი მოგა- ბეზრეთ ყრილობაზე დასახულ სამო- მავლო ამოცანებსა და პერსპექტივაზე დასამუღი შეკითხვებით, ამიტომ, ამჯერად იქნებ უფრო მსუბუქ თემაზე ვისაუბროთ — მაგალითად, პირველ სიყვარულზე.

— ამ თემაზე საუბარს, ისევ ყრილობაზე საუბარი მირჩენია.

— რატომ?

— კომუნისტური პარტიის იდეოლოგია- ში მე ქვეყნის გადარჩენის გზას ვხედავ და სერიოზულ საკითხებზე საუბარი არ მეზარე- ბა. პირველი სიყვარული კი... რაღა დროს ჩემი სიყვარულია — არც შემეფერება ამის გახსენება. მოგეხსენებათ, ჩემი ოჯახი დაქსაქ- სულია: 6 წელია, ჩემი შვილი, რძალი და შვილიშვილები არ მინახავს, ჩემი სიყვარუ- ლი რა გასახსენებელია, როცა ჩემი შვილიშ- ვილი, 24 წლის ბიჭი, მატერიალური მდგო- მარეობის გამო ვერ დაქორწინებულა.

— ვისზე აპირებს დაქორწინებას? რამდენადაც ვიცო, ხმები პუტინთან თქვენ დამძახლების შესახებ სას- ტკად უარყავით.

— მე არ ვიცი, ბოლოს ჩემი შვილიშ- ვილი ვისზე დაქორწინდება, მაგრამ ვიცი ის, რომ ამ პირობებში მას ამის დრო არა აქვს. იგორის ოჯახის წევრები ფაქტობრივად დევნილები არიან. თანაც, მათ ათასგვარ ტყუილ ბრალდებას უვრცელებენ.

— თქვენ, თქვენს შვილიშვილთან შედარებით, ალბათ უფრო სასურველ სასიძოდ ითვლებოდით. იმ დროს „ფორმიანი“ კაცი მანდილოსნებში მეტი პოპულარობით სარგებლობდა.

— გეთანხმებით, სხვა დრო იყო, მე მართ- ლაც სხვანაირი ახალგაზრდობა მქონდა, სხვა თაობა ვიყავით, სხვა მუსიკას ვუსმენდით, სხვა წიგნებს ვკითხულობდით, „ტანც პლაშადაკებზე“ დავდიოდით, გოგონებს ვხ- ვდებოდით და ვამაყობდით იმით, რომ ერთ- გულებს და დიდი სიყვარული შეგვეძლო. დღეს ჩემი სიტყვების გაგება მხოლოდ ჩემი თაობის ხალხს შეუძლია, რადგან სიტყვა „სიყვარული“ საქართველოში სიტყვა „სე- ქსმა“ შეცვალა. აღრინდელი — „მე შენ

ვინ არის ეს კაცი სამხედრო ფორმით, ჩინ-მედლებით, ქართუ- ლი სახით და ქორული გამოხედვით? ვინ და — პან- ტელეიმიონ გიორგაძე! კარგად დააკვირდით: თვალები ჰგავს? — ჰგავს! ცხვირი ჰგავს? — ჰგავს! უღვაშები ჰგავს? — ჰგავს! ესე იგი... ჰგავს!

პანტელეიმიონ გიორგაძე ამ ფოტოს გადაღების დროს იმ ასაკშია, როცა გენერლობაზე მხოლოდ ოცნებობენ, არადა, უკვე კაპიტნის ნოდება აქვს. მართალია, ამ ბოლო დროს მას ყველა ოცნება ისე არ უსრულ- დება, როგორც ახალგაზრდობაში ჯარისკაცული ოცნება აუხდა, მაგრამ მხედრულ შემართებას მაინც არ კარგავს.



სიყვარულზე საუბარს პარტიის ყრილობაზე საუბარი მირჩევნია!



მიყვარხარ!“ იცით, დღეს როგორ უღერს? „შენ რა სექსი ხარ, ტო!“

— ესეც შევარდნაძის ბრალია?

— აბა, ჩემი ბრალია? ეს იმის შედეგია, რომ ჩვენი ახალგაზრდობა ზნეობრივად გარ- ყენეს და ეს პროცესი დღესაც გრძელდება.


— თუ გახსოვთ, როგორ და ვის გამოუტყდით პირველად სიყვარულ- ში?

— როგორ არ მახსოვს — ამის დავიწყება არც შეიძლება. მე მაშინ აღმა-ათაში, სამხედრო კავალერიის სასწავლებელში ვსწავლობდი. 20 წლის ვიქნებოდი. საღამო ჟამს ჩემს მეგობართან ერთად მივსივრნობდი ქუჩაში, ამ

დროს, ქუჩის ბოლოდან ჩვენკენ მომავალი გოგონა დავინახე. დავინახე და უნთქვა შე- მკრა. ისე მოხდენილად მოდიოდა და ისე ილიმბოდა, ეტყობოდა, რომ რაღაცით ძალიან გახარებული იყო. მე გამოველაპარაკე: გოგო- ნა, რა ვინარიათ-მეთქი? მან კი მიპასუხა — დღეს საბჭოთა პასპორტი ავიღე!.. ასე გავ- იცანი ქალი, რომელიც შემეყვარდა. ციმი- რელი იყო, ვაღია ერქვა. სიყვარული პირვე- ლად მას აუხსენი, ნახევარ წელზე მეტხანს ვხვდებოდით ერთმანეთს. შემდეგ დავეკორწინ- დით და საცხოვრებლად „ყაზახისტანში“ წავიდით. იქ შეგვეძინა პირველი შვილი — იგორი, შემდეგ მარინა დაიბადა...

— მაინც როგორი იყო შეყვარ- ებული კავალერიისტი პანტელეიმიონ გიორგაძე — რომანტიკული? მე- ბრძოლი? თუ ჩაფიქრებული?

— ახლა როგორიც ვარ, ისეთივე ვიყავი. იმიტომ, რომ მე დღესაც ისევე მიყვარს, როგორც მაშინ. ჩვენ ერთად ბევრი რამ გადავიტანეთ და რომ არა ის სიყვარული, რამაც ოჯახი შეგვაქმნევინა, ამდენ პრობლე- მას, რომელიც ხელოვნურად მოახვიეს ჩემს ოჯახს თავზე, ვერ მოვერეოდით. ვაღიას ჩემ გვერდით არ ჰქონდა მშვიდი ცხოვრება, თუმცა კარგად მოსაგონარი დღევ ბევრი გვაქვს. დღეს ჩვენი მთავარი სადარღებელი დაფან- ტული ოჯახია. კარგ დღეებსა და პაუზებზე უფრო დაწვრილებით მაშინ მოვიყვებით, როდესაც მე, ჩემი მეუღლე, შვილები და შვილიშ- ვილები — ყველანი ერთად შემოვუსხდებით საოჯახო სუფრას. ასეთი დღის გათენებას კი მე და ჩემი პირველი და უკანასკნელი სიყვარული, მოთმინებით ველოდებით.



### ჰაყუნიის ჯანთოველი

# ორეული თუ ძმან?

## ნანა ქიბიშაური

მსოფლიო პრაქტიკა გვიჩვენებს, რომ სახელმწიფოს უმაღლესი პირებისათვის „ორეული“ ძალზედ საჭირო და, ამავე დროს ძალზედ სახიფათო ფენომენია. ცნობილია, რომ პრეზიდენტების ორეულების „დავერობულობისთვის“ სახელმწიფო უშიშროების გარდა, დაინტერესებული ქვეყნის დაზვერვაც დიდი მონღომებით მუშაობს. ე.წ. თადარიგის დუბლი ჰყავდა ნაპოლეონს, ლენინს, სტალინს, ჰიტლერს, ბრეჟნევს, ელცინს. ჩვენთან რატომღაც არავის უნახავს შევარდნაძის ორეული, სამაგიეროდ, ასლან აბაშიძის მსგავსი „ტიპები“ ყოფილან მრავლად. სტალინის ორეული თურმე თავის საბუშო დღეებში ტრიბუნაზე იდგა და „ჩესტი“ იღებდა ალღუმს. ამ დროს დიდი ბელადი საკუთარ კაბინეტში იჯდა და ძვირფას დროს უქმად არ კარგავდა. თავისუფალ დღეებში კი ცრუ სტალინი რიწის აგარაკზე ისვენებდა. ბრეჟნევის ორეული თურმე ბრეჟნეზე უკეთესად გამოდიოდა კრიტიკული მდგომარეობიდან და საქვეყნო საქმეებით დაკავებულ „პა-

ტრონს“ დროდადრო „თავისი“ წიგნების წაკითხვის საშუალებასაც აძლევდა. ბრეჟნევის ორეულს ნამდვილი ბრეჟნევისგან, თურმე პირადი დაცვის წევრებიც ვერ არჩევდნენ და ხშირად თვითონაც არ იცოდნენ, როდის ვის იცავდნენ. ასე რომ, ცნობილი მისალმების ავტორი (Дорогой Индира ГАНДИ) შეიძლება სრულებით არ არის ლეონიდ ილიას ძე. ამ ალბათობას ზრდის ისიც, რომ დუბლიორ ბრეჟნევსაც სიბერის წყეული სენი – სკლეროზი სჭირდა. ცუდ დღეში იყო დაცვა: ამათ თვითონაც აერიათ, რომელია ნამდვილი და რომელი ორეული და ჩვენ როგორ გავარჩიოთ?!

რუსეთის ახლანდელი პრეზიდენტის პირადი მცველები ამ დილემის წინაშე ნამდვილად არ დგანან. მათი პრეზიდენტი ახალგაზრდაა და ფიზიკურად ჯანმრთელი. მისი ორეული კი – რუსეთიდან შორს, მზიურ საქართველოში ცხოვრობს. სად ვიპოვეთ ჩვენებური „პუტინი“? სად და – არც მეტი, არც ნაკლები – მეტროში. ვინ აღმოაჩინა? ვინ და ჩვენმა „პაპარაციმ“. მსგავსება იმდენად დიდი იყო,

რომ, როგორც ჩანს, საკუთარ პროფესიულ მზერასაც არ ენდო ბოლომდე და მიჩურჩულა: „შეხედე, ერთი, პუტინია თუ პუტინის ორეული?“ ნაჩვენები მიმართულებით გავაპარე მზერა და რას ვხედავ: ვაგონის კარს მიყრდნობილი ვლადიმერ პუტინი ისეთი კეთილი ღიმილით შემომცქერის, თითქოს მე ვბომბავდე ჩეჩნეთს! სანამ მე შთაბეჭდილებიდან გამოვიდოდი, „პაპარაციმ“ „წაიპაპარაცა“ და პუტინს რამდენიმე კადრი გადაუღო. შემდეგ გამოველაპარაკეთ. მაშინვე მიხვდა, რაც გვაინტერესებდა და გულლიად დაიწყო: მეგობრებო, მე არ ვარ პუტინი. მე ვარ ივანე შერმაინი. ძმაკაცებთან ვიყავი, ერთი-ორი ჭიქა დავლიე. ერთმანეთს სხვა დროს შევხვდეთ და მაშინ, რაც გინდათ, ის მკითხეთო. შეხვედრის დროც დავთქვით და რამდენიმე დღის შემდეგ ეს ინტერვიუც „გამოვაცხვეთ“.

— **ბატონო ივანე, ვი. თქვენ ხართ თბილისელი „პუტინი“?**

— ამჟამად თბილისში ვცხოვრობ, ისე კასპის რაიონიდან ვარ.

— **კასპიდან? დედათქვენს ვერა სომ არ ჰქვია?**

— არა, ციალა ჰქვია.

— **როგორც მახსოვს, ვინმე ვერა პუტინა, რომელიც კასპიდან არის, აცხადებს, რომ ვლადიმერ პუტინი მისი შვილია.**

— კი, ამის შესახებ მეც წამიკითხავს. კასპში ერთი მწვრთნელია, სპორტსკოლის დირექტორი ლავრენტი კაციაშვილი. მე მისგან მსმენია, რომ პუტინი კასპში იზრდებოდა და ჭიდაობაც პირველად მასთან დაიწყო.

— **შემთხვევით, თქვენც სომ არ ჭიდაობთ?**

— მე თავის დროზე 60 კგ წონით კატეგორიაში სამბოსა და ძიუდოში საქართველოს ჩემპიონიც ვიყავი.

— **აი, კიდევ ერთი დამთხვევა. კიდევ თუ გაქვთ რაიმე საერთო რუსეთის პრეზიდენტთან?**

— საერთო არაფერი მაქვს. უბრალოდ, გარეგნობით ვგავარ. ჩემი მეგობრები მოსვენებას აღარ მამლევენ – ისე ჰგავხარ, აქ რაღაც სხვა ამბავი იქნებო. მოკლედ, რაც პუტინი პრეზიდენტი გახდა, მოსვენება აღარ მაქვს, ერთი სუფრიდან მეორეზე მეპატიჟებიან. ჩემი მეუღლე სულ იმ არჩევნებს წევვლის, ეს რა დღეში ჩამაგლო ელცინმა – ქმარი გამილოთაო.

— **თქვენ ხუმრობთ, მაგრამ**



**მართლაც საეჭვოდ მგავხართ. ჩვენთან ასეთ დროს, სომ იცით, რა კითხვაც ჩნდება. თქვენ ვისზე გაქვთ ეჭვი?**

— მამჩემზე. პუტინი რომ მე მგავს, ამაში მამჩემის... „ხელი“ ურევია... ცოცხალი რომ იყოს, დავსვამდი და კაცურად დაველაპარაკებოდი. ახლა რა ვქნა, არ ვიცი, მაგარ შარში კი გამხვია... ისე, მამჩემს, მიხეილს ახალგაზრდობაში რუსეთისკენ ხშირად უწევდა მოგზაურობა და, რამდენადაც ვიცი, საკმაოდ ცუდლუჭი კაცი იყო. არც რუსი ქალები ყოფილან მის მიმართ გულგრილნი... ამ საკითხს რამდენიმე თვეა, რაც ჩავუღრმავდი და ვცდილობ, დავადგინო, მიხოს გენი ხომ არ ურევია ვალდიას სისხლში. ჯერჯერობით მამჩემის ახლობლების გამოკითხვას ვაწარმოებ და თუ სარწმუნო ინფორმაციები შევგროვებ, ვეცდები, პუტინსაც დავუკავშირდე... ეგ რომ მოხდეს, ადამიანურად ავუხსნი და იქნებ საბოლოოდ გაირკვეს, რა ხდება ჩემს თავს, თუ — ჩვენს თავს?!

**— მართლა რომ თქვენი ძმა აღმოჩნდეს, მერე რას აპირებთ?**

— ეგ მაინც სათუთა, მაგრამ რა ვიცი, ყველაფერი ხდება და თუ ეს სიმართლე აღმოჩნდა და გვიკადრა, საქართველოში, ჩემთან დავპატიჟებ და ყანწით სმას ვასწავლი. მერე ვნასოთ... ეს სუძრობით, თორემ



სიმართლე რომ გითხრათ, ამ თემაზე საუბრით ახლობლებმა ისე შემაწუნეს, მგონი სერიოზულადაც ვიწყებ ამ საკითხზე ფიქრს. არადა, წამიერად რომ წარმოვიდგენ, ამ შემთხვევაში რამდენ ხათაბალას შეიძლება გადავაწყდე... ვლიზიანდები.

**— მართლა სომ არ ბრაზდებით? ბოლოს და ბოლოს, კორეის პრეზიდენტთან მსგავსებას, ისევე რუსეთის პრეზიდენტთან მსგავსება სჯობს. მაინც ჩვენი მეზობელია!**

— არ ვბრაზდები, პირიქით, როცა ეკრანზე ვხედავ, თვალს არ ვაცილებ და ჩემს თავს ვიჭერ იმაში, რომ რაღაც თბილი გრძნობაც კი მიჩნდება ხოლმე მის მიმართ. მინდა უფრო ახლოს ვიცნობდე, მინდა კარგად იყოს, მას შემდეგ კი, რაც გავიგე, რა სპორტული კარიერაც ჰქონია, უფრო მეტად „ვბალებლშიკობ“. ჩვენ, ძიუდოსტებს სხვა სპორტსმენებთან შედარებით განსაკუთრებული პატივისცემა გვაქვს ერთმანეთის მიმართ.

**— ეს პატივისცემა ქიდაობაში ხელს არ გიშლით?**

— არა. მე, მაგალითად, ვლადიმირსაც (უკვე შინაურულად ვინსენიებ) სიამოვნებით დავეჭიდებოდი.

**— ის თუ გეჭიდავებოდათ?**

— პუტინი ნამდვილი ძიუდოსტია და დარწმუნებული ვარ, უარს არ მეტყვის. ერთი, რუსეთამდე ჩავალწიო, ჩემი ორეული ახლოდან ვნახო და მერე მე ვიცი!

**— როგორი იყო თქვენი რეაქცია, როცა აღმოაჩინეთ, რომ ვილადის ორეული ხართ?**

— სანამ მე ვნახავდი, რამდენიმე კაცმა მითხრა, ტელევიზორში გნახეთ და თვალებს არ ვუჯერებდით — ეს რა ხდება, ჩვენი ივანე სად „გაქაჩულაო“. დავინტერესდი, დავჯექი ტელევიზორთან და პუტინი რომ გამოჩნდა, მეც არ დავუჯერე თვალებს, ფაქტია — მგავს.

**— მოულოდნელად მის ადგილას რომ აღმოჩნდეთ, პირველ რიგში რას მოიმოქმედებთ?**

— რა თქმა უნდა, სავიზო რეჟიმს გავუქმებ.

# ერთგული მკითხველი

თქვენ, ერთგულ მკითხველს, უთუოდ გემანსოვრებათ ჩვენი ჟურნალის სხვადასხვა ნომერში დაბეჭდილი წერილების შინაარსი და არც ამ ტესტის კითხვებზე ვაგიჭირდებით პასუხის გაცემა...

**1. რა ეწოდება ცირკში პროგრამის წამყვანს?**




- ა) კონფერანსიე;
- ბ) შპრესშტალმაისტერი;
- გ) მაესტრო.

**2. რომელი თეორიის ავტორია დიმიტრი უზნაძე?**



- ა) განწყობის;
- ბ) თამაშთა;
- გ) ალბათობის.

**3. როდის მოხდა ნობელის პრემიის დაურეატივის დაჯილდოება პირველად?**



- ა) 1898 წელს;
- ბ) 1901 წელს;
- გ) 1907 წელს.

პასუხები იხილეთ 61-ე გვერდზე

# 77 წლის კახეა თავის

## ქმას შვილი მოუკლა

### „ზევიის გასროლაზე ჩემი ქმისშვილის უპატივობა მიიყვანა“

#### ანა პირველი

გაკე-საბურთალოს რაიონულ სასამართლოში 79 წლის მოხუც კაცს მკვლელობისთვის ასამართლებენ. ორი წლის წინ პოლიციაში მისული შეტყობინების თანახმად, მიხეილ (მიმა) მაისურაძემ ცეცხლსასროლი იარაღიდან გასროლით ღვიძლი ძმისშვილი – 30 წლის ავთანდილ მაისურაძე სიცოცხლეს გამოასალმა.

გაკის რაიონის პროკურატურამ მიმა მაისურაძის წინააღმდეგ საქმე 1999 წელს აღძრა. სამართალდამცავთა ინფორმაციით, მან ძმისშვილის მკვლელობა თბილისში თავის საკუთარ ბინაში (ყოფშიძის ქუჩის №18-ში) წინასწარი განზრახვით ჩაიდინა. ავთანდილ მაისურაძეს ტყვია გულმკერდის არეში მოხვდა და ადგილზევე გარდაიცვალა. მომხდარის შესახებ ნათესავებს ტელეფონით თავად მიხეილ მაისურაძემ შეატყობინა, მერე კი პოლიციას ჩაბარდა. შემთხვევის ადგილას მისულმა ახლობლებმა და სამართალდამცავებმა მოკლეულის სხეული ეზოში ცალკე ამუხრულ სამზარეულოს კართან, ძირს დაყარდნით იპოვეს. ფანჯრის მინა ჩამტყრული, ხოლო კარის სახელურებში რკინის დიდი ჯაჭვი იყო გაყრდილი. ექსპერტების თქმით, გარდაცვლილს ტყვია გვერდიდან სროლის შედეგად გულში აქვს მოხვედრილი, რასაც სხეულზე არსებული კვალი მოწმობდა.

გამოძიების შედეგად დადგინდა, რომ 1999 წლის 13 სექტემბერს, საღამო ხანს, ავთანდილ მაისურაძე, ჩვეულებრივ, ბიძას ესტუმრა. ავთანდილ მაისურაძე უცოლშვილო, პროფესიით ექიმი-სტომატოლოგი გახლდათ, თუმცა არსად მუშაობდა და ძირითადად, გორის რაიონის სოფელ არბოში პაპისეულ სახლში ცხოვრობდა. დროგამოშვებით თბილისში ჩამოდიოდა და ღამეს თავის ბიძასთან ათევდა. იმ საღამოს ბიძამ, ჩვეულებისგან განსხვავებით, ძმისშვილი შინ არ შეუშვა, თავად კი ეზოში, ცალკე ამუხრულ სამზარეულოში ჩაიკეტა და ავთანდილს, დაჟინებული თხოვნის მიუხედავად, კარს არ უღებდა. მოთმინებიდან გამოსულმა ავთანდილ მაისურაძემ ფანჯრის მინების მტკრევა დაიწყო. სწორედ ამ დროს ბიძამისმა სახლში შენახული იარაღი აიღო და ძმისშვილს ესროლა.

პროკურატურის ინფორმაციით, მიხეილ

მაისურაძემ ცეცხლსასროლი იარაღი – „მარკოვის“ სისტემის პისტოლეტი თავისივე საბრძოლო ვაზნებით, მუტრო „გოცირიძის“ მიმდებარე ტერიტორიაზე, გამოძიებით დაუდგენელი პირისგან, უკანონოდ, 200 ლარად შეიძინა. სამართალდამცავებმა მიხეილ მაისურაძე დააკავეს, თუმცა მისი ასაკი და ჯანმრთელობის მძიმე მდგომარეობა მხედველობაში მიიღეს და საკანში მოთავსების ნაცვლად, სასამართლოს განაჩენამდე შინაპატიმრობა მოუსაჯეს.

განსასჯელი, ავთანდილ მაისურაძის განზრახ მკვლელობაში თავს დამნაშავედ არ ცნობს. ჩვენთან საუბრისას ამ ტრაგედიაში მან თავად გარდაცვლილი დაადანაშაულა.

#### მიხეილ მაისურაძე:

„1922 წელს ვარ დაბადებული, ცხოვრებაში ბევრი რამ მინახავს, მაგრამ ჩემს თავს ასეთი უბედურება თუ დატრიალდებოდა, ვერასოდეს წარმოვიდგენდი... მე და ჩემი მეუღლე თავიდანვე ყოფშიძის ქუჩაზე, იმ სახლში ვცხოვრობდით. სოფლის მეურნეობის დარგში მეცნიერებათა კანდიდატი გახლავართ, წლების მანძილზე სოფლის მეურნეობის ინსტიტუტში ლექციებს ვკითხულობდი, უამრავი განათლებული მეგობარი და ნაცნობი მყავდა, ფულიც საკმარისად მქონდა და შემეძლო ეს ყველაფერი ჩემი შვილების სასიკეთოდ მომეხმარა, მაგრამ ღმერთმა ასე არ ინება – მე და ჩემს მეუღლეს საკუთარი შვილი არ გაგვიჩნდა. სამაგიეროდ, სამი ძმისშვილი მყავდა და გადავწყვიტეთ, მთელი ჩვენი ყურადღება, მზრუნველობა მათზე გადაგვეტანა. საკუთარი შვილებივით ვზრდიდით, არაფერს ვაკლებდით, უფრო ხშირად ჩემთან იყვნენ, ვიდრე თავიანთ მშობლებთან. მათთვის ვცხოვრობდი ამქვეყნად. წარმოიდგინეთ, სამივეს ჯერ გაკვეთილებს ვასწავლიდი, გამოკითხავდი და საჭმელს მხოლოდ ამის შემდეგ შევჭამდი... სამივე სამედიცინო ინსტიტუტში მოვაწყვე, მაგრამ



მიხეილ მაისურაძე

სტუდენტები გახდნენ თუ არა, შეიცვალნენ. მინდოდა ამაგი დაეფასებინათ, თუმცა ამას მათგან ვერ ვგრძნობდი. განსაკუთრებით, ჩემი ცოლის სიკვდილის შემდეგ „გაცივდნენ“. ორი მათგანი დაოჯახდა, მესამე – ავთო დარჩა უცოლშვილოდ. გზას ასცდა, კარტის თამაში დაიწყო, ვიღაც ქუჩის ბიჭებს დაუმეგობრდა, მუდამ ფულს აგებდა, რის გამოც ბევრი ვალი დაუგროვდა. გადასახდელი თანხა კი არ გააჩნდა, რადგან არსად მუშაობდა, მიუხედავად იმისა, რომ პროფესიით ექიმი გახლდათ. პრობლემები რომ ეკონდა, ალკოჰოლურ სასმელებს მიეძალა, თითქმის ყოველდღე მთვრალი დადიოდა. სხვებისგან მომდიოდა ეს ამბები, თუმცა, მეც ვხვდებოდი: ჩემთან რამდენჯერაც მოვიდა, იმდენჯერვე ნასვამი იყო. ფულს მთხოვდა, მეუბნებოდა – ეს სახლი გაყიდე, თანხა მომეცი, შენ კი სოფელში – არბოში წადი საცხოვრებლად. რა თქმა უნდა, უარს ვუუბნებოდი – მთელი ცხოვრება შენ და შენს და-ძმას შემოგწირეთ, არაფრით დამიფასეთ, უპატრონოდ გყავართ მიტოვებული და ახლა სახლის გაყიდვასაც მთხოვ-მეთქი? ჩემი ცოლი ამ კედლებში გარდაიცვალა, აქედან გაასვენეს და მეც აქ უნდა დავლიო სული-მეთქი. მაგრამ ავთოს ამის გაკონტაქც არ სურდა, მისი მოთხოვნა თანდათან ყვერილსა და მუქარაში გადაიზარდა. რამდენჯერმე მთვრალი მოვარდა, მოკვლით დამემუქრა და მოხრჩობაც კი დამიპირა, მაგრამ რაღაცნაირად გადავრჩი, ხან ჩემი მოხერხებულობით, ხანაც – რა ვიცი, ღმერთმა ინება ასე...

1999 წლის ივლისი იყო, როცა

გაბრაზებული კვლავ მოვარდა და ყვირილისა და ლანძღვა-გინების შემდეგ ძალღი მომიკლა. ის ძალღი ჩემი იმედი გახლდათ, ძალიან ავი იყო და ჩემს სიანხლოვეს კაციშვილს არ უშვებდა. ავთომ ეს რომ ჩაიღინა, პირველი, ნამდვილი შიში სწორედ მაშინ ვიგრძენი. ვიფიქრე – ამას რაღაც ცუდი აქვს ჩაფიქრებული-მეთქი და გადავწყვიტე, იარაღი შემეძინა. ცოლის ნივთები გავყვიდე და ფული ამ გზით დავაგროვე. წავედი და „ხელზე“ ერთი კაცისგან პისტოლეტი ვიყიდე. რა სისტემის იყო, არ ვიცი, მაგრამ შიგ ტყვიებიც იყო. იარაღი წამოვიდე სახლში და შევიღინა. ისევ რომ მოვიდეს და მოხრჩობა დამიპიროს, ვისვრი და დავაშინებ, მეორედ ჩემთან მოსვლას ვეღარ გაბედავს-მეთქი, ვიფიქრე.

იმ დღეს, 13 სექტემბერს, სახლში, ჩვეულებრივ, მარტო ვიყავი და კერძს ვამზადებდი. სამზარეულო ეზოში ცალკე დგას, მეც იქ გახლდით. კარი ჩაკეტილი მქონდა, რადგან ყოველთვის ვფრთხილობდი. ბინდებოდა, როდესაც ჩემი ძმისშვილი, დაახლოებით 3-4 პიროვნებასთან ერთად სამზარეულოს კართან მომადგა. გარედან დამიძახეს – კარი გააღეთო. მე, რა თქმა უნდა, ვიუარე. მაშინ უცნობებმა მითხრეს – პოლიციიდან ვართო და რაღაც საბუთიც დამანახვეს, მაგრამ ძალიანაც რომ მომენდომებინა, იმ სიბნელეში მაინც ვერაფერს წავიკითხავდი, თუმცა მათი სიტყვების არც მჯეროდა. ვუპასუხე – თუ ნამდვილად პოლიციიდან ხართ, ჩემთან რა გინდათ, ამ ღამეში რომ მომადექით, მე რა დანაშაული მიმიძღვის-მეთქი? – არა, ახლავე უნდა წამოგვეყვანოთ განყოფილებაშიო. ვუთხარი – არსადაც არ წამოვალ, თუკი ასეთი საჭირო კაცი ვარ თქვენთვის, ხვალ დილით ჩემი ფეხით მოვალ პოლიციაში, ღამით კი არ წამოგვეყვებით-მეთქი. ამ სიტყვების შემდეგ ისინი გაბრუნდნენ და მანქანით წავიდნენ. იმწუთას ჩემი ძმისშვილიც მათ გაჰყვა, თუმცა ცოტა ხანში ისევ მობრუნდა. სამზარეულოს კართან დადგა და ყვირილი დაიწყო – ახლავე შეგინთ შემომიშვი, შენ გამო პოლიცია მე მადანაშაულებსო (რაში სდებდნენ ბრალს, ან მე რა შუაში ვიყავი, არ უთქვამს) და კარს ჯაჯგური დაუწყო. სახლში დიდი რკინის ჯაჭვი მქონდა და ის საჩქაროდ სახელურებს გაუკეთე. ეს რომ დაინახა, ფანჯრებზე გადავიდა – მინა შემოამტკრია. სწორედ მაშინ ავიღე

იარაღი და კარის მიმართულებით გავისროლე... ტყვია მას მოხვდა...

ამ ამბავმა ჩემზე საშინლად იმოქმედა. წარმოიდგინეთ იმ კაცის მღვრთარეობა, რომელმაც ძმისშვილი საკუთარი შეილით გაზარდა, ასვა, აჭამა, ტანთ ჩააცვა, ასწავლა, მერე კი იმავე ძმისშვილმა, თავისი უმადური საქციელით იგი – 77 წლის მოხუცი, ტყვიით გასროლაძღე მიიყვანა! იმ ტყვიამ ავთოს სიცოცხლე შეიწირა, მაგრამ მე სხვა გზა არ მქონდა – თავი უნდა დამეცვა...“

ამ საშინელი ამბის მოყოლისას მიხეილ მაისურაძეს დროდარო ტირილი ერეოდა და სულ ერთიანად კანკალებდა. თუმცა, ისიც გვითხრა, რომ მოსამართლის დიდი იმედი აქვს და ეჭვი არ ეპარება მის სამართლიანობაში. განსასჯელის ერთ-ერთი ნათესავის თქმით (მან თავისი სახელისა და გვარის გამოშვებებაზე უარი გვითხრა), მიხეილ მაისურაძე, ჩადენილი მკვლელობის შემდეგ ძალიან ცუდად იყო, მძიმედ დაავადდა და ფსიქიკაც საგრძნობლად შეერყა. თუმცა ამჟამად, შედარებით მომჯობინებულია და, რაც მთავარია, საღად აზროვნებს.

გამოძიების მასალებში აღნიშნულია, რომ მიხეილ მაისურაძეს დადებით პიროვნებად ახსიათებენ, თუმცა განსასჯელის ოჯახის წევრები – კერძოდ, მისი ძმა, რძალი და დანარჩენი ძმისშვილები ამ აზრს არ იზარბენ.

„ბიძაჩემის მონათხრობიდან ერთი სიტყვაც კი არ შეეფერება სიმართლეს. როცა მის მიერ წინასწარი გამოძიებისთვის მიცემული ჩვენება წავიკითხე, გავოგნდი. დღემდე ვერ გამიგია, რაში დასჭირდა ჩემი ძმის მოკვლა, ან როგორ გაიმეტა მოსაკლავად? მასთან ვიზრდებოდით, მერე კი, როდესაც მოხუცდა, ყურადღებას არ ვაკლებდით. ავთო სოფელში ცხოვრობდა, იქ საკუთარი სტომატოლოგიური კაბინეტი ჰქონდა, მიწაზეც მუშაობდა, მოსავალიც მოჰყავდა და მთელ ოჯახს ის არჩენდა. ბიძამისზეც ზრუნავდა, წამლებს, საჭმელს ის უზიდავდა...“

ყიფშიძის ქუჩაზე რომ სახლია, ის მამაჩემს ეკუთვნის, ოფიციალურად მასზეა გაფორმებული, რისი დამადასტურებელი საბუთებიც გვაქვს. ბიძაჩემი და ბიცოლაჩემი სწორედ მამაჩემის სახლში ცხოვრობდნენ, მაგრამ ისინი არასოდეს არავის შეუვიწროებია. არც ცოლის სიკვდილის შემდეგ აგდებდა ვინმე მიხეილ მაისურაძეს. საქმე ის გახლდათ, რომ ჩემს ძმას სოფელში კერძო კლინიკის გახსნა უნდოდა, ფული სჭირდებოდა, რის გამოც მთელმა ოჯახმა

გადავწყვიტეთ, ყიფშიძის ქუჩაზე არსებული სახლი გავყვიდა. მამაჩემმა ბიძაჩემს შესთავაზა – სადაც გინდა, იქ გიყვდი ბინას, თუ არა და, სოფელშიც შეგიძლია იცხოვრო, გნებავს, ჩემთან გადმოდი საცხოვრებლადო. ჩემი ძმა მას თავს არასოდეს დასხმია და ამას არც იკადრებდა, რადგან ის სხვა სულისა და ბუნების ადამიანი გახლდათ. იმ დღეს, როგორც ჩანს, ბიძა მიეპარა და ტყვია მოულოდნელად დაახალა, თორემ ავთოს მისი მოგერიება არ გაუჭირდებოდა – დასძენს მოკლეულის – ავთო მაისურაძის და. იმავე პოზიციის გახლავთ ვაკის რაიონის პროკურორი, რომელმაც მიხეილ მაისურაძეს 105-ე და 238-ე (I-II) მუხლები (ძველი რედაქციით – განზრახ მკვლელობა და ცეცხლსასროლი იარაღისა და საბრძოლო მასალის უკანონოდ შენახვა-ტარება) წაუყენა.

„აღსანიშნავია, რომ მიხეილ მაისურაძის მიმართ სისხლის სამართლის საქმე 1990 წელსაც იყო აღძრული. მას ბრალი მაშინაც განზრახ მკვლელობაში ედებოდა, 11 თვის მანძილზე წინასწარი პატიმრობის იზოლაციაში იჯდა, თუმცა საქმის გამოძიება ბოლომდე არ მისულა. იგი გარდაბნის პროკურატურის მიერ შეწყვეტილი იქნა იმ მოტივით, რომ მაისურაძის წინააღმდეგ საკმარისი საშუალები არ მოიპოვებოდა“, – განაცხადა პროკურორმა.

ეს ფაქტი განსასჯელის ნათესავებმაც დაადასტურეს: „იმ პერიოდში მას გარდაბნის რაიონის ერთ-ერთი სოფლის მეურნეობის თავმჯდომარესთან – მაღლაკელიძესთან ერთად ნაკვეთები ჰქონდა აღებული, სადაც ბოსტნეული მოჰყავდათ. თუმცა, მოსავალი განადგურდა, რაშიც მიხეილ მაისურაძე მაღლაკელიძეს ადანაშაულებდა და მას ზარალის ანაზღაურებას სთხოვდა. ის კაცი ფულს ვერ აძლევდა, რის გამოც ერთმანეთში შელაპარაკება მოუვიდათ. მკვლელობაც სწორედ მაშინ ჩაიღინა. თუმცა, როგორც ამბობენ, იმისათვის, რომ ციხეში არ ჩაესვათ, პროკურატურას მან 12.000 დოლარი გადაუხადა“.

მიხეილ მაისურაძეს, პროკურატურის მიერ წაყენებული მუხლების შესაბამისად, 7-დან 15 წლამდე თავისუფლების აღკვეთა ემუქრება. თუმცა, რამდენად სამართლიანია წარმოებული გამოძიება და პროკურორის აღნიშნული მოთხოვნა, ამას ალბათ ვაკის რაიონის სასამართლო გაარკვევს. მოსამართლე თეიმურაზ ანდლულაძე საბოლოო გადაწყვეტილებას მომავალ კვირას გამოიტანს.

ინფორმაციულ-მედიაციური კოლაჟი

ეოზა დვალის უბის წიგნაკრები:

1. აცტეკები თავიანთ ღმერთს კეცალკო-ატლის ფრთოსანი გველის სახით გამო-სახავდნენ.

2. იულიუს კეისარს იმპერატორობამ-დე ედილის, კონსულის და პრეტორის თან-ამდებობანი ეკავა.

3. ბალთაზარ კოსა იმდენად მოუსვენ-ნარი ბუნებისა და თავისუფალი ქცევის ადამიანი იყო, უფრო პაპის მოპირდაპირეთა ბანაკში უნდა მოხვედრილიყო და მოხვდე-ბოლა კიდევ, რომ თვით არ გამხდარიყო პაპი.

4. მგელს, ძველ გერმანულ მითოლო-გიაში, რომელიც ჯო-ჯოხეთში მიცვალე-ბულებს აწამებდა, ფერ-ნისი ერქვა.

5. არისტოტელე მოწაფეებს ლიკეის ბაღში სეირნობის დროს ამეცადინებდა.

P.S. სწორედ ამ სკოლა-ბაღის კურს-დამთავრებული იყო ალექსანდრე მაკედონე-ლი.

6. ტახტზე ასვლის დროს პაპი ჩვეუ-ლებრივ სახელს იცვლიდა.

7. წყლის საათს კლავსიდრა ჰქვია.

8. ავღანეთის ომის თითოეული დღე საბჭოთა კავშირს 10 მილიონი მანეთი უჯდებოდა.

9. თერმოპილეს ხეობაში გოგირდო-ვანი წყლები ამოჩქეფს. თერმოპილე ბერძნუ-ლად „ცხელ ჭიშკარს“ ნიშნავს.

10. სპერმის ბანკის კლიენტებს მხო-ლოდ დონორის სიმაღლეს, წონას, ასაკს, თვალების ფერსა და ეროვნებას ატყობინ-ებენ.

11. რომის პაპი პიუს V ენას უხვრეტ-და ყველა სამღვდლო პირს, ვისი ქადაგე-ბაც არ მოსწონდა.

12. ლეონარდო და ვინჩის ეკუთვნის მრავალი გაბედული, ნოვატორული პროექ-ტი. მათ შორის არის საბჭული მანქანისა და წყალქვეშა ნავის პროექტები.

13. პლუტარქე თავისი განსწავლულო-ბის და რომაული ორიენტაციის გამო, და-იახლოვა იმპერატორმა ტრაიანემ.

14. პანკების ყველაზე გავრცელებულ ვარცხნილობას „იროკეზი“ ჰქვია.

15. ბაირონის თარგმნა საქართველოში XIX საუკუნიდან დაიწყო. მის პირველ ქართველ მთარგმნელთა შორის იყვნენ ილია ჭავჭავაძე და აკაკი წერეთელი. P.S. ბაირონს ჯორჯ ნოელ გორდონი ერქვა.

16. ხოჭო მარტორქა ყველაზე ღო-



„გოგო მიდის მოხვეულში“...



მარადიული თემის თანამედროვე ვარიაცია

მეფა გობსაძე

ისტორია ყოველთვის მეორ-დება.

საკითხავი მხოლოდ ის არის, რამდენად ჯობნის ან ჩამოუვარდ-ება გამეორება ისტორიულ ანა-ლოგს.

ჩვენს ისტორიაში ყველა სი-უფეთური ელემენტი ადგილზეა: „გოგო“ (უკაცრავად, რომცს გა-დაცილებული, მაგრამ სავსებით მედგრად მომზირალი ქალი), „ბიჭი“ (უფრო სწორად, მამრის ზომიერად ჩაპუტკუნებული ბნე-ლი სილუეტი) და „მოხვეული“ (სადარბაზოს კიბე – ჩვენი „ენ-ერგომამების“ მზრუნველობით, რომანტიკულად ჩაბნელებული, როგორც ჩანს, სიუჟეტის მეტი სიმამფრისთვის). აი, დედა კი მონახაზიდან ამოვარდა, თუმცა, „გოგოს“ ასაკიდან გამომდინარე, სრულებით ზედმეტი დეტალი იქნებოდა. ამდენად, „ბიჭს“ (თუ მამრის სილუეტს – როგორც ის-ტორიის განვითარებიდან გამომჩნ-დება, ასე უფრო ზუსტია) ფარ-თო გასაქანი მიეცა.

მოკლედ, მოვდივარ სარედაქ-

ციო კრებიდან და შემოქმედები-თი წვით ჩაფერფლილს, დიდად არ მაღელვებს გლდანის უკუნი სიბნელე. ჩვენში დარჩეს და, ყოველგვარი მოულოდნელობა – როგორც სასიამოვნო, ისე პირი-ქით, – სწორედ წყვდიადშია და-დარაჯებული.

ჰოდა, ამ აზრით გულმოცემუ-ლი, უშიშრად შევდივარ დევის ბნელი სახასავით დაფრენილ სა-დარბაზოს შესასვლელში. სხვა-თა შორის, ხერხემალი თქვენი მონა-მორჩილისთვის ერთგვარი „ანტენის“ როლს ასრულებს – უშეცდომოდ მაგებინებს ზურგს უკან ცოცხალი ობიექტის სიახ-ლოვეს და, წარმოიდგინეთ, ცუდ განზრახვას – ასეთ დროს ზურ-გის გაყოლებაზე მსუბუქი „წვა“ მეწყება. ამჯერად „ანტენა“ დუმს და დარდიც არაფრის მაწუხებს, მაგრამ...

პირველი სართული, მეორე, მე-სამე და...

„ანტენის“ ყურისწამლები „ზუზუნი“!

ზურგი დამდუღრულივით მეწვის!

წამში ვბრუნდები და ხელს

ვკრავ რაღაც უფორმო მასას, რომელიც მოაჯირზე თავს ძლივს იმაგრებს; ესეც სიუჟეტის მეორე აუცილებელი დეტალი – მამრის ზომიერად ჩაპუტკუნებული ბნელი სილუეტი! რატომ დუმდა „ანტენა“, სანამ ობიექტი ასეთ სახიფათო დისტანციაზე არ მომიახლოვდა? აჰ, გასაგებია, სურდოს გამო ვარ გაგუდული და ერთი სული მაქვს, სახლამდე როდის მივალწევ. ენდე ამის შემდეგ „აპარატურას“!

„გიჟია, ოხერი!“ – ბრდღვი-ნავს ჯეელი.

გიჟიც მე ვყოფილვარ!

„ხმა არ ამოიღო, თორემ დანას დაგარტყამ!“

კაცმა რომ თქვას, მშიშარა არა ვარ, მაგრამ დანის დარტყმის პერსპექტივა, ცოტა არ იყოს, გუნებას მიფუჭებს...

„გაჩერდი, მხოლოდ ჩანთას გაგისინჯავ და გაგიშვებ!“

უყურე ამ საზიზღარს! გაითვალისწინეთ, რომ ჩანთაში ორმოცი ლარი მიდევს და უკვე წინასწარ ვტკბები საკუთარი პერსონის „სტრეიჯში“ წარმოდგენით. სიმწრისაგან გული მომეცა:

„გასინჯე რა, მაინც არაფერი მიდევს!“

თურმე რა მსახიობი ვყოფილვარ – მიჯერებს! ეტყობა, სიბნელესაც თვალი შეაჩვია და უფრო „საინტერესო“ იდეაც დაებადა. აშკარად ვგრძნობ ბნელი სილუეტისაგან წამოსულ ეროტიკულ ფლუიდებს.

ესღა მაკლდა!

„ჩუმად, თორემ დანას დაგარტყამ!“

კარგი სანახავი კი ვიქნები, ამ კიბეზე...

შეხედე ამ უჯიშო „კაზანოვას“ – უკვე ხელების დაგრძელებას აპირებს და წყალწაღებულებით, რომელიც ხავსს ეჭიდება, შეტევაზე გადავდივარ. ჩემდა გასაოცრად, ხმაში კეკლუცი ნოტებიც კი „მიჟღერტულებს“:

„მაჩვენე ერთი, სად გაქვს დანა...“

ჯეელს ხელებში ვეტაკები, შემდეგ ხელს ქურთუკის ჯიბეებში ვუფათურებ (რეები უყრია ამ შერვენებულს?!), ბოლოს, გულის ჯიბეებს ვუსინჯავ.

ჯერ გაშტერებული მიყურებს (კი არ ვხედავ – ვგრძნობ!), შემდეგ შებრუნდება და... კიბეზე დაეშვება!

„გიჟია-ოხერი!“

ზომიერად ჩაპუტკუნებულ ბნელ სილუეტს წყვილიანი შთანთქავს.

გაგიგონიათ, ხალხო – გაიქცა! ფულიც ადგილზე დატოვა და, თქვენ წარმოიდგინეთ, ქალიც! თუმცა, რაღა „თქვენ წარმოიდგინეთ“ – პრიორიტეტული სწორედ ეს ზრახვა გახლდათ. მცირედი ფიქრის შემდეგ თავს აშკარად შეურაცხყოფილად ვგრძნობ.

ღმერთო, ჩემო, თითქოს მედგრად გამოვიყურები!..

აბა რაშია საქმე?

ეჰ, სიბნელეში, ყველა კატანაცრისფერია; მოკლედ, ისევე სქოულია დამნაშავე, ის უდღეური ამერიკელი, ვის გამოც ქალს მოძალადე ვერ გაურჩევია, მოძალადეს კი – ძალადობის ფორმა!

ნეტავი რა მაქვს სალაპარაკო: ჩემს თვრამეტი წლის თოჯინასავით გოგონას, ამას წინათ კონტად გამოწყობილი ყმაწვილი ავტობუსში მხოლოდ იმისთვის დაუდგა გვერდით, რომ ფული ამოეცალა...

მთლად გადაჯიშდნენ ეს კაცები!!!

წინათ ბიჭი გოგოს „მოხვეულში“ საოცნებლად ხვდებოდა, ახლა – დასაყაჩაღებლად უსაფრდებდა. კაცმა რომ თქვას, ერთიც ძალადობაა და მეორეც, მაგრამ მთელი მსოფლიოს ფემინისტები რომ განმირისხდნენ, ისევე კოცნას ვამჯობინებდი: სხვა თუ არაფერი, ქალად მაინც გთვლიან...

მოკლედ, აღარაფერი გვეშველება, აღარც პოლიტიკოსები გვივარგა და აღარც... მოძალადეები!!!

ინფორმაციული-შეხვედრითი კოლაჟი

ეორი ღვალის უბის წიგნაკოდან:

ნერი მწერია დედამიწაზე. მას საკუთარ წონაზე ასჯერ მეტი ტვირთის აწევა ძალუძს.

17. ლუდის პუტჩის ჩახშობის შემდეგ, ჰიტლერი 5 წელი აყურყურტეს ციხეში. სწორედ იქ დაწერა „მანი კამფი“ („ჩემი ბრძოლა“). P.S. ნეტა იმ ციხეში ერთი-ორი მუტრუკი შავკანიანი რატომ არ იჯდა!

18. რომის პაპ პავლე II-ს, რომელსაც საკუთარ ქალიშვილთან ჰქონდა სასიყვარულო რომანი, ხალხმა ასეთი პასკენადა მიუძღვნა: „წმინდა მამა შენ არა ხარ, ბენიერ მამად კი ჩათვლები“.

19. გერმანიის პირველ რაიხსკანცლერს ოტო ელვარდ ლეოპოლდ ბისმარკი (თავადი ფონ ბისმარკ-შენჰაუზენი) ერქვა.

20. პერიფეტე (მეტსახელად კორინტე), სინისი (ფიჭვთა მზნექელი), სკირონი, კერკონი, დამასტე (მეტსახელად პროკრუსტე – „გამჭიმავი“) – ეს იმ ყაჩაღთა სახელებია, რომლებიც ათენში გზად მიმავალმა თუხეცმა დახოცა.

21. ბეისბოლი ამერიკული თამაშია, კრიკეტი – ინგლისური, პესაპოლო – ფინური, იონა – რუმინული.

22. 1572 წლის 24 აგვისტოს, ბართლომეს ღამეს, ეკატერინე მედიჩისა და ჰერცოგი გიზების ბრძანებით, სამი ათასზე მეტი ჰუგენოტი დახოცეს.

23. ბუჰოვენს სიყრუის ნიშნები 27 წლის ასაკიდან დაეწყო და მის მიმე სულიერ ტრავმად იქცა. P.S. ამ უდიდესმა კომპოზიტორმა ცხოვრების უკანასკნელი წლები თითქმის სრულ სიმარტოვესა და სიღარიბეში გაატარა.

24. ყირიმის სასოფლო-სამეურნეო სასწავლებელი მიხეილ ჯავახიშვილმა საკუთარ ოჯახში დატრიალებული ტრაგედიის გამო ვერ დაამთავრა. ავაზაკებმა მას დედა და და მოუკლეს; მამაც ამ უბედურებას გადაჰყვა.

25. თბილისში, 9 აპრილს დატრიალებული ტრაგედიის შემდგომ ინფორმაციულ პროგრამა „ვრემიაში“ სხვა ამაზრუნენ სიცრუეთა გვერდით ასეთმა ფრაზამ გააყურა: „ჯარისკაცები განსაკუთრებული მზრუნველობით ცდილობდნენ, არაფერი ეცნოთ ბავშვებისა და ქალებისათვის“. P.S. ალბათ ამ გადაჭარბებული „მზრუნველობის“ ბრალი იყო, რომ ბარბაროსულად მოკლულ ქალთა შორის ყველაზე ახალგაზრდა 16 წლის იყო და ყველაზე ხნირი – სამოცდაათის.



# თამარ ბოჭორიშვილი:



წელიწად-ნახევარია, რაც ვახტანგ ბოჭორიშვილი დეპუტატის მანდატის მფლობელი და საპარლამენტო ფრაქცია „XXI საუკუნის“ თავმჯდომარე გახლავთ. ამ წნის მანძილზე მან სამართლიანად მოიპოვა ლექსის კითხვის, აღმოსავლური იგავებისა და რუსთაველის აფორიზმების უბადლო მცოდნის სახელი. მას პატივს სცემენ, როგორც საპარლამენტო უმრავლესობის, ასევე უმცირესობის წარმომადგენლები. ბატონ ვახტანგს ორი ქალიშვილი ჰყავს. მისი „საშინაო რენომეს“ გასარკვევად ერთ-ერთ მათგანს — თამარ ბოჭორიშვილს შევხვდით.

## «ჩემს შვილებს მეტისმეტად უბრალო ბაბუა ჰყავთ...»

### ნათია გობსაძე

— ბატონ ვახტანგს წლების მანძილზე საზოგადოება იცნობდა, როგორც ექიმს, ერთ-ერთ საუკეთესო პროფესიონალს. ბოლო წლებში კი აქტიურ პოლიტიკურ მოღვაწეობას ეწევა. როგორ მიგაჩნიათ, რომელ სფეროშია უფრო მეტად მისი ადგილი?

— ძალიან ძნელია ისაუბრო და შეაფასო საკუთარი მამა, მაგრამ ერთი დანამდვილებით შემიძლია ვთქვა: მამაჩემი ის პიროვნებაა, რომელსაც პოლიტიკა სათავესოვს, პირადი მიზნებისათვის არ გამოუყენებია. ის ყოველთვის ცდილობს, დაეხმაროს სხვას, რამდენჯერ მიუძღრავს თხოვნით ზურაბ ჟვანიასა და ჯანდაცვის მინისტრისთვის! და იცით, რატომ? ვიღაცას ოპერაცია აქვს გასაკეთებელი, ვიღაცას მკურნალობა სჭირდება და სათანადო სახსარი არა აქვს. მამა ყოველთვის ადამიანის უფლებების დასაცავად იღვწოდა და რევოლუციონერის სახელიც კი მოიხვეჭა. სამედიცინო ინსტიტუტში, ხარკოვში სწავლობდა. ერთი პერიოდი იქ ძალიან დიდი ზეწოლა იყო ებრაელებზე. მამას საყვარელ ლექტორს — ეროვნებით ებრაელს, გაგდებას უპირებდნენ. ქართველი სტუდენტის თაოსნობით ამ ამბავს ბევრი ალუღაა წინ და იმ კაცს ხელი არ ახლეს. მას შემდეგ დიდი დრო გავიდა. წლების შემდეგ, ერთ მშვენიერ

დღეს ჟურნალ „ზღოროვიეში“ დაიბეჭდა სიყვარულითა და მაღლიერებით აღსავსე წერილი, სადაც ებრაელი მასწავლებლის შვილი დიდ მაღლობას უხდიდა მამაჩემს. თურმე ის მთელი ცხოვრების მანძილზე იხსენებდა ქართველ სტუდენტს, რომელმაც უმუშევრობისგან იხსნა.

— ამბობენ, პოლიტიკა ბინძური საქმეაო. შეძლებს ბატონი ვახტანგი, თავისი მიზნების რეალიზაციას?

— გეთანხმებით, რომ პოლიტიკა ბინძური საქმეა. პარლამენტართა უმრავლესობაც საკუთარი ინტერესების ლობირებისთვის არის ხელისუფლებაში, მაგრამ ვახტანგ ბოჭორიშვილზე ამას ვერავინ იტყვის. ის ყოველთვის სიმართლისთვის იბრძვის, რასაც უმრავლესობაც აღიარებს და უმცირესობაც. მამაჩემს შეუძლია ბოლო წუთამდე იღვაწოს თავისი მიზნისათვის. შეიძლება თავიდან არ მოუსმინონ, მაგრამ შეუძლია ათჯერ და ასჯერ მივიდეს ერთ საქმეზე და საბოლოოდ, დაარწმუნოს საზოგადოება, რომ მართალია.

ის არაჩვეულებრივი მამაა. თუმცა, ძალიან არაპრაქტიკული კაცია. დღესაც ისე უყვარს დედაჩემი და ისე ეფერება, რომ კეთილი შურით მშურს. ბედნიერებაა, როდესაც ცოლ-ქმარი მთელ ცხოვრებას ასეთ სიამტკბილობაში გაატარებენ. მამა ძალიან დამთმობი და რბილია, მიმნდობია — რაშიც გინდა ადვილად დაარწმუნებ... ყოველთვის გვენდობოდა და ჩვენც არასოდეს გავგიწიბლებია.

— თქვენ კარგა ხანს რუსეთში ცხოვრობდით?..

— მოსკოვში დავიბადე, ლენინგრადის სამედიცინო ინსტიტუტი დავამთავრე. ქართული პრაქტიკულად არ მისწავლია. მშობლიურ ენას თბილისში ჩამოსვლის შემდეგ დავეუფლე. ახალი დაწყებული მქონდა მუშაობა სეფისის ცენტრში, მაშინ ჯერ კიდევ შეიძლებოდა ავადმყოფის ისტორიისა და სხვა დოკუმენტაციის რუსულად შედგენა. მეც რუსულად შევადგინე ავადმყოფის ჯანმრთელობის ფურცელი და მთავარ ექიმს — ვახტანგ ბოჭორიშვილს მივეუბნე. მამა აღშფოთდა და გამაფრთხილა — თუ ქართულად წერას ვერ შეეძგევი, სამსახურის გამოცვლა მოგეწევსო... მას შემდეგ რუსულად აღარაფერი დამიწერია. დისერტაციაც ქართულად დავიცავი. დღეს მეცნიერებათა დოქტორი, პროფესორი და ორი კათედრის გამგე ვარ.

— თქვენს პროფესიულ არჩევანზე ალბათ მამამ იქონია ზეგავლენა?

— ეს თავისთავად მოხდა: ბავშვობიდანვე ექიმების გარემოცვაში ვიზრდებოდი. ლენინგრადში სამედიცინო აკადემიის სახლში ვცხოვრობდი და სულ „თეთრხალათიანებს“ ვხედავდი. მასხოვს, ერთ დღესაც ენაზე მამაჩემის პაციენტის ნაწუქარი ვერცხლის თასი, რომელზეც ეწერა: „თქვენ მე სიცოცხლე მარუქეთ“. ეს ფრაზა სულ მახსოვდა, ფაქტობრივად,

ამან მიბიძგა ექიმობისაკენ. ასჯერ რომ დამეწყო ცხოვრება ახლიდან, ასჯერვე ამ პროფესიას ავირჩევდი. პრინციპში, ზეგავლენა ჩემზე მამის გარემოცვამ იქონია. ხარკოვში, სამედიცინო ინსტიტუტში მოთავსებულ წარჩინებულთა დაფაზე დღესაც ნახავთ ვახტანგ ბოჭორიშვილის სურათს... მისაღებ გამოცდაზე, რუსულ წერაში მამაჩემს 5-იანი მიუღია, არადა ნაწერი უამრავი სწორებით სულ გადაწითლებული ყოფილა. გამომცდელს რომ ჰკითხეს, ფრიალი რატომ დაუწერეო, მან უპასუხა: მართალია, გრამატიკული შეცდომა ბევრი იყო, მაგრამ აზრი ისე ლამაზად ჰქონდა ჩამოყალიბებული, ნაკლებს ვერ დაუწერდიო... ნახევარ წელიწადში იქით უსწორებდა რუსებს გრამატიკულ შეცდომებს. მუდამ კარგი მენსიერება ჰქონდა და წიგნი და სწავლა უყვარდა.

**— თბილისში როდის გადმოსვენდით საცხოვრებლად?**

— მასწავლავს, კონკურსი გამოცხადდა ექიმთა და ხელოვნების ინსტიტუტის ინფექციური კათედრის გამგის თანამდებობაზე. მამამ გამოაგზავნა თავისი ნაშრომები, გამოკვლევები და კონკურსშიც გაიმარჯვა. თავდაპირველად მარტო გადმოვიდა, შემდეგ კი ჩვენც წამოვედით.

**— თქვენ სადიხერტაციო ნაშრომი დაიცავით, ორი კათედრის გამგე ხართ, სულ მალე კი სეფსისის ცენტრის დირექტორი გახდებით. თქვენი აზრით, რამდენად შეთავსებადია ქალისთვის ოჯახი და კარიერა და რომელ სფეროს უფრო აკლებთ ყურადღებას?**

— ნებისმიერი საქმე მთელ გულსა და გონებას მოითხოვს. ამით, სამწუხაროდ, ბევრი აკლდება ოჯახს, რადგან სამსახური ჩემთვის უმთავრესი. დასვენების

დღესაც მივდივარ ხოლმე საავადმყოფოში, რადგან ხშირად უმძიმესი ავადმყოფები გვყავს. ვალდებულნი ვართ, პირველ რიგში, ამ ადამიანებს მივაქციო ყურადღება. შინაც ბევრი საქმე მაქვს. ერთხანს დამხმარე ქალი ავიყვანე, მაგრამ, უშუქობის გამო, ვერც სარეცხი დარეცხა, ვერც მტვერსასრუტი ჩართო და თვითონვე დამეთხოვა... საჭმელი კი, მე თუ არ გავაკეთე, ჩემი ოჯახის წევრები არც მიეკარებიან... ასე რომ, ვცდილობ, ყველაფერი მოვასწორო, ვიყო აქტიური. ჩემს ავადმყოფებსაც სულ ვუბნები — სანამ ცოცხალი ხარ, ცოცხალი უნდა იყო!.. პასიურ ცხოვრებას ვერ ვიტან. შვილის გაჩენიდან სულ მალე დავიწყე ინსტიტუტში სიარული და ერთი დღეც არ გამიცდენია.

**— თქვენი შვილები, რას ფიქრობენ, ბაბუის მოღვაწეობაზე?**

— ორი შვილი მყავს: ქალ-ვაჟი. ბიჭი კალათბურთელი იყო, მოსკოვის „დინამოში“ თამაშობდა, პროფესიით იურისტი, ხოლო ქალიშვილი კი მედიცინისთვის „გავწირე“. თანამედროვე ახალგაზრდები ცოტა სხვაგვარად უყურებენ ცხოვრებას: მათ აკვირვებთ სისპეტაკე, უმწიკვლო ბიოგრაფია... უამრავ თანამდებობამოვლილ ვახტანგ ბოჭორიშვილს რატომ არა აქვს აგარაკი, მდიდრული ავეჯი...

**— ბატონმა ვახტანგმა ტელეშოუში 1.500 ლარი მოიგო...**

— იმ ფულიდან 1.000 ლარი ჩვენს საავადმყოფოს გადმოურიცხა — აყრილი იატაკის შესაკეთებლად. სპეციალურად დამავალა, ნაწილი მაინც გავაკეთოთ — ამით რამდენიმე პალატას მაინც მოვაწესრიგებთო.



# ბესტი ერუდიციაზე

**1. რომელი ოპერა მიუძღვნა სუცის არხის გახსნას იტალიელმა კომპოზიტორმა ვერდიმ?**



- ა) „ტრუბადური“;
- ბ) „ფალსტაფი“;
- გ) „აიდა“.

**2. რომელი ქვეყნის ტერიტორიაზე მდებარეობს ქველი ქართული ხუროთმოძღვრების ძეგლი — პეტრიწის ტაძარი?**



- ა) ბულგარეთის;
- ბ) თურქეთის;
- გ) აზერბაიჯანის.

**3. სამი და ოთხწლიანი ცხენების დოღს ეწოდება:**



- ა) სპრინტი;
- ბ) კროსი;
- გ) ღერბი.

**4. ხელოვნურად გაშენებულ ტყის ჰეგლია:**



- ა) კორომი;
- ბ) კორდი;
- გ) ჭალა.

პასუხები იხილეთ 61-ე გვერდზე

მე, მიხოსა, ძალიან გამკვირვებია იმ ხალხისა, ნულოვან ვარიანტ რო არ ეთანხმება – თქვე დალოცვილებო, თქვენა! ამოდენა ხანია ნულოვან ვარიანტში გვაცხოვრებთ და ეხლა არ ეთანხმებით?! აბა დამისახელოთ წელიწადი, სახელმწიფო ბიუჯეტი რო შესრულდა – ცხრა წლის განმავლობაში არც ერთხელ არ შესრულებულა და ყოველ მომდევნო წელსა, უფრო ნაკლებ და ნაკლებ გეგმავენ ახალ-ახალი ჩინოვნიკები და ი ნაკლებიც არა სრულდება. პირველკლასელმა ბაღმაც კი იცის, ის რაც კლებადა – ნულისკენ მიისწრაფვის. ბიუჯეტი თუ კლებადა და ნულოვანი ვარიანტისკენ მიისწრაფვის – კლებადა ქვეყნის არმია, თავდაცვისუნარიანობა და უშიშროება, ხოდა, აქედანა, კლებადა სახელმწიფო ტერიტორიებიცა, კლებადა ჯანმრთელობის დაცვა, განათლება, მეცნიერება და კულტურა, კლებადა მრეწველობა, სოფლის მეურნეობა, ვაჭრობა, კლებადა თვითონა ხალხის რაოდენობა, რადგან სიკვდილიანობა ერთი ათჯერ ჭარბობს შობადობას. ბოლოსა, კლებადა მომავლის რწმენა-იმედი და ესე იგი ნულისკენ მიისწრაფვის საზოგადოების მორალი და ზნეობა.

ეგ ხო ვერა და ჩემზე კარგად იციან მაგათა, მაგრამა მაინც თავისას არ იშლიან. იცით რაი მაგონებენ ე ჩვენი ჩინოვნიკები? რასა და იმ რევეენ ხალხსა, სახლი რო ეწვით და იმი მაგიერათა – გაისარჯონ, წყალი მოიტანონ და ჩააქრონ – დამდგარან და ხელზე ითბობენ საკუთარი სახლის ცეცხლზედა. ყველასათვის კარგა არი ცნობილი, რა მუცლი გვრემა აწუხებთ, ეგეთი ფაციფუცი რო ასტეხეს ნულოვან ვარიანტზედა – ეგენი მაინც არ იშლიან თავიანთ ვირეშმაკობასა – საქმე ის არი, რო, თუ ნულოვან ვარიანტ ხელ არ მოაწერენ და ცოცხალს მკვდარში არ გაცვლიან, ახალი სესხები, გრანტები, კრედიტები და ტრანშები აღარ წამოვა საერთაშორისო საკულტო ფონდიდანა, მაგათი უბე-ჯიბებიკენა და ამიტომაც იკლავენ თავსა, თორე, შე დალოცვილო, შენა, თუ 140 მილიონის გადახდა არ შეგიძლია, რაღა ხელისუფლება ხარ?! დაიხურე ქუდი და წადი, საიდანაც მოხველი, იქა. ანდა თუ გადახდი თავი არა გაქვს, რაღათ იღებ ვალებსა? იქნებ იმი იმედი გააქ, ვილაცას შეებრალეები და გაპატიებს?



# მიხოს მონოლოგი

თამაზ შორჟოლიანი


არადა, ყველამ ძალიან კარგად იცის საზღვარგარეთაცა და საზღვარშიგნითაც, ვინ სარგებლობს ე მაგ ტრანშებითა და სესხებითა, ვინ გაატარა ახალი წელი კანარის კუნძულების, ფიჯისა და „კაბაკაბანას პლიაჟზედა“. ვისი ციხე-სიმაგრეები შენდება წყნეთში, მთაწმინდაზე, საირმის გორაზე და საგურამოს ველებზედა, ეგეც ხო ცნობილია. ხოლოდა, ეხლა ვალები გადახდი დრო რო მოიდა, ხო უნდა გამოინახო რაღაცა სასწარი, დღეს რო ერთი სახელმწიფო გთხოვს, ხვალ მეორე მოგთხოვს, ზეგ მესამე და ასე შემდეგ... ჩვენმა ხელისუფლებამა ხო ისე მოგვიწყო, რო ყველას ვალი ჩვენა გვააქ, ჩვენი კი არავისა. ხოლოდა მე, მიხოსი, გთავაზობთ ფულის სახელმწიფოს სასარგებლოდ შოვნის ერთ ნაღდ ვარიანტსა. ეს იდეაი, ამას წინათა, ერთი ახალგაზრდა რეფორმატორ-ჩინოვნიკისაგან ვისესხე: გამოიდა ე ბაღი და თქო: ჩვენაო ერთი გარეწარ-ენერგეტიკოსი ლიფსიტა რო გვყავ დაპატიმრებული, ისაო თავდებით უნდა გამოგვეშვა ციხიდანა, ერთი მილიონი ლარის გირაოს საფასურადაო. ეგ კაცი ამოდენა ფულის გადამხდელია, რადგანა კარგად ვიცი, ერთმა ქურდმა ციხის უფროსს შეუთ-

ალა, ეგ ლიფსიტა ჩემ „კამერაში“ ჩასვი და თვეში ათას დოლარ ფეშქაშად მოგართმევო. ხოლოდა, ეგ რო გავიგონე, მე, მიხოსი, შემოქმედებითად მივუდექი ამ იდეასა, განვათარე და საკუთარ აზრსაც ვთავაზობ ხელისუფლებასა. „ტრანი თვლითააო“ – ხომ გაგიგონიათ, ხოდა დავეთვალეთ: მაგალითადა, გადასახდელია 140 მილიონი დოლარი. ერთ გარეწარ ლიფსიტასა შეუძლია მოიტანოს 1 მილიონი ლარი ანუ 500 ათასი დოლარი. ამოცანა გვეკითხება: რამდენი ლიფსიტას დაჭერა საჭირო 140 მილიონის შესასრულებლად? პასუხი: თუ ერთ ლიფსიტას შეუძლია 500 ათასი დოლარის მოტანა, 140 მილიონის შესასრულებლად საჭიროა  $140 \times 2 = 280$ . ესე იგი, დასაჭერია და შემდეგ გირაოს საფასურად გასაშვები 280 გარეწარი ლიფსიტა, ეს კი ჯერჯერობითა ძნელი არ არის. მოიტანენ ფულსა, გავისტუმრებთ ვალსა და ეგენიც თავისუფლად „იგულავებენ“...

ეხლა, როგორც ზემოთ მოგახსენეთ, სხვა სახელმწიფოებიც მიწოდებენ თავიანთი ფულების დაბრუნებასა, ჩვენი კი იმავე გზითა უნდა გავაგრძელოთ „თევზაობა“. როცა ლიფსიტები გამოილევინ, კაპოეტებზე გადავალთ, მერე ლღავეებზე, ლოქოებზე, ზვიგენებზე და ბოლოს, შეიძლება ვეშაპებზე ნადირობამაც მოგვიწიო. ხოდა, როცა ყველა ვალ გავისტუმრებთ ამ მეთოდებითა უნდა ერთი პეტიცია შეგადგინოთ და ყველა სახელმწიფო მთავრობებსა, საერთაშორისო ორგანიზაციებსა მსოფლიო ხალხებსა გავუგზავნოთ, ერთადერთი თხოვნითა, რომა – ნუ გვასესხებენ და ნურც გვაწუქებენ ნურაფერსა, რადგანაც, რასაც ისინი აქეთკენ აგზავნიან, „სახელად ჩვენია და სახრავად სხვისი“. რაც ჩვენი სახელით, ამათ ფულები იშოვეს, იმი ათი პროცენტი ხალხს რო მოხმარებოდა, აღარც ნულოვან ვარიანტზე საუბარი დაგვჭირდებოდა, აღარც მდიდარი კაცი იქნებოდა უსინდისობის სიმბოლო დღევანდელ საქართველოშია და აღარც ღარიბი – იმულებითი პატიოსნების სინონიმი.

P.S. ავტორი არამცთუ არ ეთანხმება, კატეგორიულად ემიჯნება მიხოს აზრებს და კვლავ, მეგობრულად სთხოვს, თავი დაანებოს „მოუკერეფავებში“ სიარულს და ურჩევს, თეთრი ვეშაპის შესახებ „მობი ლიკი“ წაიკითხოს.





# როგორ იმასსოვრებით რიცხვებს? როგორ იმასსოვრებით რიცხვებს? როგორ იმასსოვრებით რიცხვებს?



აღნიშნული ტესტით შეგიძლიათ დაადგინოთ, რამდენად კარგი და ზუსტი მხედველობითი მესსიერება გაქვთ. ქვემოთ მოცემულია 12 სხვადასხვა ორნიშნა რიცხვი. 20 წამის განმავლობაში ყურადღებით დააკვირდით მათ და ეცადეთ, დაიხსოვოთ. დააფარეთ მოცემულ რიცხვებს ხელი და ცარიელ ჩარჩოში, 5 წუთის განმავლობაში, ნებისმიერი მიმდევრობით ჩაწერეთ ყველა ის რიცხვი, რომელთა დამახსოვრებაც შეძელით (ნუ აყვებით ცდუნებას და ტესტის შესრულებისას არ ჩაიხედოთ რიცხვებში — ამ შემთხვევაში სწორ პასუხს ვერ მიიღებთ!)

13	91	47	39
65	83	19	51
23	94	71	87

თითოეული სწორად დაწერილი რიცხვი შეაფასეთ 1 ქულით და დაითვალით ქულათა ჯამი.

**6 ქულა და ნაკლები:** თქვენ საკმაოდ გიჭირთ რიცხვებთან ურთიერთობა და სუსტი მხედველობითი მესსიერება გაქვთ. ხელს ნუ ჩაიქნევთ, ხშირად ეცადეთ, დაიხსოვოთ და შემდეგ გონებაში აღიდგინოთ რიცხვები, თარიღები თუ უბრალოდ ნაცნობების მანქანების ნომრები. შედეგს სულ მოკლე ხანში მიიღებთ.

**7-9 ქულა:** თქვენ საშუალოზე კარგი მხედველობითი მესსიერება გაქვთ. საჭიროების შემთხვევაში, დიდი ხნის წინ დამახსოვრებული ღირსშესანიშნავი თარიღების და დავიწყებული ტელეფონის ნომრის გახსენება არ გაგიჭირდებათ.

**10-12 ქულა:** გილოცავთ — ეს საკმაოდ იშვიათი შედეგია. შესანიშნავი მხედველობითი მესსიერება გქონიათ. თქვენს თვალს არაფერი გამოეპარება, ერთხელ დამახსოვრებული რიცხვები კი დიდი ხნის განმავლობაში არ დაგავიწყდებათ.

## პისუქვებით ნაკრებებს!





სეტი I და ჰატორი. ახალი იმპერია, 1294-1186 ძვ.წ.ად.



სემოსტრ მესამის ქანდაკება, 1862-1843 ძვ.წ.ად

# ეგვიპტე

## გამარჯვების სიმბოლო



7

ეგვიპტის უძველესი ცივილიზაციის შემსწავლელი მეცნიერების – ეგვიპტოლოგიის დაბადების თარიღად მიჩნეულია 1822 წელი, როდესაც ფრანსუა შამპოლიონმა პარიზის მეცნიერებათა აკადემიას მოახსენა მის მიერ წარმოებული ეგვიპტური იეროგლიფური დამწერლობის ამოკითხვის შედეგები.

იეროგლიფთა გაშიფვრას სათავე დაედო როზეტის ქვიდან, რომელიც არქეოლოგიურ მონაპოვართა შორის (იპოვა უცნობმა ჯარისკაცმა...) განსაკუთრებით გამოირჩევა. იგი წარმოადგენს შავი ბაზალტის ფილას, რომელზეც სამ ენაზე, სხვადასხვაგვარი დამწერლობით, სამი წარწერაა ამოკვეთილი: პირველი, თოთხმეტსტრიქონიანი – იეროგლიფურია; მეორე, ოცდათორმეტსტრიქონიანი – დემოტური; ხოლო მესამე, ორმოცდათოთხმეტსტრიქონიანი – ძველბერძნული. ეს ქვა „როზეტის სამეზობლო ქვის“ სახელით გახდა ცნობილი და სწორედ მისი მეშვეობით ამოიხსნა ეგვიპტის მრავალი საიდუმლო.

### „სასწაულმოქმედი“ ეგვიპტელები და მათი ღმერთები

„საღვთო“, ეგვიპტელთათვის იგივეა, რაც „სამარადუამო“, როგორც მარადიული ცხოვრების პიში. ღვთაებები და მათი „შვილები“ – ფარაონები უზარმაზარ ძალისხმევასა და მსხვერპლს ინახავენ, პირამიდებისა და მთლიანად ეგვიპტური კულტურის სახით. სულ შემოჩენილია ასამდე პირამიდა. თითოეულ მათგანს ოცდაათი წლის განმავლობაში, ასი ათასამდე მონა აშენებდა და მონათა ეს ჯგუფი, ყოველ სამ თვეში ერთხელ იცვლებოდა. ქვებს უნიკალური მექანიზმით ეზიდებოდნენ. ამ ტვირთის გადაადგილებას ღდეს 600 000 სატვირთო ვაგონი დასჭირდებოდა. არათუ ფარაონის, არამედ ერთ-ერთი დიდბატონის – ტის სამარხში 65-70 ტონამდე სიძვირის ქვებია ნაპოვნი.

ტაძრების მშენებლობასთან ერთად, ღმერთიც უფრო და უფრო მაღლდებოდა. საუკეთესო მაგალითია უზენაესი ღმერთის – ამონის მწვერვალი: იგი ღმერთების მეფედ იწოდებოდა და უნი-

სამსონი და	წინამძღოლი	დიდი ქვა	საათების იაპონური ფორმა	ფრინველი	საყოფაცხოვრებო ნარჩენები	სალო ქვი
დალი	დიდი	დიდი	დიდი	დიდი	დიდი	დიდი
სალვადორ	ძვირფასი ქვა	მსახიობი ჰანა	... ღმერთი	ქულა ძიულოში	მძღლის ადგილი	ნიანვის ჯიში



მეფე გაჰარკას ქანდაკება, რომელიც თაყვანს სცემს შევარდენს - ღმერთი ჰემენს, 780-656 ძვ.წ. აღ. თქრო, ვერცხლი, ქვა და ბრინჯაო.

ვერსალური მბრძანებლის რანგში ავიდა. ამონი ან ამონ-რე: კოსმოსური, უზენაესი მზე-ღმერთი.

ჰაგორი: სიყვარულის, მხიარულების, მუსიკისა და ცეკვის ქალღმერთი. ოსირისი: სიკვდილის ღმერთი.

ჰორუსი: ოსირისის ვაჟი, ფარაონთა მფარველი ღმერთი.

იმისი: ოსირისის ცოლი, მუმიების მფარველი, მაგიის ქალღმერთი.

სეხმეგი: ომისა და მზის მხურვალეების ქალღმერთი.

ურაუსი: კობრას გამოსახულება, დამცველი სიმბოლო მზიური ძალაუფლებისა (გვხვდება ფარაონთა შუბლსა და თავსაბურავებზე).

ნემესი: ფარაონთა თავსაბურავი, რომლის ბოლოები მხრების გასწვრივია ჩამოშვებული.

ფარაონი: თავდაპირველად ნიშნავდა სამეფო სასახლეს, ხოლო შემდეგ - მეფეს.


**ნმინდა ცხოველები**

ცხოველთა კულტები ეგვიპტური რელიგიის მნიშვნელოვან ატრიბუტად იყო მიჩნეული. ისინი (ძალი, ხარი, შევარდენი, მაიჰუნი, ნიანგი, ცხვარი, კატა, გველი და სხვ.) ღვთაებრივ არსებათა მიწიერ გამოხატულებად იყვნენ წარმოდგენილნი. სხვადასხვა ცხოველისათვის საგანგებო სამარხი იყო გამოყოფილი, სადაც ამ უკანასკნელს დიდი ცერემონიალით მარხავდნენ. მათი ზოგიერთი ქანდაკება გან-

საკუთრებულია და ცოცხალი ცხოველის ასლს წარმოადგენს. განსაკუთრებით კატების სამარხის გამოკვლევამ ცხადყო, რომ ისინი უშუალოდ მუმიფიკაციაში, საგანგებოდ იყვნენ დახოცილნი. ამ მეთოდის გამოყენება ალბათ იმით აიხსნება, რომ ცოცხალთან შედარებით, ცხოველის მუშია უფრო მოსახერხებელ „მენტურეს“ წარმოადგენდა ამავე ცხოველის ბრინჯაოს ქანდაკების შესაქმნელად. მეორე ვერსიით, მუშია უფრო იაფი და ეფექტური ძღვენი იყო ღვთაებისათვის, ვიდრე ძვირფასი ქანდაკება.

**ეგვიპტური ხელოვნების პრინციპები**

ძველი ეგვიპტის ხელოვნებაში ისევე, როგორც დამწერლობაში, დიდი მნიშვნელობა აქვს გამოსახულებას, რომელიც „გამიფრისათვის გამზადებულ“ მინიშნებათა ენას წარმოადგენს. ქანდაკებაში იკითხება გარკვეული ინდივიდის რაობა, მისი ადგილი საზოგადოებაში. „სასწაულმოქმედი“ ხელოვანი ხაზს უსვამს ძირითადს და სათქმელს გამოხატავს არა მხოლოდ რაიმე ნივთით, არამედ სიუჟეტით. გარკვეული პრინციპით განლაგებულ ფიგურათა კომბინაციის მთლიანობაში იკითხება ფრაზა - აი, რას წარმოადგენს ძველეგვიპტური იეროგლიფი! ფრაზის ამოკითხვა მხოლოდ სურათის ერთიანობაშია შესაძლებელი, რომლის ელემენტებიც ურთიერთმიმართებაში გამოხატავს გარკვეულ სათქმელს.



ომორკონ მეორის გრიადა: სიკვდილის ღმერთი-ოსირისი (შუაში), მისი ვაჟი - ჰორუსი და ცოლი - იმისი. 945-715 ძვ.წ. აღ.

როდესაც საქმე სამარხსა ან სხვა ნაგებობაში დამარხული საიდუმლოს გამოაშკარავებას ეხება, მაშინვე ვაწყდებით ოდესღაც „ჩვენთვის“ გამიზნულ დაბრკოლებებსა და აკრძალვებს... ალბათ, ისღა დაგვრჩენია, ვიფიქროთ, რომ ზეადამიანურ ძეგლებში, ისევე და ისევე, ზეადამიანური ინტერესებია ჩამარხული...

დიდოსტატებმა, ეგვიპტური კულტურის სახით, ძველი დაუდგეს თავად ხელოვნებას - როგორც „მომაკვდავ“ დროზე გამარჯვების სიმბოლოს...

*მოამზადა კოტე იანტპელიძემ*

იაპონური არაფი	პაგარა ფლეიგა	სახელმწიფო აზიაში	უალკოჰოლო ხანძელი	ყურძნის ჯიშე	უდიდესი ღრმული ოკეანეში
პირის რუხ თალი	ერთგვარი ქუდი	როდოხის	ირანის უული	ხელის ნაწილი	საქართველოს მეფე-ქალი
...	...	...	...	...	...



# ალაგსო ზღვა და ხმელთი ქველის საქმეან დაბითისმან

## 8 თებერვალი (26 იანვარი) წმინდა დავითის (ალმაშენებლის) ხსენების დღეა



### წინა ტარყაშვილი

ძველი და ახალი პოლიტიკოსები, ქვეყნის მმართველები, მეფენი – ბედნიერი მეფობის წინაპირობად ბედნიერ მემკვიდრეობას მიიჩნევენ. დავით მეოთხეს ამის საპირისპიროდ ურთულესი მემკვიდრეობა ერგო. დაშლილ-დაქუცმაცებული სახელმწიფო, მტრის შიშით მთებში გახიზნული მოსახლეობა. საეკლესიო თუ სამეფო კარის დიდგვაროვანთა და ეპისკოპოსთა დაქვეითებული ზნეობრიობა („რომელთაც წმინდანი ეკლესიანი, სახლნი ღმრთისანი ქვაბ ავაზაკთა ქნეს“) და მანც ერმა (სრულიად დამსახურებულად) ერთადერთს მას უწოდა უადმატებულესი ეპითეტი – ალმაშენებელი.

ზემოაღნიშნულიდან გამომდინარეობს, რომ საკეთებელ საქმეთა წარმატებულობა დამოკიდებულია არა მხოლოდ გარემოებაზე, არამედ პიროვნებაზეც, მის კეთილსინდისიერებაზე; რა სურს, რისი გაკეთება უნებებია საკუთარი ქვეყნისათვის და აგრეთვე მის ქმედითუნარიანობაზე – მზად არის თუ არა კეთილ საქმეთა აღსასრულებლად. ღმერთიც ამის შესაბამისად აძლევს პიროვნებას ნიჭს, ძალას, უნარს, ერის და მამულის საკეთილდღეოდ გარდამოუვლენს ქვეყანას, გმირებს და იხსნის მათ წინააღმდეგობითა მტერთაგან... მოდიტ, ნურც იმას დავიწყებთ, გაჭირვების ჟამს უფალი უთუოდ მოუვლენს ერს მხსნელსო. მოუვლენს – თუ ისურვებს ერი, შეეწევა – თუ ისურვებს პიროვნება, თორემ უფალს ალბათ იმ ქვეყნების ხსნაც ეწადა, სრულიად რომ აღივანენ პირისაგან მიწისა. ქართველ ერს ასეთი გმირი არა ერთი და ორი ჰყოლია. ღირსეულთაგან უფრო ღირსეული, გამორჩეულთაგან უფრო გამორჩეული, იყო დავით ალმაშენებელი – წოდებული ქართველთა მეფედ და მოძღვრად, ალექსანდრე მაკედონელად და დავით მეფესალმუნედ.

„საჩინო ვითარცა მზე ვარსკვლავთა შორის, შვენიერ, ვითარცა ვარდი ყვავილთა შორის, ვითარცა სიყვარული სათნოებათა შორის, ძლიერი – ვითარცა ლომი მხეცთა შორის, ბრძენი – ვითარცა სო-

ლომონ მეფეთა შორის, მშვიდი, ვითარცა დავით ცხებულთა შორის, უზადო, ვითარცა მაკედონელი მფლობელთა შორის, საკვირველი, ვითარცა იოანე მეფობართა შორის, მწურვალე, ვითარცა პეტრე მოწაფეთა შორის, მკვირცხელი ვითარცა პავლე მოციქულთა შორის“ – ასე ახასიათებს დავით ალმაშენებელს მისი მოძღვარი – ბერი არსენი. და მართლაც, ყოველ ერში მოძებნებიან ხოლმე ეკვიანი ადამიანები და რაგინდ დიდ ფიგურაზე უნდა იყოს საუბარი, უმალ რაღაცას გამოჩნდებიან და ეჭვქვეშ დააყენებენ მის ნაფიქრ-ნაღვაწს. დავითი ამ მხრივაც გადაურჩა გაკიდვას. უბრალოდ იმდენად დიდია, რომ ვერავინ შეძლო უკეთესად მისი მოხსენება, იმდენად მაღალია, რომ ვერავინ გაუსწორა თვალი მისი ხმლის ბრწყინვალეობას. რით დაიმსახურა ასეთი საყოველთაო სიყვარული ქართველთა მეფემ? ნეტავ, წინასწარ თუ გრძნობდა რაიმეს 1089 წელს 16 წლის ჭაბუკი დავით მეოთხე, როდესაც მამის – გიორგი მეორის გადაწყვეტილებით თავზე უნდა დაედგა სამეფო ვვირგვინი? ნეტავ წინდაწინ თუ ჭვრეტდა, რომ ქართველი ერის ისტორიის მანძილზე, მას შეეძლო, დარჩენილიყო, როგორც მისი სათაყვანებელი ვვირგვინოსანი, თუ როგორც უბრალოდ ღვთისწინა მოყვასი, საკეთებელ საქმეთა მიზანდასახულობას ზომავდა გონების თვალთ? რაღაც უფრო ღრმა შინაარსი ხომ არ იმალება მემკვიდრის სიტყვებში – „თვით მამამან ზეცათამან პოვა დავით, მონა თვისი და საცხებელი მისი წმინდა სცხო მას“?

ასეა თუ ისე, ჭაბუკი დავითის შემდგომი მართვა-გამეგობა, უკვე გვაძლევს მიზეზს, რომ ვიფიქროთ, ჭეშმარიტი ღვთის რწმენითა და ღვთის მცნებათა დაცვით აღზრდილ მეფეს, მეფედ კურთხევამდე წინდაწინ მოზომილი და გაანგარიშებული ჰქონდა თითოეული გადასადგმელი ნაბიჯი. როგორც კი ხელთ იპყრა სახელმწიფო მართვის საღავეები, ქვეყნის მშვიდობიანი ცხოვრების კალაპოტში ჩაყენება მოისურვა. უპირველეს ყოვლისა, დავით მეფემ დიდთურქო-

ბის დროს გაქცეული და მიოვალ ადგილებს შეხიზნული ქართველების დაბრუნება დაიწყო ძველ ნასახლარებზე, ხოლო შემდგომ მოიწვია რუის-ურბნისის სახელით ცნობილი საეკლესიო კრება, რომლის ძალითაც გათელილი და აბუჩად აგდებული ზნეობა თავის სიმაღლეზე უნდა ამალეზულიყო. კრებამ საფუძველი ჩაუყარა თავგასულ ფეოდალთა და უღირს სასულიერო პირთა თავნებობის აღკვეთას. დაადგინა საეკლესიო წესები, რომლითაც მღვდელმსახურთ და მორწმუნე ერს უნდა ეხელმძღვანელა, გამოიკვითა მართლმადიდებელი სარწმუნოების სასიცოცხლო მნიშვნელობა ერისა და პიროვნების გადარჩენის საქმეში.


რუის-ურბნისის კრების შემდგომ, დავით მეოთხემ საქართველოს სრული გაერთიანებისათვის მზადება კანეთ-ჰერეთის შემოერთებით დაიწყო. ღვთის წყალობას მინდობილი ლაშქარი ერწუხთან უშინადად შეეგება თურქთა უზარმაზარ მხედრობას. რიგითი ჯარისკაცივით იბრძოდა მეფეც, ხელჩართულ ბრძოლაში უშინადად შეუძახებდა ხოლმე ქართველობას გასამხმეველად. სამი ცხენი მოუკლეს მას ამ ბრძოლაში. მეოთხეზე ამხედრებულმა დაამთავრა ბრძოლა საკვირველი გამარჯვებით.

ამის შემდგომ თურქთა სულთანმა მუჰამედმა 100 ათასიანი ლაშქარი დაძრა საქართველოსკენ. როცა მტრის შემოსვლა შეიტყო, დავით მეფე უმალ დაიდრა თრიალეთისაკენ. განთიადისას შეება ერთმანეთს უთანასწორო მხედრობა. „შეწვენიტა ღმრთისათა იძლია ბანაკი თურქთა...“

იზრდებოდა და ძლიერდებოდა სახელმწიფო: 1115 წელს მტკვრის ხეობა შეუერთდა საქართველოს, ცოტა ადრე – ქალაქი რუსთავი, გიორგი ცყონდიდელის მეცადინეობით. ერთი წლის შემდეგ კი კარნიფორსა და ბასიანს შორის დაბანაკებული თურქები განიდევნენ. უკვე დავაჟაკებული უფლისწული დემეტრეც გვერდში ამოუდგა მამას...

მიუხედავად ბრწყინვალე გამარჯვებებისა, დავით ალმაშენებელმა დროულად იგრძნო, რომ მცირერიცხოვან ქართულ

მხედრობას საქართველოს ქალაქებისა და ციხეების უსაფრთხოების დაცვა და იმავდროულად მუდმივმოქმედ არმიასი ყოფნა გაუჭირდებოდა. ამასთან, გამაძრავებელი დიდგვაროვანი ფეოდალებს შეეძლოთ ესარგებლათ ლაშქრის სიმცირით და გადამწყვეტი ბრძოლის წინ ზურგში ლახვარი ჩაეცათ მეფისათვის. საჭირო იყო მუდმივი ლაშქრის შექმნა. მეფემ გადაწყვიტა, ყოველთაგან შეექმნა ასეთი არმია. იგი კარგად იცნობდა ამ ხალხის ზნე-ჩვეულებებს. მისი მუშაობა —



გურანდუხტ დედოფალიც ხომ ყიფილთა მთავრის — ათრაქა შარადანის ძის ასული იყო. ათრაქამ სიხარულით მიიღო სახელწოდება სიძის წინადადება. მხოლოდ პრობლემა რჩებოდა საკითხი: გამოატარებდნენ თუ არა მშვიდობიანად ოსები ყიფილებს. ყიფილთა მშვიდობიანი გზის უზრუნველსაყოფად მეფე და მისი აღმზრდელი — გიორგი ჭყონდიდელი ოსეთს გაემგზავრნენ (სამწუხაროდ, აქ დაასრულა სიცოცხლე გიორგი ჭყონდიდელმა, რომელიც გულითადად დაიბრუნა მეფე დავითმა). დავითმა ყიფილთაგან ჩამოაყალიბა 40 ათასიანი არმია, რომელსაც 5 ათასი ქართველი მეომარიც დაემატა და ამრიგად საჭიროებისამებრ 45 ათასიანი ჯარის გამოყვანა შეეძლოთ უპრობლემოდ. თანამედროვენი ალბათ იტყვიან, რომ ყიფილთა ჩამოსახლება მანც გარკვეულ რისკთან იყო დაკავშირებული — როგორ შეეწყობოდნენ უცხოტომელები მკვიდრ მოსახლეობას, მით უმეტეს, რომ ყიფილები ჩამოსახლებულნი იყვნენ ოჯახებით. მაგრამ ისევ მეფის წინდახედული და საზრიანი პოლიტიკის წყალობით ყიფილებმა მალევე იწყეს გაქრისტიანება და გაქართველება. დიერთი, რომელმაც იცოდა დავითის გულის ზრახვანი, ყოველმხრივ ეხმარებოდა მეფეს კეთილი მიზნების განხორციელებაში, აძლევდა რწმენას წინააღმდეგობათა დაძლევისა, გამოუნახავდა სხვადასხვა საშუალებას მტერზე გამარჯვებისათვის, ხოლო ბრძოლებში თუ ქვეყნის მართვა-განმგებლობის ყამს დავითს ღვთის მიერ მოვლენილი მფარველი ანგელოზი იცავდა სიკვდილისაგან. ერთხელ, მეფეს შიგ გულში დაუმიზნა ისარი მტერმა, რომელიც მკერდზე ჩამოკიდებულმა მაცხოვრის ხატმა აისხლიტა — მუდმივად თან რომ დაატარებდა. სხვა დროს, მეფე გელათის მაღალი კიდიდან გადმოვარდა და თითქოს უცილობლად მტერად უნდა ქცეულიყო, მაგრამ თითქმის არც კი რამ უტყენია. რაც უფრო ძლიერდებოდა დავითი, მტერიც მეტი გააფთრებოდა ესწრაფოდა მის საბოლოო განადგურებას: „ესე ვითარ თარი ჭირთაგან შეიწრებული თურქმანნი“ სულთან მაჰმუდს ეახლნენ ბაღდადში —

გლოვისა და შეჭირვების ნიშნად შავად შეღებილებმა აუწყეს ამიერკავკასიაში მიმდინარე ამბები. სულთანმა არაბთა მეფე ღურბიუს უხმო. მისცა თავისი ძე-მალქი. 60000-იანი არმია შეკრიბა და საქართველოსკენ დაიძრა. 1121 წლის აგვისტო იდგა. დავით მეფემ ბრძოლის დაწყების წინ სიტყვით მიმართა ლაშქარს: „ეჰა, მეომარო ქრისტესნო! თუ ღვთის სჯულის დასაცავად თავდადებით ვიბრძოლებთ, არამეტუ ეშმაკის ურიცხვ მიმდევართა, არამედ თვით ეშმაკებსაც ადვილად დავამარცხებთ და ერთ რამეს ვირჩევთ, რაც ჩვენი პატიოსნებისა და სარგებლობისათვის კარგი იქნება: ესაა, რომ ჩვენ ყველამ ხელთა ცისადმი აპყრობით ძლიერ ღმერთს აღთქმა მივცეთ, რომ მისი სიყვარულისათვის ამ ბრძოლის ველზე უმაღლეს მოკვდებით — ვიდრე გაეიტყვევით. და რომ არ შეგვეძლოს გაქცევა, რომც მოვიწოდოთ, ამ ხეობის შესავალი, რომლით შემოვსულვართ, ხეთა ხშირ ხერგებით შეგვრათ და მტკიცე გულით მტრებს, როცა მოგვიანლოვდებიან ჩვენზე იერიშის მოსატანად, სასტიკად შევეუტით“.

დიდგორის ბრძოლაში ნაზიარები და ნალიტანიები ჯარი გამოიყვანა დავითმა... ღვთის მადლმოსილებით უკან დახევას ვინ იკადრებდა? „ხელი მადლისა შეეწოდა და ძალი ზეგარდმო ფარვით“ ქართველთა ლაშქარს, ხოლო „წმინდა მოწამე გიორგი განცხადებულად და ყოველთა სახილველად წინა უძღვოდა მას და მკვლავითა თვისითა მოსრვიდა ზედამოწვენულთა უსჯულოთა მათ წარმართთა“.

დიდგორის ომმა წელში მოხარა ქართველთა მტრები, ხოლო მომდევნო წელს ძღვეამოსილმა დავითმა თბილისის გათავისუფლებაც იხეიბა 400 წლოვანი ტყვეობიდან, 1123 წელს დმანისი შემოუერთდა დედასაქართველოს, რითაც საბოლოოდ გამოლიანდა მისი სხეული.

თავმდაბად დავითს საკუთარი თავი „უსწავლელ“, „მხედრობათა შინა აღზრდილ“ კაცად მიაჩნდა, თუმცა კი, იმდენად უყვარდა კითხვა, რომ ლაშქრობაშიც ჯორაქლებებით დაატარებდა წიგნს. როცა

თვალნი დაეღვებოდა, ახლა სხვას მისცემდა წასაკითხად და თავად სმენას მოუნაცვლებდა. ერთხელ ისე გაუტაცია დავითი სამოციქულოს კითხვას, კინაღამ წაუგია ბრძოლა. მეფეს ჩვევა ჰქონდა: „რაჟამს დაასრულნის, ნიშანი დასუის ბოლოსა წიგნისასა“. ამ ნიშნების მიხედვით აღმოჩნდა, რომ მხოლოდ ერთ წელიწადს 24-ჯერ წაეკითხა სამოციქულო. ჭეშმარიტი მართლმადიდებელი იმდენად კარგად იყო გარკვეული ყურანში, დიდი წარმატებით ეკამათებოდა მაჰმადიანთა თავაკებს ყურანის წარმოშობაზე.

დავითი უხვი მოწყალებით შეეწოდა ეკლესია-მონასტრებს, იქნებოდა ეს ქვეყნის გარეთ თუ შიგნით. ჯერ კიდევ 1106 წელს დაიწყო გელათის ტაძრის მშენებლობა, რომელსაც დიდძალი განძი შესწირა. საქართველოში სამოღვაწეოდ მოიწვია „კაცნი პატიოსანნი ცხოვრებითა და შემკულნი ყოვლითა სათნოებითა“, რომელნიც დაემატნენ „თვისთა ოდენ სამეფოთა შინა პოვნილ“ სწავლულთ და მათ საფუძველი დაუდეს უმაღლეს სასწავლებელს — გელათის აკადემიას, რომელიც უნდა შექმნილიყო „ახალ ათინად და მეორე იერუსალიმად“.

მოყვასისათვის მზრუნველმა მეფემ უფასო საავადმყოფოები დააარსა, სადაც ღარიბი და უბოვარი სნეულნი მოათავსებინა. თავდაც ხშირად იარებოდა მათ მოსანახულებლად და ახლობლურად მოიკითხავდა. ხოლო გაჭირვებულთა და ქვრივ-ობოლთათვის მუდამ თან დაჰქონდა სამოწყალო ქისა.

მეფემ სიკვდილამდე მცირე ხნით ადრე შექმნა სულის საოცარი აღსარება — „გალობანი სინანულისანი“, სადაც მოთქმით მოიხსენია მის მიერ ჩადენილი ყოველი ცოდვა. 1125 წელს დაწერა ანდრძი. თავისი ხელით დასვა სამეფო ტახტზე თვისი ძე — დიმიტრი, ხოლო თვითონ მშვიდობით აღესრულა 53 წლის ასაკში.

წმინდა დავით აღმაშენებელმა საკუთარ საქალღებ გელათის მონასტერი იხეიბა. ანდრძისავე მიხედვით, დავითს უსურვებია, ყოველ მოკვდავს ფეხი დაეხევიან მის საფლავზე... საფლავის ქვაზე ამოკვეთილია მეფის უკანასკნელი სურვილი: „ესე არს განსასვენებელი ჩემი უკუნითი უკუნისამდე, ესე მნთქავს: „აქა დავემკვიდრო მე“.

ამქვეყნიური წარმავალი დიდების უარყოფის უბადლო ნიშნად, სადა და უბრალოა დავით მეფის საფლავი...

შთამომავლობამ დაუფასა დიდ წინაპარს ღვაწლი და აღმაშენებლის სახელთან ერთად წმინდანის გვირგვინითაც შეამკო იგი.



განვაგრძობთ  
ნარკვევების  
ციკლს,  
(იხ. „გზა“  
№№28, 32, 33)  
1918-1921 წლების  
დამოუკიდებელი  
საქართველოს  
მიერ გადატანი-  
ლი პირველი  
საომარი  
კონფლიქტების  
შესახებ.

# პირველი რესპუბლიკის მხარე გაიმოსდილება

ქახა მაისურაძე

## 1920 წლის რუსეთ-საქართველოს ომი

ომის დასაწყისი – ბაქოს აღება  
როდესაც რუსეთ-საქართველოს 1920 წლის ომზე ვსაუბრობთ, იმთავითვე უნდა აღინიშნოს, რომ იგი რუსული ჯარების მიერ ბაქოს აღებისა და აზერბაიჯანის ოკუპაციის ფონზე წარმოიქმნა. ამიტომაც ეს ომი ჩვენს მეზობელ ამ ქვეყანასთან კავშირის კონტექსტშია განსახილველი.

ყოველივე კი ასე დაიწყო. 1920 წლის გაზაფხულისათვის ბოლშევიკები საბოლოო მარცხს აყენებენ ჩრდილო კავკასიაში განლაგებულ დენიკინის თეთრგვარდიელებს და უშუალოდ სამხრეთ კავკასიის დამოუკიდებელ რესპუბლიკებს – საქართველოსა და აზერბაიჯანს „უმეზობლეებიან“. დღიდან ამ წარმატებისა, მოსკოვი იწყებს თავისი ექსპანსიის სამხრეთის მიმართულებით გაფართოებისათვის მზადებას და, ბუნებრივია, მთავარ სამიზნედ იმთავითვე ამ ორ მოსაზღვრე რესპუბლიკას ირჩევს.

მომდინარე საფრთხის თავიდან ასაცილებლად, ჯერ კიდევ 1919 წლის ზაფხულში საქართველოსა და აზერბაიჯანის მთავრობათა წარმომადგენლები დებენ ხელშეკრულებას ერთობლივი თავდაცვის შესახებ, რომლის თანახმად, ორივე სახელმწიფო ვალდებული იყო, ერთმანეთისათვის შეიარაღებული დახმარება გაეწია, თუ რომელიმე მათგანს სხვა სახელმწიფო დაესხმებოდა თავს. „მაგრამ ეს კავშირი იმთავითვე ჩაკვდა, ბიუროკრატიული მიმოწერის ფსკერზე ჩაიძირა“ (გიორგი კვინიტაძე „მოვლენები“, 1998 წ.) და ამის ერთ-ერთი მიზეზი ისიც იყო, რომ აზერბაიჯანისა და საქართველოს სამხედრო წარმომადგენლებმა, შექმნილ

კავშირში მაღალი სამხედრო თანამდებობების დაკავებაზე კონსენსუსს ვერ მიადწიეს. მაგალითად: „სამხედრო კავშირის“ თავმჯდომარის თანამდებობაზე ერთმანეთს ეცილებოდნენ ქართველი გენერალი ილია ოდიშელიძე და აზერბაიჯანელი გენერალი მეხმანდაროვი.

უკანასკნელად საქართველოს მთავრობამ, ჩრდილოეთიდან მომდინარე საფრთხის თავიდან ასაცილებლად, კავშირის განახლება 1920 წლის აპრილში სცადა. ამ მიზნით იქ მიავლინა გენერალი გიორგი კვინიტაძე. მაგრამ ყოველივე დაგვიანებული აღმოჩნდა. აზერბაიჯანის ბედი ანკარასა და მოსკოვს შორის გამართულ მოლაპარაკებებზე გადაწყდა.

თურქეთის მთავრობამ, რომელსაც ამ დროისათვის უდიდესი გავლენა ჰქონდა აზერბაიჯანის მთავრობაზე, აზერბაიჯანი რუსეთს იმ დახმარების სანაცვლოდ დაუთმო, რომელიც იმდროინდელ ანკარას, ანტანტასთან წარმოებულ ბრძოლებში რუსეთის მხრიდან, ესაჭიროებოდა. ბაქოს გარნიზონის ძირითად ნაწილს თურქი ოფიცრები წარმოადგენდნენ. ბოლშევიკთა სამხედრო რაზმების მოახლოებისთანავე, მათ უმაღლესი შეწყვეტეს წინააღმდეგობა და უბრძოლველად შეუშვეს მტერი ქალაქში. ყოველივე ეს 28 აპრილს მოხდა. მანამდე კი წინააღმდეგობა ოკუპანტებს საზღვარზე განლაგებულმა მხოლოდ იმ ერთადერთმა ბატალიონმა გაუწია, რომელსაც ქართველი პოლკოვნიკი თუმანიშვილი მეთაურობდა. მაგრამ შემდგომ ის, წინააღმდეგობის გაწევისა და მასზე მინდობილი პოსტის გმირული დაცვის გამო, ბოლშევიკებმა დახვრიტეს. იმავე დროს, ქ. განჯაში, აზერბაიჯანის არმიის რიგებში მომსახურე მეორე დიდი ქართველი

გენერალი – ბალო მაყაშვილი დახვრიტეს.

როგორც ჯერ კიდევ 1920 წლის 17 აპრილს ლენინის მიერ სერგო ორჯონიკიძისადმი გაგზავნილი მოხსენებით ბარათიდან ჩანს, აზერბაიჯანის დაპყრობას დაუყოვნებლივ უნდა მოჰყოლოდა საქართველოს ოკუპაციაც. ამიტომ ბაქოს აღების შემდეგ, ჯერი თბილისზეც მიდგა. რუსები გამალეებით ემზადებოდნენ საქართველოში შემოსაჭრელად.

### რუსული არმიის შემოჭრა საქართველოში

საქართველოში შემოსაჭრელად მზადებისას, პირველი, რაც აგრესორებმა მოიმოქმედეს ის იყო, რომ დააკავეს აზერბაიჯანის რკინიგზის 120-მდე ქართველი მუშა-მოსამსახურე. ბაქოში მოსკოვის მიერ ხელდასმულმა მარიონეტულმა რეჟიმმა ისინი ქართველ სამხედრო ტყვეებად გამოაცხადა. პარალელურად, საქართველოს მიმართულებით რუსული არმიის მე-20 და 32-ე დივიზიები დაიდრა. საქართველოში კი ამ დროისათვის რა ხდებოდა? ჯერ კიდევ 28 აპრილს, თბილისში დაარსდა „თავდაცვის საბჭო“, მთავრობის თავმჯდომარის ნოე ჟორდანიას ხელმძღვანელობით. ჯარების მთავარსარდლად დაინიშნა გენერალი გიორგი კვინიტაძე. გამოცხადდა ნაწილობრივი მობილიზაცია. ჯარში გაიწვიეს 1888-95 წლებში დაბადებული ყველა რეზერვისტი, ასევე ყველა ექიმი 35 წლის ასაკამდე. გამოქვეყნდა მთავრობის თავმჯდომარის ნოე ჟორდანიას მიმართუვა ქართველი ხალხისადმი, სადაც ის მოუწოდებდა მოსახლეობას, სისხლის უკანასკნელ წვეთამდე ებრძოლა მამულის გადარჩენისათვის. 30 აპრილს

ქვეყნის უმაღლესმა საკანონმდებლო ორგანომ – დამფუძნებელმა კრებამ მიიღო დეკრეტი, რომელიც ითვალისწინებდა სახელმწიფო ხაზინიდან 100 მილიონი მანეთის გამოყოფას რესპუბლიკის თავდაცვის საჭიროებისათვის.

საომარი ოპერაციები რუსეთმა საქართველოს წინააღმდეგ, ბაქოს ალბიდან სამი დღის შემდეგ – 1 მაისს დაიწყო. რუსეთი საბრძოლო მოქმედებებს ძირითადად ჩვენი ქვეყნის სამხრეთ-აღმოსავლეთ საზღვრებთან – აზერბაიჯანის მხრიდან აწარმოებდა. თუმცა, ჰქონდა მცდელობა, იერიში ჩრდილო-დასავლეთიდანაც – აფხაზეთის მონაკვეთზე მიეტანა, მაგრამ იმ შენაერთებს გზა, ყირიმში განლაგებულმა ვრანგელის ჯარების დესანტმა მოუჭრა.

1 მაისს მტრის მიერ დაწყებული სამხედრო მოქმედებები, ცვალებადი წარმატებით მიმდინარეობდა. მტერმა ხელში ჩაიგდო ინიციატივა წითელი ხიდის რაიონში, უკუაქცია იქ განთავსებული კახეთის ბატალიონი და ქვეყნის ტერიტორიაზე 10 ვერსის სიღრმეში შემოიჭრა. მის შეჩერებას მხოლოდ გოგი ხიმშიაშვილის მეთაურობით მოქმედი გვარდიელთა ცხენოსანი დივიზია ცდილობდა. სამაგიეროდ, მოხერხდა მდ. ხრამზე გადებული ფოილოს ხიდის მიდამოებში არსებული საზღვრის მონაკვეთის შენარჩუნება. მოწინააღმდეგე ამ რაიონში შეტევას ჯავშანტექნიკისა და ჯავშნოსანი მატარებლების გამოყენებით ახორციელებდა. პოლკოვნიკ კენჭუაშვილის ბრძანებით, როდესაც მტერი ხიდს მიუახლოვდა, მისი დანადგური შუა ნაწილი ააფეთქეს და ამით მისი იერიში შეაჩერეს.

როდესაც საქართველოს სამხრეთ-აღმოსავლეთი საზღვარი წითელმა არმიამ გადმოლახა, ჟორდანიას მთავრობამ მოსკოვს, ამ თავდასხმის გამო, ახსნა-განმარტება მოსთხოვა. რაზედაც პასუხად მიიღო, რომ თავად არაფერ შუაშია, აზერბაიჯანი დამოუკიდებელი საბჭოთა რესპუბლიკაა. ყოველივე აზერბაიჯანის „ახალგაზრდა

მთავრობის“ შეცდომა, „ადგილობრივი ინციდენტი“ იყო და სხვა (რემონ დოუგე, „მოსკოვი და წამებული საქართველო“, 1994 წ.). რუსეთის ბოლშევიკური მთავრობის სიცრუეს თუნდაც ერთი ასეთი ეპიზოდი ამხელს.

ომის დასაწყისშივე გოგი ხიმშიაშვილის კავალერიის მოწინავე რაზმი, ღამის გასათევად თათრების ერთ-ერთ სოფელში გაჩერდა. ღამით ამ სოფელში 40 კაცისაგან შემდგარი მტრის ცხენოსანი დანაყოფი შევიდა, ჩვენს გუშაგებს მიუახლოვდა და დანებება მოსთხოვა. გუშაგებმა სროლით უპასუხეს. ტყვიამ დანაყოფის მეთაური ოფიცერი ძირს დასცა. დანარჩენებმა ცხენები გააბრუნეს და სიბნელეში გაუჩინარდნენ. მოკლულ ოფიცერს ბრძანება უპოვეს, საიდანაც გაირკვა, რომ საქმე თბილისზე თავდასხმის მზადებას ეხებოდა, ე.ი. „ადგილობრივი ინციდენტი“ არ ყოფილა.

მომდევნო დღეებში, ქართული ჯარების სრულ მობილიზაციამდე, საომარი მოქმედებები ასეთივე ცვალებადი წარმატებით წარიმართა. ყოველივე ამით იმედმოცემული, მტრის ცხენზე ამხედრებული „ქართველი იულა“ – სერგო ორჯონიკიძე კი მოსკოვს ასეთ პატაკებს უგზავნიდა: „ლენინს, სტალინს – ბაქო, 4 საათი, 3.V.20წ. დაწვრილებით გადმოცემით რადიოთი, ყველაფერი გათვალისწინებულია და სრულდება... მოვლენები ისე ვითარდება, რომ იმედი გვაქვს, არა უგვიანეს 15 მაისისა ვიქნებით თბილისში“. ანდა მეორე დეპეშა: „ლენინს, სტალინს – ბაქო, 4.V.20 წ. მოვლენები ისე ვითარდება, რომ იმედი გვაქვს არა უგვიანეს 12 მაისისა ვიქნებით თბილისში“ (გრ. ჟვანია, „როგორ მზადდებოდა საქართველოს ოკუპაცია“, 1992 წ.).

მაგრამ ამხანაგ სერგოს არც 12-ში და არც 15-ში საქართველოს დელაქალაქში შესვლა არ გამოუვიდა. ქართული ჯარები მალე კონტრშეტევაზე გადავიდნენ და მის მიერ მოყვანილი „რუსი ძმები“ ქვეყნის საზღვრებიდან კინწისკვრით განდევნეს.

ამ ბრძოლებში განსაკუთრებით თავი ისახელა გენერალ კვინიტაძის ბრძანებით მოქმედმა „მარჯვენა“ და „მარცხენა“ ქართულმა სამხედრო დაჯგუფებებმა ვალიკო ჯუღელითა და გენერალ ჯიჯიხიას სარდლობით.

**რუსული ჯარების დამარცხება და 32-ე დივიზიის განადგურება**

აღსანიშნავია, რომ საომარი ოპერაციების პარალელურად, საქართველოს დელეგაცია გრიგოლ უროტაძის მეთაურობით მოლაპარაკებებს აწარმოებდა მოსკოვში, ამ ქვეყანასთან სამშვიდობო ხელშეკრულებების დადების მიზნით. მთავრობასაც ორიენტაცია უფრო კონფლიქტის მშვიდობიან დარეგულირებაზე ჰქონდა აღებული. მიუხედავად ქართული ჯარების წარმატებისა, ნოე ჟორდანიას ორჭოფობდა, საბოლოოდ ვერ გადაეწყვიტა, როგორი დადგენილება მიეღო. მიეცა თუ არა შესაძებლობა ჯარებისათვის, სამხედრო მოქმედებების შემდგომი განვითარებისა.

„რა როდენობის ჯარი გვათ ფრონტზე?“ – ეკითხება მთავრობის თავმჯდომარე მთავარსარდალს – გენერალ კვინიტაძეს. „უნდა ვაღიარო, რომ მოვატყუე ვუთხარი, 9 ბატალიონი გვყავს-მეთქი. სხვანაირად ვერ მოვიქცეოდი: რომ სცოდნოდა 6 ბატალიონი გვყავდა, იერიშზე გადასვლის ნებას არაფრის დიდებით არ მოგვცემდა“ (გიორგი კვინიტაძე, „მოგონებები“, 1998 წ.).

როგორც შემდგომ აღმოჩნდა, ამ ტყუილმა ყველა სიმართლეზე მეტად დადებითი როლი ითამაშა: ქართული არმიის შემდგომი ოპერაციები წარმატებით განვითარდა. სასტიკ ბრძოლებში დამარცხდა და მთლიანად განადგურდა რუსთა 32-ე დივიზია. ქართულმა შენაერთებმა აზერბაიჯანის საზღვარი გადალახეს და 20-25 ვერსის (1 ვერსი 1.06 კმ-ს უდრის) მანძილზე წაიწიეს წინ. აღსანიშნავია, რომ შეტევით ოპერაციებში აქტიურად მონაწილეობდა იმდროინდელი ქართული ავიაციაც, რომელ-

**ნოე ჟორდანიას**



**იოსებ გედევანიშვილი**



**გრიგოლ გიორგაძე**



**გრიგოლ ლორთქიფანიძე**





ქართველი კავალერისკები

იც საინჟინრო ჯარების შემადგენლობაში შედიოდა ცალკე „საავიაციო გუნდის“ სახით და კაპიტანი ნიკოლოზ მაყაშვილი ხელმძღვანელობდა.

„ჩვენმა ჰაეროპლანებმა დაბომბეს მტრის პოზიციები წითელ ხილთან“, „ჩაყარეს ყუმბარები მტრის ზურგში“ – აღნიშნული იყო 11-12 მაისის გაზეთ „სასაზღო საქმის“ ფურცლებზე, საქართველოს იმდროინდელი გენშტაბის მიერ გავრცელებულ განცხადებაში.

ამავე დროს, ავიაციას პროპაგანდის საშუალებად იყენებდნენ: ცნობილია, რომ მთავრობის უშუალო მითითებით, ავიატორები ყრიდნენ პროკლამაციებს მტრის ტერიტორიაზე, ამ დროისათვის რუსეთ-საქართველოს შორის დადებული 7 მაისის ხელშეკრულების გასაცნობად. რაც ორივე მხარეს ცეცხლის შეწყვეტას ავალდებულებდა.

მაგრამ ამოდ: ბრძოლა არ წყდებოდა. დაპირისპირებულ მხარეებს შორის მძაფრი შეტაკებები კვლავ მიმდინარეობდა, ეს კი ქართველთა საბოლოო გამარჯვებას სულ უფრო და უფრო გარდაუვალს ხდიდა. იქმნებოდა შესაძლებლობა ოკუპირებული აზერბაიჯანის გათავისუფლებისა, რომლის მთავარი მიზანიც სამხრეთ კავკასიიდან მტრის სრული განდევნა იყო.

### ბავი, რომელმაც საქართველოს დამოუკიდებლობას სასიკვდილო განაჩენი გამოუტანა

მოპოვებული წარმატების შემდეგ, ქართული ჯარები ბაქოზე გენერალური შეტევისათვის ემზადებოდნენ. ამ მიზნით აზერბაიჯანის საზღვართან, გენერალ კვინიტაძის ბრძანებით ჩამოყალიბდა სამხედრო დაჯგუფება, რომელსაც გენერლები ჩხეიძე, ჯიჯინია, გედევანიშვილი და სუმბათაშვილი მეთაურობდნენ.

ამასთან, ქართული სამხედრო დაზვერვისათვის ცნობილი გახდა, რომ რუსული ჯარის გადარჩენილი ნაწილები იმდენად იყვნენ შელასულნი, რომ ქართველთა მომავალ შტურმს ვერ შეაჩერებდნენ. ამას ემატებოდა თვით აზერბაიჯანში მტრისათვის შექმნილი საკმაოდ არახელსაყრელი მდგომარეობა: ცნობილია, რომ ადგი-

ლობრივი მოსახლეობა ქართველთა მხრიდან მხოლოდ შეტევის დაწყებას უცდიდა იმისთვის, რათა თავადაც აქტიური მონაწილეობა მიეღო რუსთაგან თავიანთი დაპყრობილი სამშობლოს გათავისუფლებაში (ამას ადასტურებს 25 მაისს ქ. განჯაში მომხდარი ანტირუსული აჯანყება, დამოუკიდებელი აზერბაიჯანის ჯარების მიერ მდ. მტკვარზე გადასასვლელი ევლასნის ხიდის აფეთქების მცდელობა და სხვა.).

„დადგა იმ წუთთაგანი, როდესაც სახელმწიფოს ბედი წყდებოდა. სწორი გადაწყვეტილება უნდა მიგვეღო – ვიყავით კი მზად ასეთი მასშტაბის იერიშის განსახორციელებლად? უნდა ვაღიაროთ, რომ შექმნილ მდგომარეობაში შეგვეძლო მისი ხორცშესხმა“ – იგონებდა მოგვიანებით გენერალი კვინიტაძე.

მართლაც, ჯარი მთლიანად მობილზეული იყო. ფორმირებული გახლდათ 3 ბატალიონიანი ქართული პოლკები. რომელთა საერთო რაოდენობა 40 ათასი კაცით განისაზღვრებოდა. ისინი სერიოზულად აღიქვამდნენ ვითარებას და მზად იყვნენ მეზობელი ქვეყნის გასათავისუფლებლად შეიარაღებული მოქმედებისათვის. ამას ემატებოდა ისიც, რომ ქართველთათვის ამ პერიოდში ხელსაყრელი გახლდათ თვით საბჭოთა რუსეთში შექმნილი ვითარებაც. კერძოდ, მოსკოვის წინააღმდეგ საომარ კამპანიას აწარმოებდა, ანტანტის სამხედრო-ტექნიკური დახმარებით გაძლიერებული პოლონეთის მთავრობა, მარშალ პილსუცკის მეთაურობით. პოლონეთის ჯარებმა გენერალ პეტლიურას სარდლობით ამ დროისათვის იმდენიც კი შეძლეს, რომ რუსებს წაართვეს კიევი, ოდესა, ტაგანროგი, დაატყვევეს რამდენიმე ათეული ათასი რუსი ჯარისკაცი და უშუალოდ მოსკოვს დაემუქრნენ.

ამას ემატებოდა ვრანგელის ჯარების მზარდი გაძლიერება ყირიმში. ასე რომ, ამ დროისათვის ბოლშევიკთათვის ისეთი ვითარება შეიქმნა, რომ მათ კავკასიისთვის ნამდვილად არ სცხელოდათ – მთელი ძალები დასავლეთის ფრონტზე ჰყავდათ გადასროლილი. რაც შეეხება კავკასიას – ბაქოს შტურმის შემთხვევაში, გარდა თვით აზერბაიჯანელებისა, მოსალოდნელი

იყო ჩრდილოკავკასიელი მთიელების (ჩეჩენ-დაღესტნელები) აჯანყება, რაც ქართველთა მანსებს ერთი-ორად აორკეცებდა. შექმნილი მდგომარეობა საქართველოს აზერბაიჯანის გათავისუფლებას ჰკარნახობდა. საამისოდ ყველაფერი გაკეთდა კიდევ: 19 მაისს დაინიშნა გენერალური შეტევა. მანამ კი, რამდენიმე დღით ადრე, ჯარების საბოლოო განლაგება დაათვალიერა სამხედრო მინისტრმა გრიგორ ლორთქიფანიძემ. „რა შედარებაა, არმიის წარსულ მდგომარეობასთან, ეს ხომ ცა და დედამიწაა!“ – აღუნიშნავს ქართველთა სამხედრო მომზადების მაღალი დონით აღფრთოვანებულ მინისტრს.

აი, ასეთი იყო 19 მაისისათვის შეტევის დაწყების წინ შექმნილი ვითარება, როდესაც ერთი დღით ადრე – 18 მაისს ჯარების მთავარსარდალი გენერალი გიორგი კვინიტაძე ლებულოს მთავრობის თავმჯდომარის ნოე ჟორდანიას კატეგორიულ ბრძანებას, საომარი ოპერაციების შეწყვეტისა და მოწინააღმდეგესთან სამშვიდობო მოლაპარაკების დაწყების შესახებ. „ამ უცნაურმა და უგუნურმა ბრძანებამ, საქართველოს დამოუკიდებლობას სასიკვდილო განაჩენი გამოუტანა. მოსკოვის მთავრობა ალბათ გულში ხითხითებდა, როცა საქართველოსთან სამშვიდობო ხელშეკრულებას აწერდა ხელს. ისტორიაში ალბათ პირველი შემთხვევა იყო, როცა გამარჯვებული არმია უკან იხევს. მტერი დაამარცხა, გააქცია, თავად კი უკან დაიხია“ (რემონ დიუგე, „მოსკოვი და წამებული საქართველო“, 1994 წ.).

ზავის პირობების საბოლოოდ შესათანხმებლად, ორივე მხარის წარმომადგენლები ერთმანეთს აზერბაიჯანის ქალაქ ალსტაფაში შეხვდნენ. ამ შეხვედრებს უფრო მიტინგის ხასიათი ჰქონდა: ეს იყო მხურვალე გამოსვლები, კეთილშობილური ყუსტები, მოწოდებები მშვიდობიანი შრომისაკენ, ანტიმილიტარიზმისაკენ. რუსებმა იმას მიადწიეს, რაც სურდათ – ჩვენს ჯარებს უკან, ძველი საზღვრებისკენ უნდა დაეხიათ. გამარჯვებულმა დაუთმო დამარცხებულს, რითაც უმაღლეს კარგად ისარგებლეს და იმ დღიდანვე დაიწყეს თავისი ჯარების ამიერკავკასიაში გაძლიერება.

ბოლშევიკები ძლიერდებოდნენ და ამას დღითი დღე ყველა თვალნათლივ ხედავდა და გრძნობდა. მთავრობა ყოველნაირად ცდილობდა, არსებული დიპლომატიური მარცხის საკომპენსაციოდ, მოსკოვთან მყარი სამშვიდობო შეთანხმებისთვის მიეღწია, მაგრამ ამოდ. ყველასათვის ცნობილი იყო, რომ მტერი რევანშისათვის ემზადებოდა. საქართველოს დასაპყრობად აზერბაიჯანში სავანგებო მე-11 წითელი არმია ღვებოდა...





პლანეტის შესასვლელს უზარმაზარი სფინქსი იცავს

მიუხედავად იმისა, რომ ეს პლანეტა მზის სისტემაში იმყოფება, მისი აღმოჩენა ცაზე ყველაზე ძლიერი ტელესკოპითაც შეუძლებელია. ის რომ იხილოთ, კოსმოსში გაფრენა არ არის აუცილებელი, საკმარისია, თვითმფრინავში ჩაჯდეთ და ავსტრალიკენ გაემგზავროთ. სწორედ იქ, ტიროლის მინების დედაქალაქ ინსბრუკის მახლობლად, პატარა ქალაქ ვატენსონს მინისქვეშა გამოქვაბულში ყოველდღე ცოცხლდებიან ზღაპრების ბროლის გმირები.

# ბროლის ზღაპრული ზღაპრული ზღაპრული

1995 წელს, მაშინ, როცა ავსტრიული ფირმა SWAROVSKI ასი წლის იუბილეს აღნიშვნას აპირებდა, გადაწყდა, შექმნილიყო ისეთი მუზეუმი, რომელიც ადამიანებს ბროლის ვარსკვლავური ბრწყინვალეებისა და რიჟრაჟის პირველი სხივების დანახვაში დაეხმარებოდათ. პროექტის ავტორმა, ავსტრიელმა მხატვარმა ანდრე ჰელერმა მუზეუმის მიწისქვეშ განთავსება გადაწყვიტა, რადგან მისი აზრით, „სვაროვსკის“ ფირმის ბროლის ნიმუშებს თავისი სისუფთავითა და სიდიადით მხოლოდ ალმასები თუ შეედრება. ზღაპრულ გამოქვაბულს „სვაროვსკის ბროლის ქვეყნები“ დაარქვეს. მის დასათვალიერებლად მსოფლიოს ყველა კუთხიდან ყოველწლიურად 600 000 ტურისტი ჩადის.

ბროლის ზღაპარი 1891 წელს დაიწყო, მაშინ როცა ბოჰემიის (დღევანდელი ჩეხეთი – ეს მხარე განთქმული იყო ბროლის ნაკეთობათა ოსტატებით) მკვიდრმა, ყველასათვის უცნობმა მევილინემ დანიელ სვაროვსკიმ გამოიგონა მანქანა, რომელიც ბროლის ძვირფასი ქვებისა და კრისტალებისგან, დიდი რაოდენობისა და უზადო ხარისხის ნაკეთობათა დამზადების საშუალებას იძლეოდა. 29 დღის გამოძვინებელმა ადგილობრივ ოსტატებთან კონკურენციას თავი აარიდა და ავსტრიაში გადასახლდა, სადაც 1895 წელს ტიროლის მახლობლად პატარა სოფელ ვატენსონში დააფუძნა ბრო-



ლის ნაკეთობათა ქარხანა, რომლის პროექტითაც ძვირფასი ქვების იმიტაციას ახდენდა. იმ პერიოდში ფართოდ დაიწყო ასეთი ქვების გამოყენება მოდური ტანსაცმლისა და აქსესუარებისთვის.

რამდენიმე წლის შემდეგ დანიელმა კრისტალების მოწაზნავებისა და ზეხვის ტექნოლოგიის სრულყოფილებამდე დახვეწა შეძლო. 1911 წელს კი სვაროვსკიმ შვილების – ვილჰელმის, ფრიდრიხისა და ალფრედის დახმარებით, ზეგამჭვირვალე ბროლის მისაღებად, ხარშვისთვის ოპტიმალური საწვისი ბროლის კრისტალების ნარევის დამზადება მოახერხა. ეს უნიკალური ბროლი იყო, რომლის მიღებასაც მანამდე ბევრი ცდილობდა. პარიზისა და სანკტ-პეტერბურგის მოდის მიმდევრები დანიელ სვაროვსკის სამკაულებმა აღაფრთოვანა, ბროლის „ბრილიანტებზე“ უწყვეტად მოდიოდა შეკვეთები.

წლების შემდეგ ფირმის ბიჟუტერია მარლენ დიტრიხისა და ჯერი ჰოლის საღამოს კაბების, მაიკლ ჯექსონისა და ტინა ტურნერის სასცენო კოსტიუმების განუყოფელ ელემენტებად იქცა. შანელის, კრისტინ დიორის და ივ სენ-ლორანის მოდის სახლები მის გარეშე არ კერავენ კაბებს. დღესდღეობით დანიელ სვაროვსკის მემკვიდრეები ბროლის სამკაულებს ნებისმიერი გემოვნების ადამიანებისთვის, ასე ათასზე მეტი სხვადასხვა შეფერილობითა და ფორმით ამზადებენ.

1976 წელს, შობის წინა დღეებში

სამეფოში 590 სამკუთხა სარკეა

ფირმამ პირველი ბროლის ფიგურა დაამზადა. ეს იყო პატარა თავი, რომელიც ჭადის რამდენიმე ბროლის დეტალისგან იყო აწყობილი. თავის ზღარბი მოჭყვა, ზღარბს – კუ, შველი, მარტორქა, გედი და ა.შ. სხვათა შორის, „სვაროვსკის“ ლოგოტიპი ერთხანს ედელვაისი იყო, მაგრამ იგი შთამბეჭდავი მხოლოდ მთის მცხოვრებლებისთვის აღმოჩნდა. ფირმის მსოფლიო აღიარებამ მისი მეპატრონეები პროდუქციისთვის ახალი სიმბოლოს შექმნაზე ჩააფიქრა. 1988 წლიდან ფირმის სიმბოლოდ გედი იქცა, რომელიც ყველა ხალხისთვის ელევანტურობისა და ჰარმონიის სიმბოლოა.

თითქმის მეოთხედი საუკუნის განმავლობაში სამასზე მეტი სხვადასხვა ბროლის ფიგურა შეიქმნა. მინიატურული ფიგურების მფლობელებმა „სვაროვსკის ნაკეთობათა კოლექციონერთა კლუბი“ დააარსეს, რომელშიც მსოფლიოს ათეულობით ქვეყნიდან, ნახევარ მილიონ ადამიანზე მეტი შედის. მათ „სვაროვსკის მორიდან დანახული ხელის მგეფანი, სინამდვილეში ჩვეულებრივი ლაბირინთია



საოცრების შემქმნელი ანდრე ჰელერი

ბროლის ქვეყნების“ მუზეუმში განცალკევებული შენობაც კი აქვთ, სადაც იკრიბებიან, იზილავენ ახალ იდეებსა და პროექტებს, ფიგურებს უცვლიან ერთმანეთს.

მუზეუმი-გამოქვაბული შვიდი ოთახისგან შემდგარ ლაბირინთს წარმოადგენს. ოთახები ერთმანეთს ვიწრო დერეფნებითა და კიბეებით უკავშირდება. შესასვლელს კლდეში გამოქანდაკებული ნაკვერჩხლისთვალეუბა გოლიათი იცავს, რომლის პირიდან ჩანჩქერი იფრქვევა. პროექტორების შუქს წყლის შხეფები უმცირეს სხივებად შლის და ათასობით პატარა ცისარტყელა იქმნება, რაც ისეთ შთაბეჭდილებას ახდენს, თითქოს ჩანჩქერიც ბროლისგან იყოს დამზადებული. მიწისქვეშა საგანძურისკენ მინის გვირაბს მივყავართ, რომლის კედლებზეც დიდი პოეტების – შექსპირის, გარსია ლორკას, გოეთეს ლექსებია ამოკვეთილი. ყველა ლექსში აუცილებლად მოიხსენიება სიტყვა, რომელიც თარგმანში „კრისტალს“ ან „ბროლს“ ნიშნავს. ეს სიტყვა-გასაღებია, ის დამთვალიერებლებს მეგზურობას მუზეუმის ყოველ დარბაზში უწევს.

პირველ დარბაზში წარმოდგენილია „სვაროვსკის“ ყველაზე დიდი და ყველაზე პატარა ბროლის კრისტალები, ისინი ვინეის რეკორდების წიგნშია შესული. გიგანტის წონა 310000 კარატია (დასლოებით 62 კილოგრამი), დიამეტრი – 40 სანტიმეტრი. კრისტალის ასი წახნაგი მნახველებს აჯადოებს, ის ხან თბილ ბროწულისფრად, ხან ცივ ვერცხლისფრად ნათდება, ფერები ერთმანეთში გადადის და სიბ-



დანიელ სვაროვსკის ბიუსტი

ნელეში საოცრად ანათებს. ყველაზე პატარა კრისტალის დანახვა კი მხოლოდ მიკროსკოპით არის შესაძლებელი. მისი დიამეტრი მხოლოდ 0,8 მილიმეტრია. აღსანიშნავია, რომ დარბაზის ყველა ექსპონატი ორიგინალურობით გამოირჩევა: ბროლისგან არის დამზადებული სალვადორ დალის ცნობილი საათი, ინდოეთის მაჰარაჯას საყვარელი ცხენის საზეიმო აღკაზმულობა, ხელოვნური კრისტალებით აღმართული თერთმეტმეტრიანი კედელი, რომლის ბროლის ნაწილების საერთო წონა 12 ტონას შეადგენს.

შემდეგ დარბაზში ბილიკი მიემართება: მისი სივანე ერთი მეტრია, სიგრძე კი – ათი. საბავშვო კალეიდოსკოპების მსგავსად, ის არასოდეს არ არის ერთნაირი ფერის: რაც მეტი ადამიანი დააბიჯებს პაწია ბროლის ნატეხებისგან შემდგარ ბილიკზე,





მით უფრო ხშირად იცვლება მისი მოზაიკა. ამ ბილიკით ადამიანი ნელა შეაბიჯებს საოცარი ოთახის იდუმალ სიბნელეში, სადაც სამგანზომილებიან სივრცეში იმის დანახვა შეუძლებელია, თუ როგორ გაჩნდა ბროლის პლანეტა და შეიქმნა მასზე სიცოცხლე. სიბნელეში მკვეთრად ანათებენ ვარსკვლავები, მათი ჯადოსნური შუქი კოსმოსისკენ გიზმობთ, საოცარი გრძობა გეუფლებათ – თითქოს ყოველდღიურ ფიქრებს და ყოფას ივიწყებთ, მხოლოდ ვარსკვლავების ძალა გიზიდავთ უსასრულო, თავისუფალ სივრცეში, სულს კი აუხდენელი ოცნებების და ფიქრების ახდენის წინათვრძობა ავსებს. და უცებ თქვენს წინ აუარება ვარსკვლავი ჩაქრობას იწყებს და პლანეტად იკუმშება, შემდეგ პლანეტა ოკეანეების ცისფერი შუქით იფარება – ჩნდება მატერიკები, ყოველ წაშში სულ უფრო მწვანდება, მილიონჯერ აჩქარებული ევოლუციის შედეგად, ოკეანეები თევზებით ივსება, ქვეწარმავალთა სისინი ჩიტების ჭიკჭიკით იცვლება, „სვაროვსკის“ კრისტალებით და უახლესი აუდიოვიზუალური ტექნოლოგიით მიღწეული ჰოლოგრაფიული ეფექტი თქვენ წინაშე



**საერთაშორისო ასპარეზზე გახვლის შემდეგ სვაროვსკის ფირმის სიმბოლოდ ბროლის გელი იქნა**

დედამიწის ისტორიის თითქმის რეალურ სურათებს შლის.

კიდევ ერთი საოცარი ოთახი და დამთვალეიერებელი ისევ სასიამოვნო შოკშია. ვიწრო კიბის შემდეგ თქვენ თვალწინ თითქოს მოელვარე კედლების სივრცე იშლება. როგორც კი ამ განათებით მიღებული შოკი გადაგივლით, აღმოაჩენთ, რომ კოლოსალური კრისტალის შიგნით იმყოფებით. ამ ზღაპრულ ილუზიას 590 სამკუთხა სარკე ქმნის და დაუჯერებლად გეჩვენებთ, რომ ბროლის ჭერის სიმაღლე მხოლოდ 5 მეტრია. იცვლება დარბაზის ფერთა პალიტრა, რომელიც ადამიანების განცდებსაც ცვლის. აქ ისიც კი მოგეჩვენებთ, რომ ადამიანთა ხმებიც ირეკლება და ერთ მთლიანობად იქცევა, რის შედეგადაც ჰარმონიული მელიოდია იბადება და ბავშვობაში გაგონილი იავენანასავით ჩაესმით დამთვალეიერებლებს. სხვათა შორის, მევიოლინე დანიელ სვაროვსკი თანამშრომლებისგან ყოველთვის ისეთი ბრო-





**თოჯინა ბარბისთვის შექმნილი ბროლის სამოსი**

ლის შექმნას მოითხოვდა, რომლებშიც მუსიკას გაიგონებდნენ... ბროლის თოჯინების თეატრის სიღრმიდან პატარა ჯუჯა კეთილგანწყობით გესალმებათ და თავის ზღაპარში გიზმობთ. ამ უნიკალურ თეატრში თოჯინები მუდმივად მოძრაობენ თქვენ თვალწინ. ფერადი ბროლის ხე კი უცებ... ლამაზ ჰეპელად იქცევა, რომელიც თქვენკენ მოფრინავს და საშუალოდ თქვენთან რჩება.

საბოლოოდ რწმუნდებით, რომ მუზეუმის ავტორი – ანდრე ჰელერი მართალი იყო, როცა ამტკიცებდა, რომ „სვაროვსკის ბროლის ქვეყანა“ – ადამიანებისთვის შექმნილი ის ადვილია, სადაც რეალურად არსებობს ზღაპრები და ცხადში ვხედავთ სიზმრებს...

**ამგვარი შედეგების ყველაზე სრული კოლექცია, „ბროლის იმპერიის“ დამაარსებლის ცოლის – მარია სვაროვსკის სახლ-მუზეუმში ინახება**





# ნიუ-იორკში ვარ - ანაწი უფროს სადღა უნდა წავიღო?!

ლელა ჭანტიაძე

ჯემალ ლანჩიძეს რუსთაველის თეატრის ფოიეში შეხვდით, თუმცა ამჟამად რეპეტიციები არა აქვს, რაც მრავალი წლის მანძილზე პირველი შემთხვევაა: ახალგაზრდულ სპექტაკლში – „მეთორმეტე ღამე“ უფროსი თაობის მსახიობებისთვის როლები არ გამოინახა.

ბატონი ჯემალი ეპიზოდური როლები დიდოსტატია. მისი ცხოვრება თეატრში ისე წარიმართა, რომ არც სხვისი დუბლიორი ყოფილა ოდესმე და არც თავად ჰყოლია შემცვლელი. რუსთაველის თეატრის ამჟამინდელი რეპერტუარის ათი სპექტაკლიდან, ექვსში მონაწილეობს.

– ჩვენი გვარი ლანჩიძე არის. ლანჩი პატარა სოფელია. ძალიან ცოტანი ვართ და ყველას ერთმანეთი გვიყვარს. ეროსი მანჯგალაძეც იქიდან იყო. სწორედ მან შემარქვა „ლანჩიკი“. პირველად რომ მოვიდა თეატრში ჩემს სანახავად, მთელი ხმით დაიძახა: „დამანახვეთ ერთი, რომელია ბიჭი „ლანჩიკი!“ მას შემდეგ ისე დაემეობრდით, ტომები დაიწერება ჩვენზე... საუკეთესო მოგონებები მაკავშირებს ლანჩთან. მიუხედავად იმისა, რომ არც დედა მყოლია მსახიობი და არც მამა, სამსახიობო მონაცემები და რაც მთავარია, ამ პროფესიისადმი სიყვარული მაინც ბავშვობიდან გამოვამყლავნე. მათემატიკურ სკოლაში ვსწავლობდი. დირექტორი გვყავდა, ძალზე ძლიერი მათემატიკოსი – ვალიკო მელაძე, ჩემს უფროს ძმავს იტყოდა ზოლმე – ეს ბიჭი გამორჩეულია, ჯემალისგან კი რა

გამოვა, არ ვიცი – მაგას ფანდური უნდა მისცე ხელში და აცეკვო... გავიდა წლები. გასტროლები გვექონდა მექსიკაში. ნიუ-იორკში ვიდექით მე, ეროსი და ბატონი აკაკი ბაქრაძე და შევეყურებდით ცათამბჯენებს. ჩურჩულით ვუთხარი: „ეს ლანჩი რელი ხალხი ნახე სად ვდგავართ, რას შევერებთ... ერთხელ, იცი, რა მითხრა სკოლის დირექტორმა? – მაგ სწავლით შორს ვერ წახვალ... ამაზე შორს სადღა უნდა წავიდე – ნიუ-იორკში ვარ და მექსიკაში მივდივარ!“

– **ლანჩიდან სასწავლებლად საინგილოში რატომ წახვედით, ბატონო ჯემალ?**

– თეატრალურ ინსტიტუტში ერთი წლის გამოტოვებით იყო მიღება. თბილისში რომ დამემთავრებინა თერთმეტი კლასი, ერთი წელიწადი მიცდებოდა. მაშინ აზერბაიჯანში სკოლა ათკლასიანი იყო. ამიტომ გადავედი კახში სასწავლებლად ერთი წლის მოგების მიზნით... ის ერთი წელი ჩემი ცხოვრების არაჩვეულებრივი პერიოდია, თუნდაც იმიტომ, რომ დამოუკიდებლობის გემო და მადლი სწორედ იქ შევიგრძენი. ხშირად მითქვამს და ახლაც გავიმეორებ, რომ მე პირველმა გავხსენი თეატრალური ფარდა კახში. დავწერე სცენარი სპექტაკლისთვის „არსენა“. შემდეგ დავდგი ვათამაშე ინგილო ბავშვები და მასწავლებლები. თეატრი ეკლესიის შენობაში მოვაწყვეთ... საინგილოში დასრულდა ჩემი ბავშვობა. იქიდან ჩამოსული, პირველსავე წელს ჩავირიცხე თეატრალურ ინსტიტუტში.

– **მერე თეატრალური ინსტიტუტიდან პირდაპირ რუსთაველის თეატრში მოხვედით და აგერ უკვე ნახევარი საუკუნეა რაც ამ დიდ სცენაზე დგახართ. როგორი იყო პირველი ნაბიჯები?**

– თეატრში ბატონმა მიხეილ თუმანიშვილმა მომიყვანა. სწავლის დამთავრებას სამი თვე უკვლავ, რომ მოვიდა ჩემთან და მითხრა – სპექტაკლს ვდგამ და მჭირდები. წამოგვიყვანა მე და ქალბატონი ზინა კვერენჩილაძე. მაშინ ბატონი მიმა დგამდა სპექტაკლს „ფილოსოფიის დოქტორი“. სწორედ ამ სპექტაკლში შედგა ჩემი დებიუტი. ჩემ გვერდით თამაშობდნენ: ეროსი მანჯგალაძე, გოგი გეგეჭკორი, მედეა ჩახავა, შურა თოიძე, ეკატერინე ვანხაძე, რამაზ ჩხიკვაძე. მართლაც, უკვე ნახევარი საუკუნეა, რაც ამ სცენაზე ვარ და საწუწუნო ნამდვილად არაფერი მაქვს.

– **გამიგია, რომ ბატონ რობიკოს თავისი სპექტაკლების თილისმად მიაჩნისხართ. რას იტყვით განსახიერებულ სახეებზე, სხვად ქცევის თქვენეულ მეთოდზე?**

– ამ ნახევარი საუკუნის განმავლობაში სამოცამდე როლი მაქვს ნათამაშები. „კავკასიური ცარცის წრე“ ექვსჯერ დაიდგა და ექვსჯერვე ვითამაშე, სახელმწიფო პრემიაც მივიღე. ამ სპექტაკლმა მომატარა მთელი მსოფლიო... დიდი წარმატება ჰქონდა სპექტაკლს „მეტეხის

ჩრდილში“. ბრწყინვალე იყო სერგო ზაქარიაძე... მქონდა ისეთი როლები, რომელთა გამო, თავს ცუდად ვგრძობდი: უარყოფითი პერსონაჟების განსახიერება სიამოვნებას არასოდეს მანიჭებდა, არადა, თეატრში მოსვლისას, რატომღაც უარყოფითი როლები მომეყარეს. „ბახტრიონში“ იყო ლელასა და არდავეზის სასიყვარულო სცენა. „მზე ამოვა ჩვენთვის“ – ამბობდნენ ისინი. მე უნდა ამომეყო თავი და დამეძახა: – „თქვენთვის აღარ!“ სამჯერ მქონდა ეს რეპლიკა, მესამედ რომ ამოვყავი თავი, პარტიტიდან ვილაცამ დამიძახა: – „კარგი, რა, კაცი არა ხარ?!“

**— თქვენ „მაკბეტში“ ქალის როლს თამაშობთ. როგორც ვიცო, უამრავი კურიოზიც შეგემთვინათ ამ როლის გამო. რომელიმეს ხომ არ გაიხსენებთ?**

— ლენინგრადში ვთამაშობდით „მაკბეტს“. მე მეცვა ლეკოლტე. თმა გამლილი მქონდა. პომადითა და ფერუმარლით შეღებილი სახე ქალს კიდევ უფრო მამსგავსებდა. დერეფანში გავედი. დავინახე საშხაპე. დამაინტერესა, თუ მოდიოდა ცხელი წყალი. ცხადია, ის კარი შევადე, რომელსაც ეწერა M. მოვუშვი ონკანი. დაერწმუნდი, რომ ცხელი წყალი მოდის და გამოვბრუნდი. სანამ გამოვიდოდი, მხარზე პირსასოცვადაკიდებული მუშა შემოვიდა. დამინახა და მოულოდნელობისგან შეცბა — იფიქრა შემეშალაო და გაგვარდა უკანმოუხედავად. მეორე საშხაპეში ქალი დახვდა — მუშის დანახვაზე კვილი ატეხა. გამოვარდა ის მუშა შეშლილივით — ამიხსენით რა ხდებაო, — იხვეწებოდა. რაღას ვიზამდი? თეატრია, თეატრი-მეთქი! — ვუპასუხე.

**— იქნებ მოსკოვში დატრობული ამბავიც გაიხსენოთ,**



სცენა რუსთაველის თეატრის სპექტაკლიდან „მეგების ჩრდილში“ (სერგო ზაქარიაძესთან და ეკატერინე ვაჩნაძესთან ერთად)

**როცა არც მეტი, რაც ნაკლები, მთელმა რუსეთმა შეიტყო თქვენი მესაათეობის შესახებ?**

— გასტროლები გვქონდა მოსკოვის მცირე თეატრში. იქ არის ერმოლოვას სახელობის ულამაზესი ფოიე, რომელშიც დღესაც დგას უძველესი საუცხოო საათი. თითქმის მთელი თვე ვიყავით იქ და სულ ვუყურებდი ამ გაჩერებულ საათს. ჩემი როლი ადრე მთავრდებოდა. გასტროლებების და სპექტაკლის დასრულებამდე საკმაო დრო რჩებოდა. რა უნდა მეკეთებინა? დავჯექი ფოიეში. ერთხანს ვუყურე საათს. თითქოს „მეხვეწებოდა“ — რამე მიშველეთ. ვეღარ მოვითმინე — მივედი და გავხსენი. საათი დიდი იყო, ხის უზარმაზარ კარადაში ჩასმული. ვნახე, რომ სერიოზული არაფერი ჰქონდა გაფუჭებული, უბრალოდ, ჯაჭვი იყო კბილანებიდან ამოვარდნილი. ხელსაწყო, რა თქმა უნდა, არ მქონდა. ვიშეშველე ხანჯალი, რომელიც წელზე მერტყა და ჯაჭვი გაჭირვებით, მაგრამ მინც ჩავსვი კბილანებში. აშუშავდა საათი! კმაყოფილი საგრიმიოროში წავედი, ტანსაცმელი გამოვიცვალე, მოვწესრიგდი და ფოიეში რომ დავბრუნდი, ვნახე, უამრავ ადამიანს მოეყარა თავი. შუაში ჩვენი ღირექტორი ღოღო ანთაძე იდგა და კითხულობდა — ვინ აამუშავა საათით? მეგონა, შემაქებდა და ამაყად ვუპასუხე — მე-მეთქი. ყმაწვილო, ვიცი, რომ თეატრალური ინსტიტუტი გაქვთ დამთავრებული, გისწავლიათ, გიკითხიათ და როგორ არ იცით, ეს საათი საგანგებოდ რომ გააჩერეს და იმ დროს უჩვენებს, როცა ერთმოლოვა გარდაიცვალაო?.. იძულებული გავხდი, საათი ისევ გამეჩერებინა. მაგრამ არ ვიცოდი, რა დროზე უნდა დამეყენებინა. ჩავატივდი ანთაძეს: გეცოდინებათ, რომელ საათზე გარდაიცვალა-მეთქი. გადიარია: რა ვიცი, შე კაცი, მე კი არ მომიკლავსო...

**რობერტ სტურუას „მაკბეტში“ ჯ. ლალანიძემ ალქაჯის როლი შეასრულა**

**— კინოში განსახიერებულ როლებზე რას იტყვით, ბატონო ჯემალ?**

— ჩემი პირველი როლი ფილმში — „ჩემი მეგობარი ნოდარი“ ვითამაშე. შემდეგ იყო: „კაცია-ადამიანი?“, „ჩირიკი და ჩიკოტელა“, „ლაზარე“, „პირველი კონცერტი“... ამ ბოლო პერიოდში ორ ფილმში გადამიღეს. მოვიდა სრულიად ახალგაზრდა რეჟისორი და მითხრა: ბატონო ჯემალ, ფული ვიშოვე, რომ კინო გადავიღო, ოღონდ მსახიობებისთვის სახსრები არ მაქვსო... როგორ უნდა მეთქვა უარი?! სიღუჭვირე უწინაც იყო, მაგრამ ასეთი არ მახსოვს. დიდი ხელფასი არასდროს არ ჰქონია მსახიობს, გასტროლები გვშველოდა. ამას ემატებოდა საესტრადო ბრიგადები. მახსოვს, ორმოცდათექვსმეტ წელს, როგორც კი მოვედი თეატრში, მაშინვე ჩამართო თავის ჯგუფში ბატონმა გიორგი საღარაძემ — გურამის მამამ. მთელი საქართველო შემოვიარეთ. არ დაგვრჩა სოფელი, ჩვენ რომ კონცერტი არ გაგვემართა. ეს ერთგვარი შემოსავლის წყაროც იყო და დიდად გვეხმარებოდა მატერიალური პრობლემების მოგვარებაში.

**— ბატონო ჯემალ, თქვენს ოთახში ცალ მხარეს მთლიანად თქვენი ქალიშვილის აფიშები, მეორე მხარეს კი — თქვენი. ნათიას შესახებ რა შეგიძლიათ გვითხრათ?**

— ნათიამ თბილისში დაამთავრა კონსერვატორია, შემდეგ გერმანიაში ასპირანტურაში ჩაირიცხა. ძალიან ნიჭიერი მუსიკოსია. ჩემი შვილიშვილი ანსამბლ „ჯორჯიაში“ ცეკვავს. ხუმრობით ვამბობ ხოლმე: რეპეტიციების შემდეგ შვილიშვილის მძლოლი ვარ-მეთქი. ასეა — ჩემს ოჯახში მუსიკისადმი ლტოლვის ტრადიცია გრძელდება...


# „ნა უხრდულა იმდინა რევი სოღვაჟი...“

ნინო ჯავახიშვილი

ქართული სიტყვის დიდოსტატის-გან ამგვარი აღიარება ცოტას როდი ნიშნავდა, მაგრამ თურმე მაინც შეწუხდა ხევსური პოეტი – რად მაქებსო კონსტანტინე... ჩვეული რილისა და თავმდაბლობის გამო, ჩრდილში ყოფნა უყვარდა გაბრიელს. „ბედნიერია ის ხალხი, ვინც შეყვარებულია თავის ნაწარმოებებზე. მე ეს ბედნიერებაც მაკლია... ჩემი თავით ძალიან, ძალიან იშვიათად ვარ კმაყოფილი“, – წერდა თვითონ. ალბათ, ამიტომ თუ ეხამუშებოდა ქებაც. „რა უდარდელად იმღერა ჩემი ტოლები, ღმერთო, მე სევდა რად დამებდა“, – ამბობს ერთგან. სევდა, მართლაც, დაბადებიდანვე განუყრელად თან სდევდა პოეტს. კენტობისა და მიუსაფრობის მიზეზები კი მის აფორიაქებულ და მოუწყობელ ცხოვრებაში უნდა ვეძიოთ.

ათასგვარ გაჭირვებაგამოვიღე პოეტს, უიმედობისთვის განწირულმა სიყვარულმაც გაუმწარა სიცოცხლე. „მზისფერი ქალი“ – მზექალი, მართლაც მხესავით გაბრწყინდა მის პოეზიაში; მაგრამ... აბა, რა უფლება ჰქონდა, ღვიძლი ძმის დანიშნული ქალი ჰყვარებოდა?! ამის გაფიქრებაც კი ზარავდა გაბრიელს და ევედრებოდა ჯვარ-ღმერთთ, რომ მზექალის სიყვარუ-

როდესაც კონსტანტინე გამსახურდიასთვის უკითხავს გურამ ფანჯიკიძეს, ქართველი პოეტებიდან ყველაზე მეტად ვის აფასებთო, დიდ კონსტანტინეს უყოყმანოდ უთქვამს: „გაბრიელ ჯაბუშანიურს – როგორც კაცსა და როგორც პოეტს“.



ლი ამოეგლოთ მისი გულიდან, მაგრამ ამაოდ...

– „15 თვის განმავლობაში ვერ გამოვარჩევ ვერც ერთ დღეს, ვერც ერთ ღამეს, რომ მე მზექალზე არ მეფიქროს, რომ მე მზექალზე არ მედარდოს, რომ მე მზექალის ნახვა არ მენატროს და მზექალზე თხოვნილ ღვთისათვის არ მიმემართოს. ამ წერილში მე განა შემიძლია იმის მეათასედიც გითხრა, რასაც ვგრძნობ და განვიცდი, როგორც მე ვეწამები და ვიტანჯები...“ – წერდა გაბრიელი მზექალის ძმას, ხვთისო წიკლაურს.

... მერე იყო მზექალის სიკვდილი. ჩაესვენა გაბრიელის პოეზიის მზე, „მზისფერი ქალი“:

შენს ხატს რისხვის ხმა  
როგორ დამარხავს,  
გული შენს ტრფობას ვით შეეღვევა,  
მეუბნებინ, ვითომ აღარ ხარ!  
ჰაუ, რამხელა სისულელეა!

დარიალის ხეობაში, სოფელ ლარსში ცხოვრობდა ოცი წლის მანძილზე. ლიტერატურულ გარემოს იძულებით მოწყვეტილი გაბრიელი ხან მასწავლებლად, ხან ქონ-სამკითხველოს გამგედ, საბჭოს მდივნად თუ კოლმეურნეობის თავმჯდომარედ მუშაობს. „ამან უაღრესად დამქანცა და გამომაღაფა“ – წერს პოეტი, რომელიც ჩაცმითაც, ქცევითაც, სიტყვაძვირობითა და უთქმელობითაც კი – ყველაფრით თანასოფელელ გლეხებს ჰკავდა.

ენატრებოდა თბილისი, ლიტერატუ-

რული გარემო, წუხდა გამოსაცემად ჩაბარებული წიგნების ბედ-იღბალზე, მაგრამ არც საშუალება ჰქონდა, რომ თვითონ მიეხედა არხოტში ნაწერი „უწურთნი ნაღვაწისათვის“ და არც თავშესაფარი ეგულებოდა თბილისში;

ყველაფერში ხელი მოეცარა პოეტს, ფეხი ვერ აუწყო ამ ცხოვრებას და ხელჩაქნეული გახდა, მაგრამ მედროვე არასდროს გამხდარა. საკუთარი პოეტური ნაღვაწის ფასსა და ღირებულებას ხანდახან ეჭვით, უნდოდ უყურებდა, რადგან იშვიათად თუ ესმოდა ვინმეს მისი პოეზიის... ალბათ, ამიტომაც დაანთო კოცონი 1949 წელს თავისი ნაწერებისგან და პარტიბილეთიც ზედ მიაყოლა. ეს იყო სულიერი კრიზისის და პროტესტის გამოხატვაც, რადგან შემოქმედის ფაქიზი სული კარგად გრძნობდა კომუნისტური წყობილების მანკიერებას და მოჩვენებითობას. პარტიბილეთის დაწვა, რა თქმა უნდა, შეუმჩნეველი არ დარჩენია მაშინდელ „კაგებეს“ და ალბათ, ციხეს ვერც გადაურჩებოდა პოეტი, რომ არა ყაზბეგის რაიკომის პირველი მდივანი ალექსი ბექაური, რომელიც ლიტერატურისა და თავად გაბრიელის დიდი თავყვანისმცემელი ყოფილა. ამიტომაც არ გაუხმაურებია ეს ამბავი, საქმისთვის მსვლელობა არ მიუცია და პარტიბილეთიც, როგორც ხანძარში შემთხვევით მოყოლილი, ისე გაუფორმებია.

უსიამოვნებებს გადარჩენილა გაბრიელი, თუმცა დიდი სიფრთხილით, არც მას მერე მოქცეულა. უკვე 60-იან წლებში, როდესაც თბილისში გადმოვიდა



მუდმივ საცხოვრებლად, მეორედაც კინა-  
დამ გამოეთხოვა პარტილეთს. მეგობ-  
რებთან ერთად რესტორანში შექეფიანე-  
ბულა პოეტი და იქიდან წამოსულს,  
ახლა უკვე მართლაც შემთხვევით დაუ-  
კარგავს ბილეთი. ამჯერად ჯარიმა აკ-  
მარეს და პარტილეთიც ისევ აღუდ-  
გინეს. გაბრიელი ამის გამო ხუმრობ-  
და თურმე – არ გიკვირთ, რომ ვერაფ-  
რით მოვიშორე წითელი წიგნაკიო?!

ის ყოველთვის შორს იდგა საბ-  
ჭლოური პოეზიისგან, არაფერი სწამდა  
კომუნისტებისა და კომუნისტურის, ამ-  
იტომ გუნდრუკს არავის უკმევედა და  
მინც გასაოცარია, რომ პოემა – „ინ-  
ვექტივა-მონუმენტი“, რომელიც იოსებ  
სტალინს ეძღვნება, – სტალინისა და  
ბოროტების იმპერიის აღზევების პე-  
რიოდში იწერება; იწერება მაშინ, როდეს-  
საც სტალინის კულტის აპოთეოზია  
და მისი სადიდებელი ლექსებით არის  
წალეკილი პოეზია. ამ დროს გაბრი-  
ელ ჯაბუშანური წერს:

შენ დაახნევე მსოფლიო თალხით,  
მზეს მოერკალე კუპრის  
ღრუბლებად,  
თავისუფლება წაართვი ხალხებს  
და თავისუფლად ფიქრის უფლებაც.  
... შენ წყეული ხარ შენივე აზრით,  
შენ ბოროტების კიდვდე მიხვედ.  
შენ ეს ქვეყანა მონების ბაზრად,  
შენ ეს ქვეყანა აქციე ციხედ...

„ინვექტივა“ ლათინური სიტყვაა  
და ვინმეს წინააღმდეგ მძაფრ, მრისხ-  
ანე გამოსვლას ნიშნავს. გაბრიელ ჯაბუ-  
შანურის პოემა, მართლაც, მთელი უკო-  
მპრომისობითა და დაუნდობლობით  
ამხელს ბოროტ გენიას და მის მიერ  
დამკვიდრებულ ტირანიას.

დაუჯერებელია ისიც, რომ მაშინ,  
როდესაც ქვეყანა ტოტალური შიშით  
იყო შეპყრობილი, ავტორი არც კი  
მალავდა თავის „მკრეხელურ“ პოე-  
მას. რა თქმა უნდა, დაბეჭდვასა და  
გამოქვეყნებაზე ლაპარაკიც არ შეი-  
ძლებოდა, მაგრამ ფაქტია, რომ მანამ-  
დეც, ვიდრე ზვიად გამსახურდია „ინ-  
ვექტივას“ თავის დისიდენტურ გამო-  
ცემაში – „ოქროს საწმისში“ დაბეჭ-  
დავდა, ბევრმა უკვე იცოდა პოემის  
არსებობა: „ინვექტივა-მონუმენტი“  
ვრცელდებოდა და შინაგანი დაუმორ-

ჩილებლობით მუხტავდა ხალხს. არ  
ვიცი, როგორ, მაგრამ ამჯერადაც გა-  
დარჩენილა პოეტი...

გაბრიელი, როგორც ვაჟა-ფშაველა,  
54 წლის ასაკში გარდაიცვალა. თურმე  
სიცოცხლის ბოლო წუთებში უთქ-  
ვამს – დიდი პოეტი იყო ვაჟა და რა  
უფლება მქონდა, მასზე მეტხანს  
მეცოცხლაო... ამ სიტყვებით გამოეთ-  
ხოვა საწუთროს გაბრიელ ჯაბუშა-  
ნური და სევდასთან, ტკივილთან წილ-  
ნაყარი უბადლო პოეზია დაგვიტოვა...

P.S. „მე მტკიცედ მჯერა, რომ თუ  
ვიცოცხლე, ამ უზარმაზარ წიგნს გამ-  
ოცემ ოდესმე, ხოლო თუ მოგკვდი,  
მაშინ თქვენ იცით, შთამომავლობამ, რაც  
გინდათ უყავით“, – წერდა 1962 წელს  
პოეტი. დღეს კი, წიგნების გამოცემას  
ვინდა ჩივის – მისი ხსოვნისთვის  
ჯეროვნად ვერ მოგვივლია სწორედ  
იმ შთამომავლობას, რომლისაც ასე  
ემედებოდა გაბრიელს: დიდუბის პან-  
თეონში, გაბრიელ ჯაბუშანურის  
საფლავზე მისულთ ხშირად ეკითხე-  
ბიან: რატომ არავინ მიხედავსო კარგი  
პოეტის საფლავს...

ავტორი მადლობას უხდის გაბრი-  
ელ ჯაბუშანურის ცხოვრებისა და  
შემოქმედების ამსახველი წიგნის –  
„არხოტ რო წყართ გორია!“ – ავ-  
ტორს, ბატონ ამირან არაბულს, წერი-  
ლის მომზადებისას გაწეული დახმარე-  
ბისათვის.



# ბრძენ უცვის დაჩიგენენი

● ინტელექტი და კონცენტრაციის  
უნარი ვარჯიშს ექვემდებარება. საამი-  
სოდ საუკეთესო ვარჯიში კი მრავალგ-  
ვარი ლიტერატურის კითხვაა – იკითხ-  
ეთ ბევრი საინტერესო მასალა და კარ-  
გად დაიმასოვრეთ მიღებული ინფორმა-  
ცია.

● რაც შეიძლება ხშირად გადაიღეთ  
ფოტოსურათი და გადაღების თარიღიც  
მიაწერეთ. წლების შემდეგ ეს სასიამ-  
ოვნო მოგონებებს გაგიცოცხლებთ.

● დილით ხელ-პირის დაბანა ცივი  
წყლით სჯობს, ხოლო საღამოს – თბილი  
წყალია უფრო სასარგებლო.

● მანდილოსნებო, თუ გადაწყვიტეთ  
ღიუბა დაიცვათ, გაითვალისწინეთ, რომ  
ამის გამო ქმარ-შვილი არ უნდა აშიშმი-  
ლოთ.

● სანამ ბავშვს დატუქსავთ კარგად  
დაფიქრდით – რამდენად სამართლიანად  
იქცევით.

● ფილმის ყურებისას, შეეცადეთ, თავი  
ამა თუ იმ პერსონაჟად წარმოიდგინოთ  
– ეს საკუთარი თავის უკეთ შეცნობაში  
დაგეხმარებათ.

● გახსოვდეთ, რომ მარხვა უპირვე-  
ლესად, სულიერ განწმენდას ემსახურება  
და არა სხეულის კორექციას!

● მამაკაცებო, თუ გინდათ, რომ თქვენმა  
დალილიმა „მუდმივმა თანამგზავმა“  
მშვიდად იძინოს, ექიმების რჩევით, ძილის  
წინ წვივის კუნთის ქვედა ნაწილი კარ-  
გად დაუზილეთ („მუდმივ თანამგზავრ-  
ში“ სიღვრი არ იგულისხმება...)



# ჭიათურის მარბანესი, ავერელ ჰარიანი და ნიუ-იორკში მოგვებული დაკვა

## გალაქტიონ ტაბანაშვილი

გამოჩენილმა მწერალმა „დიდი მოურავის“ ავტორმა ანა ანტონოვსკაიამ ამ მოვლენას მიუძღვნა ნარკვევი. მწერალი მოგვითხრობს, თუ როგორ მონაწილეობდა პოეტის ძმისწული ვასო წერეთელი, რომელმაც განუცხადა ანტონოვსკაიას: „ბიძაჩემის ადგილზე სხვა კაცი რომ ყოფილიყო, მილიონერი გახდებოდა. იგი ჩალის ფასად შეისყიდდა უშენ ადგილებს ჭიათურის ირგვლივ, დაიჭრობდა მთის სარეწს, მოახდენდა მრეწველობის მონოპოლიზაციას, მაგრამ იგი ასე არ მოიქცა. მისი აღმოჩენით სხვებმა ისარგებლეს: ჩუბინიძეებმა, მოსეშვილებმა, ლოლბერიძეებმა, ანდრონიკოვებმა...“

1894 წელს ჭიათურას ესტუმრა რუსეთის იმპერატორის მიწათმოქმედების მინისტრი ა. ერმოლოვი: სადღეგრძელოში თქვა... „ბატონებო! ჩვენ გამოფილები ვართ თქვენი გარჯით. მანგანუმის მრეწველობას საპატიო ადგილი უკავია რუსეთის სახალხო მეურნეობაში!“ „მაგ დალოცვილს სიტყვა მაინც ეთქვა ბიძაჩემის შესახებ...“ – „მათთვის ჩვენი მხარე დათვის ტყავია“ – განუცხადებია ამის შემდეგ აკაკი წერეთელს.

მართლაც, დათვის ტყავით ვლევდნენ ჭიათურას. მის ხელში ჩაგდებაზე და მონოპოლიზაციაზე ფიქრობდნენ ინგლისელები, გერმანელები, ამერიკელები... ასეთ დასკვნას აკეთებს ანა ანტონოვსკაია.

ერთ-ერთი ყველაზე გასამაურებელი საქმე ჭიათურის მანგანუმის ირგვლივ ეხება ამერიკელი მილიონერის ჰარიანის მიერ კონცესიის შექმნას. ჩვენი რესპონდენტი გახლავთ

საქართველოს მეცნიერებათა აკადემიის სახელმწიფო და სამართლის ინსტიტუტის განყოფილების გამგე, იურიდიულ მეცნიერებათა დოქტორი, პროფესორი **ლიპარ ბაგმარაშვილი**.

– მოკლედ ვიტყვი იმის თაობაზე, რომ XX საუკუნის 20-იანი წლების პირველ ნახევარში ხდება კერძო კაპიტალის ერთგვარი გამოცოცხლება და მისი სახელმწიფოებრივი კონტროლის ქვეშ სათანადოდ აყვანა. ამ პოლიტიკას „ახალი ეკონომიკური პოლიტიკა“ ერქვა, რუსულად – НЭП-ი და იგი შესაძლებლად მიიჩნედა უცხოური კაპიტალისათვის ცალკეულ საწარმოთა იჯარით გადაცემას, რითაც იქმნებოდა საბჭოთა კავშირის მრეწველობის, პირველ რიგში მძიმე მრეწველობის უფრო სწრაფად აღდგენის შესაძლებლობა. ამასთან დაკავშირებით, შეიქმნა საკავშირო და მოკავშირე რესპუბლიკების საკონცესიო კომიტეტები, რომლებიც ხელმძღვანელობდნენ და აწარმოებდნენ საკონცესიო საკითხებს ადგილობრივ და უცხოელ მეწარმეთა შორის.

1925 წლის 12 ივნისს საკონცესიო კომიტეტმა ხელშეკრულება დაუდო ამერიკელ მრეწველ ვერელ ჰარიანს ჭიათურაში კონცესიის შექმნისა და მანგანუმის მოპოვების უფლების შესახებ. ხელშეკრულება დაიდო 20 წლის ვადით. მიეღი მოპოვებული მანგანუმი ჰარიანის საზღვარგ-



„მე შევამჩნიე ეს მადანი...“  
აკაკი წერეთელი

არეთ უნდა გაეტანა. ამავე დროს, ჰარიანს კონცესიაზე უნდა დაენერგა ტექნიკა ოთხი მილიონი მანეთის კაპიტალური დახანდელობით, ვიწრო ლიანდაგიანი რკინიგზა ჭიათურა-შორაპანი გადაეყვანა ფართო ლიანდაგიანზე და ექვსი წლის განმავლობაში აეშენებინა ფეროშენადნობთა ქარხანა.

ჰარიანს პირველ წელიწადს ჭიათურაში 450000 ტონა მანგანუმი უნდა მოეპოვებინა, ხოლო შემდგომ მოპოვება გაეზარდა წელიწადში 600000 ტონამდე, რასაც, კაპიტალური დახანდელობისა და ყველა ხარჯის გათვალისწინებით, თავიდანვე უნდა მოეცა 30-40% მოგება. საკონცესიო ხელშეკრულების დადებისას ჰარიანს უფრო შორს მიმავალი ვეგები ჰქონდა, ვიდრე ჭიათურის მანგანუმის ექსპლუატაციის სასურველი შედეგები. ჰარიანის მიზანი იყო მარგანეცით ვაჭრობის მსოფლიო მონოპოლია, რასაც შემდგომში მისთვის ამ დარგში განუსაზღვრელი ბატონობა უნდა მოეტანა.

იმ დროისათვის მანგანუმის მოპოვება ძირითადად წარმოებდა ბრაზილიაში, ამერიკაში, ინდოეთში, აფრიკაში (ოქროს ნაპირზე), საბჭოთა კავშირში (ნიკოპოლსა და ჭიათურაში). ამ პუნქტებიდან უპირატესი მდგომარეობა ჰქონდა ინდოეთის მანგანუმს, რომელსაც ამუშავებდა ინგლის-ინდოეთის კომპანია, და დიდი შესაძლებლობები – ჭიათურის მანგანუმს.





ლუარსაბ ანდრონიკაშვილი

როგორც შემდგომში გაირკვა, საკონცესიო ხელშეკრულების დადების დროს, ჰარიმანს არ ჰქონდა განსაზღვრული, თავიდანვე შესდგომოდა ქართული მანგანუმის ნორმალურ ექსპლუატაციას. მას წილი ჰქონდა ოქროს ნაპირის მარგანეცში, რომლის დამუშავება იმ დროს სწრაფი ტემპით ფართოვდებოდა, როგორც ჩანს, ჭიათურის კონცესია ჰარიმანმა იმისათვის აიღო, რომ მას სხვა ვინმე არ დაჰპატრონებოდა და ჰქონოდა ისეთი რეზერვი, რომელიც მისცემდა მსოფლიო ბაზარზე სათანადო მანევრირების საშუალებას.

ხელშეკრულებით გათვალისწინებული ვალდებულებების განხორციელება ჰარიმანმა ნელი ტემპით დაიწყო და ჭიათურის საბადოები ფაქტობრივად კონსერვაციაში მოაქცია.

იმის გამო, რომ ინგლის-ინდოეთის კომპანიის საქმეები კარგად არ მიდიოდა, ჰარიმანი ელოდა მსოფლიო ბაზარზე მანგანუმის დეფიციტს, რასაც პროდუქციის ფასი უნდა გაეზარდა. ამით ჰარიმანს თავისი გეგმის ფართო მასშტაბით განხორციელების საშუალება მიეცემოდა. კერძოდ, იგი ფიქრობდა, ამ დროისათვის თავისი მანგანუმის გათავისუფლებას და ყველა კონკურენტის ეკონომიკურად დათრგუნვას. ჰარიმანი ანგარიშში მოტყუვდა. ამ დროისათვის მას ძლიერ კონკურენტად ექცა ნიკოპოლის (დღევანდელი უკრაინა) მანგანუმი, რომელიც თავისი მდებარეობით, მოპოვებისა და გატანის თვალსაზრისით – უფრო ხელსაყრელი იყო. ამ პერიოდში მოხდა ნიკოპოლის მანგანუმის მთლიანი ნაციონალიზაცია. მთავრობამ გერმანელებისაგან შეიძინა ტექნიკა, გააფართოვა მადნის მოპოვება და შეამცირა პროდუქციის თვითღირებულება. დიდი აღმავლობა დაიწყო ოქროს ნაპირის მანგანუმის კომპანიამ და ინგლის-ინდოეთის კომპანიის ეკონომიკური ჩავარდნები დროებითი აღმოჩნდა. მიუხედავად ამერიკის ფოლადის მრეწველობის მაგნატთა დიდი წინააღმდეგობისა, აშშ-ის მთავრობამ დააწესა 30% გადასახადი საზღვარგარეთიდან შეტანილ მანგანუმზე. ამან იგი კრახი მოუტანა ჰარიმანის პოლიტიკას. იგი უკან დახევას შეეცადა და თავისთვის საზარალოდ გააიფა მანგანუმი, მაგრამ ამან მდგომარეობა არ შეცვალა და იგი, 1926 წელს, იძულებული გახდა, მიემართა სტალინისთვის თხოვნით – ხელშეკრულების პირობების გადასინჯვის შესახებ.

საბჭოთა კავშირის იმდროინდელმა მთავრობამ გაითვალისწინა შექმნილი მდგომარეობა და წაეიდა რიგ დათმობებზე (გაათავისუფლა ჰარიმანი რკინიგზის მშენებლობისაგან, მისი პროდუქციის რეალ-

იზაციის გაზრდისათვის 12,5%-ით შეამცირა მანგანუმის მოპოვება ნიკოპოლში და სხვ. მაგრამ ყოველივე ამან ჰარიმანის მდგომარეობა ვერ გამოასწორა. საბჭოთა კავშირს არ შეეძლო ჰარიმანის ფინანსური მდგომარეობის გასაუმჯობესებლად დაეზარალებინა თავი და, მიუხედავად დათმობისა, ნიკოპოლის მან-

განუმი აღმოჩნდა ჰარიმანის ერთ-ერთი უდიდესი კონკურენტი.

1927-1928 წლებში ინგლისის ფოლადის ინდუსტრიამ დაიწყო ეკონომიკური გაერთიანება ინდოეთის მანგანუმის მსხვილ საბადოებთან, რითაც ინგლისი, როგორც მანგანუმის მომხმარებელი, მსოფლიო ბაზარს სრულიად ჩამოშორდა.

ამერიკის ფოლადის ინდუსტრია თავის მოთხოვნილებას მანგანუმზე ქვეყანაში მოპოვებული მადნით აკმაყოფილებდა. ამავე დროს, მას ამარაგებენ ოქროს ნაპირის საქსპორტო საზოგადოებები. ამერიკელებსათვის ხელმისაწვდომი იყო სამხრეთ აფრიკის საბადოები, საიდანაც დაიწყო დიდი ექსპორტი 1926 წლიდან. სამხრეთ აფრიკის საბადოები, გარდა ამერიკისა, გერმანიის ფოლადის ინდუსტრიასაც ამარაგებდა.

ჰარიმანის „ეკონომიკურმა პოლიტიკამ“ გააძლიერა მისი კონკურენტები და გააძნეულა ჭიათურის მანგანუმის ექსპორტი, რომელიც 1928 წლისთვის არათუ მომგებიანი – წამგებიანიც კი გახდა. ჰარიმანმა ვერ შეძლო საქმის გამოსწორება და იძულებული შეიქნა, დასთანხმებოდა მოთხოვნას ხელშეკრულების მოქმედების შეწყვეტაზე.

საკონცესიო ხელშეკრულების მოქმედება შეწყდა 1928 წლის 28 აგვისტოდან. საბჭოთა მთავრობამ თანხმობა განაცხადა, გადაეხადა ჰარიმანისთვის კაპიტალურ მშენებლობაზე დაბანდებული თანხა და იმ მანგანუმის ღირებულება, რომელიც ექსპორტირებული არ იყო.

მიუხედავად ასეთი დიდი დათმობისა, ჰარიმანმა არასასურველი პოზიცია დაიჭირა ჭიათურის მაღაროელი და მჭვირთავი მუშების მიმართ, რომლებსაც იგი ხელფასს დროულად არ უხდიდა და ხელშეკრულების მოქმედების შეწყვეტის მომენტში ჰქონდა მათი ვალი – ერთი მილიონ რუბლი ათასი მანეთის რაოდენობით. ამერიკელ ბიზნესმენს სურდა, აღნიშნული ვალის ანაზღაურებაც ადგილობრივი მთავრობისთვის მიეხვეთ თავს. (ამან სტალინის რისხვა გამოიწვია და ამის შესახებ ბელადი ხშირად ახსენებდა ჰარიმანს, როდესაც სამამულო ომის დროს იგი ამერიკის ელ-

ჩად ლინჩმა საბჭოთა კავშირში). პროფკავშირის შავი ქვის მრეწველობის რესპუბლიკური კომიტეტი იძულებული შეიქნა, სასამართლო-სათვის მიემართა. სასამართლომ მუშათა მხარის მოთხოვნა სწორად ცნო და ჰარიმანს დავალიანების გადახდა დააკისრა. ამ გადაწყვეტილებას ჰარიმანი არ დაემორჩილა. საქმე ნიუ-იორკის საერთაშორისო არბიტრაჟში გადაიტანა, მაგრამ საქმე ვერც იქ მოიგო. გარდა ძირითადი დავალიანებისა, მას სასამართლო ხარჯების ანაზღაურებაც მოუხდა.

ქართულ დღეგეგმვის ამერიკაში ცნობილი იურისტი, თბილისის უნივერსიტეტის პროფესორი ლუარსაბ ანდრონიკაშვილი მეთაურობდა. მან აშხილა ჰარიმანის ეკონომიკური პოლიტიკა, რომელიც აფერხებდა ქართული მანგანუმის გასვლას მსოფლიო ბაზარზე და ცდილობდა მადნის მონოპოლისტად ქცეულიყო. „მონოპოლისტობა ყოველთვის კრახით მთავრდება“ – ასე დაასრულა ლუარსაბ ანდრონიკაშვილმა თავისი გამოსვლა ნიუ-იორკში.

აღსანიშნავია – ამბობს ბოლოს ბატონი ოთარ გაყრელიძე, რომ ანდრონიკაშვილი ამერიკაში გერმანულ ენაზე გამოვიდა, რადგან ინგლისური არ იცოდა და ძალიან წუხდა ამის თაობაზე. მიუხედავად ამისა, ეს ქართული იურიდიული სკოლის პირველი დიდი გამარჯვება იყო საერთაშორისო არენაზე.

რაც შეეხება ჭიათურას, 1928 წელს მას ახალი პატრონი – ტრესტი „ჭიათურმანგანუმი“ გამოუჩნდა...




ლევა ჭიყაშვილი

ლევან (ლელიკო) ხოტივარი ხალა-სი ნიჭის, ხალისიანი ბუნების პატრონი, ძალდაუტანებელი ოპტიმისტი იყო. ყველას ახარებდა მასთან ურთიერთობა. ისეთი იუმორის გრძნობა ჰქონდა, უძძიმეს მდგომარეობაში ჩავარდნილ ადამიანსაც კი სიცოცხლისაკენ შემობრუნებდა, ყოფას შეუმსუბუქებდა. მისი ფილმები: „მე ვიტყვი სიმართლეს“, „განაჩენი“, „უდიპლომო სასიძო“, „ტარიელ ვოლუ“, „მხიარული რომანი“, „ჩირიკი და ჩიკოტელა“ (რომელიც ბუბა ხოტივართან ერთად გადაიღო), დღესაც უდიდესი პოპულარობით სარგებლობს მაყურებელში. საკმარისია „უდიპლომო სასიძოს“ მართო სათაურის სსენება, ყველას ელიმება, იმდენად ძლიერი იუმორით არის გამსჭვალული...

ცხოვრებაში კიდევ უფრო მძაფრი იუმორის შეგრძნება ჰქონია ბატონ ლევანს. მხოლოდ ზოგჯერ, როცა საკუთარი თავის პირისპირ დარჩენილი, ფიქრებში წასული, წარსულს გადახედავდა, იტყოდა თავისი „უბედური თაობის“ შესახებ რამეს... ის მოესწრო 1921 წლის ტრაგიკულ დღეებს, როცა საქართველო დაიპყრეს... კახეთში, დღევანდელი თელავის სტალიონის ტერიტორიაზე, თავისი თვალით უნახავს, როგორ გაავსეს ეს დიდი მინდორი ნარჩევი გლეხკაცებით და დახვრიტეს; როგორ ამოწყვეტეს 3 დღის განმავლობაში... ვაჩნაძეები, ანდრონიკაშვილები, ჯორჯაძეები... მესსიერებიდან ამ საშინელი სურათის ამოვლება ხომ შეუძლებელი იყო...

ლევან ხოტივარის მამა – იოსებ ბესარიონის ძე ხოტივარი სტალინის იცნობდა პირადად. ის და სოსელო ერთად სწავლობდნენ გორის სემინარიაში. ერთხელ მოუყოლია მამას ლელიკოსათვის: „მეტყენის ციხიდან პატიმრებს რომ უშვებდნენ, ასეთი ტრადიცია იყო – ბორკილებს მტკვარში ყრდნენ... უცებ შემახილი გაისმა: **He бросайте кандалы – они нам ещё понадобятся!** მოვბრუნდი და დავინახე სოსელო ანთებული თვალებით...“ ამ ბორკილების ჟღარუნე განუწყვეტლივ ესმოდა და შიშის ზარს სცემდა ლევან ხოტივარის თანამედროვე თაობას...

ლევან ხოტივარი 1902 წლის 17 იანვარს დაიბადა. ძირითადად სამეგრელოში, დედის – მარიამ თურქიას ოჯახში იზრდებოდა. სიცოცხლის ბოლომდე განსაკუთრებით უყვარდა საქართველოს ეს კუთხე.



ერთი „გადაუგვარებელი ქართული“

1916 წლიდან ფეხბურთს თამაშობდა ქუთაისის გუნდში. ჯერ მეკარე იყო, მერე მცველი, ბოლოს – თავდამსხმელი... ანდრო ჟორდანიას მისი უახლოესი მეგობარი გახლდათ. მილიციის გუნდი რომ ჩამოყალიბდა – „დინამო“, ანდრო ჟორდანიას დაიბარეს და მას დაავალეს „კარგი ბიჭების“ შემოკრება. ამ დროს ლელიკო უკვე აღარ თამაშობდა ფეხბურთს, რადგან 1923 წელს, ხარკოვის ნაკრებთან შეხვედრისას, მძიმე ტრავმა მიიღო. თურმე ამის გამო „ამაყობდა“ კიდევ, ხუმრობდა: საქართველოში პირველი მენისკი მე მერგო... ვინც ეს ამბავი იცოდა, ღიმილით ესალმებოდა მეგობარს და აღტაცებული შესძახებდა ხოლმე: **О, первый мениск Грузии!**...

ანდრო ჟორდანიას და ლევან ხოტივარი ბოლომდე მეგობრებად დარჩნენ. დიდი სიხარული ჰქონდათ თუ დიდი დარდი, სულ ერთმანეთს უზიარებდნენ... ერთხელ, რაღაცით ძლიერ აღფრთოვანებული ანდრო მეგობართან მივიდა და უთხრა: გახსოვს, ლელიკო, შალვა მესხი? იმას ბიჭი ჰყავს, სახელი არ მახსოვს, მაგრამ ვაჟა-ფშაველა რომ პოეზიაში იყო, ისეთია ის ფეხბურთში!... მეგონი, ჭიდაობა უნდა, ფეხბურთის გაყოლას არ აპირებს და არ დავიდუპოთო... მიხვდით ალბათ – მიხეილ მესხი ჰყავდა მხედველობაში...

ლელიკო ხოტივარი მეგობრის შვილთან, ზუკა თუთბერიძესთან ერთად

ლევან ხოტივარი ძალიან განიცდიდა, რომ მის მეგობარს მუშაობას არ აცლიდნენ. შექმნიდა გუნდს ანდრო ჟორდანიას, გააძლიერებდა – მოხსნიდნენ, გადაიყვანდნენ სხვაგან... ერთხელაც, შეალო ანდრომ ხოტივარების სახლის კარი, ჩამოჯდა და თვალზე ცრემლები მოადგა. გოცდნენ მასპინძლები: რა მოხდაო? – ჰკითხეს. მომხსნესო – უპასუხა დიდმა მწვრთნელმა. შე კაცო, რა გული გამიხეთქე, შენ სულ არ გხსნიან, რა დაგემართაო! – უნუგეშებია ლევან ხოტივარს მეგობარი. ახლა ისეთი ბიჭები მყავდნენ, იმათი დატოვება იქნებოდაო? – შოთა იამანიძის დროინდელ გუნდზე იყო საუბარი. ლელიკო ხოტივარსაც ცრემლები წამოსვლია – ცრემლები, რომლებსაც ასე იშვიათად აჩვენებდა ვინმეს...

ლევან ხოტივარი აგრონომიულზე სწავლობდა დავით გამრეკელთან ერთად. არც ერთი იყო ამ სპეციალობისთვის გაჩენილი და არც მეორე – ორივე შესანიშნავად მღეროდა. გამრეკელი ეუბნებოდა თურმე: შენც კონსერვატორიაში წამოდიო. ვერ დაუთანხმებია – ლევან ხოტივარს კინოსკენ მიუწევდა გული, ეს იყო მისი ნამდვილი მოწოდება. და კიდევ კარგი, რომ მიაგნო, თორემ ქართული კინო „უდიპლომო სასიძოს“ გარეშე, ნამდვილად ბევრს დაკარგავდა.

ცუდ გუნებაზე დგებოდა, როცა მისი ემინოდათ, არადა, რეჟისორზე ბევრი ადამიანია დამოკიდებული: როცა მძლოლიდან დაწყებული, ასისტენტით დამთავრებული, ვინმე დაამავებდა რამეს და მერე შიშამდგარი თვალებით შეხედავდა რეჟისორს, სულ ცდილობდა, ხელქვეითის ეს გრძნობა გაექარწყლებინა: ამბობდა – ვერ ვიტან, როცა ჩემი ემინიათ, ადამიანის ყველაზე დიდი დანაშაულია, როცა მისი ემინიათო...

თვითონ ჰქონდა საშინელი შიში გამოცდილი და იმიტომ...

ლავერენტი ბერიას ქალაქში საუკეთესო მანქანა ემსახურებოდა და „სიგნალიც“ განსაკუთრებული ჰქონდა. ყველა ცნობდა მანქანასაც და მისი საყვირის ხმასაც... ერთხელ ივანე პერესტიანი და ლელიკო ხოტივარი ერთად მოდიოდნენ... მანქანის ხმა ეცნოთ – გააჟროლაო. ლავერენტის მანქანამ გაუსწრო მათ, მერე მოტრიალდა და ზუსტად მათ პირდაპირ გაჩერდა. რეჟისორები დაიბნენ. არ იცოდნენ, რას მოასწავებდა ბე-



კარლი ფილმიდან „ჩირიკი და ჩიკოტელა“

რიას რენტგენივით გამჭოლი მხერა. მოულოდნელად ივანე პერესტიანს უთქვამს: „ლელიკო, შეხედე, იცნობ ამ კაცს?“ „კი, როგორ არა, არაჩვეულებრივად ნიჭიერი სახე აქვს“, – უპასუხია გაოგნებულ ლევანს... პერესტიანსაც აუტაცია ეს „იდეა“: „**Ты прав, какое талантливое лицо!..**“ ბერიამ მძლოლს ხელით ანიშნა – წადიო. მანქანა დაიძრა. დარჩნენ რეჟისორები, ოფელში გაწურულნი, ათრთოლებულნი. მერე კარგა ხანს საუბრობდნენ და ნერვიულობდნენ: ბერიამ ირონია ხომ არ იგრძნო ჩვენს ნათქვამში?..

1938 წელი იდგა. ღამის 2 საათზე ნასვამი ბრუნდებოდა შინ ლევან ხოტივარი. პურის მალაზიასთან რიგი იდგა. თვითონ არ იცოდა, რამ ათქმევინა ამ გაჭირვებული ხალხისათვის, რომელიც დილის 7 საათამდე, მალაზიის გაღებამდე ასე უნდა მდგარიყო: „**Советские люди, строители коммунизма, вы что, собрались ночью строить коммунизм?**“ ყველა გაისუსა. ავისმომასწავლებელი დუმილი ჩამოწვა... დილით, როცა გაეღვიძა და გაახსენდა თავისი სიტყვები, გაფითრდა. მერე შვილისთვის მოუყოლია: „გავთავდი, არავისთვის არაფერი მითქვამს, მაგრამ იმაში დარწმუნებული, რომ დამიჭერდნენ, სტადიონის ტერიტორიაზე წავედი (მაშინ იქ ჯერ კიდევ უბრალო სპორტული მოედანი იყო). მესმის ყვირილი: ლელიკო! მივიხედე – ცნობილი ჩეკისტი მიჩურინი მეძახის. მივედი. მეუბნება – შენ რას დადიხარ და ისვრი ანტისაბჭოთა ლოზუნგებს, ჭკუა გაქვს თავში? დასახვრეტი ხარ, მაგრამ ახლა არ გიჭერთ, მხიარული და ოპტიმისტი კაცი ხარ, გაპატიობ, მაგრამ ერთხელაც რომ გავიგო, საბჭოთა წყობაზე იხუძრე რამე, ადარც კი დაგიბარებთ, ისე დაგსჯითო...“

ლევან ხოტივარის ოჯახში ხშირად იკრიბებოდნენ მეგობრები: ანდრო ჟორ-

და: ერს ასეთი ადამიანების გაჩენის უნარი როცა აქვს, ვერანაირი უჯიშო კომუნისტი ვერ წააქცევსო. ლევან ხოტივარი კი ხსნას მხოლოდ ერთში ხელაგდა: გამრავლება გადაარჩენს საქართველოსო. ქალბატონი თამარი ასეთი წვეულებების შესახებ ამბობდა: რა ქნან ამ საცოდავებმა, რა უყონ თავიანთ ნიჭსა და ენერგიას, მხოლოდ სუფრაზე თუ დაიხარჯებიან, კომუნისტების ხელში ან გულაგში უნდა იჯდე, ან სუფრასთანო...

ბატონ ლევანს სამი შვილი ჰყავდა – ორი ვაჟი და ერთი ქალიშვილი... ქართლოს და ბუბა ხოტივარები მამის კვალს გაჰყვნენ – რეჟისორები გახდნენ... ტრაგიკულად გარდაცვლილი ქართლოს ხოტივარი – „სერენადის“ შემქმნელი, „ლაზარეს“ სულისჩამდგმელი და პირველი რეჟისორიც იყო, თუმცა სურათზე მუშაობა არ დასცალდა და ფილმი მისმა ძმამ, ბატონმა ბუბამ დაასრულა. ძალიან მძიმე იყო ეს ტვირთი ბუბა ხოტივარისათვის, ვერ ბედავდა თურმე ფილმზე მუშაობას. ისევ მამას უნუგემებია: „ნურაფრის გეშინია, შვილო, ხომ ვიცო, გულის სიღრმეში როგორ გინდა ამ ფილმის დასრულება, უკან არ დაიხ-

იო და ღმერთი შენთან იქნება. ოღონდ იცოდე, ბოლომდე უნდა მიენდო ღმერთს – ღმერთს და მხოლოდ ღმერთს!.. თუ ფილმი არ გამოგივიდა, ნურც ამაზე მოიკლავ თავს, შენ გარდა ფილმი არავის გაუფუჭებია? როგორ გგონია, ა?“

ძალიან დამამშვიდებელი, ღმილიანი საუბარი იცოდა ლევან ხოტივარმა. უსაზღვროდ უყვარდა სამშობლო. შემთხვევითი არც ის არის, რომ მისმა ვაჟმა – ბატონმა ბუბამ გადაიღო „ღემეტრე თავდადებული“ – მაშინ, როცა ყველაზე რთული იყო ასეთ ეროვნულ თემებზე მუშაობა...

ხშირად უყვარდა თქმა ბატონ ლევანს – წუთისოფლის სტუმრები ვართ, როგორ შეიძლება, აქ თავი მასპინძლად იგრძნო – მოკრძალებული სტუმრებივით უნდა ვიცხოვროთო... თვითონ ცხოვრობდა ასე: უპრეტენზიოდ, მორიდებულად... ოღონდ ეს კი იყო – ზოგიერთი ძალად „გამასპინძლებულნი“, პატიოსან სტუმრებსაც არ აძლევდნენ საშველს...

თავის სულიერ და ფიზიკურ ტკივილს უმაღავდა ახლობლებს. ერთხელ ღვიძლი აწუხებდა თურმე, მთელი კვირა უმაღავდა ოჯახის წევრებს. ვიდრე არ გაყვითლდა, ვერაფერს მიხვდნენ.

1980 წლის 13 დეკემბერს გარდაიცვალა. უახლოესი მეგობრები ვერ იჯერებდნენ: სად სიკვდილი და სად ლელიკო! – იმდენად სიცოცხლით სავსე ყოფილა მოხუცებულობაშიც კი. ჭირის სუფრაზე იხსენებდნენ ბატონ ლევანს, მის იუმორს. ღმილი ხშირად სიცილშიც გადადიოდა...

დახმარებისათვის მაღლობას ვუხდით ლევან ხოტივარის შვილს – ბატონ ბუბა ხოტივარს.

ოსუს-საფეხბურთო გუნდი, 1922 წელი. მარჯვნიდან მესამე – ლელიკო ხოტივარი



– შენ რა, გგონია, მართლა აბსტრაქტული სიყვარული? რას მომჩერებიხარ დასაკლავი ხბოსავით?... ერთხელ ხომ გითხარი, თავი დამანებე-მეთქი. დამპირდი კიდევც...

მომხიბლავი და შვეთვალეობა, შილიფად ჩაცმული ქალი დამდურებით შესცქეროდა კართან ატუზულ ახალგაზრდა კაცს.

– თამუნა, ბავშვი... ბავშვი მეცოდება, თორემ არც მოგაკითხავდი. მესამე დღეა, შენს სახელს აბოლებს. ხომ იცი, რა მგრძობიარეა... – მორიდებით, უფრო სწორედ კი, მულდართ „ტკეპნიდა“ სიტყვებს ახალგაზრდა კაცი.

– გურამი პატარა აღარ არის. მოვადრო და მე თვითონ ავუხსნი ყველაფერს... მაგის დარდი ნუ გექნება – ჩემს შვილს, როგორღაც, მივხედავ.

– ვაა! თათი, შენ კიდევ მაგას ებალა-მუტები?! რით ვვლარ გაიგე, ჩემო ძმაო, აღარ უნდა ამ ქალს შენთან ცხოვრება... არ გაგვი...კა საქმე? – ღერუფენის ბოლოში, ერთ-ერთი ოთახიდან ბურღულუნით გამოვიდა ხალათმოსხმული „მუტრუკი“, თამუნას დევივით მოჰხვია ხელი და კვლავ ღერუფენის ბოლოსკენ წაიყვანა. ქალს ხმა არ ამოუღია. ეგ იყო, ოთახში შესვლისას ჩაილაპარაკა – კარი მიხურეთო.

– ვაპ, არ შეგვაძა ტვინი, ამ დილაუთენია... კაცო, შენა ვერ გაიგე, რა გითხრეს?! – წადიო! წა-დი-ო! – დაუმარცვლა კიდევ. მერე ახალგაზრდა კაცს ხელი წაავლო, კიბისკენ მიაბრუნა და მსუბუქად უბიძგა. ამოიხენება, ხელი ჩაიჭინა და კვლავ კარისკენ წაბავბავდა. შესასვლელთან შედგა. მცირე ხანს ფიქრობდა. სწრაფად შევიდა სახლში, ერთ-ერთ ოთახში, სკამზე გადაკიდული შარვლიდან ტყავის საფულე ამოიღო, გამობრუნდა და კიბეზე ხის სანდლების ტყაპა-ტყუპით დაეშვა.

– კაცები ვართ, ჩემო ძმაო. წყენას ნუ ჩაიღებ გულში... – ხმას დაუწია მუტრუკმა, ხელიც გადაჰხვია. – ქალების ამბავი არ იცი? – დღეს ერთთან უნდა ყოფნა, ხვალ მეორესთან...

კაცი – ახალგაზრდა და მობუზული, კვლავ კიბეზე დაეშვა, თითქოს არც გაუგია რამე.

– მოიცა, კაცო, მოიცა! – კვლავ დაუძახა მუტრუკმა. მერე ხალათის ჯიბიდან ტყავის საფულე ამოიღო, კედლისკენ მიბრუნდა და ნაჩქარევად ამოაძრო რამდენიმე კუპიურა. დაეწია და ჯიბეში ჩაუჭურთა:

– აი, ბავშვისთვის, რა. ათასი რამე სჭირდება, კაცო. ეგრეც ხომ არ არის... ბოლოს და ბოლოს, შენზე ნაკლებად კი არ მიყვარს თამუნა...

მობუზული, ახალგაზრდა კაცი წელში გაიმართა. მის თვალებში სიძულვილის ცეცხლი გიზგიზებდა. დამცინავად გამოცხრა კბილებში:

– გიყვარს, არა? – მაინც, რა გგონია



ღარი ბრძელიშვილი

# ახგარიშსწორება

რა ღირს ეგ შენი სიყვარული, თუ მართლა ეგრე ძალიან გიყვარს?

ხალათიანი მუტრუკი დაიბნა. მთელი სერიოზულობით ფიქრობდა. პასუხი რომ მოიფიქრა, მის წინ აღარავინ იდგა.

ახალგაზრდა კაცი წამით შეჩერდა მარმარილოთი მოპირკეთებულ სადარბაზოში. მერე საყელო აიწია და დაღმართს დაუყვია.

... ერთმანეთი სრულიად შემთხვევით, უნივერსიტეტის ბაღში გაიცნეს. ზაზა თამუნას ჩამოქნილი ტანით, გულუბრყვილო და დიდრონი, შავი თვალებით მოიხიბლა. მერე, სხვაგანაც შეხვდნენ. მერე, სახლში გააცილა, მერე პირველი პაემანი, მეორე პაემანი და ასე შემდეგ...

ზაზას პატარა, ერთოთახიანი ბინა ჰქონდა, მარტო ცხოვრობდა. თამუნას გაცნობის შემდეგ კი, თამუნასთან ერთად. თავისუფალი გოგონა იყო, ზაზა მასაც ძალიან უყვარდა და უარს არაფერზე ეუბნებოდა... კარგად ახსოვს – გაზაფხულზე ათი თუ ოცი შეკვრა იასამანი რომ აიტანა და ყველგან მოფინა – სახლში შემოსულ თამუნას ზღაპარში ეგონა თავი: ჯერ გამტერებული იდგა, მერე კი იასამნებში კოტორიალებდა და გიჟივით იცინოდა... კარგი დრო იყო... მერე, როგორღაც მოხდა, თამუნა გვიანობამდე დარჩა ზაზასთან (მანამდე, დაბინდებისას, მამიდასთან გარბოდა ხოლმე – რამე არ იეჭვოსო) – დარჩა და დარჩა. მესამე თუ მეოთხე დღეს, თამუნას ერთადერთი ქალაქელი მამიდაც ეწვიათ და ახალგაზრდა წყვილს „გაბედნიერება“ მიულოცა.

– თქვენებს არ გაუგიათ ჯერ, ხომ? – შეფარვით, ასე ვთქვათ, რაღაცას „მოაყ-

ოლა“ მზრუნველმა მამიდამ. – მე გუშინვე გავატანე წერილი ავტობუსს, სასიხარულო ამბავია და „ბირჟიდან“ ვინმე აავგანეთ-თქვა, მძლოლს ვუთხარი. თქვენები რას იზამენ, შვილო, იქნებ, იქით, სოფელში ურჩევნიათ რომ ჩახვიდეთ; ისე, მგონი მართლა ასე აჯობებს, თამუნა, თვარა აქ რომ მამაშენი შემევიდეს, ხო გოდლოებუნდა გულში... – შიგადაშიგ, იმერულად უქცევდა მამიდა და „მზრუნველ“ საუბარს უფრო და უფრო მეტ „პილპილს“ აყრიდა:

– მარა, აქნა, ხომ არ მიიღებთ სტუმრებს, თქვენების დიდ სახლში დახვდებით, ალბათ...

– რომელ დიდ სახლში, ქალბატონო? – ახლად მოვიდა გონს მამიდის ლაპარაკით გაბრუნებული ზაზა.

– რავა, არ გაქვთ ამის მეტი სახლი? აპა, ამ ჩიტის ბუდეში უნდა იცხოვრო დედაძოილ-მამაძოილთან ერთად?... ახლა, არ მითხრა, და-ძმაც ჰყავსო, თვარა გედევინევი სულ! – გადარეული ისედაც ჩანდა, ისე აკვესებდა თვალებს მზრუნველი და ქალაქელი მამიდა.

– იცით, ქალბატონო, ამ ბინაში ჩემს მეტი, არავინ ცხოვრობს. დედა ამ რამდენიმე წლის წინ დამეღუპა. მამა მაშინაც, რუსეთში იყო წასული და ახლაც იქ ცხოვრობს... – ჩაილულულა ზაზამ.

ასე იყო თუ ისე, როგორღაც მოგვარდა ურთიერთობები. ნელ-ნელა დალაგდნენ და ცხოვრებაც მოიწყვეს. ზაზას ერთი „ისე რა“ სამსახური ჰქონდა – პურის ფულს რომ შოულობდა, ისეთი. სანამ ბავშვი ეყოლებოდათ, თამუნაც მუშაობდა რომელიღაც ბიბლიოთეკაში.

მერე გურამი გაჩნდა... უჭირდათ, მა-

გრამ ბავშვმა სიცოცხლე გაუხალისათ. თითქოს „გაცრეცილი“ სიყვარული კვლავ „გაიფურქნა“ და გამოცოცხლდა. თუმცა, ვინ იცის, სხვა საზარუნავზე გადართულნი, ამაზე ფიქრისთვის იქნებ, ვერც იცოდნენ...

მერე... ბავშვი წამოიზარდა. სადაცაა, სკოლაში მიიყვანდნენ. თამუნა ატყდა — სახლში რა ვაკეთო, გურამი მაინც საბავშვო ბაღში დადის, გავალ ისევ, ბიბლიოთეკაში ვიშუშავებ, გავერთობიო.

ნეტავი არ გასულიყო... კი ეუბნებოდა ზაზა — ხალხს სინათლე და პურის ფული ენატება, შენი ბიბლიოთეკა ვის რად უნდა, იქაც მარტო ივადებიო. არ დაიშალა. ამ სიცვესა და სიბნელებში ვდომას, იქ ვდომა მირჩენია. ხალხს მაინც დავათვალიერებ ქუჩაში, ტელეფონზე მაინც წავიკვლირავებ. ასე ბუხავით როდემდე უნდა ვიყო, პალტოთი და ქუდი ვზივარ სახლშიო... დაიწყო კიდევ სამსახური — ბიბლიოთეკაში მუშაობა.

ცხოვრება გრძელდებოდა. ჩვეულებრივად — ხან ისე, ხან ასე... ორიოდე თვეში თამუნას უჩვეულო გამოცოცხლება დაეცო. მხრებზე ჩამოშლილი დაღალები მოკვლევ შეიკრა, სამსახურში წასვლის წინ, სარკესთან ტრიალებდა ხოლმე კარგა ხანს, ტანსაცმლის კარადიდან მოკვლე კაბები გამოქექა და ნამდვილ „ლამაზმანად“ იქცა.

ძველებურად უზინავდა მკვრივი და ხორბლისფერი კანი... თვალებიც სხვანაირად აუბრწყინდა... თამუნას ასეთი გარდაქმნა ზაზამ სამსახურს მიაწერა, მაგრამ, ცოტა ხანში, ახალი უცნაურობები დაიწყო: თავიდან, დაგვიანებები. „ბიბლიოთეკაში აღრიცხვას ვაწარმოებთ“, „თანაშრომელს სტუმრები ჰყავს და უნდა მივეხმარო“, „კურსელმა გოგონებმა გამომიარეს და კაფეში, ყავას დავკვებთ...“ — ყოველ მერე დღეს, მიზეზი არ ილეოდა. მერე და მერე, გაუცხოებაც იგრძნო ზაზამ: მისი აღერის უარყოფისას, თამუნა ხან თავის ტკივილს იმიზეზებდა, ხან დაღლას — ატორდიალეული, პატარა ბავშვივით იშორებდა.

... ის დღე არასოდეს დაავიწყდება. თამუნა თავის დროზე მოვიდა სახლში. ზაზას მრავალმნიშვნელოვნად შეხედა და ამოიხრა. თვალებში არ უყურებდა. თუმცა, თავის სიმართლეში დაარწმუნებული აღამიანის კილოთი დაიწყო:

— შენი მოტყუება არ შემოძლია... არც ასე ცხოვრება შემოძლია — სიბნელე, სიცოცხლე, დღე და ღამე ათას პრობლემაზე ფიქრი... პატივს გცემ და ძალიანაც მიყვარხარ — როგორც მეგობარი... მაგრამ მე, პირველ რიგში, ქალი ვარ და ჩემი ქალური ცხოვრებით მინდა ვიცხოვრო. მინდა, ქალურად მიყვარდეს და გვერდით მამაკაცი მყავდეს... გეხვეწები, გამიგე, ზაზა... მე ჩემი თავი ვიპოვე, გესმის? გამოჩნდა კაცი, ვინც ჩემი ქალობა მაგრძნობინა, ჩემი ქალური

შმენიერება... დამავიწყდა კიდევ, როდის მომწონდა ასე საკუთარი თავი — მუდამ სხვებს შეეყვრებდი და არც მეგონა, თუ შევძლებდი მათნაირად მეველო, მათნაირად მეფიქრა... ვიცი, რომ ღვენას არ დამიწყებ. რომ მაცლი, ჩემი წილი, ქალური ცხოვრებით ვიცხოვრო ამ ქვეყანაზე...

ზაზას ხმა არ ამოუღია. გაშტერებული იჯდა. მერეც, არ განძრეულა — ყინვა და სიცვიე არც უგრძენია. მთელი ღამე აივანზე გაატარა. ბოთლით არაყს დიდხანს სვამდა და სივარულს სივარულზე ეწეოდა. სასმელი არც მოჰკიდებია — ალბათ სტრესის გამო. დილით, უკვე საცხებით მშვიდად ელაპარაკა თამუნას — წადი, სადაც გინდა და როგორც გინდა, ისე წადი. მე შენ მიყვარხარ. ძალიან კარგად მესმის შენი. უნდა წახვიდე... გურამს მე მივხედავ... არც იმ შენს ახალ კაცს დავუწყებ ღვენას: იმას რას ვერჩი — შენ თვითონ გადაწყვიტე ყველაფერი...

ასე უცბად და უპრობლემოდ „მინიჭებულმა“ თავისუფლებამ თითქოს, შუურაცხყო და გააღიზიანა კიდევ ქალი. ხმა არ ამოუღია. ნაჩქარევად ჩაალაგა ბარგი-ბარხანა და კართან დააწყო. მერე გაიარ-გამოიარა — ალბათ, რომ დამშვიდებულიყო. ხელჩანთიდან პარფიუმერია ამოალაგა და სარკესთან მოეწყო. მთელი ამ ხნის განმავლობაში ზაზა სავარძელში იჯდა და ხან მძინარე ბავშვს უყურებდა, ხან თამუნას. უკვე მოწესრიგებულს და კართან მისულს მიაბახხა:

— მოიცა! შემოდი. დაიმახსოვრე, რომ მიყვარხარ. ჩემი ცხოვრება შენ მოგიძღვენი და როგორც არ უნდა მძულდე, მაინც მეყვარები...

თამუნამ დიდრონი, შავი თვალები მიაპყრო. შეჩერდა. მერე თავი დახარა და კარისკენ გაეშურა.

მოიცა! — კვლავ შეჩერა ზაზამ. — ერთიც იცოდე: მეყვარები, მაგრამ ამას არასოდეს გაპატიებ. მთელი ცხოვრება მემასსოვრება, რაც გააკეთე... ნუ გეშინია, ღვენას არ დავიწყებ, მაგრამ ვიცი, შენ თვითონ დამიბრუნდები. მაგრამ არა მამინ, შენ რომ მოგინდება — ბოლო შანსს მე თვითონ მოგცემ, დაიმახსოვრე.

... ერთი წელი გავიდა. ზაზას წამები-სა და წვალების წელი. თამუნასკენ არც გაუხედავს — დანაპირებს ასრულებდა, მაგრამ, არც გურამს აკარებდა ახლოს. ზღაპრების მოყოლა — დღის „გაფრენა-გამოფრენაზე და მალე დაბრუნებაზე“ არც უცდია: დაისვა და დაწვრილებით მოუყვა ყველაფერი. ბავშვმა ბევრი ვერაფერი გაიგო, ერთის გარდა — „დედიკო ვიდაც კაცთან ცხოვრობს და ჩვენთან ყოფნა აღარ უნდა“... არ იყო აღვილი ამის გაგება. ბევრჯერ, გაგიჟების პირას მისულა ზაზა, ბავშვის გულუბრყვილო წუხილის შე-

მყურე...

მერე გაიგო — ქორწილს იხდიდნენ თურმე, თამუნა და მისი „რჩეული“. ბიბლიოთეკის წინ, მისი ერთ-ერთი რესტორანი ყოფილა და თამუნაც იქ გაუცინა... დანაპირები ბოლო შანსი იყო, თამუნასთან რომ ავიდა. არ გამოიყენა. ქორწილამდე ერთი კვირა რჩებოდა...

შაბათს, სიონთან ერთი ჟრიაბული იდგა. იქაურობა უცხოური მანქანებითა და გამოპრანჭული ადამიანებით იყო სავსე.

— რატომ ივკიანებენ, ნეტა?  
— იმდენი სამკაული უყვლია, მაგის მორთვა-მოკაზმვას ორი დღე მოუნდებოდნენ...

— აბა, აბა. სპეციალურად, პარიზიდან ჩამოუტანია თურმე საპატარძლო კაბა...

ცოტა ხანში მანქანის სიგნალების ხმაც გაისმა. ლესელიძის ქუჩაზე კრიალა „იაგუარი“ შემოსრიალდა. „მოვიდნენ! მოვიდნენ!“ — დაფაცურდნენ ვიდუოკამერიანი ახალგაზრდები, სპეციალურად რომ იყვნენ ცერემონიის გადასაღებად დაქირავებულიები.

ლიმუზინმა ტაატით შემოუხვია და სიონის წინ გაჩერდა. დედოფალი მართლაც ბრწყინავდა: ულამაზესი კაბა ძვირფასი თვლებით ჰქონდა გაწყობილი. მერე მხრიდან ნეფეც გადმოვიდა და შეკრებილ, გარს შემოჯარულ საზოგადოებას მიესალმა. ტაში და მილოცვები... „ოდნავ აქეთ დადექით, კადრში რომ ეკლესია გამოჩნდეს...“ — სთხოვა „გადაღების ხელმძღვანელმა“... მოულოდნელად დამოუღის ხმა გაისმა. უშველებელი თვითმცლელი უკუსვლით უახლოვდებოდა ჯვრისწერაზე შეკრებილებს. დამხვდურნი უცბად გონს ვერც მოვიდნენ — გაშეშებულინი მისჩერებოდნენ მათკენ მიმავალ სატვირთოს, რომელიც ზედ ნეფე-დედოფლის წინ გაჩერდა.

კაბინის კარი გაიღო და „ბორტს“ გადადმა პატარა გურამის თავი გამოჩნდა.

— ეი, შე ძმ...ის ბოჩკა ყველაფერს ვერ იყიდო!

სატვირთოს „ბორტი“ ნელა-ნელა აიწია და გაცივებული, პირდაღებული ნეფე-დედოფლისა და სტუმრების წინ მთელი „ბაზრობა“ გადმოცვივდა — ტელევიზორები, მაგნიტოფონები, ტანსაცმელი, ფეხსაცმელი...

— ეს ყველაფერი საქორწინო საჩუქრად მომირთმევია — შენ ხომ ამაზე დახურდავდი... ჰოდა, ჩვენი სახლიც, ჩვენი სიყვარულის ბუდე და შენი ბოლო შანსიც, ამ საბარ-ხუბარზე გადავახურდავე...

ზაზა და გურამი ლესელიძეს აუყვინენ.

— აეროპორტისკენ! — უთხრა მძღოლს, ტაქსიში ჩაჯდომისას. ზაზას მამასთან — რუსეთში მიდიდნენ...



## „ათასწლოვანი“ Porsche

მეოცე საუკუნესთან გამოთხოვება ბევრ-მა საავტომობილო კომპანიამ იმით აღნიშნა, რომ „მილენიუმის“ „მარკით“ გამოუშვა პროდუქციის შეზღუდული პარტია. ისეთმა კომპანიებმა, როგორცაა TOYOTA, ROVER და ზოგიერთი სხვა, სერიული ავტომობილების ბაზაზე ნამდვილი შედეგების მცირე პარტიები შექმნეს, რომლებიც ყველაზე ძვირფას ავტოკოლექციებსაც დაამზებენ. ამ მანქანების ფასები ათეულობიდან – ასეულობით ათას დოლარამდე მერყეობდა. სწორედ აქედან მომდინარეობს ათასწლეულის „მარკით“ მათი აღნიშვნა.

თუ, მაგალითად, „ყველაგანმავალი“ TOYOTA LAND CRUISER MILLENIUM EDITION ხელმისაწვდომი იქნებოდა ისეთი ქართველისთვისაც, რომელიც 70.000 დოლარზე ცოტა მეტს გადაიხდიდა მისთვის, საკოლექციო PORSCHE 911 MILLENIUM-ს ერთმილიონიანი ქონების პატრონიც კი ძნელად თუ შეიძენს: ამ როდსტერის შეძენის მსურველთა ჩაწერა (ჩაწერა! – რა დაუჯერებლადაც არ უნდა ჟღერდეს ეს), კომპანიის მიერ მისი წარმოების შესახებ გაკეთებული განცხადებიდან ორ დღეში შეწყდა!

911 MILLENIUM-ი მართლაც სრულიად გამორჩეულია, „პორშეს“ მიერ მთელი თავისი ისტორიის მანძილზე გამოშვებულ მანქანებს შორის. საქმე აქ ფასში როდია – უბრალოდ, ამ მანქანაში იმდენი ტექნიკური სახელეა, რასაც ვერც ერთ „კონვეიერულ“

„პორშეში“ ვერ იხილავთ. „ათასწლოვანის“ სტანდარტულ კომპლექტაციაში „სერიული“ „პორშეს“ ყოველგვარი ტექნიკური ოფცია შედის, რომელსაც ექსკლუზიური – ხელით ნაკეთები აღჭურვილობაც ემატება.

მანქანა სრულამძრავიანია, გამოირჩევა უნიკალური ფერით, რომელიც 8 ფენიანი შეღებვით მიღწევა, ტყავის სალონსაც ზუსტად განსაზღვრული ტონალობა აქვს, წინა პანელი მუქი ნეკერჩხლისგან არის დამზადებული, ხელსაწყოთა აღჭურვილობას კი საფირმო – PORSCHE COMMUNICATION MANAGEMENT სისტემა წარმოადგენს.

მანქანა აღჭურვილია სამუხრუჭე დისკების ცვეთის კონტროლისა და საბურავების წნევის კონტროლის მარკენებელი ხელსაწყოებით, უსაფრთხოების „ჭკვიანი“ ბალიშებით (მათ შორის, თვით „პორშეში“ შექმნილი გვერდითი ბალიშებით), რომლებიც ბოლომდე არ იხსნება, თუ სავარძელი ცარიელია ან მასში ბავშვი ზის. კორპუსის კონსტრუქცია იმის გათვალისწინებით არის აგებული, რომ შეჯახების შემთხვევაში მაქსიმალურად „ჩაახშოს“ დარტყმა. თითოეულ ავტომობილზე მანქანის ნომრიან ოქროს ფირფიტას აკრავენ.

იმისათვის, რომ სრულიად გამოირიცხოს ამ ავტომობილის გატაცება, საქარხნო სიგნალიზაციის გარდა, 911 აღჭურვილია PCM ნავიგაციური სისტემით, რომელიც მანქანის მფლობელისთვის გადაცემული უნიკალური კოდით ამოქმედდება. აღსანიშ-

ნავია, რომ იმ ქვეყნებისთვის, სადაც PCM-სისტემა არ მოქმედებს, 911 HI-FI სისტემითა და ისეთი მოწყობილობით აღიჭურვება, რომლებიც აუცილებელია GSM სტანდარტის მობილური ტელეფონის ჩასართავად.

სავარძლების მდგომარეობის რეგულირების მართვა (გადღიერებული უსაფრთხოების სამწერტილოვანი ღვედებით) იმის საშუალებას იძლევა, რომ დაიმასსოვროთ სამი შესაძლო პერსონალური ვარიანტი, რომელიც სარკების ინდივიდუალურ რეგულირებასაც ითვალისწინებს. კიდევ ერთი ჩამონტაჟებული სისტემა იმის საშუალებას იძლევა, რომ თქვენი გემოვნებით შეარჩიოთ სავარძლის სიმგრე (სირბილე) და მათი გათბობის დონე. გარდა ამისა, მფლობელს საშუალება აქვს, სალონის ინტერიერს სპორტულ სტილში გააფორმოს.

911 MILLENIUM-ის სხვა ატრიბუტებს შორის მწარმოებლები ასახელებენ: კრუიზ-კონტროლს, კლიმატ-კონტროლს, საქარე მინის ცვლად ტონირებას, სამარშრუტო კომპიუტერს, CD ჩეინჯერს DCP-სთან (DIGITAL SOUND PROCESSING) ერთად, უკანა მინის გამწმენდს, სამანან ორიენტირებულ საჭესა და 911-ის ემბლემის ამსახველ კარის საკეტებს.

ყოველივე ამის გარდა, მფლობელს საშუალება აქვს, ავტომობილთან ერთად შეუკეთოს... სამზავრო ჩანთები და სხვა აქესუარები, რომლებიც „ათასწლოვანი“ მანქანის სტილშია შესრულებული. ■



# Chrysler-ი სპორტულ დაბუნდას გააცოცხლებს



საავტომობილო კომპანია „კრაისლერმა“ გადაწყვიტა, გააცოცხლოს კიდევ ერთი საავტომობილო სპორტული ლეგენდა, რომელიც ამერიკული საავტომობილო მრეწველობის ისტორიის განუყოფელ ნაწილს წარმოადგენს.

კომპანიის ყოფილმა პრეზიდენტმა ბობ ლუცმა ჩრდილოამერიკულ საერთაშორისო საავტომობილო ჩვენებაზე კონცეპტუალური მოდელი – CHRYSLER CUNNINGHAM C7 GT-ი წარადგინა. ალბათ მიხვდით, რომ ეს რეტროსპექტივაა, ექსკლუზიური სუპერმოდერული სპორტულ-ტურისტული GT – კუპებისა – სარბოლო ავტომობილებისა, რომლებიც 1950-60-იან წლებში მოყვარულმა სპორტსმენმა ბრიგს კანინჰემმა შექმნა.

კანინჰემი მრბოლელი და ჯენტლმენი

იყო, 1958 წელს ამერიკის თასის გათამაშებაში გაიმარჯვა და ომის შემდგომი ამერიკული სპორტული ავტომობილები დააპროექტა, რომლებსაც მისი სახელი მიენიჭა.

სპორტსმენის სახსრებით შექმნილმა და „კრაისლერის“ CV ძრავით აღჭურვილმა „კანინჰემმა“ ევროპაშიც უმაღლესი სიჩქარე სახელი, როცა კინაღამ გაიმარჯვა 24 საათიანი ლე-მანის შეჯიბრებაში, ქარხნებისა და კომპანიების მხარდაჭერით ისეთ ძლიერ მონსტრებთან პაექრობისას, როგორცაა „ფერარი“, „იაგუარი“ და „პორშე“.

ამ მანქანების ნაირსახეობად აწარმოებენ საქალაქო მოდელებსაც, მათ შორის CUNNINGHAM C3-ს, რომელიც 1953 წლიდან სულ 30 ეგზემპლარი გამოვიდა...

რეტრო-მოდელის წარდგენისას ლუცმა

აღნიშნა, რომ ახალი ავტომანქანა მეტი-მეტად მდიდარი ადამიანებისთვის არის გათვალისწინებული, სახელდობრ მათთვის, ვისაც ძლიერ იზიდავს ექსკლუზიურობა და, განსაკუთრებით, „კანინჰემის“ მემკვიდრეობა.

ახალი მოდელი ღირსეულად სტიუარტ რიდას შეემუშავა. მისი ფასი 200.000 დოლარით განისაზღვრება. მანქანა 6,0 ან 7,0 ლიტრიანი V12 ძრავით იქნება აღჭურვილი და 500 ცხ. ძალას განავითარებს.

მოდელის წარმოება სავარაუდოდ, 2003-2004 წლების მიჯნაზე დაიწყება. როგორც ბობ ლუცმა განაცხადა, პირველ წელს კომპანია 250 ავტომანქანის გამოშვებას გეგმავს, საბოლოოდ კი, წლიური წარმოება 500-600 ეგზემპლარს მიაღწევს. ■

## BMW-ს M-სეხის ახალი მოდელები

ბავარიული ავტომწარმოებლის ახალი ავანგარდული კუპე M-სერიის სამოდერო რიგის მორიგი ნიმუშია, რომელსაც წლეულს, დეტროიტის სალონზე წარმოადგენენ.

ახალი მოდელის დანიშნულებაა, სუპერკარ M-1-ის (1978-81) სულისკვეთება გააცოცხლოს. ორადგილიანი ავტომობილი „ფორმულა 1“-ის ბოლიდის 3,0 ლიტრიანი, 600 ცხ. ძალიანი V10 ძრავით იქნება აღჭურვილი და, ბუნებრივია, M-2 დაერქმევა. მას შეზღუდული რაოდენობით გამოუშვებენ და 125.000 დოლარამდე ეღირება. BMW-ს მესვეურთა თქმით, ეს ფასი მხოლოდ მანქანის ექსკლუზიურობით როდია განპირობებული – არანაკლებ მნიშვნელოვანია ის, რომ ამ მანქანით, მძღოლები, „ფორმულა 1“-ის მართვის ხერხებს ათვისებენ.

M-2-ის წარმოება 2002 წლის ივლისისთვის არის დაგეგმილი. ახალი კუპის ღირებულება იმდენად უზვეულოა, რომ შესაძლოა, ის მსოფლიო სუპერკარის პირამიდის მწვერვალზეც კი აღმოჩნდეს. მოდელი 230 ცხ. ძალიანი MCLAREN F-1-ის მოდელით

არის ნაკარნახევი. მსგავსება ძრავის ცენტრალური ადგილმდებარეობით იწყება და კარის არა გვერდით, არამედ ზემოთ გაღებით მთავრდება. მფლობელს მასში შეხვდება მოწინავე ტექნოლოგიათა თითქმის ყველა ნიმუში, რითაც კი აქამდე იყო აღჭურვილი ავტომობილები. მანქანის ძარისა და შასის კონსტრუქციაში გამოყენებული იქნება მაგნიუმისა და ალუმინის შენადნობი, საძარე პანელები კი ნახშირბადიანი ბოჭ-



კოსაგან დამზადდება.

უმძლავრესი ძრავის წყალობით M-2 100 კმ/სთ სიჩქარეს სულ რაღაც 4 წამში განავითარებს. კერამიკული მუხრუჭები, რომლებიც „ფორმულა 1“-ის ავტომობილებზეა დაყენებული, აქ ABS-თან ერთად იქნება წარმოდგენილი.

კუპის სალონში ყველაფერი მძღოლზეა ორიენტირებული. ხელსაწყოთა პანელზე გამოკვეთილად მოჩანს სპილომეტრი. სავარძლები სიდრითა და გამოწეული გვერდებით გამოირჩევა და სპორტული ტიპის ლეველებით არის აღჭურვილი, რომლებიც ჩალიჩის პრინციპით მოქმედებს.

როგორც ვარაუდობენ, ახალი კუპის ძირითადი კონკურენტები „აულის“, „ფოლკსვაგენისა“ და „ბუგატის“ მოდელები იქნება. ■





# საუკეთესო შუნიშიაზა ის ანის, ბადნიერაზას რომ მოიპოვა

გოლდი ჰოუნი

გოლდი ჰოუნი ჰოლი-  
ვუდში ცნობილი და ყვე-  
ლასთვის საყვარელი ვარ-  
სკვლავია. მას შეუძლია  
გულიანად აცინოს მაყურე-  
ბელი და ორმოცდაათ  
წელს გადაცილებულიც ისე  
გამოიყურებოდეს, როგორც  
25 წლის გოგონა. თითქმის  
20 წელია მასთან ერთად  
ჰოლივუდის ერთ-ერთი  
ცნობილი „მარჩო“ კურტ  
რასელი ცხოვრობს. ხშირად  
ყოფილა შემთხვევები,  
როცა რეჟისორებს თავქარ-  
იანი, ახალგაზრდა ვარსკვ-  
ლავების ნაცვლად, როლზე  
გოლდი ჰოუნი მიუწვევიათ.  
მისი მონაწილეობით გადა-  
ღებული ყველა ფილმი  
იმის დასტურია, რომ  
გოლდი ახალგაზრდობის  
ელიქსირის საიდუმლოს  
ფლობს.

1996 წელს გოლდი ჰოუნს ოცნება აუხდა: ვული ალენმა თავის ფილმში – „ყველა ამბობს, რომ მიყვარხარ“ მიიწვია. გოლდის სინარულის მიზეზი კი ის იყო, რომ ვული ალენი მიუზიკლს იღებდა. ახალგაზრდობაში გოლდი პროფესიონალი მოცეკვავე იყო და რამდენიმე წელი ვოკალშიც მეცადინეობდა, და აი, ნანატრი დღეც დადგა.

„იცი, რომ კარგი მოჯირითე ხართ და თავად ასრულებთ ხილმე აკრობატულ ილე-  
თებს – დაიწყო საუბარი რეჟისორმა, გოლ-  
დის კი სახეზე ფერი ეცვალა. – მაგრამ  
ჩემს ფილმში სულ სხვა რამ უნდა აკე-  
თოთ. შეგიძლიათ პატარა სიმღერა მიმღე-  
როთ?“

ჰოუნი სინარულით მეცხრე ცაზე იყო – ძლივს გამოჩნდა რეჟისორი, რომელმაც შეძლო მისი მრავალმხრივი ნიჭი დაეფასე-  
ბინა. რამდენიმე დღის შემდეგ, როცა ყველა  
მსახიობი როლზე დაამტკიცეს, ვული ალენი  
გოლდის სინარულით სავე მზერით მიუახ-  
ლოვდა: „იცი, მისის ჰოუნ, – ძლივს ამო-  
ერლა რეჟისორმა, ვშიზობ, რომ ფილმში თქვენ  
სიმღერის ნაცვლად, უბრალოდ პირის დაღება  
მოგიწევთ: საქმე ის არის, რომ თქვენი პარტ-  
ნიორები აბსოლუტურად უსმენონი და  
უხმონი აღმოჩნდნენ. მეც მწყინს, რომ თქვე-  
ნი ნიჭი ბოლომდე ვერ გაიბრწყინებს“.

გოლდი ჰოუნი სინარულიდან თითქმის  
ტიროდა: „მე ასეთ როლს არაერთი ათწლეუ-  
ლის მანძილზე ველოდი. მე ხომ სპეციალ-  
ურად ვემზადებოდი!“ ვული ალენი მხოლოდ  
უხერხულად შლიდა ხელებს.

გოლდის განაწყენება დიდხანს არ გაგრ-  
ძელებულა: ყველაფერი იმ ლაღი შემო-

ქმელებითი ატმოსფეროთი განიზუხტა, რომ-  
ლის შექმნა გადასაღებ მოედანზე მხოლოდ  
ვული ალენს შეუძლია. ამაში წვლილი  
ჰოუნსაც მიუძღოდა: მუშაობის დაძაბულ  
მომენტებში ვული სთხოვდა, რომ გაეცინა  
და მისი განუძეორებელი, გადაძლები სი-  
ცილი მაშინვე ხსნიდა ყოველგვარ დაძა-  
ბობას.

ოღესდაც, ახალგაზრდა გოლდი ფსი-  
ქოანალიტიკოსთა მიღებაზე მივიდა და სთხოვა:  
„დამეხმარეთ, ექიმო, მე სიცილს გადავჩვიე“.  
ექიმი მაშინვე მიხვდა, რაშიც იყო საქმე:  
ქალს არასრულფასოვნების კომპლექსი  
ტანჯავდა, თავს ძალიან დაბალ თვითშე-  
ფასებას აძლევდა. „მეტისმეტად გამხდარი  
ვარ, არავის მოეწონვარ, ერთ ბიჭსაც კი არ  
ვეყვარებივარ“ – ქვითინებდა გოლდი. თავი-  
სი სიმპინჯის დასადასტურებლად გოლდემ  
ტანსაცმლიდან სპეციალური საშუალებები  
ამოაღაგა, რითაც ის ტანზე „ფორმების“  
გამოჩენას ცდილობდა. „ხედავთ, როგორი  
ვარ სინამდვილეში?“ რამდენიმე სუანსის  
შემდეგ, გოგონა შინაგანად გარდაიქმნა და  
თაყვანიმცემლებიც გამოუჩნდა... მათი რიცხ-  
ვი მას შემდეგ გაათმაგდა, რაც გოლდის  
ღებოუტი შედგა ტელესერიალში – „იცი“.

ტელევიზიაში პირველივე სინჯების  
დროს ჰოუნს მღელვარებისგან მოელი ტე-  
ქსტი დაავიწყდა, თუმცა, მოწყალედ მისცეს  
კიდევ ერთი შანსი. მეორე დღეს ის კვლავ  
მივიდა სტუდიაში, პირი დაადო და... ატირ-  
და: ის დაწყველილი ტექსტი, კვლავ თითქოს  
აორთქლდა მისი გონებიდან. მაგრამ გოგო-

ნა იმდენად მოეწონა პროდიუსერ ჯორჯ  
შლატერს, რომ გადაწყვიტა, ექსპერიმენტი  
ჩაეტარებინა: როგორც კი რეჟისორი გადა-  
ღების დაწყებას ბრძანებდა, გოლდის რი-  
გრიგობით უჩვენებდნენ ბარათებს, რომელზეც  
გარკვეული ფრაზები იყო დაწერილი, მათ  
შორის ისეთი „უხერხული“ ფრაზებიც კი,  
რაც სინამდვილეში არ იყო გათვალისწინე-  
ბული სცენარში. ამ დროს გოლდის იმდენ-  
ად რადიკალურად ეცვლებოდა სახის გა-  
მომეტყველება, რომ სიცილს ვერავინ იკავებდა.

1969 წელს გოლდი ჰოუნი უკვე „ოს-  
კარზე“ წარადგინეს, ქალის მეორეხარისხო-  
ვანი როლის შესრულებისთვის ფილმში  
– „კატუსის ყვავილი“ (ეს ჰოუნის მიერ  
კინოში ნათამაშები მეორე როლი იყო).  
როდესაც ცერემონიისას გამოაცხადეს, რომ  
„ოსკარი“ გოლდი ჰოუნს მიენიჭა, აღმოჩნდა,  
რომ გამარჯვებული დარბაზში არ იმყოფე-



გოლდი და მისი ქალიშვილი კეტი  
სამზარეულოში.



ბოდა. მეორე დღეს კი, როცა მეგობრები დაინტერესდნენ, რაიმე ხომ არ შეემთხვა, ქალმა წამოიყვინა: „ღმერთო ჩემო! ნუთუ ეს გუმინ იყო? მე კი სულ არ გამხსენებია!“

გოლდი არასოდეს მალავდა, რომ თავის-უფალი სიყვარულის მომხრე იყო. პრესაში ხშირად ჩნდებოდა მისი მეგობარი მამაკაცების სახელები, გოლდიმ შვედი მსახიობით ბრუნო ვინცელით და კასკადიორ გედ გროსმანით დაიწყო და მერე პოლიუელის მთავარ გულთამაშვრობელს უორენ ბიტისაც მიაღება.

... 30 წელს მიღწეულმა ოქროსთმანმა ლამაზმანმა უცებ გადაწყვიტა, რომ ოჯახის შექმნის დრო დაუდგა. მისი რჩეული, ყოფილი მოცეკვავე, შემდგომში კი ეროტიკული ვიდეოფილმების პროდუსერი და რეჟისორი გას ტრიკონისი გახდა. ტრიკონისის არნახულმა ტემპერამეტმა მსახიობი დაატყვევა. „ასეთი ტემპერამენტის მქონე მამაკაცი ცხოვრებაში არ შემხვედრია, — გამუდმებით ტრაბახობდა გოლდი. — თუმცა, მე ეს არ მაკვირვებს — ის ხომ ნახევრად ბერძენი და ნახევრად თურქია“. მალე კაცის ნაქებმა ტემპერამეტმა ძალზე სპეციფიკური გამოვლინება პოვა: ტრიკონისი ზღმეტად ემოციური პიროვნება გახლდათ და ხშირად ოჯახურ სცენებს აწყობდა. ამ დაუსრულებელი „ომის“ პირობებში გოლდიმ საკმაოდ დიდხანს — 7 წელი გაძლო. გამოსამშვიდობებელი საჩუქრის სახით გასმა გაყრისას გოლდისგან 75 ათასი დოლარი მოითხოვა. გოლდიმ თანხა გადაიხადა და ამით პოლიუელის ქალებისთვის საშიში პრეცედენტი შექმნა. მას შემდეგ ცნობილი ქალების ქმრები გაყრისას ურცხვად ითხოვენ თანხას ყოფილი ცოლებისგან.

მალე გოლდიმ ხელახლა სცადა ქორწინება. მისი ქმარი ბილ ჰადსონი გახდა. ბილი როკ-მუსიკოსი და „შეთავსებით“, კომპილური მსახიობი იყო. თუმცა გოლდის ჰადსონისგან ორი შვილი ჰყავს — ოლივერი და კეტი, ცხოვრების იმ პერიოდზე საუბარი მაინც არ საიმოვნებს. მათი ქორწინება ოთხი წელი გაგრძელდა. გაყრისას ბილმაც არ „შეირცხვინა“ თავი, მას მალიბუში მდებარე, 2 მილიონ დოლარად შეფასებული ახლი სახლი ერგო.

1994 წელს ფილმ „პარტნიორის“ შეცვლა სვინგის რიტმში“ გადაღებაზე ჰოუნი თავისი ცხოვრების მთავარ სიყვარულს — კურტ რასელს შეხვდა. მას შემდეგ ისინი ერთმანეთს აღარ დაშორებია.

რა არის იმის მიზეზი, რომ ორი ცნობილი, მატერიალურად დამოუკიდებელი ადამიანი განუყრელად ერთად ცხოვრობს 17 წლის მანძილზე? ამასთან, ისინი დაქორწინებულებიც კი არ არიან, ქალი კაცზე ექვსი წლით უფროსია, ხასიათით კი საკმაოდ განსხვავებულები არიან. გოლდი კორექტული და კანონმორჩილია, რასელი კი



კურტ რასელი და გოლდი ჰოუნი თავიანთ სიყვარულს არ მალავენ

ფეთქებადი და თითქმის ანარქისტი (წარმოიდგინათ, მას გადასახადების გადახდა თავის მოქალაქეობრივ ვალდებულებად არ მიაჩნია!!!). გოლდი — ბუდისტი და ჰიპეტარიანელია, რასელი კი თავგამოდებული მონადირე და ათეისტი. გოლდიმ ვერაფრით ვერ ისწავლა თხილამურებზე დგომა, კურტი კი საუკეთესო მოთხილამურე-სპორტსმენია. მათ ერთიანებო... „სიყვარული და მხოლოდ სიყვარული, — ამბობს გოლდი ჰოუნი. — კურტი ყველაზე სექსუალური მამაკაცია!“

გოლდის ახალგაზრდობის და ბედნიერების საიდუმლო სიყვარულშია. ის არ ზღუდავს კურტს, არ ეკითხება, რომელ საათზე მოვა შინ და სად გაატარა წუხანდელი საღამო. ისინი თავისუფალი ადამიანები არიან. გოლდი არასდროს ეჭვიანობს, მაშინაც კი, როცა კურტს გარს ახალგაზრდა, მომხიბლავი გოგონები ახვევია. „მე ვიცი, ჩვენ წუთიერ გატაცებაზე უფრო მეტი რამ გვაკავშირებს. თუ კურტს როდესმე მოუწევს ჩემსა და სხვა ქალს შორის არჩევანის გაკეთება, ის აუცილებლად ჩემთან დარჩება“. მართლაც შესაშური თავდაჯერებულობაა. მათი ოჯახიც შესაშურად ბედნიერია: ჰოუნთან და რასელთან ერთად მათი საერთო შვილი უაიუტი და გოლდის ორი შვილი, ასევე რასელის შვილი ბოსტონი ცხოვრობენ.

1997 წელს ჰოუნმა ბეტ მიდლერთან და დაიან კიტონთან ერთად ერთ-ერთი მთავარი როლი შეასრულა ფილმში — „პირველ ცოლთა კლუბი“. ამ ფილმმა დიდი რეზონანსი გამოიწვია ამერიკის საზოგადოებაში.

**შვილებთან — ოლივერთან, უაიგთან და კეგისთან ერთად.**

დობრივ ცხოვრებაში: ფემინისტი ქალები აღფრთოვანებულები იყვნენ „სამი ძლიერი ხასიათის მქონე ქალით, რომელმაც შეძლეს, ქმრებისთვის კუთვნილი ადგილი ეჩვენებინათ...“

გოლდიმ იმდენად დამაჯერებლად შეასრულა როლი, რომ ყველა დარწმუნებული იყო — გოლდი თავისი გმირის შეხედულებებს იზიარებდა. მათი ბედიც ხომ ერთმანეთს ჰგავდა: უიღბლობა, გაყრის პროცესები, ოჯახური პრობლემების საჯაროდ განხილვა... მაგრამ აღმოჩნდა, რომ სცენარის ყურადღებით წაკითხვის შემდეგ, გოლდიმ კინალამ უარი განაცხადა როლზე: „ვიგრძენი, რომ არ მქონდა სურვილი ისეთ ფილმში მეთამაშა, სადაც ყველა კაცი უკანასკნელი ნაძირალაა, ქალები კი, საძაგელი საქციელისთვის სამაგიეროს გადახდით საიმოვნებას განიცდიან. მე თვითონ არა ვარ ასეთი, მაგრამ, როცა ჩემი ყოყმანის შესახებ რეჟისორს ვაცნობე, ის სასამართლოთი დამემუქრა“.

ასეთია პოლიუელის ცხოვრების სინამდვილე — მუქარამ გაჭრა, მსახიობი კი შემინდა, რომ მას კიმ ბესინჯერის ბედის გაზიარება მოუწევდა: თავის დროზე კიმმა ჯარიმის სახით, რამდენიმე მილიონი დოლარი გადაიხადა, როცა უარი განაცხადა ფილმში — „ელენა ყუთში“ მონაწილეობაზე. თუმცა, ჰოუნმა სცენარში ცვლილებების შეტანა მოითხოვა და ამის შედეგად, სამი გმირი ქალის ხასიათი ნაკლებად აგრესიული გახდა. „ჩემი აზრით, განქორწინებული ქალის ერთადერთი შურისძიება ის უნდა იყოს, რომ, მიუხედავად ყველაფრისა, მაინც ბედნიერება მოიპოვოს. ერთხელ, ცხოვრების ერთ-ერთ უმძიმეს მომენტში ჩემს თავს სიტყვა მივეცი, რომ ყველაფერს მივალწევი ცხოვრებაში, რაზეც კი ოდესმე მიოცნებია. მე მგონია, რომ ჩემს მიზანს მივალწევი — მამასადამე „შურისძიება“ შედეგა“.





### ბიომონტი

ამერიკელი ვარსკვლავი ჯოდი ფოსტერი კანის წლევეანდელი – 54-ე კინოფესტივალის ჟიურის თავმჯდომარე იქნება. ამ პოსტზე მის დანიშვნას კინოს სამყაროში ბევრი იმით ხსნის, რომ ფესტივალის პრეზიდენტი ჟილ ჟაკობი ცდილობს, „გაათბოს“ ბოლო წლებში რამდენადმე გაცივებული ურთიერთობა პოლიეუდთან.

კინოს ფესტივალზე ჟიურის თავმჯდომარეებად აქამდე სამი ამერიკელი ყოფილა: 1980 წ. – კერკ დუგლასი, 1986 წ. – სიდნი პოლაკი და 1994 წ. – კლინტ ისტვუდი. თავმჯდომარე ქალთა ნუსხაში იყვნენ: სოფი ლორენი, ინგრიდ ბერგმანი, ფრანსუაზა საგანი, ჟანა მორო და იზაბელ აჯანი.

თავად ჟაკობი, რომელსაც ჯოდი ფოსტერი თავისი თაობის ერთ-ერთ საუკეთესო მსახიობად მიაჩნია, უარყოფს არჩევანის „პოლიტიკურ“ სარჩულს და აცხადებს: „ჯოდიზე მხოლოდ ამერიკის გამო როდი შევჩერდით. ის გამორჩეული მსახიობი და ინტელიგენტი ქალია, რაც იმის გარანტიას გვაძლევს, რომ თავმჯდომარე ძალზედ კორექტული იქნება ჟიურის სხვა წევრებთან ურთიერთობაში“.

საინტერესოა, რომ 38 წლის ამერიკელ ვარსკვლავს დედა ფრანგი ჰყავდა, თავად ორგზის „ოსკაროსანმა“ კი ფრანგული სპეცსკოლა დაამთავრა, საუცხოოდ ლაპარაკობს ფრანგულად, ძალზედ პოპულარულია საფრანგეთში, დიდ დროს ატარებს ხოლმე ამ ქვეყანაში და ცოტა ხნის წინ, საკუთარი ბინაც ჰქონდა პარიზის ცენტრში. 1984

წელს მან მონაწილეობა მიიღო კლოდ შაბროლის ტელეფილმში „უცხო სისხლი“, 1976-ში დააჯილდოეს კინოს ფესტივალის ოქროს პალმის რტოთი, სკორსეზეს „ტაქსის მძღოლში“ შექმნილი სახისთვის. ის თავს „ორი კულტურის შვილად“ მიიჩნევს და ამბობს, რომ ბავშვობიდან ოცნებობდა საფესტივალო ჟიურის თავმჯდომარეობაზე, ახლა კი იმის საშუალებაც მიეცა, „ფრანგული ენის, კულტურისა და კინემატოგრაფისადმი დიდი სიყვარული“ გამოამჟღავნოს.

### ღრმთვალი შემთხავლის წყაბატს ეძებს

ბრიტანული პრესა გაცხოველებით განიხილავს მოვლენას, რომელიც იმის თქმის საფუძველს იძლევა, რომ სამეფო ოჯახს სერიოზული ფინანსური პრობლემები აწუხებს: ელისაბედ მეორემ თავისი მარკების იმ უნიკალური კოლექციის ერთი ნაწილის გაყიდვის შესახებ გამოაცხადა, რომელიც ბრიტანელ მონარქთა რამდენიმე თაობას უგროვებია.

ელისაბედ მეორის მარკების კოლექცია მსოფლიოში ყველაზე ძვირფასად არის მიჩნეული. მასში დაცულია ინგლისში, 1840 წელს გამოშვებული, მსოფლიოში პირველი მარკა – „შავი პენი“, ერთ-ერთი ყველაზე ძვირად ღირებული ეგზემპლარი – „ცისფერი მავრიკი“ (საკატალოგო ფასი – 0,5 მლნ დოლარი).

ამჟამად სამეფო კოლექცია ბუკინგემის სასახლეში ინახება. მაისისთვის დაგეგმილ აუქციონზე, რომელიც ლონდონში გაიმართება, 1840-დან 1940 წლამდე გამოშვებული მარკები იქნება წარმოდგენილი. როგორც ვარაუდობენ, კოლექციის ეს ნაწილი 1 მლნ დოლარის შემოსავალს მოუტანს დედოფალს.



### საცხთაბჯმლის ბიუბამი


ახალი ათასწლეულის დამდეგს, ბევრი ვარსკვლავი ახალი უძრავი ქონების შერჩევა-შემქნით არის დაკავებული. მაგალითად, მაიკლ ჯექსონი შეერთებული შტატებიდან კარიბის კუნძულებზე გადაარგებას აპირებს და საამისოდ, 2,5 მლნ დოლარად ღირებულებული ვილა იყიდა, რომლის მეზობლად გვინეტ პულტორიუ და დაიანა როსი ცხოვრობენ.

მაიკლ ლუგლასმა და კეტრინ ზეტა-ჯონსმა კი ბერძუნის ერთ-ერთ კუნძულზე შეარჩიეს 1821 წელს აშენებული ორსართულიანი სახლი, რაშიც ასევე 2,5 მლნ გადაიხადეს. თუმცა გამუდმებით იქ ცხოვრებას წყველი არ აპირებს და კუნძულზე მხოლოდ დასვენების დღეებს გაატარებს.

ამერიკულ პრესაში ბევრს წერენ იმაზე, თუ თეორი სახლის შემდეგ, რომელ საცხოვრებელს აირჩევენ ბილ და ჰილარი კლინტონები. შარშან საპრეზიდენტო წყვილმა 1,7 მლნ დოლარად ნიუ-იორკში შეიძინა სახლი, ამ ცოტა ხნის წინ კი, ისინი ერთი ვაშინგტონური სახლის შესაკუთრებაც გახდნენ. 1951 წელს აგებული ამ შენობის მოწესრიგება მათ 2,85 მლნ დოლარი დაუჯდათ.



ერთ-ნახევარი საუკუნის წინ, 1851 წლის 1 თებერვალს, ინგლისის საკურორტო ქალაქ ბორნმუთში გარდაიცვალა პოეტ შელის მეუღლე და პოეტ ბაირონის მეგობარი, მწერალი — მერი შელი. მისი შემოქმედების მთავარი ქმნილებებია ისტორიაში პირველი მეცნიერული ფანტასტიკის ნიმუში, რომანი „ფრანკენშტაინი ანუ თანამედროვე პრომეთე“. თანამედროვე მითად ქცეული ფრანკენშტაინის ამბავი მთელი გასული ასწლეულის მანძილზე მოსვენებას არ აძლევდა კინემატოგრაფისტებს, ხოლო მასში ნამოჭრილ ეთიკურ პრობლემებს, როგორც ჩანს, გადაჭრა არც უნერია.



# qali, romelmac monstri Sva

## არჩევანი

1994 წელს ეკრანებზე გამოვიდა ინგლისელი რეჟისორი კენეტ ბრანის მიერ „ურჩხულ ფრანკენშტაინზე“ გადაღებული მორიგი კინოვერსია. ეს გახლდათ ყველასათვის ცნობილი ნაწარმოების, ფაქტობრივად პირველი კეთილსინდისიერი ეკრანიზაცია: ავტორებმა ფილმს „მერი შელის ფრანკენშტაინიც“ კი უწოდეს და ამით ერთგვარად გაასვენეს საზოგადოებას (განსაკუთრებით ამერიკელებს), რომ ფრანკენშტაინი, მონსტრი კი არა, ლეგენდარული და თავისებურად უბედური არსების შემქმნელი მეცნიერია. ეს მათ იციან, ვისაც რომანი წაუკითხავს, ასეთები კი, სამწუხაროდ, ცოტანი არიან. უნდა ითქვას, რომ ავტორის ცხოვრება და რომანის დაწერის ამბავი მის შინაარსზე არანაკლებ საინტერესოა.



მერი უოლსტონკრაფტ გოდვინი 1797 წლის 30 აგვისტოს ლონდონში დაიბადა და შეიძლება ითქვას, იმთავითვე შევიდა ლიტერატურულ სამყაროში, რადგან მერი ცნობილი მწერლების ოჯახში მოველინა ქვეყანას.

მამამისი — უილიამ გოდვინი, მწერალი და ფილოსოფოსი იყო, რომლის მოსწავლეებადაც პოეტები უორდსვორტი და კოლრიჯი ითვლებიან. დედამ სახელი გაითქვა, როგორც „ქალთა უფლებების დაცვის“ ტრაქტატის ავტორმა. ეს ნაშრომი, ინგლისში გამოქვეყნებული ერთ-ერთი პირველი ფემინისტური თხზულება იყო.

გოდვინების სახლში ლონდონის ყველაზე ცნობილი მწერლები იყრიდნენ თავს. კამათობდნენ აბსოლუტურად ყველაფერზე — ცხარედ, მაგრამ არასოდეს სცილდებოდნენ კორექტული დისკუსიის ფარ-

გლებს. მათ ინტერესთა სფეროში შედიოდა ხელოვნება, მორალი, რელიგია, მეცნიერება, რომელიც ის-ის იყო, ძალას იკრებდა...

მერის მშობლების ხელი პატარაობიდანვე აკლდა: დედამისი მშობიარობიდან 10 დღის შემდეგ გარდაიცვალა, მამა მუდამ საგამომცემლო პროექტებით იყო დაკავებული. გოგონა ბერს კითხულობდა, ესაუბრებოდა ცნობილ მწერლებს, ფილოსოფოსებს — მოკლედ, იმ ადამიანებს, ვისაც დღეს ინტელექტუალებს ვუწოდებთ.

ამ საუბრებისა და ურთიერთობების შედეგად მერიმ დამოუკიდებლად აზროვნების უნარი და შეუცნობლისაკენ ლტოლვა შეიძინა, რაც იმ დროის ინგლისელი ქალიშვილისთვის მეტისმეტად უჩვეულო გახლდათ.

შესაძლოა, სწორედ ამ ურთიერთობებმა გაუწია მომავალ მწერალს ცული, დათვური სამსახური, საზოგადოებრივი მორალის თვალსაზრისით, რადგან მერიმ, გარშემომყოფთა აზრის გაუთვალისწინებლად გადადგა ნაბიჯი, რომელმაც მისი მომავალი განსაზღვრა. შესაძლოა, დედამისს ეს გაემართლებინა კიდევ, მაგრამ ქვეყის საყოველთაოდ მიღებული ნორმების მკაცრი მიმდევარი მამა ქალიშვილს ამგვარ ქმედებას ნამდვილად ვერ აპატიებდა.

ერთ მშვენიერ დღეს გოდვინების სახლში გამოჩნდა ახალგაზრდა პოეტი (შემდგომში სახელგანთქმული) — პერსი ბიში შელი. 16 წლის მერის თავდავიწყებით შეუყვარდა 21 წლის ყმაწვილი, რომელსაც იმ დროისათვის უკვე მოესწრო დაქორ-





ჯორჯ ბაირონი

მერი შელი

პერსი შელი

წინება და საში შვილის მამაც განხლათ. უფრო მეტიც — მერი მისი საყვარელი გახდა. ამგვარი რამ მაშინდელ პურიტანულ ინგლისშიც იშვიათობას როდი წარმოადგენდა და ამ „ტკბილ“ წყვილსაც უფრო ფრთხილად რომ ემოქმედა, ალბათ არავითარი სკანდალი არ ატყდებოდა. მაგრამ საქმე ის იყო, რომ მერის საჭიროდ არ მიაჩნდა რაიმეს დამალვა.

მამასთან ცხარე კამათისა და შეხლავთ-შემოხლის შემდეგ, 1814 წელს, მერი მიჯნურთან ერთად საფრანგეთში გაემგზავრა, მაგრამ 1815 წელს, ფინანსური მდგომარეობის გაუარესების გამო, წვედლს უკან დაბრუნება მოუხდა. ამავე წელს მერი გოდვინს ქალიშვილი შეეძინა, რომელიც მალე გარდაიცვალა.

მერი შელის ცხოვრებაში მომხდარი მოვლენები დღემდე იზიდავს მწერლებსა და სცენარისტებს — ახლობლების სიკვდილი, პერსი შელისთან ქორწინება (ისინი 1816 წელს შეუღლდნენ — 20 დღეში მას შემდეგ, რაც დამხრჩვალ მშელის ცოლის გვამი, მდინარეში იპოვეს) საკმაოდ მიმოიღველი მასალაა... ამ ყველაფერს კი ემატება მისი რომანი — „ფრანკენშტაინი ანუ თანამედროვე პრობეთე“ (ანონიმურად დაიბეჭდა 1818 წელს) — მერის პირველი ლიტერატურული ნაწარმოები, რომელიც, საბოლოოდ, მისი შემოქმედების ძირითადი ქმნილებაც აღმოჩნდა.

**ნიგნი**

წიგნი გამოსვლამდე 2 წლით ადრე, 1816 წლის წვიმიან ზაფხულს დაიწერა. იანვარში მერის ბიჭი შეეძინა. ოთხი თვის შემდეგ კი იგი შელისთან და თავის ნახევარდასთან — კლერ კლერმონთან ერთად მთელი ზაფხულით შვეიცარიაში გაემგზავრა.

პერსის ჰყავდა მეგობარი, ლიტერატურულ წრეებში უკვე კარგად ცნობილი ახალგაზრდა პოეტი, საეჭვო რეპუტაციის არისტოკრატი, ქედმაღალი, შარიანი, გამჭირდავი და ქალთა გულების მპყრობელი — ჯორჯ გორდონ ბაირონი. სწორედ ბაირონმა მიიწვია მთელი ეს კომპანია ჟენევის ტბის სანაპიროზე მღვბარე ვილა დიოდატიში.

პერსი შელის მეუღლე ბაირონს „ითქმის გოგონად“ ეჩვენა. მაგრამ ეს გოგონა სრულებით არ ჰგავდა წარჩინებულ ოჯახებში აღზრდილ სხვა ემაწვილქალებს. მას მტკიცე ხასიათი და ავანტიურისადმი მიდრეკილება ჰქონდა.

მალე ვილის ბინადარ ახალგაზრდა ინგლისელებზე ჭორები დაიჩნდა. რას ადარებდნენ მათ ადგილობრივი ფერმერები: ეშმაკმა უწყის, იმ სახლში რა ხდება — გარყვნილება, ორგები და შავი მაგიის სეანსებიო...

მაგრამ არსებობს უტყუარი საბუთი იმისა, რომ იმ წვიმიან ზაფხულს ახალგაზრდები ვილაში მხოლოდ სიყვარულითა და იმ დროისათვის მოღური ოპიუმის წვეით არ იყვნენ დაკავებულნი — სწორედ შფოთიანი შვეიცარიული არდადეგების დროს დაიწერა „ფრანკენშტაინი“.

ერთ მშენიერ დღეს, მერი გოდვინმა კომპანიას (რომელშიც ბაირონის ექიმი, ასევე ლიტერატურით დაინტერესებული ჯონ ჰოლიდორიც შედიოდა) რომანის დაწერა შესთავაზა. რომანის ჟანრი გარემოებებმა განაპირობა.

საღამოობით მეგობრები თავს იქცევდნენ გერმანელი რომანტიკოსების თხზულებების კითხვითა და მეცნიერული პრობლემების განხილვით. საუბრობდნენ ატმოსფეროს აგებულებაზე, ევროპაში სულ ახლახან გამოგონილ ელექტრობასა და სიცოცხლის წარმოშობის საიდუმლოებაზე...

ამრიგად, გადაწყდა ჯერ ერთი, გოტიკური — კომპარებით, საიდუმლოებებითა და საბედისწერო ვნებებით სავსე, და, მეორე — იმ დროს მოღური მეცნიერული ჟანრის, თანაც ეშმაკეული ელემენტებით გაჯერებული

**ბორის კარლოვი ფილმში „ფრანკენშტაინის საცოლოე“ 1935 წელს**

რომანი შექმნათ.

მართალია, მამაკაცებმა მალე ხელი ჩაიქნიეს ამ განზრახვაზე, მაგრამ მერიმ საქმის ბოლომდე მიყვანა გადაწყვიტა. თუმცა, ის გრანდიოზულ გეგმებს არ სახავდა — უნდოდა, მხოლოდ შეექმნა ერთგვარი ინტერპრეტაცია ინგლისური გოტიკის ცნობილი ნიმუშებისა, მაგრამ გამოვიდა მსოფლიო ლიტერატურაში პირველი ნაწარმოები, რომელშიც დასმული იყო მეცნიერის მორალური პასუხისმგებლობის პრობლემა და — მრავალი კრიტიკოსის აზრით — წიგნი, რომელმაც სამეცნიერო ფანტასტიკის ჟანრს დაუღო სათავე.

მეორე გამოცემის წინასიტყვაობაში მერი შელი წერდა: „მინდოდა, ისეთი რამ შემექმნა, რაც მკითხველს საკუთარი სულის მანიკერებებს დაანახებდა, ისეთი, რაც მის სულში შიშს აღძრავდა და ძარღვებში სისხლს გაუყინავდა“. უნდა ითქვას, რომ მერი შელიმ საწადელს მიადწია. მის მიერ გამოგონილი ამბავი აგერ უკვე მეორე ასწლეულია, სისხლს უყინავს მკითხველებს.

წიგნის სიუჟეტი ასეთია: ახალგაზრდა ბაირონი და მედიკოს-მეცნიერი ვიქტორ ფრანკენშტაინი შეპყრობილია იდეით გაუტოლდეს და აჯობოს კიდევ თვით შემოქმედს: შექმნას ისეთი ცოცხალი არსება, რომელიც სამაგალითო იქნება ყველა მოკვლავისათვის. „ახალი ჯიში... დამლოცავს და ამამაღლებს, როგორც მის შემქმნელს; მრავალი სრულყოფილი და ბედნიერი არსება სწორედ ჩემი წყალობით მოველინება ქვეყანას“.

ექსპერიმენტი კრახით მთავრდება — სანიმუშო ადამიანი შემზარავად მახინჯი გამოდის. მონსტრის მაგვარი სუბიექტი ადამიანთა სამყაროში თავის ადგილს ვერ პოულობს და ხალხისგან დევნილი, ყველაფრის განადგურებას იწყებს. წიგნის





**XX საუკუნეში ფილმები ფრანკენშტაინზე თითქმის ყოველ ათწლეულში იქმნებოდა**

ფინალში კი მისი კვალი ჩრდილოეთის უკიდურეს სივრცეებში იკარგება. აღმიანის ნატურის დახვეწისათვის მხურვალედ მებრძოლი ექსპერიმენტატორი კი კვდება.

გარკვეული თვალსაზრისით, „ფრანკენშტაინმა“ მართლაც გამოიყვანა „ახალი ჯიმი“ – ლიტერატურული პერსონაჟისა. მის მიერ შექმნილი არსება ხომ თანამედროვე მეცნიერული ფანტასტიკის „რობოტების“ წინაპარია.

„ფრანკენშტაინში“ პირველად გამოიკვეთა დღეს აგრევიად აქტუალური კონფლიქტი – მორალისა და მეცნიერების ურთიერთდაპირისპირება, ხელნაწერი გონება, ვირტუალური რეალობა, კლონირება... ვისაც შემოქმედის როლში გამოსვლის ცთუნება მოეძალდება, ნებისმიერი სიურპრიზისთვის მზად უნდა იყოს.

მართლაც გასაოცარია, როგორ მოახერხა ამ ახალგაზრდა დებიუტანტმა მწერალმა ქალმა, თითქმის ორი საუკუნის წინ ამ პრობლემის არსში ჩაწვდომა.

**კინომითი**

მერი შელის რომანი მაშინვე აიტაცეს რეჟისორებმა. ცოტამ თუ იცის, რომ ისტორიაში ერთ-ერთი პირველი მხატვრული ფილმი სწორედ 1910 წელს, გამომგონებელ ტომას ედისონის ფირმაში გადაღებული „ფრანკენშტაინია“.

ხუთი წლის შემდეგ გამოჩნდა ახალი ვერსია – „ცხოვრება სულის გარეშე“, ხოლო 1931 წელს რეჟისორმა ჯეიმს უეილმა ურჩხულის როლზე არაჩვეულებრივი მსახიობი – საშინელებათა ფილმებით სახელგანთქმული ბორის კარლოვი (მისი ნამდვილი სახელი იყო უილიამ ჰენრი პრატი) მიიწვია. უეილის „ფრანკენშტაინის“ ეკრანებზე გამოსვლის შემდეგ, კარლოვი ამერიკული კინოს ლეგენდად იქცა: შემზარავმა, უსი-

ცოცხლო სახემ მასურებელზე წარუშლელი შთაბეჭდილება მოახდინა – მას შემდეგ ამერიკელები, ბეისბოლთან და სადღეგრეზინთან ერთად, თავიანთი „ურჩხული ფრანკენშტაინითაც“ ამაცობენ.

იმ დროიდან მოყოლებული, „ფრანკენშტაინის“ მოტივებზე“ კიდევ მრავალი ფილმი გადაიდგა. მაგალითად, 1957 წელს – „მე მოზარდი-ფრანკენშტაინი ვიყავი“, „ფრანკენშტაინი კოსმოსური ურჩხულების წინააღმდეგ“ (1965 წ.) და პაროდია „ახალგაზრდა ფრანკენშტაინი“. თუმცა თითქმის არც ერთ კინოვერსიას შელის რომანთან საერთო არაფერი ჰქონდა. ეკრანზე უმეტესწილად გამოჰყავდათ ყოველგვარი ტრაგიკული გაორებისგან თავისუფალი ბოროტი მონსტრი და უხამსი, შემლბლილი მეცნიერი-ექსპერიმენტატორი: ფილოსოფიური იგავი ორსახივანი პროგრესის შესახებ, კომერციულ „საფრთხოებლად“ აქციეს. მხოლოდ 1994 წელს, როცა ეკრანებზე კენეტ ბრანის სურათი გამოვიდა, პუბლიკამ მერი შელის ნაწარმოები გაიხსენა.

**ბოლოსიტყვაობა**

მერი შელის ცხოვრება „ფრანკენშტაინის“ გამოქვეყნების შემდეგაც არ ყოფილა ნაკლებდრამატული, მაგრამ ახლა ის მხოლოდ მწერლის ბიოგრაფებს თუ ანტერესებდათ. ლიტერატურის ისტორიკოსებისთვის კი „ფრანკენშტაინის“ შექმნის პროცესში მიმდინარე მოვლენებიც საკმარისი იყო (თუმცა 1826 წელს გამოჩნდა შელის მეორე რომანიც – „უკანასკნელი ადამიანი“).

„ფრანკენშტაინის“ ანუ თანამედროვე პრომეთეის“ გამოსვლიდან ოთხი თვეც არ იყო გასული, რომ მორიგი უბედურება დატრიალდა:

ერთი წლის ასაკში გარდაიცვალა შელის მეორე ქალიშვილი კლარა. შემდეგ, 1819-ში – მისი ვაჟი, სამი წლის უილიამი. 1822 წლის ივნისში მერის მუცელი მოეშალა, ერთი თვის შემდეგ კი, კიდევ ერთი უბედურება დაატყდა: ქმარი მეგობრებთან ერთად იახტაზე სასეირნოდ წავიდა და დაიხრჩო.

ცხოვრების აზრს მერი ახლა მხოლოდ შემოქმედებაში და კიდევ, რაღა თქმა უნდა, თავის ბიჭუნაში ხედავდა: პერსი ფლორენსი 1819 წელს დაიბადა და მერის ერთადერთი შვილი იყო, რომელიც ბედმა დაინდო.

იმხანად, ერთი წიგნის (თუნდაც ის ბესტსელერი ყოფილიყო) ჰონორარით ვერ იცხოვრებდი. ამიტომ მერის მოუხდა მეტისმეტად დამამცირებელი სასამართლო დავა შელის ოჯახთან, რომლის წევრებსაც „ოჯახის დამანგრეველი“ ქაღალის დანახვაც არ სურდათ და მისი შვილისთვის სიმბოლური ფულადი დახმარების გაღებაზეც უარს ამბობდნენ. მაგრამ მერამ სასამართლო პროცესი მოიგო და თავისას მიაღწია.

ამასობაში „ფრანკენშტაინმა“ მსოფლიოს დაპყრობა დაიწყო. მწერალს ლექციების წასაკითხად იწვევდნენ, ლიტერატურული სალონების კუმირები მასთან დამეგობრებას ცდილობდნენ, მერის მიმოწერა ჰქონდა დიზრაელისთან, კუპერთან, ირვინგთან, სტენდალთან, მერიმესთან... მოღური ერთდღიანი რომანებისაგან განსხვავებით, „ფრანკენშტაინი“ არ ძველდებოდა, უფრო მეტიც – ის საკულტო ნაწარმოები ხდებოდა.

მერი შელი 1851 წლის 1 თებერვალს წავიდა ამ ქვეყნიდან. იგი ინგლისის ქალაქ ბორნმუთში, წმ. პეტრეს ტაძრის სასაფლაოზეა დაკრძალული.

**მომგზავლა ნატო ჩხაიძემ**

**1994 წ. „მერი შელის ფრანკენშტაინი“ (მონსტრის როლში – რობერტ ლე ნირო)**



# არის სკოლა იყო პარტიანი თუ პლასტონი

ბოლო წლებში ბევრი გვსმენია ადამიანის უფლებათა საყოველთაო დეკლარაციის შესახებ, ზოგ ჩვენგანს უნახავს და წაუკითხავს კიდევ მისი ცალკეული მუხლები მაინც. მაგრამ ცოტა ვინმემ თუ იცის, როგორ შეიქმნა იგი, ვინ და რა გარემოებებში ითავა ამ უმნიშვნელოვანესი დოკუმენტის მიღება, რომელიც იმის ღირსი აღმოჩნდა, რომ საყოველთაო ეწოდებინათ.

ეს მოხდა უკვე გასულ საუკუნეში, უფრო ზუსტად – 1948 წლის 10 დეკემბერს, გაერთიანებული ერების ორგანიზაციის გენერალური ასამბლეის 183-ე პლენარულ სხდომაზე, რომელიც საფრანგეთის დედაქალაქის – პარიზის შაიოს სასახლეში გაიმართა.

დეკლარაციის პროექტზე მუშაობა ჯერ კიდევ 1946 წლის ივნისში დაიწყო. მისი შემუშავება საგანგებო კომისიას დაეკისრა, რომლის სული და გული, გაეროში აშშ-ის წარმომადგენელი, პრეზიდენტ ფრანკლინ რუზველტის ქვრივი – ელენორა, ხოლო მორგანიზებელ ფიგურად ფრანგი იურისტი რენე კასენი იყო. კომისიაში ინგლისის, ლიბანის, ბელგიის, კანადის, ავსტრალიისა და ინდოეთის წარმომადგენლები შედიოდნენ. ნიშანდობლივია, რომ საბჭოთა კავშირი დიდად არ დაინტერესებულა ამ წამოწყებით, თუმცა 1947 წლის დეკემბერში მაინც მიაგლინა კომისიაში თავისი წარმომადგენელი, რომელიც იმ-თავითვე ცდილობდა, ადამიანის პოლიტიკურ უფლებებზე მადლა, სოციალურ-ეკონომიკური წამოეწია.

1948 წლის ივნისში დეკლარაციაზე მუშაობის დასკვნითი ეტაპი დაიწყო, შემოდგომაზე კი კომისიამ თავისი პროექტი გაეროს ე.წ. მესამე კომიტეტს გადასცა, რომელმაც მის განხილვას 85 სხდომა მიუძღვნა. ნიდერლანდები ღმერთის,



ელენორა რუზველტი ადამიანის უფლებათა დეკლარაციის თაობაზე რადიოთი გამოსვლისას, 1948 წ.

როგორც ყოველგვარი სამართლის საწყისის ხსენებას მოითხოვდნენ, დიდი ბრიტანეთი კოლონიების უფლებათა პუნქტის წინააღმდეგ ილაშქრებდა, სამხრეთაფრიკულ კავშირს მიუღებლად მიაჩნდა სტატია რასების თანასწორობის შესახებ, მუსულმანურ ქვეყნებს – სინდისის თავისუფლების დებულება, აშშ-ის – ეკონომიკურ უფლებათა კონცეფცია. მიუხედავად ყველა ამ დიდი დაბრკოლებისა, ტექსტის საბოლოო მიღება მაინც მოხერხდა.

გენერალურ ასამბლეაზე ჩატარებული კენჭისყრა ამგვარად დასრულდა: მომხრე – 48 სახელმწიფო, წინააღმდეგი – 0, თავი შეიკავა 8-მ. „თავშეკავებული“ 6 ადმოსავლეთეფროპული ქვეყანა აღმოჩნდა: საბჭოთა კავშირი, უკრაინა, ბელორუსია, პოლონეთი, ჩეხოსლოვაკია და იუგოსლავია, რომლებსაც „მხარს უმშვენებდნენ“ სამხრეთ აფრიკა და საუდის არაბეთი. კომუნისმი, აპარტეიდი და ისლამური ფუნდამენტალიზმი შემთხვევით როდი აღმოჩნდნენ ერთად. ყველა ეს თეორია ადამიანს განიხილავს, როგორც განუყოფელ ნაწი-

ილს ერთი მონოლითური, მთლიანი ორგანიზმისა – კლასობრივი იქნება ის, რასობრივი თუ კონფესიური. დეკლარაცია კი, ადამიანის ავტონომიურობის აქსიომატური ტემპარიტებიდან გამოდიოდა.

რომელია საწყისი – ნაწილი თუ მთელი? ეს ურთულესი ფილოსოფიური პრობლემაა, რომლის გადაწყვეტა ბრძენკაცთათვის იმის საფუძველს წარმოადგენდა, თუ როგორ უნდა მოწყობილიყო იდეალური საზოგადოება. ჯერ კიდევ პლატონი ამტკიცებდა, რომ პიროვნებას არ შეიძლება, სახელმწიფოს ინტერესებისგან განსხვავებული მისწრაფებები ჰქონდეს. არისტოტელე სრულიად საპირისპირო პოზიციაზე იდგა. შაიოს სასახლეში, პლატონის სახელით, მოსკოვიდან ჩასული ანდრე ვიმინსკი გამოდიოდა, არისტოტელეს სახელით კი – ელენორა რუზველტი.

შემდგომი მოვლენები ცნობილია: ტერმინმა „ადამიანის უფლებები“, მყარი ადგილი დაიმკვიდრა კაცობრიობის ცხოვრებაში. ერთხანს ის ცივი ომის თავისებურ მახვილად და დისიდენტური მოძრაობის დროშად გვევლინებოდა. დეკლარაციის ტექსტი კომუნისტური ბანაკის ქვეყნებში ნახევრად ლეგალურად ვრცელდებოდა. „ადმოსავლეთ ევროპის ბლოკის“ დაშლის შემდეგ კი იმ, ე.წ. „ბურჟუაზიულ“ უფლებათა იდეების ტრიუმფის მოწმენი გახდით, რომლის სულისკვეთება სწორედ დეკლარაციაში იყო ჩადებული. ისტორიას ჩაბარდა კომუნისმიც, სამხრეთაფრიკული აპარტეიდიც, ლათინოამერიკული სამხედრო რეჟიმები. თუმცა, არც მთლად ასე „ვარდისფერად“ არის საქმე. მაგალითად, სავსებით კაპიტალისტური სამხრეთ-აღმოსავლეთ აზია ტოტალურ ჩინეთზე არანაკლებ ეწინააღმდეგება ამ კონცეფციას. ცოტა ვინმე თუ გაიხსენებს ადამიანის უფლებებს აფრიკისა და ახლო აღმოსავლეთის ქვეყნებში, ყოფილი კომუნისტური ბანაკის ბევრ მოქალაქეს კი გული აუცრუვდა ახლოდან დანახულ დასავლურ ღირებულებებზე, რომელიც მისთვის კვლავ მიუწვდომელი რჩება... დაბოლოს, თვით დასავლეთმაც რამდენადმე დაივიწყა პიროვნების ავტონომიის უფლებები და სულ უფრო მეტად იტაცებს ჯგუფების, უმცირესობათა თუ ველური ბუნების ინტერესები. ნაციზმის სამინილებათა რეაქციად 1948 წელს შობილი დეკლარაცია კი სულ უფრო მიაძინებდა ეჩვენებათ. რა ვუყოთ – სამაგიეროდ, ეს უმაღლესი სინჯის მიაძინებობაა, რომელიც მუდამ, მხოლოდ რჩეულებს ახასიათებდათ...



# კვირის (12 - 18 თებერვალი) ასტროლოგიური პროგნოზი

## პირველი - 21/1-19/1



ეს კვირა არანორმალური სისწრაფით გაირბენს. მოვლენები, სახეები და ფრაზები თქვენს ცნობიერებაში წამიერად გაიფლვებს და გაქრება. მხოლოდ პარასკევისთვის შეძლებთ ამოსუნთქვას. ეს შესვენება გონივრულად გამოიყენეთ, თორემ შესაძლოა, თქვენმა მიჯნურმა მოიწყინოს.

## თხევამი - 20/1-20/11



თქვენი სამსახურებრივი მდგომარეობით, ხელფასითა და კარიერის ზრდის ტემპით უკმაყოფილო ხართ, მაგრამ ნაჩქარევ გადაწყვეტილებას ნუ მიიღებთ, გვერდზე გაიხედეთ და თავი დაიმშვიდეთ. რა დროს სამსახურზე ფიქრია - კვირის ბოლოს საოცარი თავგადასავალი გელით.

## მშვიდი - 21/11-20/11



ორ შაბათი და სამშაბათი ძალიან ხელსაყრელია ნებისმიერი პრაქტიკული პრობლემის მოსაგვარებლად. კვირის მეორე ნახევარში კი მრავალი შეხვედრა და დიდი ხნის უნახავი ნათესავების სტუმრობა გელით. უქმეებში თქვენს ცხოვრებაში მოულოდნელი და სასიამოვნო გარდატეხა მოხდება.

## კბრ - 21/11-21/11



ერთადერთი ნეგატიური დღე თქვენთვის ამ კვირაში ოთხშაბათია - დალილობა მოგეძალებათ და ძალზედ იოლი დაბრკოლების გადალახვასაც ვერ შეძლებთ. კვირის დანარჩენ დღეებში, მართალია, ბევრი შრომა მოგიწევთ, მაგრამ წარმატება არ დააყოვნებს და თქვენი ავტორიტეტიც საგრძნობლად ამაღლებს.

## მარცხი - 22/1-21/11




ლიდერობის დაუოკებელი სურვილი გაგიჩნდებათ. არაჩვეულებრივ ორგანიზატორულ ნიჭს გამოავლენთ და ნებისმიერი ადამიანის თქვენს მხარეზე გადმობრუნებას შეძლებთ. კვირის ბოლოსთვის კი, შესაძლოა, შორეულ და ხანგრძლივ მივლინებაში გაემგზავროთ.

## მირჩხი - 22/11-22/11



ეს კვირა საკმაოდ მოულოდნელი და ერთი შეხედვით, სახიფათო მოვლენებით დაიწყება, მაგრამ თავი ხელში აიყვანეთ და ნუ ეცდებით, ცვლილებები თავიდან აიცილოთ, რადგან ის ახლა, ისე გესაჭიროებათ, როგორც არასდროს - მით უმეტეს, რომ ნებისმიერი სიახლე თქვენს ცხოვრებას უკეთესობისკენ შეცვლის.

## ლომი - 23/11-23/11



თქვენი უტყუარი ალღო და ნებისმიერი პრობლემის არსში წვდომის არაჩვეულებრივი ნიჭი ძალიან დაგეხმარებათ იურიდიული დოკუმენტების გაფორმებასა და მომგებიანი კონტრაქტების დადებაში. პარასკევს სამსახურში ბევრი უსიამოვნება მოხდება, მაგრამ ეს ყველაფერი პირადად თქვენ არ შეეხებათ.

## ქალწული - 24/11-23/11



ეს კვირა ნორმალურად ჩაივლის, თუ თქვენი სამუშაო ინსტრუმენტებთან და ქალაქდებთან არის დაკავშირებული და არა ადამიანებთან. მაგრამ თუ სამუშაოს სპეციფიკა ადამიანებთან ურთიერთობას მოითხოვს, პრობლემებს ვერ გაექცევით, რადგან მოზღვავებული ემოციები ყველაფერში ხელს შეგიშლით. და კიდევ, ყურადღება მიაქციეთ ჯანმრთელობას.

## სასწორი - 24/11-23/11



მთელი კვირის მანძილზე გულჩათხრობილი იქნებით. ზედმეტად კრიტიკულად ნუ განსჯით საკუთარ თავს და ეცადეთ, უკეთ გაერკვეთ საკუთარ პრიორიტეტში, მიზნებსა და ამოცანებში. თუ ჩვენს რჩევებს გაითვალისწინებთ, უქმე დღეებში ოპტიმიზმის ნაპერწკალიც ჩაგესახებათ.

## ღრისხალი - 24/11-22/11



თუკი აქამდე სხვის იმედზე ყოფნას იყავით მიჩვეული, დროა გადაეჩვიოთ, რადგან ახლა თქვენს ცხოვრებაში ისეთი ეტაპი დგება, როცა ნებისმიერი საქმის წარმატებით დაგვირგვინებას მხოლოდ თვითდისციპლინითა და საკუთარი ძალებით შეძლებთ.

## მევიღობისანი - 23/11-21/11



ერთ ადგილზე ვერ ისვენებთ. მოზღვავებული ენერჯის წყალობით, დღის განმავლობაში ყველა საქმის მოგვარებას მოახერხებთ, სადამოებით კარგად დასვენებასა და გართობასაც მოასწრებთ, ღამეებს, როგორც მოგესურვებათ, ისე გაატარებთ და დილაობით კვლავ გასაოცარი ენერჯით შეუდგებით საქმეს.

## თხის რამ - 22/11-20/11



ოთხშაბათამდე ყველაფერი ჩვეული რიტმით და მშვიდად მიედინება. მომდევნო დღეებში კი ძალიან დაძაბული იქნებით და ნებისმიერი უნებმუნა მოთმინებიდან გამოვიყვანთ. მაგრამ მიუხედავად ამისა, პარასკევი მაინც პოზიტიური დღე იქნება. შაბათ-კვირას მეგობრებთან ერთად დაისვენეთ და ეცადეთ, ყველა პრობლემა დროებით მაინც დაივიწყოთ.




# როგორი ფსიქოლოგი ხართ?

ყველა ჩვენგანს უნევს სხვისი საქციელისა და პროვინული ღირსებების შეფასება, ეს კი საკმაოდ რთულია.

მოცემული ტესტი დაგეხმარებათ იმის დადგენაში, გაქვთ თუ არა ფსიქოლოგის მონაცემები და შეგიძლიათ თუ არა ადამიანების ობიექტურად შეფასება.

კარგად დაფიქრდით და ისე ამოარჩიეთ თქვენთვის შესაფერისი პასუხი:

- 1) თქვენი აზრით, ყოველთვის კარგი მანერების მქონე ადამიანი:
  - ა) ურთიერთობაში სასიამოვნო და ბუნებით კეთილია - 2;
  - ბ) მკაცრად არის აღზრდილი - 4;
  - გ) უბრალოდ სურს, თავისი ნამდვილი ხასიათი დამკვლოს - 1.
- 2) თქვენი აზრით, ცოლქმარი, რომელიც არასოდეს ჩხუბობს:
  - ა) ბედნიერია - 2;
  - ბ) ერთმანეთის მიმართ გულგრილია - 1;
  - გ) არ ენდობა ერთმანეთს - 4.
- 3) თუ ადამიანი, პირველ შეხვედრისთანავე გიყვებათ ანეკდოტებს და მხიარული ამბებით გართობთ, ფიქრობთ რომ ის:
  - ა) სიტყვამოსწრებულაა - 1;
  - ბ) თავს უხერხულად გრძობს და ამით უსიამოვნო სიტუაციიდან გამოსვლას ცდილობს - 2;
  - გ) კარგი შთაბეჭდილების მოხდენა უნდა თქვენზე - 4.
- 4) თუ თქვენი მოსაუბრე აქტიურად იშველიებს შესტიკულაციას, მიგაჩნიათ, რომ ის:
  - ა) ღელავს - 4;
  - ბ) არ არის გულწრფელი - 1.
- 5) თუ გადაწყვიტეთ, ერთი თქვენი ნაცნობთაგანი უფრო ახლოს გაიცნოთ, ამისათვის:
  - ა) მიიწვევთ მას თქვენი მეგობრების წრეში - 1;
  - ბ) თვალყურს ადევნებთ, როგორ იქცევა სამსახურში - 2.
- 6) თუ თქვენი თანმზლები რესტორანში ოფიციანტს საკმარისზე ბევრად მეტ გასამრჯელოს აძლევს, მიგაჩნიათ, რომ:
  - ა) კარგი შთაბეჭდილების მოხდენა სურს - 4;
  - ბ) ოფიციანტის კარგი განწყობის მოპოვებას ცდილობს - 2;
  - გ) მეტისმეტად გულუხვია - 1.



- 7) თუ ადამიანი არასოდეს იწყებს საუბარს პირველი, თქვენი აზრით, ის:
  - ა) გულჩათხრობილია და არც აზრთა ურთიერთგაცვლა უყვარს - 2;
  - ბ) მეტისმეტად მორცხვია - 4;
  - გ) ფიქრობს, რომ მის ნათქვამს სწორად ვერ გაიგებენ - 1.
- 8) თქვენი აზრით, ადამიანის ვიწრო შუბლი იმაზე მეტყველებს, რომ:
  - ა) გონებაშეზღუდულია - 1;
  - ბ) ვიუტია - 2;
  - გ) მხოლოდ ამის საფუძველზე ადამიანზე მსჯელობა არ შეიძლება - 4.
- 9) რას ფიქრობთ იმ ადამიანის შესახებ, რომელიც მოსაუბრეს თვალებში არ უყურებს?
  - ა) თავდაჯერებულობა აკლია - 1;
  - ბ) არ არის გულწრფელი - 4;
  - გ) მეტისმეტად დაბნეულია - 2.
- 10) თუ საკმაოდ სოლიდური შემოსავლის მქონე ადამიანი ყოველთვის იაფფასიან ნივთებს იძენს, თქვენი აზრით, ის:
  - ა) ხელმომჭირნეა - 4;
  - ბ) მოკრძალებულია - 2;
  - გ) უბრალოდ, ტუნწია - 1.

## შეაჯამეთ მიღებული ძულები და შედეგი პასუხებში მოძებნეთ

**35 და მეტი ძულა:** ძალიან ადვილად შეგიძლიათ ადამიანის შეფასება. თქვენთვის ერთი შეხედვაც საკმარისია, რომ გამოიცნოთ, ვინ დგას სინამდვილეში თქვენ წინ. თავს მოვალედ თვლით, შექმნილი აზრი სხვებსაც გაუზიაროთ, რადგან დარწმუნებული ხართ, რომ არ შეცდებით. მაგრამ განა საჭიროა ყველას გააგებინოთ, ვინ რას წარმოადგენს სინამდვილეში?! ამით თქვენ მხოლოდ ახლობლების გაღიზიანებას გამოიწვევთ.

**26-34 ძულა:** იმის უნარი შეგწევთ, რომ ობიექტურად შეაფასოთ შექმნილი სიტუაცია და გარემომოყოფი ადამიანები. თქვენ ნამდვილი „ყონოსა“ გაქვთ ადამიანებზე და არ გიჭირთ სხვისი ხასიათის გამოცნობა. შესანიშნავი ფსიქოლოგი შეიძლება და ყოფილიყავით - თავისუფლად შეგიძლიათ მოიქცეთ ისე, რომ ვინმემ თავს არ მოგახვიოთ თავისი აზრი, რადგან გსურთ, თავად შეაფასოთ ადამიანის ქცევები და ხასიათი. იმის ძალაც შეგწევთ, რომ

დროულად აღიაროთ საკუთარი შეცდომა და გამოასწოროთ იგი.

**16-25 ძულა:** უმეტეს შემთხვევაში თქვენ არ ხართ თავდაჯერებული და ადვილად ექცევით სხვისი გავლენის ქვეშ. ამით სიტუაციის რეალურად აღქმის უნარს იქვეითებთ და შესაძლოა, ერთ მშვენიერ დღეს, საკუთარი აზრის მკაფიოდ ჩამოყალიბებაც ვეღარ შეძლოთ. შეეცადეთ, ერთხელ მაინც შეიქმნათ საკუთარი აზრი გარემომოყოფთა მიმართ და ნაკლებად გაიზიაროთ სხვისი შეხედულებები.

**15 და ნაკლები ძულა:** თქვენ გიყვართ სხვისი აზრების მოსმენა და გჯერათ კიდევ მისი. მეტისმეტად მიმდობი ხართ და ადამიანებზე მხოლოდ გარეგნობის მიხედვით მსჯელობთ. ხოლო როცა აღმოჩნდება, რომ თქვენი შეფასება არასწორი იყო, გიკვირთ და გუნება გიფუჭდებათ. თუ ასე გააგრძელებთ, ხშირად შეცდებით ადამიანების შეფასებაში.

# ბოხბდიანი ჰხოთეზი

თურმე კუსთოვის 50 წელი გაფურჩქენის ხანა ყოფილა, მაგრამ სწორედ ამ ასაკის დროს მძიმე სენი შეჰყარია და ბრიტანეთის ქალაქ ლიდსის ვეტერინარული ქირურგიის განყოფილებაში რთული ოპერაციის გაკეთება დასჭირდა. სიკვდილს კი გამოსტაცეს, მაგრამ ნაწილობრივ მაინც პარალიზებული დარჩა — უკანა ფეხები წაერთვა.

მისი შემხედვარე გულმოწყალე ვეტერინარი სტიუარტ მაკარტური, გამუდმებით ეძებდა უჩვეულო გამოსავალს და სრულიად მოულოდნელად, თავისი მცირეწლოვანი ქალიშვილის ოთახში „იპოვა“: მისი კონსტრუქტორის გამოყენებით ბორბლიანი პროთეზი დაუმზადა დორისს და მოხერხებულად მიამაგრა კუს ჯავშანს. დორისი საუცხოოდ გრძნობს თავს და ჩვეულებრივ კუსე გაცნობებით სწრაფადაც მოძრაობს.




# გათეთხების „ეპიდემია“

ამერიკელები სრულიად შეიშალნენ ე.წ. „პოლივუდური ღიმილის“ გამო — ქვეყნის მთელი მოსახლეობა დროს მხოლოდ იმაზე ფიქრსა და ზრუნვაში ატარებს, რომ რაც შეიძლება მეტად გაითეთროს კბილები. სწორედ ეს გახლავთ დღეს აშშ-ში ყველაზე პოპულარული კოსმეტიკური პროცედურა, რომლის ღირებულება, ზოგ შემთხვევაში, 500 დოლარამდე აღწევს. გარდა ამისა, ამერიკაში უშვებენ უამრავ კბილის პასტას, საშინაო პირობებში კბილების გასათეთრებლად საჭირო მრავალგვარ ნაწარმსა და სტომატოლოგიური კაბინეტის პროფესიულ კომპლექტს. სულ ბოლო დროის ტენდენციას, სპეციალური „კბილგამწმენდი“ კუროსტების გახსნა, რომელთა რიცხვმა უკვე 17-ს მიაღწია. კოსმეტიკური სტომატოლოგიის ნიუ-იორკელი სპეციალისტის, ლარი როზენტალის თქმით, ამ გატაცების მთავარი მიზეზებია ქვეყანაში გაბუფებული საყოველთაო კეთილდღეობა, ცხოვრების ჯანსაღი წესისა და ახალგაზრდობის გახანგრძლივებისკენ სწრაფვა.

# უჯანონო ბიზნესი

ტაილანდის დედაქალაქ ბანგკოკში ფრიად უცნაური არალეგალური ბიზნესია გავრცელებული: მისი მიმდევრები სპილოების ჯუნგლებიდან გამოყვანას ახერხებენ, რათა ევზოტიკის მოყვარულ ტურისტებს ამ ცხოველებთან სურათის გადაღების საშუალება მისცენ, რისთვისაც რამდენიმე დოლარს ახდევინებენ. არალეგალური კი ეს საქმიანობა იმიტომ არის, რომ ტაილანდში სპილოებს საგანგებო კანონი იცავს, ამიტომ, ხელისუფლების გადაწყვეტილებით, მათ კანქვეშ მიკროჩიპებს უნერგავენ: ამ გზით აღვილდება ცხოველთა გადაადგილების დაფიქსირება და „ბოროტმოქმედის“ გამოჭერა.



# ფანტაზია • ფანტაზია • ფანტაზია • ფანტაზია

ჩვენი ჟურნალის წინა ნომერში შემოთავაზებული რუბრიკის — „ფანტაზიის“ პასუხად მკითხველთა მიერ გამოგზავნილი ქვითრების მიხედვით, გაიმარჯვა ბატონმა თემურ მღებრიშვილმა. ვულოცავთ ბატონ თემურს და ვუსურვებთ წარმატებებს!

## უკანასკნელი ტანგო... თბილისში

(მკითხველის გვარი, სახელი)

(ცნობილი პიროვნებები)

ამ რუბრიკით თქვენი წარმოსახვის გავარჯიშებას ვთავაზობთ. გაითვალისწინეთ ჩვენი კომენტარი და ფოტოზე აღბეჭდილ სახეს ის ცნობილი პიროვნება მოარგეთ, რომელიც ყველაზე მეტად მოუხდება. ჟურნალის შემდეგ ნომერში ფოტო იმ პიროვნების სახით გამოქვეყნდება, რომელიც ყველაზე მეტ ხმას დააგროვებს. ვთხოვთ, შეავსოთ ქვითარი და პასუხები გამოგვიგზავნოთ, თბილისში განთავსებული „კვირის პალიგრის“ საფოსტო ყუთების საშუალებით. ქვითარი ჩააგდეთ სამშაბათის (13 თებერვლის) 13 საათამდე.

„ფანჯარია“



სეისაბიძე  
უკანასკნელი  
განაკ...

„ფანჯარია“  
მკითხველი



მოთხიერებული

612/7



**მოქნილად გოგონაო!**

**აქ შეიძლება თქვანი  
ფოტო დაიგაჟდოს!**

თქვენი ფერადი სურათი,  
საკონტაქტო ტელეფონის  
მითითებით გამოგვიგზავნეთ  
„კვირის პალიტრის“ საფოსტო  
ყუთების საშუალებით.

**„გზის“ ფოტოგრაფები**

**მზად არიან ასალი**

**ფოტოსახევის შესაქმნელად!**